







۳۰	۱۰۵	ملا جامینک حسب حالی ترجمه سی
۳۱	۱۰۹	بر « نعت شریف » دن
۳۲	۱۱۲	سجده
۳۳	۱۱۶	تمجید
۳۴	۱۱۸	نعت شریف
	۱۲۱	شاگردان طرفدن توسیع اولان جق موضوعلر



معراجیه	۱۳	۴۵
« حلیه خاقانی » دن	۱۴	۴۹
« حلیه خاقانی » دن	۱۵	۵۱
چو جق سسی	۱۶	۵۴
حسن خلق	۱۷	۵۶
الحان شتا	۱۸	۶۳
بر « نعت شریف » دن	۱۹	۶۶
ولی نعمت بی منتمز پادشاهمز افندمز حضرت المربك	۲۰	۶۹
اوصاف معالی اوصاف خلافت پناهیلرینی متضمن		
بر منظومه		
کوزلر	۲۱	۷۴
نعت شریف	۲۲	۷۶
بهار	۲۳	۸۱
بر « نعت شریف » دن	۲۴	۸۶
لوحه	۲۵	۸۹
فخریه	۲۶	۹۱
بوده بر شعر محزن دیگر	۲۷	۹۳
مکتب	۲۸	۹۸
بهاریه	۲۹	۱۰۲

فهرس

صفحه		
۳	۱	توحید
۶	۲	نعت حضرت پیغمبری
۸	۳	ستایش حضرت پادشاهی
۱۰	۴	اجداد معالی نژاد حضرت پادشاهیدن جنتمکان
		سلطان احمد خان اول حضرتلری وصفنده برقصیده
۱۶	۵	نعت حضرت پیغمبری
۱۸	۶	توحید و تمجید باری
۲۲	۷	خاطره بدر کبری
۲۳	۸	عسا کر نصرت مائر حضرت پادشاهینک اوصاف
		برگزیده بسالته دائر
۲۶	۹	روضه مطهره حضرت نبوی وصفنده برقصیده
۳۲	۱۰	« ذات النطاقین » دن
۳۶	۱۱	کبوتر
۴۲	۱۲	اجداد مکارم نژاد حضرت شهنشاهیدن فردوس
		آشیان سلطان احمد خان اول حضرتلری وصفنده
		برقصیده دن

از میر بیروت طربزون) اوج دردینک موقع جغرافیسی و اهمیت
تجاریه سی حقندہ و معلومات.

∴

۳۳

قیون و کچی

قیوز و کچی فصل اسلایرہ ہر ایکسینک طبیعتلرینک مقایسہ سی.
ہر ایکسینک منافی.

صوک



الك زياده بيلديك كز نبا نادن بر قاجنك اصول زرعى حقننده معلومات.

∴

۳۹

زراعت

حال ابتدائیده اولان اقوام يالكز قره ود كزده صيد ايله
تعيش ايتدكاري جهتله معيشتلى محدود ایدی . زراعت
بو معيشته وسعت ويره شد . زراعتك مدنيتجه مستلزم
اولدنی فوائد.

∴

۴۰

ليمانلر

ممالك محروسه شاهانهك باشليجه ليمانلرندن (مثلا سلانيك

درسلىرى بىر بىر سوپىلەرك ھەر يىنك منافىنى وبونلىرى او قوق
كوردىك ھركس ايجون لازم اولدىنى اتبات ايدىيور .

∴

۶۹

تعليم نبات

قېزىلرە دىكش . طباخت كې او ايشلىرى تعليمك اهمىتى .

∴

۳۰

بوستان

بوستان نەدر ؟ بوستاندە يتشديريلان نباتامك باشلىجەلىرى .

۶۷

بدایع

صناعات بدیعه نه در؟ قاچه تقسیم اولنور؟ (شکلیه، صوتیه)
 یکدیگرندن فصل تفریق اولنور؟ هر قسمك انواعی (معمارلق)
 هیکلتراشلق، رسم، موسیقی، ادبیات.

..

۶۸

تحصیلک لزومی

بری، ایی تحصیل ابتدائی کورمش، ایکنجیسی برشی
 او قومامش ایکی چوجق اره سنده بر مکالمه. ایکنجیسی «او قومه نك
 نه فائده سی وار؟» دیور. برنجیسی مکاتب ابتدائیه ده تعلیم اولنان

ایندیکی استاسیونلرک باشلیجہ لری واورالرک مواقع جغرافیہ
و محصولات ارضیہ سی حقندہ معلومات .

..

۶۵

نظامت

نظامتک لزوم ووجوب و منافعی .

..

۶۶

رسم

رسمک انواعی حقندہ معلومات .

..

۲۳

اصول مطالعه حقنده وصایا

مطالعه دن حقیله استفاده ایتک نه صورتله ممکن اوله جنه،
 دائر اسکی شاگردان دن برینک استفسارینه جواباً بر معلوم طرفدن
 مکتوب یازمجه سکر: یواش یواش او قوملی، هیچ بر جمله بی،
 بر کله بی مناسبی ا کلا. قسزین کچمه ملی، کلامک حاوی اولدینی
 افکاری تدقیق ایتلی، اندن صکرده دهنده خلاصه ایتلی.

..

۲۴

تیمور یول سیاحتی

استانبولدن انقرهیه قدر تیمور یول سیاحتی. قطارک توقف

۲۱

انسانك احتیاجات طبیعیہ سی

انسانك اعمال بدنیه ایلہ ، یمك ، ایچمك ، اویومق ایلہ
وجودینی تقویه به احتیاجی و بو احتیاجاتدن برینك عدم ایفاسی
حالده ترتب ایده جلك، مضرت .

..

۲۲

موالید ثلثه

موالید ثلثه ندر ؟ معادن ، نباتات ، حیوانات بربرندن
نصل تفریق اولنور ؟ هر اوجنی بربرندن آیرمق ایچون برقاج
مثال .

..

۹۹

ممالك شاهانه نك محصولات ارضيه سی

ممالك محروسه شاهانه نك قابليت ارضيه سندن بحث ايله باشلیجه
محصولاتی آمداد و توصیف ایدیلجه جکدر.

∴

۶۰

جغرافیادن

اوروپا قطعه سی تشکیل ایدن عـالـمـکـ اقلیمی و باشلوجـه
محصولاتی بیان و توصیف اولنه جکدر.

∴

۱۷

بر قیز ایچون اك ایی جهاز نه در ؟

هر درلو جهاز صرف واستعمال ایله ختام بوله بیلیر . لیکن
بر قیزك اداره یتیه یه ، اقتصاده الشدیرلمسی اکسیلمز یتیمز
بر جهاز در . خانهك مسعودیق قادینلرك حسن اداره سنه منوطدر .

*
* *

۱۸

محبت ، سعی

حالشقان ایله تذبلك مقایسه سعی . سعی واستغاله محبتك اصحابنه ،
مملکتیه فائده سعی . ارباب مساعینك نائل اوله جفی ممدوحیت وایفای
وظیفه ایتسمدن طولانی حس ایده جکی محظوظیت .

*
* *

۱۵

آتش

آتشك انسانلره لزومی. بعض صنایعده استعمالی.

*
* *

۱۶

بر لوحه طلوع

طلوع تصویر اولنه جقدر.

*
* *

۱۳

وظائف بیتیہ

ابویک اولادی واولادک ابویک حقنبدہ کی وظائفی .

*
* *

۱۴

صو

صویک اشکال مختلفہ سی (مایع ، بوز ، قار ، شبنم ، بخار
وسائرہ) صویک منافعی ، فیضان انہار .

*
* *

ایله رسمی اعاده ایدیور. رسام مامنه نك اوکنده تصویر ایلدیکی
مقاولات محرری ازاچق تغییراته ایله دین ایچون محبوس شکلنده
کوستره نك رسمی شهر ایدیور.

مقاولات محرری خبر آلوب کیدیور. — نه حقله بی
شهر ایدیورسکز؟ — رسم سزه بکزدمن، اشته مکتوبکز.
— اشته اوچ بیک فراتیق. رسمی ویریگز. — رسمه صکره
بو قدر امک ویرلدی، اوتوز بیک فرانقدره. مقاولات محرری
اوتوز بیک فرانفی بر خسته خانه ارسال ایلدش اولدیغندن
سندی کوندریور.

..

۹۶

اون دردنجی عصر هجرینك اختراعات فیه سی

اون دردنجی عصرک باشلیجه اختراعات فیه سندن بخار
ماکنه سی. تیور یولار، فطوض اقیما، الکتریق تلغرافی حقنده
معلومات و مطالعات.

..

احسان بیورلدینی قائم مقام طرفندن تبشیر اولنه رق ادعیه خیریه حضرت
شهنشاهینک مصادقت کایله ادا اولندیغنه دائر بر مکتوب.

• •

۱۱

مقاولات محرری - رسام

آلمانیا نیک بر بلده سنده بر رسام کوزل تصویر یاپور.
بر مقاولات محرری رسمنی یاپدیرمق ارزوسنده بولور.
مراجعت ایدیور. رسام اون بیک فرانق ایستیور. مقاولات
محرری واز کچور، فقط «بن اوج بیک فرانق ایله اولور ظن
ایدردم. لیکن بر چوق کونلر بورایه دوام ایتمک لازم کله جک»
دیه اعتذار ایدیور.

رسام بر هفته صکره مقاولات محررینک رسمنی ارسال ایله
اوج بیک فرانفی ایستیور.

مقاولات محرری کندیشنه هیچ بکره مدیکنه دائر بر مکتوب

۹

توتون

توتونك مادی و معنوی مضراتنه، الشمس اولانلرك آزماسی،
كنجارك هېچ آشماملری لزومنه دائر بر مقاله.

∴

۱۰

حرکت ارض

قضا مرکزی اولان بر کوچك بلده ده حرکت ارض وقوعيله
بر چوق خانلرك منهدم اولديغنه و مأمورین حكومتك در حال
تدابیر لازمه يه تشبث ايله مصایينك شهر جوارنده كي باغچه لرده
جهت عسكریه دن ویریلان چادرلره اسكان اوانسديغنه و بر قاج
ساعت صكره طرف اشرف حضرت خلافتینا هییدن عطیة سنیه

اسلامیه ده قطعاً منع بیورلش اولمسنک عین حکمت و اصابت
اولدیغنه و ترقیات جدیده طیبیه بو حکمت و اصابت بر قات دها
اظهار ایلمکده بولندیغنه دائر بر مقاله .

..

۸

فتح جلیل قسطنطنیه

فتح قسطنطنیه حقهده کی حدیث شریف . دول سالفه
اسلامیه نك بو بایده کی مساعیسی . جداجدد حضرت شهر یاری
جنتمکان سلطان عثمان خان غازی حضرت تلرینک منظمه مشهوره-
لرنده استانبولک فتحی توصیه بیوردقلری و فاتح حضرت تلرینه قدر
دوات عالیّه عثمانیه طرفندن وقوع بولان تشبیهات .
ابو الفتح جنتمکان سلطان محمد خان غازی حضرت تلرینک
بو بلده طیبیه یی نه صورتله فتح و تسخیر بیورمش اولدقلری .

..

ترجیح اولیاء میوب بر برینه لازم و ملزوم قیلمدن بولندیغنه دائر
بر مقاله .

..

۶

تحصیل علم هر کس ایچون وظیفه در

دلائل عقلیه و نقلیه سی . بو وظیفه نك هر کس ایچون
بر درجه ده اولمدینی . تحصیل مکلفیتك هیچ بر زمان رهین ختام
اولیه جنی .

..

۷

عشرت

عشرتك مضرات مادیه و معنویه سسنه و شریعت معاهره

ع

اقتصاد

کندیسنک وعائله سنک محتاج اولدینی لوازم معیشتی اقتداری
 مساعد ایکن تدارک ایتمه مک دیمک اولان تقیر ایله انک ضدی
 اولان تبذیرک وهرایکیسنک حد اعتدالی اولان اقتصاد . اقتصاد
 بر فضیلت اخلاقه در. اقتصادک منافعی .

..

ه

عادی یولار، تیمور یولار، سفائن

شوسه لره تیمور یولارک ونجار ویلکن سفینه لرینک تعداد
 منافعه مقایسه سنه وحقیقت حاله بونلرک هیچ بری دیگرینه

۲

رسم کشاد

بالاده کی نطق ایله آچیلان تیمور یولنک رسم کشادنده
 پولنیورسکز. تمین اولنان کونده تیمور یول موقفتک نه صورتله
 تزین اولندیغنه، اهلینک استاسیونه کلدیکنه، زمان معینده ایلك
 تیمور یول قطاری کلوب نه صورتله استقبال اولندیغنه، رسم
 کشادک صورت اجراسنه، جمله نك احساسات شکرانسه دائر
 بر مقاله یازمچسکز.

..

۳

بر خانه

اون اون ایکی اوطلی، باغچلی بر خانه نك تعریفی.

..

شاگردان طرفندن توسیع اولنه جق موضوعلر

نطق

بر تیمور یول شعبه سنک رسم کشادی مناسبیله والی ولایت طرفندن «عصر عالی» حضرت خلافتناهیده منصفه ارای ظهور اولان انشاءات نافعہ دن بحث ایله او جمله جمیلہ دن اولمق اوزره بو شعبه نك دخی کشادی موفقیتی حاصل اولدیغنه و بو شعبه نك مملکتجه باعث اوله جفی منافعہ و ادعیه توافر عمر واجلال حضرت پادشاهینك تکرارینه دائر بر نطق یازبله جقدرد.

«لعمرك» انصی حقیچون ره عشقمند جان و بر مک
 حیات جاودانیدر ، حیات جاودانیدر .



بو عالمده اویکتا حقنمایی بر کوره یدم دیر،
دل حقین که هجران آزمای «من را» نی در.

ایره یدم آه، یوزبیک آه، اودوردولت افزایه
که تقدیر بجه هر بر آنی آن بی مدانیدر.

اونک اثرنده آثار بقا حس ایتسم دیردم،
بقانک نامی وارد عالم باقی ده فانییدر.

جهالی نور وجه الله ایچون برهان اوتلدر،
مقالی هر دل آگاه ایچون قرآن نانیدر.

نه بینشدر او بینش، منتهای راز بینیدر،
نه دانشدر اودانش، ماورای نکته دانیدر.

آچلدجه اولوالالباب اولور دمبسته حیرت
لب اعجاز گویی لب اسرار مثناییدر.

نوید لطفیدر ارباب شوقه مژده اکبر،
اواکبر مژده یه ارواح کمتر مژدگانیدر.

اولور گرد روی آرایش اعلاهی علین
غبار اولمق بویولده بنجه اقصای امانیدر.

۳۴

نعت شریف

تعالی بخش روحم بر مایح لامکانیدر
 کوکل سلطان طیفیله سرای امهانیدر.

مقدس قبه خضرا که فائقدر سماوانه
 زمینیه سایه صالمش عرش اعلائی معانیدر.

مقام فخر عالمدر، نه عالمدر، تعالی الله!
 بو عالم اک بیوک برعالم راز نهانیدر.

اولور یکسان زمینیدر دیکله آسمانییه
 زمینندن اوچان انواره دینسه آسمانیدر.

بهار فیض یاره ایرمدم رنگم خزانیدر
 کل رخسار یادیله سرشکم ارغوانیدر.

بیورمش: نه یردر، نه افلا کدر،
 بنم جلوه گاهم دل پا کدر.

نه واسع جهانمش کوکل عالمی،
 دوشند که حیران ایدر آدمی!

تصور اولنسون که انسان نه در؟
 خصوصاً بو قلب فروزان نه در؟

بو معنادر ایشته مسمای دل!
 شو معلوم اولان عضو صدری دکل.

بو معنی که انسانلغک مغزیدر
 خدانک بهین رحمت نغزیدر.

او رحمانه تحمید رحمت شمار.
 که اندن بیوردی بزی بهره دار.

معزز قیلوب عن اسلام ایله
 بلند ایلدی بهره تام ایله.

[بحر متقارب: فعولن فعولان فعولن فعل]

۳۳

تمجید

خداوند اکبرکه اللهدر
سراسر سرازردن آگاهدر.

مساوی یاننده خفا و ظهور
جلیدر «علیم بذات الصدور».

او علام حس آفرین حکیم
ارار بندکاننده قلب سلیم.

دل روشن آینه صافیدر،
تجلیگه نور او صافیدر.

دمادم او مرآتیه ایلر نگاه ؛
نه عالی نظرگاه صفوتپناه !

ترجیح ایدرم بتون جهانہ
ویرم او زمینی آسمانہ .

[بحرہزج : مفعول ہفاہان فہولان]



نردن کلیورسك ، آه بویه ؟
 كوردكى اودلستانی ، سویه !

نزهتگه یاردن پكر كن
 اولدكى اومهره سایه افكن ؟

برطاغ باشنه تنزل ایتسهك ،
 آلسهكده بقی اوسمه كیتسهك !

بریری دكلی یز ؟ رفیقز ،
 همیحال دكلی یز ؟ شفیعز .

سایه كده اینوب مقام یاره
 بولسم دل دزدنا كه چاره .

ایندرده بقی او گلستانه ،
 سن طورمه ، ینه چیق آمهانه .

مسعود ایده جك بقی او پردر ،
 خارجه كچن زمان هدردر .

هردرلو صفایی محتویدر ،
 عندمده بهشت دنیویدر .

بردن بره ایلوب تجلی
اولدك بكا لوحه تسلی .

اولمشدی خیالی روی دلداری،
بوالمشدی کالی جوش افکار .

کویا او یو یورمشم اویاندم ،
ناگاه سنی کورنجه صاندم

رنك رخ دلبران شو آنده
اوچمش ده بریکمش آمانده .

فخر ایلور آمان سنکله ،
خوش موجهلی رنك روشنکله .

کورسیدی بورنك وشکلی رسام
قالمزدی انده صبر و آرام .

یوق آنده بورنك شاعرانه
بکزتمک گلزار غوانه .

اچدیقه سنی سپهر ماوی
کوکل فصل اولسون سماوی ؟

۳۲

سجابه

ای ابر لطیف رنگ سیار ،
 پک شمععلی نمایشک وار ؛

فسحنگده سپهر ایچنده
 دریای ضیای مهر ایچنده

ماهی کبی خوش سیاحتک وار،
 طور، طور! نهده چوق سیاحتک وار .

وسعتده ایسهکده مضطربسک ،
 برقوته سنده منجذبسک .

وار حسنه بنمده انجذابم ،
 سندن دها چوقدر اضطرابم .

اولور اوصاف کمالی رقمہ گنجیدہ
کونشک ذرہ سی ممکن اولور سہ تعداد .

[بحر رمل : فعلاتن فاعلاتن فعلاتن فعلاتن فعان]



مندرج نسخه ذائنده کالات وجود ،
مندرج طینت یا کننده خواص ایجاد .

نوری آرایش قندیل سرا پرده حق ،
برتوی ناثره عشقه مدار ایقاد .

اولدی زانورده مدرسه «مالوحي» ،
اولمديسه نوله زانوزن پيش استاد .

دینی برجامع حکمتدر، امامی قرآن ،
شرعی برقصر معلادر، اکا عدل عماد .

مورد وحی الهی دل غیب الفتیدر ،
وحی قرآنه انک غیریده یوق استعداد .

ایکی الماس دکلددر حرم خاصنده ؛
جبرئیلک کوزی قالمش ایده من استعداد .

قدرده نازل اولور روح الامین ایتک ایچون
آستاننده زمین بوسی رسم اعیاد .

خاک درگاهنه امد شد ایدن هرملیکک
تاروپود اولمده در پرلری تایوم تناد .

۳۱

بر « نعت شریف » دن

مردم دیدهٔ جان ، معنی سر قرآن ،
مقصد کون و مکان ، باعث نقش ایجاد ،

حضرت شاه رسل ، هادی اسرار سبیل ،
نیر اوج هدی ، خازن گنج اسعاد ،

نور پیشانی آدم ، گهر کان کرم ،
اصل احسان و نعم ، عارفه بخش ایجاد ،

داور تخت رسالت ، شه اقلیم کمال ،
گوهر بحر خرد ، پادشه ملک سداد ،

حضرت احمد و محمود و محمد حامد ،
مظاهر نور جمال آینهٔ حب و وداد .

بومشغلهدن بيك كره وازچمك ايستدم . بيك كره توبه
 ايتدم . بوندن اشغال سائره كي فارغ اولمق بردرلو همكن اولمدي .
 اوت ، سرنوشت ازلي قابل تغير دكلدر . . .

شهبال — قنادك اك اوزون توبلري . سراويل — لباس . كل —
 (كانك ضميمي ، ميمك تشديد وفتح سيله) كاملره . سرنوشت — باش ،
 آن يازيمي ، مقدرات .



سایه‌سندہ حلال مشکلات اولدم .

حلال و حرامہ ، مصالح انامہ عائد اولان احکامک نرہ لرہ
مستند اولدیغنی کوسستن علم فقہک اصول و فروعندن تمامیلہ
کسب آگاہی ایلدم ، او قود یغ احادیث صحیحہ رسول والا جنابک
و آتمک کل پیروانی اولان آل و اصحابک سیرت ممدوحہ سی ندن
عبارت اولدیغنی بکا لایقیلہ بیلدیردی . سرائر قرآنہ واقف
اولمق ایچون مجاہدہ یولنی طوئدم . بوباندہ هیچ بروقت تجویز
اهمال ایتدم . حوصلہم مساعدا اولدینی قدر اونندن ده حصہ مند
اولدم .

یالکز عام ایله مطابہ وصول ممکن اولمیه جفنی بیلدیکمندن
تحصیل ایتدیکم علوم ایله عامل اولمق عنمنه دوشدم . بونک
ایچون علومندن مقصدلری انجق اعمال اولان صافی دل صوفیلرله
هم طریقت اولدم ، صبیح و مسا ذکر و فکر ایله اشتغال ایتدم .
بردرجه یه کلدیم که وجه حقیقته قارش حجاب کائناتک اضمحلانی ،
وجود واحدی ، نور بسیطی مشاهده ایلدم . باطنده کی وحدته
نسبتله ظاهرده کی کثرت بکا شعاعه جواله نیک تشکیک ایتدیکی
دوره آتش کبی کورندی .

بیان ایلدیکم وجه ایله هزار طور و حال کچبردیم . هپسندن
کچدم . فقط شعر سویلمکدن کچه مدم .

قابلیتم منبت بر زمین ایدی . بوزمیننه تخم علم و کمال اولان
حروف هجا صاحبدی . براز صکره باصرم سراویل عنبرین
خطوطه بورونمش اولان عرائس معانی بی کوره بیلیمکه ، ناطقه
هرادی بیانده جریان ایده بیلیمکه باشلادی .

بعده مقصد اصلی اولان نقطه یه طوغری کیتیمکه باشلادم .
قرآن کریمی بای بسمله دن سین ناسه قدر اوقودم .

بونی متعاقب فنون متنوعده صاحب رسوخ اولان اکابرک
اثرینه اقتفاء تحصیل علوم ایله اشتغاله شروع ایلدم . صرفیوندن
قواعد اعلائی ، نحو یوندن ضوابط اصرابی اوکرندم . هر منطق
شناسک ، قول شاری بکا مطالب طایفه عقلیه وصول ایچون
واسطه یکانه اولان فکر واستدلال طریق تعریف ایلدی .
قواعد حکمیهدن بهره یاب اولمق ایچون ارباب حکمتله سؤال
وجواب تعاطیسه کیریشدم . گاه مشائیون مسلکی در پیش
ایتدم . گاه اشراقیون یولنه کیتدم . دست مشکله شای فکر ایله
عجوبه طبیعیانک یوزندن رفع نقاب ایلدم . فهم دقایق ریاضیات
ایچون خامه معنی نما ایله اشکال بدیهه رسم ایتمکدن کری
طورمدم .

پرده دلدن بر نور الهی رونمون اولدی . اونک پرتوی

۳۰

ملا جامينك حسب حالى ترجمه سیدر.

مکه مکرمه دن مدینه منوره یه نقل سرا پرده اجلال ایدن
 حبیب قدسی جمالک شجرت سنیه سندن سکز یوز اون سکز سینه
 کچنجه اوج پرواز گاه عزتدن بی اختیار تحریک شهبال ایله بو حضیض
 دنیا یه نزول انجشم . شمدی سکز یوز طقسان سالی ایچنده
 بولنیورم .

بر زمان المی آیاغمی باغلابوب گهواره ده بولندیر دیلر . ایاغم
 یوریمکدن ، الم طوتمکدن ، ایمیمکدن ، دیلم سویلمکدن عاجز
 ایدی . آرزوی شیر مادرله غلار ، یاتیردم .

صکره عظم همان فرق یمین و یسار ایده جک قدر بر اقتدار
 پیدا ایده مه مش اولدیفی حالده عنایت پدرمشفق بی آغوش مرحمت
 مادر دن الهرق دست معلمه تسلیم ایلدی . بنم ایچون بوده بر
 فلاکت دیگر اولدی .

زیب وفر ویرمك ایچون روی عروس چنه
یا سمن شانه، صیاماشطه، اب آینه دار .

در ویاقوت ایله بر نخل مرصع صاندم
ارغوان اوزره دوکولمش قطرات امطار .

شیشه چرخده کور بونجه مرصع نخلی
نیجه آراسته قیلمش آنی صنع جبار .

برك ازهارى هوا شویله چیقاردی فلیکه
برکواکب کورینور گنبد چرخ دوآر .

جام زریف طولو باده گلرنك آلمش
گل رعنا سحرى قیلمق ایچون دفع خمار .

[بحر دمل : فعلاتن (فعلاتن) فعلاتن فعلاتن فعان]



دیکدی لشکرگه ازهاره صنوبر طوغن ،
خیمه لر قوردی یینه صحن چمنده اشجار .

دوشه دی مهر فلک یولاری دیبالر ایله ،
ایتدی تشریف، چمن دلمکنی سلطان بهار .

صبحدم ولوله نوبت شاهیمی دکل
صوت مرغان خوش الحان و صدای کهسار ؟

چمن اطفالنک اویقولرین اوچوردی یینه
صبحدم غلغله فاخته، کلبانک هزار .

دایه ابر یینه غنجه لرك شبنمیدن
باشنه اچمه دیزر نیتمه که اطفال صفار .

«موسم رزم دکدر، دم بزم ایردی» دیو
سوسنک خنجرینی طوتدی سرپا ژنکار .

سمنک سینئه سیمینن آچوب باد سحر
چوزدی کلشنده کلك تکمه لرین ناخن خار .

پیرهن برک سمن، گوی گریبان شبنم،
کلاستان اولدی بوکون بر صنم لاله عذار .

۲۹

« بهاریه »

روح بخش اولدی مسیحا صفت انفاس بهار ،
آچدیله دیده لرین خواب عدمدن ازهار .

نازه جان بوئدی جهان، ایردی نباتاته حیات ؛
الارنده حرکات ایله لر سرو و چنار .

دوشه دی یینه چمن نعلع زمرد قامن
سیم خام اولمشیکن فرش حریم گلزار .

ینه فراش صبا صحن رباط چمنه
کلدی بر قافله قوندردی یوکی جمله بهار .

فرقنه بر نیجه برطا قنیر التون تللی
خیل ازهاره مکر زنبق اولوبدر [۱] سردار .

ظلی سعادہ وایہ سی دہ جاوہ اندر ،
 مکتب عمومہ حاصلی کھنک الاماندر
 عاقل اولان بیلیر نہ دیمک قدر مکتبی
 تقدیس ایدراوجای فیوضات مکسی .

§

آمال بیہمال شہنشاہ رازدان ،
 مقصور در معارفی احیایہ آن بآن
 بیکرجه مکتب ، مدرسه تائیس ایدوب همان
 ہر فردہ قیلدی دانش و تحصیل رایگان
 انوار معرفت ایلہ ہریر ارم نشان
 لبریز شوق و عاطفہ جملہ تشنگان
 قابل دکل مکارمہ ایلیمک بیان
 اعداد ایدرمی غایتہ صایمقلہ اقتران
 مستغرق عنایت واحسانیدر جهان
 اولدجہ آسمانده مہ و شمس واختران
 دنیاہ فیضبخش و دمامد ضیا نثار ،
 اولسون خلیفہ مزده سریر فخر پایدار .

[بحر مضارع : مفعول فاعلات مفاعیل فاعان]

انجق بولور اویرده بشر فیض مستدام،
 معنی اویرده کیزانیر انواع احتشام،
 وضع بلند پایه سیدر احسن النظام،
 تاب وفروغ شوکتیدر ماحی ظلام،
 داء عضائل جهلی ایدن اولدر التقام،
 ارباب سعه مردم ایدن عرض ایتسام

اڤ كوچك التفانى آنك برجهان دكر،
 هم برجهان معادلی هم بیک ده جان دكر.

§

سیف و قلم که خادم اجلال و شاندر،
 هپ مکتبک جلالته ترجماندر،
 بیک شکل دلفریبه کیرر برجهاندر،
 بر او یله روضه در که طراوت نشاندر،
 آزاده ملالت ورنک خزاندر،
 هر حلق مولد شوق چناندر.
 فکر بجه محض جاندر، اوت محض جاندر.
 ایسته های عزت او یوزدن عیاندر

دقتله باق، نه در بوکالات شعله زان،
 بونجه بدیهه لر کیم ایدر چشمی روشننا،
 ارشاد ایچون یتر بوبزه ایشته رهنا،
 هپ کوردیکک مائثر اجلال واعتلا،
 محصول معرفت که ویرر طبعه انجلا
 مکتب نه در، نه شانلی محل بیلدیرر سکا
 صحرايه، کوهه، ساحله، دریايه جابجا
 شامل فیوض وسایه اقبالی دائما
 اوصافنه، کالنه یوق حد وانها،
 عاقل بونی نصل ایدر انکاره اجترأ ؟

مکتب دینتجه پدش نظرده اولورعیان
 انوار ایچینده روحفزا بشقه برجهان.

§

مکتب، اوجای دلکش، اوبالا ترین مقام،
 اول مرکز سعادت واجلال خاص وعام،
 مهمان و ملتجیسن ایدر هر زمان بکام،
 هر یوزدن ایلر آدمی شایان احترام

۲۸

مکتب

مکتب کہ مہد نازیدو افکار حکمتک ،
 ہر لحظہ ملتجاسیدر اقبال وعزتک ،
 مکتبدر اک کزیدہ سی اذواق ونزہتک ،
 مکتبدر آفتابی جہان سعادتک ،
 مکتب ملاذ رفعتیدر آدمیتک ،
 مکتب کمال وزینتیدر عقل وفکرتک ،
 مکتب ہمیشہ مصدریدر ہر مزیتک ،
 حامی ذی شکوہی دگلی سلامتک ،
 ما حیسیدر مذات وادبار ونکتک ،
 مکتب خلاصہ مطالعیدر فیض وہمتک .

مکتبدرن انتشار ایدر انوار انتہاء
 زیرا اودر معالی ادوارہ جلوہ گاہ

هر بلوط بر نمونه ارتنگ!
 بو تماشاده بشقه بر قره‌نگ!
 بوده بر شعر علوی دیگر!

[بحر خفیف: فعلاتن فاعلاتن فاعلاتن فاعلاتن فاعلاتن]



او بافش چشم ذی مائنده!
 او کولش روی انفعالنده!
 بوده بر شعر فانی دیگر!

§

بورا هنگامی بحر اولور جوشان
 بکزر امواج اوقارلی کهساره
 — که زلازله دائما جنبان —
 یقیلوب طوغریلور دگر باره .
 سمرتسر بر جسم فواره
 که صاچار متصل کهرپاره!
 بوده بر شعر احسن دیگر!

§

عرض ایدر هر دقیقه لوح شفق
 صاری — مور — مائی پنبه .. بی عدرنک!
 خنده ور معجزات رب فلق
 مرغزاری قیلار بلند آهنگ!

اوقونور صفحه جییننده ،
 کورینور نظره حزیننده !
 بوده بر شعر دلبر دیگر !

§

جای تنهاده بر حقیر غزار
 بر قادیله یاننده بر معصوم.
 قادین آغلار - صبی کولره اوینار
 آغلایان زوجه دره کولن مخدوم.
 نو تاهلدی خالام مرحوم.
 زاغلر نوحه گر .. هوا مغموم!
 بوده بر شعر مبکی دیگر !

§

مختصر نورسیده بر شاعر
 بیک کوزل سوز بولوب خیالنده
 یازمه‌ماز ... نطقه ده دکل قادر!
 نه حزیندر انک بو حالنده

چکیلوب اورمانه اولور ناچار
 قیز چوبان کیزی کیزی گریه نثار !
 بوده بر شعر نازک دیگر !

§

آلوب آغوشه کنج بر مادر
 امزیررکن یقیمن مثلا
 ایلدکجه ملک تبسملر
 اقدیر مادری سمرشک صفا.
 رقت افزای ساکنان سما
 بوده بر بشقه لوحه علیا !
 بوده بر شعر بهتر دیگر !

§

زیب کرسی بر آفت بی خواب
 سرنازی ید میمند
 صول النده یسه بر کشاده کتاب.
 عشق مخفی دل غمیلمده

۲۷

بوده بر شعر محزن دیگر

ای طلبکار انفس اشعار !
 ایله دقتله فوق وزیره نظر.
 شعر در هپ او کوردیکک آثار ،
 شعر در هپ او طویدیکک سسلر:
 روحپرور . . لطیف . . حزن آور ،
 یرده بر قیز . . سباهه بر اختر ،
 هربری بر بدیعه دیگر !

§

اوینادوب حس عاشقانه سفی
 قوالک صوتی عکس ایدن کهسار ،
 دیکله یوب قوشلرک ترانه سفی ،
 (که دره متصل ایدر تکرار)

قازم معرفتم جیب و کنارم پردر
ساحلم پا کدر آرایش (خاشاکدن.)

بن بوحالنه تنزلی ایدردم شعره ؟
نیله یم قور تیله یم طبع هوسناکدن ؟

بو هوس بویله قالیرسه دل و طبعمده اگر ،
ایشیدلمزسه سوزم سینئه صد چاکدن ،

بن اولور سه یمینه اشفته اولور خلق جهان
حسن تعبیر زبان چمن خاکدن .

[بحر رمل : فاعلان فاعلان فاعلان فعلن]



۲۶

فخریه

بنم اول فقیہ روشن دل و صافی گوهر
فیض آلیر جام صفا مشرب ب باکمدن .

آسمان همت اومار کوکبہ طبعمدن ،
عقل کل درس اوقور اندیشہ درا کمدن .

همتم هیچہ صایار گنج تمنای ، ولی
غمی دنیایہ دکشمہم ینہ امسا کمدن .

فیض حق برق اورر آینه اندیشہمدن ،
چشم جان روشن اولور مشرق ادرا کمدن .

دور ایدر شش جهتی ، همینه مرکزده مقیم
چوق دکلدرد بوتجسس دل چالا کمدن .

عالم معنی یم ازاده قضا حکمندن
کیمسه رنجیده دکل گردش افلا کمدن .

نه یابارسک طور و بده کلشنده
 بر نه مال معدل اوسهتنده !
 بو محبت دکل فقط بنده ،
 سنی هرکس طونار ال اوسهتنده .

§

روحي مسرور ايدر تماشا ساي
 نه طبيعي ، نه دلفريب طورش !
 حزنه دائرده واردر ايماسي ،
 ايکي معناليدر غريب طورش .

§

سهنده ده واردر انجذاب بکا
 کرچه انسان قوتلماش آدک ؛
 ارتباط دلم تهی بی سکا ؟
 ایکیمز صنی یز بر استاذک .

۲۵

لوحه

نه لطافلی روحیسیک قفسیک،
 نره دن اینسدک؟ آسماندنی؟
 یسه پروازه اولس-ون هوسک،
 چیقیشک تنکی مکاندنی؟

§

قاچه ای طائر منقش بر،
 بندن آیرله بر زمان اولسون!
 خاکه اینزمی آسمانیلر؟
 کل، سکا دستم اشیان اولسون!

§

ایدنجه رفع تتق نو عروس حکمك خلق
هپ اولدی جمله ره استقامته محرم .

طریقتهك کبی یوقدر طریق فوز ونجات ،
شریعتك کبی اولماز رباط مستحکم .

اولنجه نطق بدیعك شرفیدیر صدور
سختوران عرب قالدی ابرم ویدم .

کلام ابلغك آرایش خزینه غیب ،
حروف افصحك هر بریسی گنج حکم .

بیان منقبتك هر کسی ایدر خاموش
میان محمدتکده زبان اولور ابکم .

[بحر مجتث : مقامان فملائن مقامان فعلن]



رسوم لوحه قدرت نقوش اوصافك ،
 كتاب خلق كزیده ك صحیفه عالم .

گل خجسته شمیم حدیقه اسرار ،
 هزار لغمه شعار بهار فیض اتم .

امین کان امانات کشور لاریب ،
 کلید گنج کرامات و شاه وحی علم .

علاقه بند عبودیت و ربوبیت ،
 شعاع مشعل وحدت ، فروغ مهر قدم .

جیب حضرت مولا ، محمد دو سرا ،
 نبی لیلہ اسرا ، رسول پاک شیم .

سن آفتاب جهان شهود سک کیم بر
 ستاره در سکا نسبتله انبیای ام .

سنکدر افسر لولاک و تخت ارسلناک
 سنکدر اول و آخر جلال و جاه وحشم .

جیوش کفر و ضلالت طوتاردی آفاقی
 سن اولسه یدک اگر ای شه سروش خدم .

۲۴

بر « نعت شریف » دن

جناب حق یارادوب ذات اقدسك اقدم
صورنمای ظهور اولدی بعد زین عالم .

جهانه شاهد حسنك اولنجه چهره نما
تجلیات نهانی بروز ایتدی اودم .

دوشنبه عكس رخك صفحه صریایه
بیلندی وجه و مزایای خلقت آدم .

اسنبه بحر شهوده نسایم جودك
چیقاردی موجه صورت كناره برخاتم .

بودر سخانده سلسك نتیجه ایجاد ،
مقدمات دیمكدر محررات قلم .

علایم صفتكدر تجددات امور ،
نشان مرحتكدر بهار خوشمقدم .

کوزه دیر دائما کوزل ایام .
 نعمت نوبنوله شیرینکام .
 کچنیرکن فقیر بویله مدام ؛
 حالنه شکر ایله فرج وفخور ؛
 چکه مزده غریبی بعض طیور
 خبری اوله دن کلیرده قاپار .

صبحدم کل ده کور اوماهوشی ،
 دوشه قالمش چنده مستانه !
 منتشر نور وجهی هریانه
 صانکه تنظیر ایدر طوغان کواشی .
 رخلری برنهالده ایکی گل
 آچامش غنچه در مگر دهفی .
 نه قدر حائل اولسه پیرهفی
 کورینور رنگ صفوت بدنی .
 اویوسون بر زمان اویاندرمه ،
 کوستروب حالی اوتاندرمه ؛
 یواش ! الله ایچون یواش بلبل !

[بحر خفیف : فعلائن مفاعله فاعن]

هپ تماشا گران ایسه مهوت
قدرت حقه عرض حیرت ایدرا

باق شو مخلوقه، باق هواده کزر،
صانکه اشکوفه در قنادلنش.
کلبك دیرلر، اویله آدلنش ؛
نور ایچنده ضیا ایچنده یوزرا
ایشیدلمز سده اگرچه سسی
حرکانی بتون صفا و طرب ،
جنبشی اهتزاز طبعه سبب ؛
نه آراز دایما، نه قصدی عجب ؛
هرنمال شکوفه داره قونار .
ناف ازهاره دست حرصی صونار
قوشدیرر گودگان نوهوسی .

نه قدر بختیاردر زنبور !
اکا دار الضیافه در ازهار .
نه بر اندیشه سی، نه بر غمی وار؛
شوق ایله رقص ایدر چالار طنبور.
کونشی پک سور، ضیایه طاپار؛

عزم مغرب قیلنججه مهر منیر ،
 کونه اقشام اولنجه یعنی ردیف ؛
 اکثری بریغین سحاب کثیف
 طویلا نوب آفتابه قارشی کلیر ،
 صانکه توقیف شمس ایچون چالیشیر .
 طور میوب متصل تلون ایدر ؛
 دزلو اشکال ایله تزن ایدر .
 کون باتار اورتاق تحزن ایدر .
 دور ایسه ایتیوب برآن آرام ،
 باصدیرر دهری رفته رفته ظلام .
 اکاده عالمک کوزی الیشیر .

کیجه نیک بکزه من طراوتنه
 نه صفا اولسه روز روشننده !
 هله مهتابه قارشی گلمشنده ،
 طویلیزمی آنک لطافتنه ؟
 بدر تام اولدینی زمانسه قمر ،
 کر بلوطلیسه آسمانده براز ؛
 غرق سودا اولوب نشیب و فراز
 اولور ارباب طبعه کاشف راز .
 سر بر کائنات وقف سکوت

امتزاج ایلش مائل الله
 لفظ پر جلوہ طبیعت ایلہ
 هر کباه تسجد ایتلیدر
 نه قدر اولسده حقیر و خسیس،
 اوینه حق ایتهدر تقدیس .
 ایدن امر عبادتی تأسیس
 بر اساس متینه دنیا ده
 صوری بر بیلوبده معناده
 خالصانه تعبد ایتلیدر .

فجر اولده ، بلکه چوق ارکن ،
 ایلر آغاز نغمه مرغ سحر .
 آغاز برکن یواش یواش خاور
 علوه غرق اولور اویر ، دیرکن ،
 عظمتله طلوع ایدر خورشید .
 لمعاتی کیرنججه مشجره یه ،
 عکس ایدنججه اشعه سی دره یه ؛
 طیانلمز او حسن منظره یه !
 نره بی صیعدم اشعه شمس
 ید و مجزله ایلسه بر لمس
 اولور اورده حیات و نشئه بدید .

۲۳

بهار

گذران ایلوب زمان خزان ،
 ینه عالمده نوبهار اولمش .
 ظلمت شب کچوب نهار اولمش ؛
 باشلامش خنده به زمین وزمان .
 روح ساریمیدر هوا که ایدر
 هانکی برجسمی اوقشاسه احیا ؛
 خللدن می وزان اولور که صبا
 بخش ایدر قوقلادقجه روحه صفا ؛
 اوقدر کیم خروش وجوش حیات ،
 عجب اولمزدی ایلسه اموات
 روی ارضی نمونه محشر !

باقی شو آثاره چشم عبرت ایلله ،
 هر برنده عیان جمال الله !

خاك پاى نعت گويانم كه عرش اعظمك
ذكر و تمديدح لسان قدسيانيدر سوزم .

شادكام اولدم نشاط فيض نعت پاك ايله
شمديدن صكره دعای شادمانيدر سوزم .

ناكه معنای لطيف و لفظ رنگ آميز ايله
روزگارك بردلارا داستانيدير سوزم .

هردم اندیشه مدن اولسون روحنه يوز بيك سلام
عرشه دك ارساله بيك رايگانيدر سوزم .

[بحر رمل : قاعلاتن قاعلاتن قاعلاتن قاعلاتن]



جان عالم ، فخر آدم احمد مرسل که تا
حشر او آنچه نعمت گوی و نعمت خوانیدر سوزم .

اولالی غواص دریای خیال مدحق
جوهری طبعمک زیب دکانیدر سوزم .

اول قدر ال ویردی معنی فیض اوصافیه کیم
گویا مفتاح گنج شایگانیدر سوزم .

مشرق صبح هدایتدر ثنائیه دلم ،
مهر قدسی پرتو کوکب نشانیدر سوزم .

کوکب افشان آفتاب اولمازسه گر اول مشرقک
عقد پروین کسسته ریسمانیدر سوزم .

باشلاسم معراجی تحقیقه آب و تاب ایله
گوهر شهوار گوش ام هانیدر سوزم .

عد اولماز معجزاتی حددن افزون نیلین ؟
گرچه کیم بر راوی معجز بیانیدر سوزم .

گرچه بن دورم جانبندن هله شکریم بودر
چهره فرسای جناب آستانیدر سوزم .

بیکنده بر معنای نظم ایتم؛ ینہ بر لفظ ایسه
یوقلاسهك مجموعه راز نهانیدر سوزم .

حاسد گجرو خیاله راست کلزسه نوله؟
اهل دل یارانه هر دم یار جانیدر سوزم .

طبعمك بر ترجمان تر زبانیدر قلم
خامه مك بر هم زبان نكته دانیدر سوزم .

پاسبان اولش بر اژدر در قلم گنج دله
کیم او گنجك شب چراغ پاسبانیدر سوزم .

تا صباح - حشره دك بیک مبتلائی مست ایدر
بزم عشقك نشوؤ رطل گرانیدر سوزم .

رند هشیارم، خرابات محبتدر دلم،
عاشق هر جای یم، وحدت نشانیدر سوزم .

اولالی پیغمبر آخر زمانه نعت گو
آب روی امت آخر زمانیدر سوزم .

نعت شاهنشاه اورنك نبوت کیم آنك
فیض مدخیله دلك جان جهانیدر سوزم .

یعنی کیم اندیشه سنجان جهانك دائما
هم صریر کلاکی هم ورد زبانیدر سوزم .

غمزه دلبر نوله رشك ایلسه اندیشه مه؟
حرز بازوی دل صاحبقرانیدر سوزم .

اول قدر پر شیوه در گویا که بکر فکر مك
غمزه مرد افکن نامه ربانیدر سوزم .

اول قدر دلدوز در گویا که بر شوخ آقك
ناولك مشکین کان ابروانیدر سوزم .

بر گلستان در خیالم، دل شکفته بلبل،
اول گلستانك لطیف اب روانیدر سوزم،

بر شبستان در دواتم، خامه زنی خادمی
اول شبستانك عروس داستانیدر سوزم .

افزینش طوطی اندیشه به بر دامدر ،
کیم او دامك دانه پر امتنانیدر سوزم .

کیمسه انکار ایده من ماهیت اندیشه می
اهل رشك نسخه عقد لسانیدر سوزم .

۲۲

نعت شریف

عقدۀ سر رشته واز نهانیدر سوزم ،
سلك تسبیح در سبع المثنانیدر سوزم .

برگهر درکیم نظیرین کورمه مشدر روزگار
روزگاره عالم غیب ارمغانیدر سوزم .

روزگار احسانمی بيلمش، بنم یا بيلمه مش
عالمه فیض حیات جاودانیدر سوزم .

اهل اولان قدرین بیلیر، بن جوهرم مدح ایلهم
عالمک سرمایه دریا وکانیدر سوزم .

بی عرض بر جوهر صافیدر، اما متصل
اهل طبعک زیور تیغ وسانیدر سوزم .

ستر ایتسه ده کوا کبی بزدن آسمان
اولمازمی بشقه طلمه آنلر ضیا فشان ؟

کوزلرده بویله در، ایدم رک بزدن استتار
اولمقده در جهان دگرده ضیا نثار .

چشمائی صائمه خاک تباه ایلممکده در،
آنلر جهان غیبه ننگاه ایلممکده در.

[بحر مضارع : مفعول فاعلات مفاعیل فاعلان]



۲۱

کوزلر

مائى ، سياه برنيجه سودا فزا عيون
ايتمش شفق صفاسنى شوق آور درون !

طوپراق ايچنده شمدى او چشمان دلفرور،
خورشيد زيور افق اولمقده در هنوز!

چوق چشم خوشنگاهى ليالى خوشنا
ايتمش ستاره لر ايله مستغرق ضيا !

خاك ايتدى شمدى آنلرى ظلمتله ممتلى،
حالا نجوم طرز قديم اوزره منعجلى !

بونلر كيدوبده ترك نكاه ايتديلر مى ؟ آه !
يوق، يوق ! اوديدملر قاله ماز نيجه بي نكاه !

بر بشقه عالمه نظرى واردر آنلرك
كورمن او عالمى كوزى كوز يوميانلرك.

شاعر اولدی جهان زمانکده ،
 بیک ستایش یازلدی شانکده .

بجردن قطره در فقط آنلر
 طور مسون سویلسون سخندانلر .

یازسه لر مدحگی قیامتهدک
 ممکن اولماز تمام ایدلدی دیمک .

حصر اعدادک اولسه امکانی
 بولنور مدحکک ده پایانی .

[بحر خفیف : فعلائن مفاعیلن فعلا]



صدقنه شاهدز بود عوانك ،

هپسې ناجيدر اهل ايمانك .

ياشاه، سايه كده مخلصان ياشاسون،

ياشاه، سايه كده بيك جهان ياشاسون .

بن ده آنلرله همزبان اولدم،

آنلره بلهكه ترجمان اولدم .

طولو قلوبمده ده بو حسيات،

بوني هر بر سوزم ايدر انبات .

ذاتاً انباته وارميدر حاجت؟

او بيوك قلبك اك بيوك حجت .

اول ضيا ياش عالم اجلال

عز و اقبال ايله هزاران سال .

نوبنو بندكان اولوب دلشاد

ايلسونلر مدايحك انشاد .

يوقدر اوصاف پا ككه خايه

شاعرانه يتر بو سرمايه .

پرتو لطف رب اعلمسین ؛
مظهر نور فخر عالمسین .

ظاهر آفتابسین اما
سکا شارع دیمکده « ظل خداه » .

ظل حقسین ، جهان حمایه گده ،
عالم آسوده اولدی سایه گده .

او حمایه ، بوسایه اقدسدره ،
چونکه هر عاجزه مدد رسدر .

ای وکیل جلیل پیغمبر ،
شادمان اولسونمی مؤمنلر .

آنلرک سن امیر اکبریسین
شاهراه نجات رهبریسین .

اهل ایمان سنکله بولدی نجات
سلسلین آنلر ایچون مدار حیات .

اولسه حقا که ذاتکه چسبان
برده « منجی مؤمنین » عنوان .

ایده لی تخق طلعتک تزیین
« یاشاسون » اولدی ورد اهل زمین .

دیر خصوصیه معشر اسلام
اوله رق حائر تشوق تام :

بو تفیض که آسانیدر
فیض عبد الحمید ثانیدر .

آنک اولماز جهانده ثانیه ،
یاشاسون ذات بی مدانیسی .

قیلدی احیا جلوسی دنیایی ؛
آ کدیرر مهر عالم آرای .

ایلدیجه حلول او یوم سعید
ایدرز کسب اشراح جدید .

کونش ایتدیجه عالمی تنویر
اولسون انوار لطفی عالمگیر .

ای مقدس ولی نعمتمز ،
پادشاه بلند همتمز ،

۲۰

ولی نعمت بی منتهمز پادشاهمز افندمز حضر تکرینک
 اوصاف معالی اتصاف خلافتناهیله یی متضمن
 بر منظومه در

ای شهنشاه عادل بهروز،
 حامی دین کائنات افروز،

بر کوزل روز پر معالیده
 نخت فرخنده بخت عالیده

انجولای جمال مهر وشک
 بکزه مشدی طلوعنه کونشک .

اولدی کیتدکجه کامل الاشراق،
 نور ایله طولدی سربسر افاق .

عالمه ویردی شوق نو او جلوس،
 بولدی اندن حیات تازه نفوس .

پادشاه پرشکوه والضحی کیم ذاتک
اولدی ارواح مجرد بنده فرمانبری .

شهریار ملک امرا کیم در ایوانه
اوله من گلمینخ چرخک آفتاب انوری .

زیور ایوان ختم الانبیایی کیم ایدر
چشم روح الهی روشن سوده خالک دری .

شاه لولاک افسر فرخنده موکب کیم آنک
روح قدسی اولدی پیش آهنگ صف لشکری .

تختگاه غیب قدسی آستاندر مسندی
ماورای حد دشت لامکاندر کشوری .

قطره بحر کالک ایدهم شرح و بیان
موجه اعجازه باصدی رسم سطور و مسطری .

یاراشیر دیرسم بقول نفی معجز بیان
ایلمش حق وصفکی قید تصور دن بری .

[بحر رمل : فاهلان فاهلان فاهلان فاهلان]

اولدك اول گلزارده گامچين رؤيت كيم آنك
خيره ايتدى ديدة موسايي نور منظرى .

اولمسيدي نقطه علم شريفك تا ازل
مبدأ علم اليقين وملشا دانشورى

منتج اولزلر ايدى اشكال فن منطق
جوهر كل ايتسه ترتيبده صورتگستري .

ايتمسيدي عقد پيوند وجوده واسطه
ذاتكي اعيان اشيائك مفيض ومصدرى

جمله امكنده كورمز ايدى چشم عقل كل
ازدواج نه پدرله چارر كن مادري .

بويله يازمشدر ازل لوحنده القابك سنك
دشت ملش قضاك خامه چابكتري :

خانم پيغمبران، مختار رب مستعان،
نور چشم كن فلكان، مدلول لفظ سرورى،

(احمد) مرسل ، حبيب كهريا كيم ذاتيدر
انياي صاحب العزمك مدار مفخري .

۱۹

بر « نعت شریف » ذن

مرحبا ای خطه و حيك شه داد آوری،
ای بهین مسند طراز دوده پیغمبری .

مرحبا ای شاهد عصمتسرای ماغوی
کیم جمالك قرب او ادنايه ويردي زيوري .

سلسك اول اكسير اعظم کیم حکیم لايزال
جوهر کدن ويردي ماهياته فيض جوهری .

سذسك اول سرچشمه رحمت که شوق و سلتك
آدم و حوايه ترك ايتديردی حوض کوثری .

منتهای سر صنع کبرياسك کیم قضا
درک کنه فطرت ذاتکده اولدی سرسری .

پادشاه اصطفی تخت و مهلا جاهسك
کیم حریم دلی مع الله ده کیدک افسری .

خاك سپاهك اوستنه صافی شكوفه لر !
 هر شاخسار شمیدی - نه یاراق ، نه بر چیچك ! =
 بر توده زلال سپهرنك ونا امید . . .
 ای دست آسمان شتا ، طورمه ، طورمه چك
 هر شاخسارك اوستنه بر ستره سفید !

كوكلردن امللر كبی ریزان اولیور قار ،
 هر سوده خیالم كبی پویان اولیور قار .
 بر باد خموشك پر صافنده اویوقلار
 طرزنده طورر بر اره لقی ، صكره اوچارلر ،
 صولدن صاغه ، صاغدن صوله لرزان و گریزان ،
 گاه اوچده ده تویلر كبی ، گاه اولمده ریزان ،
 قارلر . . بتون الحانی مزامیر سكوتك ،
 قارلر . . بتون ازهار ی ریاض ملكوتك . . .
 دوك خاك سپاه اوستنه ، ای دست سما دوك ،
 ای دست سما ، دست كرم ، دست شتا دوك :
 ازهار بهارك یرینه برف سفیدی ،
 الحان طیورك یرینه صمت امیدى ! . .

[بحر خفیف : فعلانی مضارعان فعلان]
 [بحر مضارع : مفعول فاعلات مضاعیل فاعلان]
 [بحر هزج : مفعول مضاعیل مضاعیل فعولن]

.....

سفی صولفون حدیقه لرده آرار ؛
 سن آچارکن چیچکله اوستنده
 اوفاجق برچیچکلی بلبازه ،
 نیشک اوستنده شمدی ای مرده
 باشلادی پارچه پارچه پروازه
 قارلر

که سمادن دوشر ، دوشر آغلار !
 اوچدیکز ، کیتدیکز سز ای قوشلر ،
 کوچوجک ، سر سفید باقوشلر
 کبی قار

سز دالدرده ، لانه لرده آرار .
 کیتدیکز ، کیتدیکز سز ای مرغان ،
 شمدی بوش قالدی سرتسر یووالر ؛
 یووالرده - یتیم بی افغان ! -
 صوڭ قالان مائی توپلری قووالار
 قارلر

که هواده اوچار اوچار آغلار !
 دستکده ای سمای شتا توده توده در
 برک سممن ، جناح کبوتر ، سحاب تر . . .
 دوک ای سما - روان طبیعت غنوده دره -

۱۸

الحان شتا

بر بیاض لرزه ، بردومانلی اوچوش
اشفی غائب ایله‌ین بر قوش
کبی قار

بکن ایام نو بهاری آرار . . .
ای قلوبک سرود شیداسی ،
ای کبوترلرک نشیده لری ،
او بهارک بو ایشته فرداسی :
قابلا دی بر درین سکوته یری
قارلر

که خموشانه دمبدم آغلار !
ای اوچارکن دوشوب اولن کلبک ،
بر بیاض ریشه جناح ملک
کبی قار

اعظمی المحقق مکارم اخلاقی امام ایچون مبعوث اولان پیغمبر
اکبر، افضل بشر افندمن حضرت لرینه میسر اولمشدر .
سائر انسانلر بوبلده درجات متفاوتیه منقسم بولنورلر .
بر انسان بیان ایتدی کمز وجه ایله اعتدال اخلاق خصوصنده
نه درجه مقارن ذات رسالتیناهی اولور سه اوقدر نازل قرب الهی
اولمش اولور .

امام غزالی



بونك حال افراطنه — اغراض فاسده نك ترومچنده استعمال
اولنديني حالده — « جربزه » ، حال تقریظنه دخی « بله » دینیر .
اصل حکمت ایکیسی اورتهسی اولان حالدر .
ویردی کمز شوو ایضا حاددن اکلا شلمش اولمیدر که امهات
اخلاق حسنه شو درت شیدر :

حکمت ، بر حالدر که روح انکله کافه افعال اختیار یه ده صوابی
خطادن تمیز ایدر .

شجاعت ، قوه غضبک سکون و حرکتده اراده عقله منقاد
بولنمیدر .

عفت ، قوه شهوتک تأدیب عقل ایله مؤدب اولمیدر .
عدل ، بر قوتدر که روح آنکله غضب و شهوتی مقتضای
حکمت اوزره حرکتده مجبور ایلر .

ایشته بالجمله اخلاق حسنه بو اصول اربعه نك تناسب
واعتمادندن حصوله کلیر . زیرا حکمتدن جودت ذهن ، حسن
تدبیر ، اصابت ظن — شجاعتدن کرم ، وقار ، ثبات — عفتدن
سخا ، حیا ، قناعت کبی حالات معدوحه تولد ایدر .

عدل ایسه بونلری اعتدال اوزره طوتان قوه جلیله اولدیغندن
جمله سنك نگهبان شرفیدر .

امهات اخلاق حسنه ایشه بودرت فضیلتدن عبارت اولمسیله
سائر کوزل خویلر هپ بونلرک فروعیدر .

بوفضائل اربعه ده کمال اعتدال درجه علیاسنه وصول شرف

شہوت ایسہ اوزرینہ بنیلہ رک آو آردندن قوشدیریلان آتی
اکدیررکہ نہ پک سرکش ، نہ دہ پک یاواش اولیوب اعتدال
اوزرہ حرکت ایتیمی ایچون تربیہ بہ محتاج بولنور .

ایشتہ خصائل مذکورہ ہر کیمدہ بوجہ ایلہ تناسب واعتدال
اوزرہ بولنورسہ او آدم مطلقا حسن الحلق اولور .

اما یالکز بعض خصالی اعتدال اوزرہ بولنسان کیمسہ فقط
او خصائلتہ نسبتلہ حسن الحلق عد اولنوب علی الاطلاق حسن خلقہ
مالک صاییلہ مز .

قوة غضبك حال اعتدالہ « شجاعت » ، قوة شهوتك حال
اعتدالہ دہ « غضب » دیرلر .

قوة غضب حال اعتدالی تجاوز ایتدیکی تقدیردہ « تہور »
نامی آلدینی کبی کسب ضعف ایلدیکی صورتدہ دخی « جبن »
نامی آلیر .

قوة شهوته دخی تزايدی حالہ « شرہ » ، تناقصی حالندہ ایسہ
« نجود » تعبیر اولنور .

ممدوح اولان — یوقاریدہ اشارت اولندیفی اوزرہ —
ایکیسنکدہ اعتدالیدر .

قوة عدله کالجہ : آندہ زیادہ ونقصان تعبیرلریلہ ایکی طرف
تصور اولنہ ماز . آنک یالکز برضدی واردر . اودہ « جور » در .
عدل اورتہ دن قالقنجه یرینہ جور قائم اولور .

کلمہ حکمتہ :

قوة علمك صلاحی اقوالده صدق و کذبى، اعتقاداتده حق و باطلی، افعالده جمیل و قبیحی صحیحاً فرق ایده جـك بر حالده بولنسیله اولور .

قوة علم بوحالده بولنجه آندن ثمره حکمت حصوله کلیر . حکمت ایسه « هر کیمه حکمت احسان اولمش ایسه شبهه یوقدرکه خیر کثیره نازل ایدلمشـدر » ماننده اولان آیت جلیله دن دخی استنباط اولندیفی اوزره اخلاق حسنه نك اساسیدر .

قوة غضبك صلاحی سکون و حرکته قوة علمدن حاصل اولان حکمتك تحدید ایلدیکی دائره دن خارجه چیقمامسـنه توقف ایدر .

قوة شهوتك صلاحی ده ینه حکمتك ، یعنی عقل و شرعك تحت حکمنده بولنسنه وابسته در .

قوة عدل، عقل و شرعك زیر اداره سنده اوله رق غضب و شهوتك ضبطی خدمتنده بولنور .

عقل بر ناصحه بکزر . قوة عدل آنك مالک اولدیفی قدرتدر .

قوة عدل اجرا مأموری منابه سنده درکه عقلك هر دیکفی برینه کتیر .

غضب ، کلب شکاری کبیرکه راحت طور مق، صید آرقه سندن قوشمق خصوصاً رنده مقتضای شهوته ناع اولیوب اراده عقله مطیع بولمق ایچون تأذیب ایستر .

عبارت دکلدر، زیرا بیلک دیدیکمز شی کوزله ده چرکینه ده
وجه واحد اوزره تعلق ایدر .

خلق، یوقاریده کوستردیکمز دوت شینک دردنجیمی اولوب
«روحک جمیل و قییحدن بریسنه مدار میلی اولان هیئتی» دیه
تعریف ایلدیکمز معنادن عبارتدر . الحاصل خلق، انسانک
صورت باطنه سی اولان صورت روحدن بشقه برشی دکلدر .

یالکمز کوزلری کوزل اولوب ده بورنی، اغزی، یاقلری
چرکین بولنان بر آدم حسن صورت ظاهره یه مالک صایله میوب
بو حسنه مالک اولقی ایچون اعضای مذ کوره نک جمله سی کوزل
بولتی لازم کله جکی کبی باطنده دخی دوت شی واردرکه صورت
باطنه نک حصول کمال حسنی ایچون ده اونلرک جمله سی کوزل اولقی
لازم کلیر .

حسن خلقک حصول کمالی باطننده کی بو ارکان اوبه نک
تناسب واعتدال حالده بولنسنه متوقفدر .

ارکان مذ کوره دیدیکمز حالده بولندقیجه انسان ایچون کمال
حسن خلق ایله اتصاف مستحیل اولور .

اودرت شی شونلردر :

۱ — قوه علم .

۲ — قوه غضب .

۳ — قوه شهوت .

۴ — بواوج قوت ارمه سنده قوه عدل .

« خلق » ، روحده بر هیئت راسخه در . بو هیئتندن عقلاً
و شرعاً کوزل عد اولنه حق افعال صدور ایلدیکی صورتده ا کا
« حسن خلق » دینلیدیکی کبی افعال قییه صادر اولدینی حالدده دخی
« خلق سی » دینلیر .

بوراده درت شی ملاحظه اولنورکه شونلر در :

- ۱ — کوزل ویا چرکین بر ایشی ایشلمه مک .
- ۲ — کوزل ویا چرکین بر ایشی ایشلمکه مقتدر اولوق .
- ۳ — کوزل ویا چرکین افعال هانکیلریدر بیلمک .
- ۴ — روحك جمیل وقییهدن بریسنه مدار میلی اولان
هیئتی .

خلق ، کوزل ویا چرکین بر ایشی ایشلمکدن عبارت دکلدیر ،
زیرا آدم واردرکه خصلت سخا ایله متصف اولدینی حالدده ثروته
اقتدار سزلقدن ، یاخود بشقه برماندن طولایی اظهار آثار جود
ایده من . کذلک آدم واردرکه خصلت بخل ایله متصف اولدینی
حالدده ریا طریقله ، یاخود بشقه بر سبیله بذل نقد و مال ایدر .
خلق ، کوزل ویا چرکین بر ایشی ایشلمکه مقتدر اولمقدن
عبارت دکلدیر ، زیرا بواققدار امساك واعطایه نسبتله مساویدر .
بر آدم فطرة بخیل اولسهده ، سخی بولسهده امساك واعطایه
مقتدر اوله بیلیر . امساك اقتداری اولان بخیل عد اولنه میه جنی
کبی ، اعطایه اقتداری اولان ده سخی عد اولنه من .
خلق ، کوزل وچرکین افعال هانکیلری اولدینی بیلمکدن ده

۱۷

حسن خالق

حسن خلقه دائر شمدي به قدر يك چوق كيمسه لر سوز
سويلمشار ايسه ده بونلر حسن خلقك حقيقتي دكل، يالكنز بعض
ثمراتي كوستره بيلمشاردر .

برشيئك حقيقتي بيلنديكي حالده آثاري ده بيلمك اسان
اوله جفتدن حسن خلق حقنده درميان اولنان اقوال مختلفه بي نقل
ايتمكدن حقيقت حسن خالق بيان ايلمك البته اعلادر . بناء عليه
ديرزكه :

«خلق ايله خلق اكرتيا برلكده استعمال اولنان كلاندندر .
مثلا «فلان آدم خلقاً وخلقاً كوزلدر .» دينير . «باطناً وظاهراً
كوزلدر .» معناسي قصد ايديلير . «خلق» ايله صورت باطنه ،
«خلق» ايله ده صورت ظاهره اراده اولنور .

انسان مدرك بالبصر اولان جسده مدرك بالبصيره اولان
روحدن مركبدر . جسده ده ، روحك ده چيركين ويا كوزل
اولمق اوزره كنديلرينه مخصوص برر هيتق واردر .

صماخ قلبمه بارسته نفمه لر کتیرر
 بوصوت بلبل آتی ، بوصوت باغ نوید ؛
 بوسس که بر صاریشین ، دلر با چو جق سمسیدرا

[بحر مجتث : مفاعلن فملائن مفاعلن فغان]



۱۶

چو جق سسی

نه در بوسس که بدیع و بیانی جرح ایلم ،
 کولر قواعد صرفه ، قواعد نحوه ،
 ویرر ادای فصاحت تنافر و حشو
 نه دیر که سهوینه دلبسته در بلاغتلر ؟

*

بوسس اگر چه رکیک و سخیف در یکسر ؛
 فقط رضا ویره من بر لسان آنی لغوه ،
 هپ امهات بلاغت قوشار آنی عفوه ،
 بتون لسان ملائک ایدر آنی از بر !

*

نه در بوسس که ایدر قلب مغبری تسمیر
 ایدر بیاله روحه اساله امید .
 ملکلرک لیکه سز نطقنی ایدر ققریر !

*

اولوب انوار رخى ايكي علو
در وديواره سالاردى پرتو.

برك گيل كهي اولوردى نيكو،
ترله دوكنجه اولوردى خوشبو.

دخى سيماي شريفنده آتاك،
بيليردى غرضي اول جانك.

نور ايدى آينه وجهه نبي
ظاهر اولوردى رضا و غضبي.

كندى نفسى ايجون اول پاك نسب
ايتمدى كيمسه يه عمرنده غضب .

اولمدى هرگز اولمل ناياب،
هيچ كيمسه يله جهانده شكراب .

[بحر رمل : فعلاتن فعلاتن فعلاتن]



وجه براقك اصحاب صفا

هرتی غالب ایدی دیر حق .

کو کده اولمشدی اونور رنگین،

ش-مع جمع حرم علین .

اوکا ویرمشدی کمال زینت،

کاتب چهره کش-ای فطرت .

عرق آلود اولیجق اول سلطان

کل بر ژاله به بکزدی همان .

هم دیمشردر اشراف الحق،

عارض پاکی عرقناک اولیجق،

دانه در کبی روینده تری ،

خوش نما ایلرایدی اول گهری .

عطر خوبیلله پر اولوردی مشام

بوی مشک ایدی یاخود عنبر فام .

ترلسه اول گل گلزار سرور

جوش ایدردی صانه سک قلزم نور .

نته کیم شعله شمع خاور ،

برق اورردی رخ پاکنده اوفر .

۱۵

« حلیه خاقانی » دن

اتفاق ایتدی بومعناده ام :
ازهراللون ایدی فخر طالم .

یوزینک خالص ایدی آنی قی،
رخاری صاف ایدی صافی صفق .

رنک رویی گل ایله یئکدل ایدی
گل کبی قرمزی به مائل ایدی .

قاپلامشدی یوزینی نور سرور،
سوره نور ایدی یامطلع نور .

مصحف حسن ایدی اول وجه جمیل
خط رخساره سی نص تنزیل .

کون یوزندن اوتانوب آب حیات
مسکینن ایتدی ورای ظلمات .

باشنه كیدی « لعمرک » تاجن
الدى معموره علمك باجن .

ذاتك قوت استمدادی
اولدی احیاسنه کونك بادی .

کلدی اول فارس شاه لولاک
قویدی اتشگده فارسه خاک .

سرنگون ایلدی سرکشاری هپ
نابید اولدی صنایید عرب .

توغ دین ایتدی صفا ایله خرام
ایردی عیوقه لوای اسلام .

چرخه عکس اولدی اودم ماه کبی
لمعه مشعله مطابی .

نیجه تعریف ایدیم اوصافک
نیجه شرح ایلیم الطافک .

سفی حق آینه ذات ایتدی ،
ذات یکناسنه مرآت ایتدی .

مور مدح ایتدی سلیمانی ، بنم
شرم جرمدن آچلماز دهنم .

[بحی رمله : فعلا تین فعلا تین فعلان]

۱۴

« حلیه خاقانی » دن

هیبت دبدبه کوس نبی
کسدی عرق نسب بولهبی.

اول مه چارده « شم دنی » ،

افتاب افق « او ادنی » ،

مست مدهوش می ناز جمال ،

شمع فانوس شبستان وصال ،

حاصل حوصله آموز فلک ،

کامل معرفت اندوز ملک ،

رافع رایت دین و ایمان ،

ناظم سلسله امن و امان ،

شاه کونین ، امام الحرمین ،

نور بی شین و نبی الثقلین .

کنیه سیدره . مشار الیهانک اسملری فاخند در . حضرت پیغمبر صلی الله علیه
وسلم مصراجه ام هانی خانہ سنده بولندقلری برکیجه تشریف بیورمشلر
ایدی . هانی لفظنک معناسنی قاموس ترجمه سی شوبله قید ابدیور :
«الهانی» خادم و خدمتکار معناسنده در . ابن اثیرک بیاننه کوره اعطاء
معناسنه اولان هنا لفظندن مأخوذدر . کویا که مخدومنه نفسنی اعطا
ایلشددر .»



آینه نور اولوب شب تار
 یار ایلدی یاره عرض دیدار.
 کوندردی خدا ایدوب مشیت
 جبریل امینی پیک دعوت .
 هرکه که اینودی آسمان
 صان عرشه چیقاردی خاکدان .
 تبشیر قیلوب سروش اعظم
 دیدی که : « ایا رسول اکرم ،
 آدین قودیلز براق یکتا
 کلدی ایانگیکه عرش اعلا .
 ایله گذر عرش و آسمانی
 محزون بیورمه لامکانی ! »
 اول مقصد کن فکان ایجاد
 فرمان خدایه اولدی منقاد .
 هرشی اولور اصلنه شتابان
 چیقدی ینه آسمانه قرآن .

[بحر هزج : مفعول مفاعیل فعلن]

ام هانی — امام علی کرم الله وجهه حضرتلرینک قزقزندانلری

تا مهر ایده ماهه عرض دیدار
ظلمات خفایه کردی انوار .

انوار ایله کائنات طولدی ،
ایشته بو کیجه صباح اولدی .

شوق ایلدی مهری پاره پاره ،
شئلندی مشاعن ستاره .

برخرمن نور اولوب نه افلاك
خورشیدی قیادی پرتو خاك .

برقیض ایرشدی بو زمینه
کیم اولدی سرای آبکینه .

گر ایتسه مهر و مه تقدم
شبنم یرینه یاغاردی انجم .

انوار بورودی کائنات ،
روشن کورر اولدیلر حیاتی .

برق اوردی اوشب چراغ نایاب
حو اولدی هب آفتاب ومهتاب .

برخرمن ایدی نجوم برقاب
خورشید و مه آنده گرم شبتاب .

۱۳

معراجیه

برشب که سرای ام هانی
اولمشدی اوماهك آسمانی .

اول ليله ایچون سپهر گردان
ابتدی نیجه بیک صباحی قربان

چون آب حیات اوشام انور
رنکی سیه ایدی موجی اخضر .

ابر آور اولوب بهار ناسوت
جوش ایلدی سبزه زار لاهوت .

سرچشمه خضر اولوب هویدا ،
ارواح بقایه اولدی اروا .

ظلمات چکوب سرادق غیب،
سر سویلدی ماهه مهرلاریب .

چوق دولتکده شاعر ساحر بیان، ولی
داد ادایی نفی شیرین زبان ویرر.

لطفک اولورسه کر سیخن پست پایه سی
نظم بلند محشمه کسر شان ویرر.

سوز برمتاع فاخر کیا بدر، ولی
اکا رواجی لطف شه نکته دان ویرر.

[بحر مضارع : مفعول فاعلات مقامیل فاعان]



با کیزه گوی نادره سنجم که هر سوزم
شهنامه بلاغته حسن بیان ویرر .

وصاف محتشم سختم که قصائدم
شاهان جم شکوه جهانبانه شان ویرر .

طبع عروس معفییه مشاطه اقایدر،
اندیشه مآینه، قلم سرمه دان ویرر .

خامه که نظم می ایدر احیا مداد ایله
آب حیانه رشحه می روح روان ویرر .

§

جمشید کامران که سوار اولسه رخشنه
دارا طوتار رکابی، خسرو عنان ویرر .

خورشید زر فشان که کفی فیض جود ایله
دمره غنای ماحصل بحر وکان ویرر .

دوری زمان احمد مختاری آگدیرر؛
شمشیری ذوالفقار علیدن نشان ویرر .

ای داور زمانه - که آب عدالتک
ملک جهاه رواق باغ جنان ویرر -

۱۲

اجداد مکارم نژاد حضرت شهنشاهیدن فردوس آشیان
سلطان احمد خان اول حضرت تلی و صفنده برقصیده دن

هر معنی لطیف - که جانندن نشان ویرد -

تعبیر ایدنجه طبعم آئی نظمه جان ویرد .

هر نظم دلفریب - که بندن صدور ایدر -

لفظی جمال شاهد معنایه آن ویرد .

هر نکته خفی - که کلامده درج اولور -

مضمونی دست طالع بر داستان ویرد .

اول سحر ساز معجزه گویم که نطقمک

فیضی دوات و کلمه زبان و دهان ویرد .

اول ناظم لائی نظم که شعریمک

رشی جماده طبع جواهر فشان ویرد .

کوکارده کزن او بال منقوش
بر کون اوله جق زمینه مفروش .

[بحر هزج : مفعول مناعلن فعوان]



اما متعاقباً ده ناچار
سودا زده وار بر دوش وار .

یاره طوقنور خدا نکرده ،
بالک نه سورورسک او یله یرده ؟

شوق اولمیدر سبب بو حاله
توزلاندی یازق او پروباله !

ارباب نظر سووب او پرلر
یرلرده سورنمسون او پرلر !

سیر ایله ترقی نشاطی
کوسترمه ده سر ارتباطی .

هو هوویه کیرشدی عاشقانه
قیدنده دکدر آشیانه .

مادام که مطلق العناندر
آواره یه هریر آشیاندر .

هو هولری آه پک درونی
عاشق بکنیر بو ارغونی .

باقد قجه بو صنع بر کاله
شاهین قضا کلیر خیاله .

اولدم بن او خوشخرامه مائل

طاوسه طوتارمی یم مائل ؟

بر کره باقک نصل سبکروح
معذورم اولورسه بنجه ممدوح .

سیر ایله شوگردن بلندی
صومزمی کوکل بو شهلوندی ؟

رفتارینه دقت ایت نه موزون ،
شاعر بوکا اولماسونمی مفتون ؟

تویلرده باقک شو انتظامه
شاینسته دکلنی ابتلامه ؟

توزلق ایله توز مشارک اولمش ،
پوشیده پای نازک اولمش .

فیضیله طبیعتک دونامش
هر بر تویی نور ایله بویامش .

باقدکمی رفیقہ سنده نازه ؟
باق، باق، بریکنده اهزازہ !

مردانه مروره باق یانندن
باقاز بیله کچسه چاق یانندن .

کوکم سکا بستہ اولدی بی دام
صیاد سن اولدک ای خوش اندام !

سن اولمہ دن آشیان رسیده
کوکم نصل اولسون آرمیده ؟

آتش کی سومه اعتلائی ،
کل اولمہ ، آسودیکم ! هہ ایی .

قوندی سر بامہ ، بارک الله
تکرار هوالنیرسه ایواہ !

اوجق ایچہ ن اولسون بهانہ
گاهی اوباقشار آسمانہ ؟

ای صنع صفا فزای بیچون
دل اولدی تزلکله مخنون .

ارباب حقیقتک هامی ،
سودالی طبیعتک صفاسی ،

بندن متوحش اولمہ اویله ،
کل ، کز آراجق یانمده شوپله !

طبعمده کی ذوق وشوقی تام ایت
مفتون خرامکم ، خرام ایت !

انظاردن آرزو عیاندرد
افکاره دو دیده ترجاندرد.

عرض ایلدور اول لطیف بیکر
هر بر سوزیلشده لطف دیگر.

دل شوق ایله اوینایور یرندن
آواز لطیف شهرندن .

اوچسون دیم ، ایسترم که اینسون
انسانه فرشته ایندی دینسون.

وار وجهی اگر دیسم مایکدر
اما شوده وارکه پک دونکدر .

کل دانهیه قاقچه ای کبوتر
حیرانکی صاعقه دام گستر .

اولدک ینه بفتة پریده
بوندن نه چیقار آنور دیده ؟

دانهم سفی صید ایچون دکلدر،
کل کل! بو بر آرزوی دلدر.

دوشمهك بیله دامه ایلر آزاد
بر بشقه روشده در بوصیاده .

۱۱

کبوتر

او چدقجه خیال یار کوزده
آرامه بولوب مدار سوزده

شهدانه دیده ترمله
مشغول اولورم کبوترمله.

براويله انیس جان بولماز،
اما اوده هر زمان بولماز.

ترك ايلمش ايسته آشياني
خاكي ايكن اولمش آسماني.

پيرودر او وحشت اعتياده
نور نگهم او چار هواده.

هرهانكي طرفده اولسه مطلوب
اولمازمي نظر اوسويه مجلوب؟

نظر مده جهان سرور آباد
ملتم پر امید، کو کلم شاده

شا کر لطف مستعان اوله لم،
ناصر سرور جهان اوله لم.

[بحر خفیف : فہلائن مفاعان نعان]



حقك البتہ قولی ثابت اولور
طفل ساكت دليل مسكت اولور.

اوله رق بر بیوک نشانه خیر
قیلیدی شاد اهل حق ابن زبیر.
دیردی گویا او مزده بخش کمال:
«مسلمانلر منی کدر استقبال»

ای خدا جندی نیک مقدمه سی،
نه دیمکدر یهود شرذمه سی؟
منزه اقوام سد راه اوله ماز،
کیسه لر وهزناله اوله ماز.

قالسه باطل عجیبی بی رونق؟
کلدی وقت ظهور «جاء الحق»
«زهق الباطل» اولدی ایشته عیان،
قالدیمی حکم قول موسویان؟

حقه رب محمد مدنی
بر دلیل عجم ایتدی بنی.

زاده فیض بی تناهی یم،
منزه بر مژده آلهی یم.

ایشکز اشرف الامور اوله حق،
اوده اعلاى نام اقدس حق .

بن ده اولسه محمدی اولورم،
ناشر فیض سمرمدی اولورم.»

الله الله او دللشین تکبیر
ایلدی موسویلری دلگیر؛

چونکه اولجه کاهنان یهود
ایدوب اظهار مقتضای جحدود

دیدیلر صورت کهانته:
«منقطعدر خلف بوامته»

بوسوز ایتشدی مؤمنی غمین؛
کادی امداده لطف رب معین.

قول حسادی ایلوب ابطال
اهل ایماندن ایتدی رفع ملال .

متولد اولنجه عبد الله (۱)
اوکروهک وجوهی اولدی سیاه .

۱۰

« ذات النطاقین ، دن »

بنت صدیقه طیلت صدیق (۱)

اتم ابن الزبیر صدق رفیق،

اگهی پرور بدیعہ نما،

حضرت مفخر النساء

سنہ اولین ہجرتہ

« طیبہ » دہ بر شرفی ساعتہ

ایتدی بر طفل خوش لقا تولید

کلدی اسلامہ انیساط جدید .

عرض شکران ایدلدی خلاقہ

بانک تمکیر ایرشدی آفاقہ،

طوبہ اولیٰ نفیہ بانندی کلیم

دیردی زوای صاحبان قاب سلیم،

(۱) حضرت صدیقک صدیقہ طیلنلی اولان قبزی .

بر نگاه مرحمته بپ دل و برامی
 انتظام حمله رشک ایلدون باغ چمن.
 سوز تمام اولدی یترارتق دعا هنگامیدر
 ایله دامن نیاز والنجایی درمیان.
 تار یاض هفت طرح خانه بالای چرخ
 غنچه مهرین قیله دستار زیب آسمان.
 تا حریم مسجد پاینده قرب قبول
 اوله صدر محمل آه وانین عاشقان.
 نور ذانیله منور ایلوب حق روضه سن
 مسجد پا کن قیله روشن معطاف قدسیان.

[بحر و مل : فاعلان فاعلان فاعلان]

لوحش الله — لا اوحش الله ، جناب حق ابجاش ایتسون دیمکدرکه
 مبارک اولسون پرندة قوللانیلیر . سده — قیو اشیکی . همام —
 کوکر جین .



قیلہ گر بر عندیہ گلشن لطفن مائب
نالہ سی ایلر قضایہ بیک خطاب امتحان.

شویله در تاثیر فیضی آفتاب عدلتک
هانکی ماکہ دوشسه انواری ولور بی امتنان:

خرمنه حصن حراست شعله شمشیر برق،
شمعه فانوس عنایت صدمه باد وزان.

ظن ایدر لر شیوه چشمان و مژگانن کورن
سر حکمت در کمین ونور قدرت در کمان.

یا رسول الله، جمال با کمال کدر سنک
آفتاب بی زوال ونوبهار بی خزان.

سنسک اول پیغمبر آخر زمان کم ذات حق
رحمة لاه المین ایتش وجودک بی گمان.

نور دیدارک چراغ زم خاص کبریا،
خط رخسارک رموز سورة لیل و دخان.

خاک کومک چکمه بر چشم علیله روزگار
برق اورر آینه سندن صورت راز نهان.

حسرت برک لبکله اولسه چشمم گریه ناک
لعلدن تشکیل ایدر اشکم هزاران بحر و کان.

بویله ضبط ایتمش کوروب اوصاف عالی شافی
لوح محفوظ خداده خاتمہ معجز بیان :

پادشاه لی مع الله افسر و سلطان دین
شهریار ماسوا چاکر، نبی انس و جان،

سید افخم، نبی محترم، فخر ام،
اول عالم، رسول اکرم آخر زمان.

احمد مرسل، امام انبیا کیم ذاتیدر
وجه پاک حقہ ہم آئینہ ہم آئینہ دان.

قبضہ دار قاب قوسین او ادنی کیم دیگر
رب عزت ناولک ابصارینہ و جہن نشان.

بر حقیقتدر کہ آب جوهر مہرق
قلیدی آنکله تعین نور ذات مستعان .

نارہ تاثیر ایتسہ فیض آب لطف مشربی
اخکر سوزان اولور تخم حیات جاودان.

آبہ ایصال حرارت قیلسہ اما شہرتی
برق اورر هر قطره دن بیک کورہ آتش فشان.

اولسہ گر دشت عدم پیا نسیم مکنق
ہر بیابانی قیلار ملک وجودہ گلستان.

سینه چاک و دلپریشان اولدیله چاروبنه
 رشکدن کوکلم کبی هپ زلف حورای جنان.

چوره سطحنده روشن قیلمیدر، یاخود
 لجه انوار قدرته حباب بیکران.

دود آهی زر کلاهندن رهین عرش اولور،
 صافکه روح مولودره فروزان شمعدان.

یا دکل شمع فروزان، لاله نشکفته در
 دست بیضای کایم الله رن اولمش عیان.

طبع بیمار هواسی مغز انفاس مسبیح،
 علت عشقه لقاسی مایه روح روان.

هر حامی غبطه ساز طوطی گویای قدس،
 هر رخامی رشک مرآت شه خاورستان.

خاکنک هر ذره سی جانندن عزیز اولسه نوله؟
 آنده ساکندر جناب سید کون و مکان.

اول شهناشاه بریر عالم تفرید کیم
 عقل اولدر عصا برکف درنده پاسبان.

اول خداوند عظیم الخلق کیم و صافیدر
 ذات والا شانک ذات جناب مستعان.

شعله مشکاتنه پروانه جان جبرئیل
 آب فیض آیاتنه دیوانه روح قدسیان.
 ریزه ریزه جوهر جان خلافتدر بتون
 ساحه سنده پایمال ناس اولان دیک روان.
 جامع حکمت که طاق کوشه محرابنه
 سجده دن رفع سر ایتمز ابروان دلبران.
 ارتفاع منبرین قطع ایدم من روح الامین
 پایه پایه قیاسه افلاک و عقولی نردبان.
 صان درخت طوردر هر بر منار زر کمر
 کیم ویر عشق اهلنه نور تجلادن نشان.
 قبه خضرا دکل ، نو غنچه لاهوتدر
 کیم یوزندن برق اورر نور مین مستعان.
 فرقی اولدر شانک محشرله جمع وانتشار
 آمده برکز، بونده اون دفعه اولور کونده عیان.
 رونما روزنلرنده جام بلوری دکل
 مردم چشم ملائک قات قات اولمش نردبان.
 هر مؤذن آمده بر نو بلبل شوریده در
 کیم گل فردوس ایدر آوازه سن منگوش جان.

۹

روضه مطهره حضرت نبوی وصفند در

بارك الله ای مکرم روضه فخر جهان!
 لوحش الله ای معظم مسجد عرش آستان!
 روضه اما خاردر نسبتله برك و بارینه
 شعله نخل تجلا، ورد باغ لامکان.
 مسجد اما قبله گاه کعبه در کیم بابنک
 سده سی محسود جنت، طاق رشک آسمان.
 برگستان صفادر هر مقدس طرحی کیم
 روزگار ایلر هزار عدنه خاکن ارمغان.
 بر ویاض فیض باریدرکه خاک اقدسی
 فخر ایدر عرشه وجودیله آمک بو خاکدان.
 غنجه نکمت فشانی لاله داغ درون،
 جدول آب روانی سیم اشک عاشقان.

جهانده خصلت اولماز بو خصلتدن مبارك،
 بشرده فطرت اولماز بو فطرتدن منور .
 شكار خاصى اولمش بو ضرءانك ازلدن
 عقاب تيز نصرت ، اوصيد آتشين پر .
 نه وار عثمانليقدن سزكله منيكشفدر ؛
 تعالى ايتدى شمدى اوقش و شان اشهر ،
 اوت عثمانليقدن بيوك بر پايه يوقدر ؛
 ياشا اى نام عثمان ! ياشا سن تا بمحضر .
 بونسل پاكك اولسون الهى هر برى بيك ؛
 او بيكلردن يتشسون نيجه يوز بيك دلاور .

[بحر هزج : مقامبان فعوان مقامبلن فعوان]

رع — (رانك ضمه سبله) مزراق. عقاب — (هينك ضمه سبله)
 طاوشا بجل قوشى .



نه دهشتبار هیبت آلیز که حرب ایدر کن
قاجار پیشندن اعدا همان لشلش ، ابر .

دم آسودگیده برر آهوی معصوم ،
دم هیجاده امکن برر شیر جگر در .

بهادر قهرمانلر که کوردکجه شدائد
اولور بازولرنده صلابت ، قوت او فر .

نادر رجعت؟ بو بیلمز وفادن : اولسه حق
کلن هر فرد دشمن قودورمش بر غضنفر .

هلال ونجم غرا طوغار توأم شفقدن
نه خوشدر رایقنده اوموج برق اهر!
متانله شجاعت بوجیشه رخ وشمشیر ،
حیتله دیانت بوجیشه زره ومغفر !

سیوف برق پوشی نصل علوی ده مدھش
صفوف پرخروشی نصل مدھش ده دلبر !

نه طیمندر بوقوم نجیبه خاص طینت
که ایتمش دست قدرت مکارمله نخر !

وفا، صدق و صداقت بوجنده شان وشهرت
ادب ، ناموس وعفت بوجنده زیب وزیور .

۸

عسا کر نصرت مأثر حضرت پادشاهینک اوصاف برگزیده بسالته دائر


اولور مداحی عالم : نه عسکر در بو عسکر !
 قالیر حیرانی آدم : نه جوهر در بوجوهر !
 بیقار ، چیکنر قلاعی ، سرر اعدایی خاکه
 هجوم وصولتیه مثال شیر و ازدر .
 یانار طاغلردن اولسه تحصننگاه دشمن
 اولور بر حمله سیه باصلمش خاک اسمر .
 دیوبده « الله الله ! » جهاده عزم ایدنجه
 نه طویدن خوفی واردر ، نه استحكام دیکار .
 غلو شدتندن بتون ایکنر صماری ،
 غریبوی عکس ایدوب دیر جبال « الله اکبر ! »
 شهید اولمق ، یاغازی ، بودر مقصودی انجق ؛
 بومقصد وارکن آنده نصل اولماز مظفر ؟

۷

خاطره بدر کبری


پیش چشممده در اول چند جهانگیر هنوز،
 گوش جامده در اول غافل تکبیر هنوز !
 آره دن بیک بوقدر سال مرور ایتشیکن
 دل حسامده حاکمدر او تأثیر هنوز !
 سیف اسلامه دکل صاعقه تعبیری سزا،
 اویله بر صاعقه ایندیرمدی تقدیر هنوز !
 نظام قرآن کبی ای انجم رخشان هدی (۱)،
 سزنی استاد فلك ایتدی تنظیر هنوز !
 بی بصیرتله ایدرلر سزه اسناد افول ؛
 ایدیور شمشه کز عالمی تنویر هنوز !

[بحر رمل : فعلاتن فعلاتن فعلاتن فعلاتن]



حقا که خوش انتظام و یردک ،
 آرایش-نی تمام و یردک ،
 ایدک کرکین گر آزوگرچوق ،
 برنسنه کرکلی بوق که اول بوق! (۱)
 بر نوع ایله ایلدک مهیا ،
 کیم کلدی قص-وردن مبرا !
 اشیاده اگرچه راز چوقدر ،
 اول کیم اوله رازک آنده بوقدر . (۲)
 اشیا نیجه سندن اولسون آگاه!
 الق-دره و البقاء لله !

[بحر هزج : مفعول مفاعیل فوالان]



(۱) نظام و انتظام عالمی انتضا ایدن اموری — درجه لزمنه
 کوره — آزوچوق اوله رق تزیب ایلدک، لزومی اولان هرشی خلق
 بیورلشدور .

(۲) اشیاده برچوق حکم و حقایق واردور، لکن حکمت و حقیقت
 الهیهی حقیله احاطه دن عاجزدرور.

حکم ایتدک کیم نه اوله احوال،
 نه صنع ایله چیزکنه (۱) مه وسال
 دوران نه زمانده اوله آخر،
 هر دورنده نه اوله ظاهره .
 نیجه اوله فرد نسل آدم،
 هر فردی آنک نه ایده مردم؟
 اشیاده چوق ایتزم (۲) تفکر،
 سندن بکادر همین تحیر! (۳)
 اما چو سکا قدیمدر ذات،
 ادراک سکا یترمی؟ هیمات!
 ادراکزه کمال حیرت
 توحیدیکه بسدر دلالت!
 اندیشه ذات قیلیمک (۴) اولماز،
 بیلیمک بویترکه بیلیمک اولماز.
 اول دمکه اوروب بنای محکم،
 چکدک رقم نظام عالم،

-
- (۱) چیزکنک (کافک کمره سیله) دولاشتی، دور ایتک . بزم
 ترکیه منده غیر مانوس .
 (۲) ایتم ، بزم شیوه منجه معجور .
 (۳) بکا حیرت انجق سندندر . بزم شیوه منزه کوره « بکا سندندره »
 یاخود « سندندر بکا » دیمکدر .
 (۴) قیلک ،

ای بدی (۱) گل و طغور گلستان
 فیض کرمکله سبز و خندان ،
 ای واری یوق ایلین ، یوق وار ،
 یوق وار لنگده ظن وانکار !
 ای شاهد غیب پرده داری ،
 فیدرک کل معرفت هـاری ،
 ای عالمه فیض جود سندن ،
 خلقه شرف وجود سندن ،
 ای شمع ازل فتیله سوزی ،
 بزم ابد انجمن فروزی ،
 ای شبیه و شریکدن منزله ،
 سر ازل و ابدن آ که ،
 ای بار خدای عالم آرای ،
 تحسین ایشکه همین اوله رای ! (۲)
 احسن زهی حکیم کامل ،
 نه شکر اوله صنعکه مقابل ؟
 فطرت رغن چکن زمانده ،
 حقا که بواصر « کن فکان » ده

(۱) بزم شیوه منزه مغایر اوله رق مشدد اوقنور .

(۲) عوالمی بوقدر بدایله تزین ایدن صانع حکیم ، انار صنعکه

قارشی انسانلرک فکر و رأیی انجق تقدیس و تحسیندن عبارتدر .

۶

توحید و تمجید باری

ای مونس اهل ذوق یادك ،
 ابواب امن کلیدی آدك !
 ای كنج عطا طلسمی اسمك ،
 سن كنج نمان، جهان طلسمك !
 ای جودی وجود كونه واهب ،
 ذاتی كبی اعترافی واجب !
 ای پرده كش رموز مهم ،
 مستحفظ انتظام عالم ،
 ای نقش طراز صفحه خاك ،
 صاحب رقم خطوط افلاك ،
 ای مبدا فیض آفرینش ،
 سندن روشن چراغ ینش !
 ای سروجودك امر معلوم ،
 موجود همین سن، اوزكه معدوم !

شرفپذیر رسالت ، که ذاتی در مطاق
 مقیدات شئون بدیهه من مقصود .
 او شهریار سریر بقا که یوقدر آنک
 قلمرونده ثغور و ممالک منده حدود ،
 بوار دو گاهه کلوب قونمسه قورلمازدی ،
 شونه خزینه اوتاغ مقرنس مشهود .
 یلند پایه معظم سریر لولا کا ،
 ایا گزیده مخلوق وزیده مولود ،
 مدامکاره سهو و خطایه ذاتکدر
 کفیل لطف و ضمین کرم دم موعود .

[بحر محبت: مفاعان فملائن مفاعان فنان]

سروش — ملک . سرادق — سراپرده معربی . مهینه —
 (کسر میم ایله) بیوک . مقرنس — اوزری نردبان هیئت منده چانه
 ارلان قبه .



۵

نعت حضرت پیغمبری

سپهر اریکه شاهانه ، خدیو عرش اورنگ ،
 شه سروش سپه ، خسرو فرشته جنود ؛
 حکیم صحبت خاص مرادق جبروت ،
 ندیم پرده سرای محبت معبود ؛
 شرفیندیر مقدس مقام قربیت ،
 سریر گیر معلا نشین محمود ؛
 امین ملک نبوت ، مدار ختمیت ،
 امان هول قیامت ، ضمان رافت وجود ؛
 خضایب منبر طه ، مخاطب یس ،
 ادیب مکتب اوحی ، مقرب مودود ؛
 مال جوهر و اعراض خطه ناسوت ،
 مبینه علت تکوین و هست و فطرت و بود ؛
 نبی افضل و اکمل ، محمد مرسل ،
 خجسته ذات مبجل ، خلاصه وجود ؛

- قولانی، صدقه طورمه، دعالر ایله، ای نفی
 دعا نظم اخرنده فرض اولور نظم آوران اوزره .
 نته کیم هر درخت بر شکوفه شاه نوروزک
 قوره چتر سفیدن صحن باغ وبوستان اوزره .
 بوله ذات شریفیله سر بر سلطنت رونق؛
 اوله دورنده خلق آسوده دهرامن وامان اوزره .

[بحر هزج : مفاعیلان مفاعیلان مفاعیلان]

عبیر — بر آرمسک ابله کوزل قوقولو اشیای سارمه دن پاییلیر بر
 ترتیب، سوسن — صوصام دینبان چپکدر (حبوباتدن اولان سیسام
 دکل) . آهو بره . جیلان یاوروسی . شبدر — قاره یاغز آت .
 ایران قدیم حکمدارانندن خسروک بو اسمده اولان آتی . جلاجل —
 جلجله لر، اوفاق بولارکه اونکاه طلس وامشالی اوزربنه نقوش ایشلنیر.
 چتر — کونشلاک . شمسبه . هاکه — (قالمک ضمه و کسره سله) ایپلاک
 ا کردکاری بیکک باشنده کی آغیر شاق ، مدور شی . بو نصیبده ده ستون
 باشلی معناسنه اسم مال اولمشدر . برکتوان — حرب زماننده آتله
 کیدر دکاری بر نوع کیم . برهان قاطع ترکیبده سی چوقال ، کسمه ؛
 یانجق اولق اوزره قید ایدبور .



ایا خاقان دین پرور که دهر ایم عدا بکده
 ایدر خنده زمان دوات نو شیروان اوزره ،
 سوزم مردم بودر عجز و نیاز یله جنابکده
 یوزم فرش ایلد کدن صکره خاک آستان اوزره ،
 که بن قنده ادای مدح سلطان جهان قنده ؟
 نیچون حدم بیلوب مهر سکوت اورمام دهان اوزره !
 نه دگلو دعویٰ نظام ایلسهم زیرا ممکندر
 که حق اثبات ایدم مدح یله شاه نکته دان اوزره .
 خصوصا اول سخت پرداز استادم که اشعارم
 بازار مشکلیستندان جهان اوراق جان اوزره .
 بنم اول شاعر سحر که طبع سحرله گاهی
 معانی یرینه درلر دیزر سلاک بیان اوزره .
 چکردم تار زلف زهره زهرای گردونه
 اگر دیزسهم در شهوار نظم ریمان اوزره .
 نیجه بیک واردات آماده تحریر اولور دله
 اولنجه سایه گستر کلک چالاکم بنان اوزره .
 یازارکن نقش روی بکر فکرم فرط عصمتدن
 چکر بر پرده حیرت دیده صور تگران اوزره .
 ایدر ابکار مضمونی احاطه شمر رفیکم
 قزل والا نتق کبی عروس دلستان اوزره .

- او خمرو در که شب دیز جه - انگرد جلالینه
- جلاجلدر کواکب سینه بند که کشان اوزره .
- شه والا مکندر کیم بونیلی قبه عالی
- اوناغ سبزیدر صحن فضای لامکان اوزره .
- فلک بر ساییباند پدش گاه چتر جاهنده
- کولش بر فلک زردن سستون سایبان اوزره .
- جهانده قالمدی بر عقدہ دیردم دور لطفنده
- گرهله کورده سه مگر زلف پر چین بتان اوزره .
- کوره یدی جوهر شمشیری بی گره غمزه دلبر
- غمندن دخی تیغ اصمزدی طافی ابروان اوزره .
- اولوردی رهگذار باده بر سید روی دریاده
- چکل سه پیکر کوه وقاری باد بان اوزره .
- صانورلر صبحه چیقمش افتاب عالم آرادر
- کورنلر تاج زرله اشهب چایک عنان اوزره .
- او عالمگرد ره پیماکه دور لامکان ایلر
- قلم نقطه قونجه مرکز نون مکان اوزره .
- جهان پرگرد اولورکن جنبشندن سرعت سیری
- قوماز توز قونغه پیراهن برکستوان اوزره .
- اودگلو جست و چابکدر او جسم کوه پیکرله
- که جولان ایتسه طویماز چشم مور ناتوان اوزره .

اوشاهنشہ کہ نقش خاتم اقبالیدر سہک

زر خورشید عالمتاب و سیم اختران اوزرہ .

اوشاهنشہ کہ خاک راہی افسر، سنیکی گوہر در

سرچشید عالمگیر و تاج خسروان اوزرہ .

ہمایون پایہ سلطان احمد عادل کہ دوشمشدر

ظلال سایبان دولتی کون و مکان اوزرہ .

جہانبان قدر قدرت کہ خورشیدہ اولور نانی

نشان داغ فرمانی جبین آسمان اوزرہ .

خداوند ہما ہمت کہ دنیا دست جودندہ

بر آوج خار و خسدر بر محیط بیکران اوزرہ .

دکل باران و موج، افراط احسان دل و دسقی

ایدر گریان ولرزان ابری بحرو بحری کان اوزرہ .

نہ دریا کیم نسیم ہمتیلہ جوش ایدر آبی

گہر افشان اولور امواجی فرق فرق دان اوزرہ .

گر اوایہ منتشر فرمان عدلی کویہ و صحراہ

ایور آہو برہ زانوی شیران زبان اوزرہ .

نولہ دریا کبی عسکر چکوب دنیایی فتح ایتسہ

یورتسہ حکمی باشند باشہ ملک جہان اوزرہ .

سکندر درکہ ہفت اقلیمہ بر سیلاب ایدر جاری

سایاندر کہ فرمانی رواندر انس و جان اوزرہ .

- نسیم اول دگلو جان بخش و حیات افزا که هر دمده
 دم عیمی ایله دعوائی بحث و امتحان اوزره .
- صبا گرد کلهستانیه وارسه باغ رضوانه
 عبیر افشان اولور پیراهن حورچنان اوزره .
- یا رضوان بحث ایله کله تماشای گلستانه
 کوروب ترجیح ایدر باغ بهشت جاودان اوزره .
- یاراشدی اول قدر موج مسلسل آبه، کیم ویرمن
 او حریف زلف پر خم سینه سیمینبران اوزره .
- ایدر شاه بهارک درهم بی سکه سن جاری،
 دوکر ازهار بادامی صبا آب روان اوزره .
- دیزلدی قطره شبنم سراپا برک سوسنده
 قطار جوهر معنی کی تیغ زبان اوزره .
- دکل شبنم شرار آه بلبادر که چیدقجه
 دوشر کسب رطوبتله هوادن گلستان اوزره .
- دوئر بر حافظ محفل نشین نغمه پردازه
 سرآغاز نوا ایتدکجه بلبل آشیان اوزره .
- فراز گلبن بر ژاله دن گل کوستر روین
 شه عالم کی تخت مرصع نردبان اوزره .
- او شاهنشیه که واجیدر ادای خطبه نامی
 خطیب منبر صف نماز قدسیان اوزره .

۴

اجداد معالی نژاد حضرت پادشاهیدن جنتمکان سلطان
 احمد خان اول حضر نلری وصفنده برقصیده

بهار ابردی، ینه دوشدی لطافت گلستان اوزره؛
 ینه اولدی زمینک لطفی غالب آسمان اوزره .
 ینه هر لاله بر شمع مغنبر یاقسدی ، دودندن
 سحاب عنبر افشان اولدی پیدا بوستان اوزره .
 ینه چیقدی بیاضه نقشی هر سرو گل اندامک ،
 صارلدی یاسمن شاخ نهال ارغوان اوزره .
 چکله نوله یاران صفا سیر چنزاره ؛
 صلابه باشلادی مرغ چن سرو چان اوزره .
 خرد مفتون اولور نقش بهار و رونق باغه ؛
 نظر حیران قالیر آثار صنع مستعان اوزره .
 جهان آرایش ازهار گلزاربله نازنده ؛
 زمین فیض لطافتله سپهر امتنان اوزره .

تائید اوکنده بیک بویان،
 توفیق یاننده همعاندرد .
 هنگام دعای اقدسکنده
 جبریل سنکله همزباندرد .
 قنبدیل دعای مستجابک
 آویزه طاق گرزماندرد .
 حکم ایله نه آرزو ایدرسهک
 احکام خلافتک رواندرد .
 البته سکا اطاعت ایلر
 مراهل نظارکه مسلماندرد .
 مؤمنلره انتشار امرک
 ماننده دعوت ایداندرد .
 فرمانکه امتثال واجب،
 فرضیق امر بیگماندرد .
 دایم ایده حق آنی جهانده
 زیرا که جهان محض جاندر .

[بحر خفیف : مفعول مفاعیلن فہوان]

فرق — تپہ . فرقدان — (فرقد) ک تثنیه بی . قطب شمالی بہ
 قریب ایکی کوکب . سعدین — مشتری ایله زحل .



۳

ستایش حضرت پادشاهی

اول ظل خدا که خاک پایی
 پیرایهٔ فرق فرقداندر ؛
 اول ظل خدا که ذیل جودی
 بالجلهٔ انامه سائباندر ؛
 هم زیور مسند خلافت،
 هم پادشه قدر تواندر .
 اقسام جواهر معالی
 درگاهنه خاک استاندر .
 احسان و کرمده حق یولنده
 دست و دلی رشک بحر و کاندره
 ذاتی ایله جوهر خلافت
 سعادین مؤبد اقتراندر .
 مردم جولان ایدن دلنده
 الهام خدای مستعاندر .

مدعاه شاهد مدر حضرت پروردگار
یا رسول الله، یوقدر غایه علویتك.

زبدۀ عرفالتك ای پیغمبر امی لقب!
نیر ایمانتك ای پیغمبر قدسی نسب!
مکرم قرآنك ای پیغمبر معجز ادب!
رحمت رحمتك ای پیغمبر صدیق لب!
مستحیل افضالكه تعیین اوصاف ورتب.
یا رسول الله، یوقدر غایه علویتك!

[بحر رمل : فاعلاتن فاعلاتن فاعلاتن]

اطباق — طبقه لر، قائلر . اطباق هر بدن مقصد اقوام هر بدنر ،



۲

نعت حضرت پیغمبری

عرشه دوشمکدن معلا سایه علویتک،
 عشق عزتله مخمر مایه علویتک،
 عقد پروین برکین پیرایه علویتک،
 نیر فیض از لدر دایه علویتک،
 عقل ایله تخمین اولنمز پایه علویتک،
 یار رسول الله، یوقدر غایه علویتک.

سندن اخذایتدی صفا پاکیزه اخلاق عرب،
 مهر ذاتک ایلدی تنویر آفاق عرب،
 ایلدک نور کجالاتکله اشراق عرب،
 اول فضیلتله یایلدی غربه اطباق عرب،
 یار رسول الله، یوقدر غایه علویتک.

نور دیدارکله منهاج حقیقت لمعه دار،
 تاب کفتارکله اسرار لدنی اشکار،
 لطف اطوارکله احسان وعدالت کامگار،
 فیض آنارکله در بودین وامت پایدار،

عفو ایله خطا ایدرسه گاهی
برجذبہ لی شاعرک آہی !

عشقکله نوای دلشیفی
رقصان ایدیور موحدینی .

سندن بونفس ، دهن ده سندن ،
شاعرده سنک ، سخن ده سندن .

[بحرہ زج : مفعول مفاعیل فہولن .]



دور ایتمده دست قدرتند
 یوز بیک کره ملک حکمتند .
 ایتمش تن زاری خاکدانی .
 قیلمش دل پاکی آسمانی .
 تن مرتبط اولسه ده زمینه
 جان حقیقه ده رب عالمینه .
 تن طور مه ده آشیان ایچنده ،
 جان ارچه ده غیبیان ایچنده .
 ای طائر غیب ، صامک الله !
 پروازیکه بیک تبارک الله !
 یارب ، بونه مطلبیمجه رفعت ،
 یارب ، بونه مشربیمجه وسعت !
 عالم قالیر اورته سنده ارزن
 جولانگی بویله ایسترم بن .
 اولسه مه ده محیطی آسمانک
 البته محاطی یم خدانک .

توحید

الله - که صانع جهاندر -
 بیک درلو نقابدن عیاندر .

توحیدی سور او خالق الروح
 بر در بر، او بی نیاز سبوح .

« الله نه در؟ » دینجه غافل
 « الله ! » دیوب خموش اولور دل .


معنای وجود ، رب اعلی
 الله بیلیر عظیم معنی !

باق صنعتنه نه عالم آرا ،
 باق قدرتنه نه حیرت افزا !

باق ملکنه وارمی انتهای ،
 باق ذهنه صیغارمی کبریائی ؟



اقتطاف



دردنجی قسم

منظوم و منشور اوتوز قدر اثری حاویدر



۱۳۴۱

جد امجد حضرت خلافتی۔ اہی جتیمکان
سلطان احمد خان اول حضرتلری وصفندہ
بر قصیدہ دن

ایسک ۲۱ ۶۷

ہنر و دہا ۲۲ ۷۱

بنامہ اسحق ۲۳ ۷۵

خستہ چو جق ۲۴ ۸۰

چالشیق ۲۵ ۸۴

بر قصیدہ دن ۲۶ ۸۷

تربیتہ بنانک اہمیق ۲۷ ۸۹

الواح طبیعتدن ۲۸ ۹۳

اسلوب ۲۹ ۹۶

عمر بن الخطاب ۳۰ ۱۰۱

صباح اذانندہ ۳۱ ۱۰۶

ادیب — بلیغ ۳۲ ۱۰۷

رمضان ۳۳ ۱۰۹

وصف سعد آباد ۳۴ ۱۱۱

کنعان ۳۵ ۱۱۴

ویرک زوالیلرہ ۳۶ ۱۱۶

برقاج مصرع و بیت ۳۷ ۱۱۸

توسیع اولنہ جق موضوعلر ۱۲۳



فهرس

صحنه		
۳	۱	مناجات
۵	۲	نعت حضرت نبوی
۷	۳	ستایش حضرت پادشاهی
۸	۴	حسن طبیعت
۱۶	۵	بر گلی گلین
۲۰	۶	بر خاطرہ
۲۴	۷	نصیین جوارنده بر وادی
۲۹	۸	نوبهار
۳۱	۹	بر قصیده دن
۳۴	۱۰	لیلہ معراج حضرت رسالتپناهی
۴۲	۱۱	خطبہ پیغمبری
۴۴	۱۲	نقی
۴۷	۱۳	وجد
۴۹	۱۴	کتابہ
۵۱	۱۵	اشعاریمز حقنده بعض ملاحظات
۵۶	۱۶	اثار ادبیہ ده کوزلاک
۵۹	۱۷	مولانا جامی طرفندن حضرت فاتحه مکتوب
۶۲	۱۸	مایس
۶۳	۱۹	ملاحظات متنوعه

متضرر اولیہ جق . طاب عفو ایدیور، معلمک نظر توجہندن
دوشورمه مسفی استرحام ایدیور .

∴

۱۹

بر مسیره عالی

بر جمعہ کونی بر آرقداشکزلہ بر مسیره یہ کیتمشسکز . بر
دیگر ارقداشکزه نصل کزوب اکندیککزی مصور بر مکتوب
یازہ جقسکز .

اوچنجی قسمک صوکی

برشاگرد آرقداشنه شو وقعه‌ی خبر ویربور: کوچك چوجقلى
اولان برچفتجی ایله زوجیه‌ی خیلی مدتدن بری خسته ایدیلر.
اوراق وقی ککش، پکیور. بونلرک ترلارینی کیم بیچه‌جک؟
زواللی عائله مایوس. چفتجیلردن بری بیچمکی تعهد ایدیور.
بردیگری دمت یاپیور... حاصلی کیمسه ایشندن کری قالمقسزین
بغدایلر، آرپه‌لر انباره قدر کتیریلیور. تعاونک فوائد معنویه
ومادیه سنک بیانیه ختم کلام اولانه‌جقدر.

• •
*

۱۸

اعتراف

معلم امتحانی اکمال ایله الدینی ورقه‌لری اوطه‌سنه کوتورمک
اوزره شاگرداندن برینه وبرمشیدی. شاگرد بونلری
کوتورورکن صنفک اک مستعدی اولان بر اقدینک امتحان
ورقه‌سنه کیمسه کورمکسزین ایکی یا ککش قوندردی. بوصورتله
برنجیلکی کندیسنه تأمین ایدیوردی. معلمنه بر مکتوب ایله
اعتراف خطا ایدیور. ارقداش-نک کندیسنه اولان اییلک‌لرینی
تعداد ایدیور، سائقه حسدله بویله یامش، فقط شمدی پشیمان.
هنوز امتحان نومرولری وبرلماش اولدیغندن ارقداشی اوخطادن

ایکی کدی گاه بر بریله اویناشیورلر، گاه جوجقلره صتاشیورلر.
عائله خلقی اره صره قونوشیورلر.

••

۱۶

شاعر ايله خیدودلر

مایسک بر صیجاق کوننده بر آتلی (آپه نین) طاغنک بر بوغازندن
کچیوردی. برقاج حیدود چیقهرق سواری بی آتندن ایندردیله،
اشیاسنی المغه باشلادیله. میاح سکون ايله خرسزله باقیوردی.
بونلر سیاحک آدینی او کرنگ ایستدیله. «لودوویکو آریوستودر»
دیدى. حیدودلردن برى «وای ! او بیوک شاعر می ؟» ديه
باغیردی. خرسزله حیرت. اشیا بی تکرار صندوقله وضع ايله
شاعری جوارده کی کویه قدر ایصال ایلدیله.

[لودوویکو آریوستو ایتالیا نك بیوک شاعرلرندره.]

••

۱۷

تعاون

تعطیل زمانی کچیرمک اوزره کویه عودت ایتمش اولان

۹۴

حیات سیغوریطه سی

ولایات اهالیسندن غزته لرده حیات سیغوریطه سی تعبیرینه
دقت ایتش بر آدم سفائن تجاریه، اشیای تجاریه، ابنیه سیغوریطه-
سفی بیلورسده حیات سیغوریطه سی آ کلایه مدیغندن بحث ایله
بونک نه دیمک اولدیغنی سزدن سؤال ایتش اولدیغندن حیات
سیغوریطه سنک مستند اولدیغنی حسابلرله صورت معامله سنه
وبونک فوایدینه دائر بر جواب یازه جقسکز .

* *

۹۵

بر عائله

قیش زمانی، منتظمجه براوطه. صوبه یانیور. پدر یازی
یازیور. والده برماکنده دیکیش دیکيور. اون، اون ایکی
یاشلرنده بولنان صافیه قناویچه ایشلیور. بش یاشنده کی فطین
اویون ایله مشغول. بری دوز بیاض، دیکیری قنه لی تکیر اولان

بستون بیتکه یا قلاشیر . دکزده قحط قره دن شدتلیدر . طاقه
نومید . قپودان - کندیس . مایوس اولمقله برابر - اونلری
امیدوار ایتکه چالیشیر . بر اقشام هیچ برشی قالماش ایدی .
ایرتسی صباح بر مساعد روزگار . اتی ساعت صکره بر لیانه
واصل اولدیلر .

• •

۱۶

نطق

بر مکتب اعدادینک کشادی مناسبتیه ولایت معارف مدیری
طرفدن بر نطق ایراد اولنه جقدر .

• •

۱۷

استانبولک تصویری

ولایات اهالیسندن استانبوله ایلك دفعه گلش بری (ارباب
معلوماتدن بر آدم فرض اولنه جقدر) استانبولک منظره عمومیه سنه ،
باخصوص بوغاز ایچنه ، مبانی مشهوره سنه ، کثرت نفوس و تجارتنه
دائر مشاهداتی حاوی مملکتنده احبابندن برینه بر مکتوب یازیور .

• •

۱۰

زواللی چوجقلر

کیجه ، دکز کناری . فیرطنه . بر بالیقچی کلبه سنده فاطمه
 نامنده بر قادین زوجنه منظر . مراق ایدیور . وقت خیلی کچمش
 ایکن جوارده کی کلبه ده موم یانمده اولدیغنه دقت ایدر . اوراده
 ایکی اولادیه بر فقیر طول قادین اقامت ایدیوردی . قادین
 خسته ایدی . فاطمه بونلری کندی کلبه سنه کتیرر . (نه ملاحظه
 لرده براندینی سویلنیه جک) زوج عودت ایلر ، صیدفنا . (مکالمه
 ایتدیریه جک) فاطمه طول قادینک وفاتی خبر ویرر . زوج ،
 اوچوجقلرکده آنسنی تکلیف ایده جک ، فقط متردد ، چونکه
 کندیلرینک درت چوجنی وار . عجبا زوجہ سی راضی اوله جقمی ؟
 نهایت تکلیف ایدر (کذلک مکالمه) فاطمه ینساغک یورغانی
 قالدیروب چوجقلری کوسترر .

••

۱۱

ر یلکن کیسنده قحط

یه جک ازالیر . هر کسه بر مقدار معین ما کولات ویریلیر .

۹

زوجه و فادار

بر قریه ده بر قتل وقوع بولور . بر کویلو مظلوناً توقیف
اولسور . تبریه ذمت ایدر ، فقط مظلونیت و موقوفیت کدریله
ترك حیات ایلر .

زوجه سی اصل قاتلی بولمغه عهد ایدر .

وقعه یه عائد هر دُرو تفصیلاتی جمع ایله اصل قاتلک ایکی
کشی اولدیغنی ، بر درجه یه قدر قیافتلرینی اوکرنیر . یدی سنه
بونلری هر طرفده ، جوار کویلرده ، جوار قصبه لرده ارار .
بر کون - چهره لرنده قاتللرله مشابَهت کوریکی - ایکی شخص
قونوشور ایکن مقتولک اسمنی تلفظ ایدرلر . قادی بونلرک
ارقه سنه دوشر . بر خانه یه کیدرلر ، اوراده مقتولک مقاسمه
نقودندن طولابی وقتيله آره لرنده تکون ایتش بر منازعه دن
بحث ایدرلر .
یکیدن محاکمه .

قادی بو صورته زوجنک معصومیتنی تماميله اثبات ایتش
اولور .

(کنت) نامنده جسم بر انگلیز کمیسنده انباردن حریق ظهور
ایدر . اتش جیخانیه قریب . انباره دلیک اچیلیر ، اتش سوز .
بودمه بانق تهلکه سی ظهور ایدر . طلومبه لرله چالیشیور لر ، فقط
صو چوغالیور . هر صنفدن ، هر یاشده بر ایکی یوز یولچینک
کو کرتیه بریکوبده کوستردکاری تلاش . انجق قپودان مکانته
قوماندهده دوام ایدیور . تهلکه زیاده لشیور . بر کیمی دیر کده
اطرافه ناظر . بر یلکن کوریلور . اشارت ویریلیر . کمی تقرب
ایدر . قپودان بر صره ترتیب ایدر . اولا قادینلرله چوجقنر ،
صکره اختیارلر ، سائر یولچیلر ، طاقه ، اک صکره قپودان اوته کی
کمی به کچر .

* *

A

بر احبابدن دیگرینه مکتوب

خیلی وقتدن بری مکتوب کوندرمه مش اولدیغندن طولانی
بر شخص طرفندن حکامدن بر محبته مکتوب .
[عادلانه فصل ایتک اوزره بر دعوی اقامه ایده جکفی
مقدمه ایده رک محبته ینه کندیسنه شکایت ایده جکدر .]

* *

دها تحصیل ایتک می ارزوسنده در ؟ پدری بورالینی ا کلامق
ایستیور .

بونک ایچون بابادن اوغله بر مکتوب یازمه جقسکز .

••

۶

جوابی

دها تحصیل ارزوسنده . ملکیه ، حربیه ، طمیه مکاتب شاه .
نه سندن برینه کیرمک ایستیور . ملکیه مأموریتی ، عسکرلک ،
طبابت مسـلـکـلرینی مقایسه ایله برینی ترجیح ایده میهرک پدرینک
راینی استیدان ایدیور .

••

۷

بر کینک مفروقتی

۱۸۲۵ سنه سنده امید برونندن هندستانه کیتمکده اولان

۴

یانغین

بر قیش کیجه سی اویقوده بکجینک سسینی ایشید یورسکز .
 اقربا کزدن برینک بولندیفی محله یی سویلیور . همان کید یورسکز .
 یانغین اوشخصک خانه سنه پک قریب . روز گارده اولدجه سرت .
 یانغینک تصویر ی . اشیایی چیقارمغه ، کره میدلکه صو چیقارمغه ،
 کلیم کر مکه معاونت اید یورسکز . اطفائیہ الاینک غیرتیه خانه
 قورتیلیور ، یانغین اوج خانه نک احتراقیه سونیور .

• •

•

بابادان اوغله مکتوب

مکتب سلطانینک صوک صنفنده بوانان بر شاگرد مکتبدن
 شهادتنامه الدقدن صکره بر مسلك معیشته سالق اولمق می یوقسه

۶

اوغلدن بابایه مکتوب

درسعات مکتب اعدادیسنده بر افندییه پدری او مکتبدن
 صکره نه یایمق ارزوسنده بولندیغنی سؤال ایتمش . زراعق
 فضیلتکارانه بر اشتغال بولدیغندن، عائلهسندهده مقدار کافی اراضی
 بولندیغندن، مملکتتمز اک زیاده زراعتیه صالح اولمقله بو یولده
 پک چوق خدمت ایدیله بیله جکندن بحث ایله حلقه لی مکتبند
 تحصیلدن صکره مملکتته عودت ایله معلومانق تطبیق ایدرهک
 هم عائلهسنه، همده او طرف ارباب زراعتیه نافع اولمق ارزو-
 سنده بولندیغنه دائر بر جواب یازیور .

::

۷

مکتب

بر مکتبی داخل و خارجاً تصویر ایدم جکسکز .

::

توسیع اولنه جق موضوعلر

۱

قارلر ایچنده غائب اولش چوجق

بر کویلو قادین اوغلانی بر ایش ایچون یاقین بر کویه
 کوندرمشیدی . قیش، هر طرف قارله مستور . چوجق هان
 کوندرلدیکی یره کیدوب ایشنی اکمال ایله عودت ایتمک لازم کلیر-
 کن کوی کنارنده ارقداشلریله اویونه طالار . (بو اویونلر
 تصویر اولنه جقدر .) خیلی اوینادقن صکره والده سنک
 امرینی تخطر ایدر . حال بوکه اقشام تقرب ایتمش ایدی یولنی
 شاشیر ، بر چوق طولاشیر ، نهایت اوشور ، کندیسنه بر اویقو
 کلیر . والده سی اوغلانی مراق ایدر ، بر قاج کویلو ایله آرامغه
 چیقار . چوجقنی قار اوزرنده بی حرکت بولورلر ، والده سنک
 خانه سنه کتیررلر . کوچ حال ایله کندینه کلیر وبوندن متلبه اولور .

اوگل اندام برال شاله بورونسون، یوروسون،
 اوجی۔ کوکلم کی۔ اردنجه سورونسون، یوروسون! (واصف)

∴

باقه یارب سواد دفتریمه ،

اونی یاق اتشه بنم یریمه !

(حالی)



صدف آسا قبول فیضه استعداد لازمدر ،
(حامی) که هر موضعه نیشان قطره سی در ثمین اولماز .



دکل چشم کبود اول ابروانک زیر طاقنده ،
(ندیم) ایکی آواره قمریدر که گلش ، آشیان طوتمش .



کوز کوردی ، کوکل سودی سفی ای یوزی ماهم ،
(نجیفی) قربانک اولهم وارمی بنم بونده گناهام ؟



طبیعت روشن اولماز اولمدججه دیده حق بین ؛
(فطنت) الیرمی بیت بی روزن ضیا خورشید انوردن ؟



دل صفحه سینه باقدم : اطراف خلی مشروح ؛
(نوعی) بیلدم بو نسخه چیقمش بر ذوقنون الندن .



يار سنر قالير جهانده عيسنر يار ايسنين . (سلطان سليمان)




حسد بر معنوی تعريضدر الطاف مولايه . (عزت ملا)



كلامندن اولور معلوم كشينك كندی مقداری . (مولانا)



تسلیمدر معارضه نك سيف صارمی . (عزت ملا)



بیتلر

نوردن تصویر قیلدش بر بلا فیاض کل ،
اول بلايه جان و یروب یار ستمخو قویمش آد . (شیخ غالب)



قدر در و گوهري آدم بیلیر ؛
آدمی اما ینه آدم بیلیر .
(شیخ غالب)



چشم انصاف کبی کامله میزان اولماز. (طالب)



میوه باغ امل گه اولور، گاه اولماز. (حالی)



متاع همه اندازه اولماز. (غزالی)



آب وهوا اولنجه بر خاکدن نه بیتمز! (خیالی)



کار اولده کیشی عاقبت اندیش کرک. (لا)



اولمايجه خسته قدرین بیلمز ادم صحتک. (فطنت)



طوغریدر حقه اوزم، دکه گج اولسون کلهم. (واصف)



۳۷

متقدمین شعرادن بعض مصارع و ابیاتدرکه تعیین وزن ایله
حصول ممارسه ایچون اقتطاف اولندی .

مصراعلر

اهل هنرك قدريني بيلمك ده هنردر . (لادری)

• •
•

لطف سخن نزاكت طبعه نمونه در (ثابت)

• •
•

اگر مقصود اثرسه مصارع بر جمعه کافیدر . (راغب پاشا)

• •
•

گل تصویر بهار اولسه ده خندان اولماز . (راشد)

• •
•

رداء برف ايله اورتك كه تتره سين ده ينه
 — ايچنده صاقلايه رق سوزش فلاكتي —
 يابانجي كوزلره كوسترمسين سفالتي ...
 نصل تحمل ايدر صوكره قارشيسنده بونك ،
 بونك ، بوحنه پر ياس كريه مشحونك
 بر از حيت ورقنله صيزلايان دل پاك ؟..

درين ، ايكلتيلي چارپنتيلرله سينه خاك
 تاثراتي سويلر بو لوح الامه .
 سزكده قلبكز البت اجير ، دكلى ؟.. ويرك ،
 ويرك شو طوللاره ، يوقسول قالان شو ايتامه ؛
 ويرك ايننه غايت شو بريغين بشرك !

[بحر مجتث : مفاعلن فاعلن مفاعلن فاعلن]



۴۶

ويرك زوالليلره !

— باليكمر مصابني ايجون —

خراب زلزله بر كوى : شويانده بر چاينك
 چوروك ديركلرى دهشتله فرلامش، اوتهدن
 چامور ييغنتيسى شكنده بر زمين قاتنك
 ييقيق تمللرى منظور ؛ اوزاقد بر مسكن
 زمينه طوغرى اكيلمش، هان سقوط ايده جك ؛
 او كنده بر قادين ... اووف ارتق ايسته مم كورمك ؟
 بولوحه قلبى تحريك ايجوانسه ، كافيدر ؛
 تصور ايليهم بر يورك ، ولو منكر ،
 ولو خشين وملوث ، كه بويله بر حالى
 كوروبده صيزلاماسين! .. شمدى سز بو تمثالى ،
 بولوح ماعى هر درلو دهشتيله آلك ،
 شو محترم وطنك بر كنار باردينه ،
 بوتون او منظره جانشكافى برده قالين

بیچاره کز رتک باشنه ساکت وسا کن ؛
 اک مشکلی ، قزلرده کورلردی محقر .
 هپ شرم و حقارت طولاشیردی اوزرنده .
 یر غنجه آچلمازدی زمین گذرنده .

حرب اولدی . بوتون کویده کی شبان حمیت
 سرحدده شتاب ایلدی ... کنعانده برابر
 بر کون پوصوده بر اووج ارباب جلادت
 بر فرقه خراب ایلدی ... کنعانده برابر .
 کنعان کوینه یاره لی دونمش کلیوردی ،
 پیشنده بر اوازه شان یوکسلوردی .

[بحر هزج : مفعول مفاعیل مفاعیل فموان]



۳۵

کنعان

اون بش سنه اول شو کوچوک خانه ده ، سسر ،
 بر کویلو قادین ، برده اونک یاوروجغیله
 مرکبجکی سا کندی .. چوجوق ، صیسقه وعاجز ،
 لرزان حرکاتیله ، مقوس باجغیله
 اقرانه اکلنجه اولور ، خیر پالانیردی ؛
 خلقت نظرندن قاجینیردی ، اوطانیردی .

کنعان ... بو صولوق چهره ، بو اعجوبه فطرت ،
 شکلنده کی نقصان ایله دوننده جهانک ،
 قلبنده کی جوهرله فقط ، جوهر غیرت ،
 هپ کندی تزییف ایله نمون جهانک
 فوقنده ایدی ؛ صانکه بولوب جسمی شانسر
 انساننی طویلانمش ایدی روحنه یالکز .

کنعان بویودی ، خیلی ده کور بوزله دی ، لکن
 حالا اوکا معطوف ایدی اولکی نظر لر .

خرم آباده قریب اولدیغیچون جسر سرور
ایتمده خرم و مسرور دل نالانی .
قد خوبانمیدر ایا اوستون بالا
که تماشاسنک اولقمده جهان حیرانی ؟

[بحر رمل: فعلان (فاعلان) فعلان فعلان فعلن]



بنده اول امر شریف اوزره آلوباله [۱] قلم
 بویله وصف ایلدم اول نواثر ذیشانی :
 نه مناسب یره طور مش او طوانلی کوپری ،
 جمله [۲] کوزدن کچیرر سیره کلن خوبانی .
 پک صفا کسب ایده جک تکیه هله خیر آباد
 جمله ذوق اهلی اونک زمره درویشانی .
 کورمین آدمه الحق نه قدر وصف ایتسم
 نیجه تعبیر اولنور چاغلایانک سیرانی ؟
 یوق بو دنیاده هله قصر جنانک منلی ؛
 بیلمزم [۳] وارمی جنان ایچره دخی اقرانی .
 چشمه نور ایسه نور آیتن ایله تفسیر ،
 جدول سیم ایله بولسه نوله [۴] زیب و شانی .
 پک کوزل موقعنه دوشدی هله قصر نشاط .
 کرچه کندی کوچک اما که بیوکدر شانی .
 یا او جسرک که ادی کندی کبی نو پیدا
 شبهه سز یوقدر اوکا ملک جهانده ثانی .

[۱] ال لفظنک برنجی هجاسنده اماله واردر .

[۲] جمله کله سی موقعنده دکلدرد .

[۳] بزم شیوه منزه مغایردرد .

[۴] مجبور .

۳۴

وصف سعد آباد

- سحری دونکی کون اولدقدہ جہان نورانی
 روشن ابتدی سحرک حلقی چشم جانی .
 برعجب [۱] نشہ طلوع ابتدی دروغمدن کیم
 بلبل شوق و نشاط ابتدی دل نالانی .
 واردم اول شوق ایله بر مجلس عالیشانہ
 نیجہ مجلس کہ اونک مجد و علا ارکانی .
 ناگہان ایلدی بو بندہ ناجیزہ خطاب
 مجلسک صاحبی اول جود و مکارم گانی .
 دیدی کہ : «ای هنر آموز ظہیر و عرفی
 نہ طور رسک الہ ال خامہ سحر افشانی !
 طاتلی سوز لرلہ یازوب وصفی سعد آبادک
 ایله شیرین ینہ کل ذائقہ عرفانی .
 آندہ ایجاد اولان [۲] اثار جمیلک یک یک
 نامی یاد قیلوب شوقہ کتیر یارانی .»

[۱] معجور .

[۲] ضعف تألیف . «ایجاد اولنان» اولمی ایدی .

متصل ذکر ایدر ، عبادت ایدر ؛
 بیک خشوع و خلوص و حرمتله
 هر سجودنده چشم حقیقی

صیروب پرده پرده ظلمتی
 سرمدی بر صفای رؤیتله
 سیر فردوس محرمیت ایدر .

گاه بر جذبۀ تماشادر ،
 او زمان صانکه عرش یزدانی
 کورر انظار گریه باریله ؛

کوستر دست سبجه داریله ،
 کوستر بر لقای خندانی ؛
 بو کولن عید نشوه بخشادر .

[بحر خفیف : فعلا ن مفاعلن فعلن]



۳۳

رمضان

تا چو جو قلقلده ماه غفرانك
شویله بر لوحه مطهرده
بكا منظور اولوردی تمالی :

ایچی صمت و سکون ایله مالی
اولو بر معبد منورده
نظر التفانی مولانك

منعطف سایه گاه منبرده
بر وجود نحیف و بی تابه .
که ضراعتله سر بخاک سجود ؛

لب خاموشی لرزه ناک درود ؛
اولیه ، بیگانه راحت و خوابه ،
بر امید جنانله پرورده .

دها او قومق یازمق بیلمین ساده معیشت کویلولردن مقاله لر،
 حکایه لر دیکلنیرکه طور بلاغته حیران اولمقدن انسان کنندی
 اله ماز. ینه بیک درلو تکلفات ادبیه ایله طولی کتابلر کوریلور که
 بر صحیفه سنی بیله صیقله مقسزین او قومق ذوق اشنايان بلاغته کوره
 قابل اوله ماز!



۳۲

ادیب - بلیغ

ادیب ، علوم لسانیه یی اوقومش ، اکلامش ، اوکرنمش ،
 انار ادبایی مطالعه ایله انلردن بر چوق پارچه یی حافظه سینه
 درج ایتمش ، ارباب شعر و انشایه مخصوص لسانده افاده مرام
 ایتمهکة ممارسه پیدا ایلمش اولان هر کسدر .

بلیغ ایسه علوم لسانیه یی اوقومش ، اوکرنمش اولسون
 اولسون ، انار ادبایی طانیسون طانیسون ، لسان شعر و انشایی
 بیلسون بیلمسون ، سویلدیکی یازدینی هرسوزی منتخب و مقبول
 و باخصوص مفید و مؤثر دوشورمک خاصه جلیله فطریه سیله
 ممتاز الاقران اولان کیمسه یه دینه بیلیر .

هر ادیب اولان بلیغ اولمق لازم کلز ، هر بلیغ اولان
 ادیب اوله مدینی کی . انجق کرک شفاهی اولسون ، کرک تحریری ،
 کلامدن مقصد مستمعین وقارئینک جلب انظاری ، تهییج قلوبی ،
 تحریک حسیاتی ایله ترویج مرامده تأمین موفقیت ایسه [بلاغتدن
 بی نصیب اوله رق ادیب اولمقدن ایسه لسان ادبه واقف اولمقسزین
 بلیغ اولمق البته اولادر] دیه جکم کلیر !

۳۱

صبح اذاننده

الله اکبر . . . الله اکبر . . .
 بر صمت علوی : کویا طبیعت
 خاموش خاموش ایلر عبادت .

الله اکبر . . . الله اکبر . . .
 بر صمت نالان : کویا عوالم
 پنهان و پیدا ، نوار و مظلم ،
 ایتمکده ذکر خلاق دائم .

الله اکبر . . . الله اکبر . . .
 بر صمت علوی : قلب طبیعت ،
 بر صمت نالان : روح عوالم ،

ایتمکده ذکر خلاق دائم ؛
 ایتمکده رعشان رعشان عبادت .

[بحر رجز : مستغلاتن مستغلاتن]

اهل اسلام حرم شریفده صف اوله رق و جهر ایله تکبیر اله رق
میدانده نماز قیلدیلر . عمرک بیوکلکنی تعریف ایچون یالکز
بووقه عظیمه کافیدر . (۲۳) ذی الحجه سنک اون اوچنچی کونی
وفات ایتشدیر . قرب نبویده مدفوندر . رضی الله عنه .



پیغمبریده دیز چو کدی. بنی اکرم اونی قولندن طوته رق «ایمانه کل، یا عمر!» بیوردی. اودخی کمال اخلاص ایله شهادت کتیردی. اصحاب کرام بو حالدن پک زیاده ممنون اوله رق آواز بلند ایله تکبیر آلدیلر. آنک اوزرینه عمر «نه قدرز؟» دیه سوروب اهل اسلامک کتدیسیله قرقه بالغ اولدیفنی آکلاینجیه «نه طور بیورز؟» هایدی حرم شریفه کیده لم، اعلائی کلمه الله ایده لم» دیدی. جمله سی قالدیلر. اک اوکده عمر، اوندن صکره علی، بعده صاغنده ابوبکر، صوانده حمزه اولدیفنی حالدیه رسول الله، ارقه سی صروده سائر اصحاب کرام یورویه رک حرم شریفه کیتدیلر. اوراده مجتمع اولان کبار قریش باقدیلرکه عمر جماعت اسلامک اوکنه دوشمش کلیور. بری برلرینه «یا قسه کز آ، عمر بوتون محمدیلری ارقه سنه المش کتیریور.» دیدیلر. ابوجهل بو کلیشی بکنمندی. همان کیتدی، «خیر اوله یا عمر، بو نه؟» دیه سوردی. عمر و قارینه قطعا خلل کتیرمیه رک «اشهد ان لا اله الا الله و اشهد ان محمداً رسول الله» جوابی ویردی. ابوجهل شاشیردی. اوته کیلرده حیرتده قالدیلر. عمر عمومه خطاباً دیدی که:

— بنی بیلنر بیلیر، بیلمین بیلسین که بن عمر بن الخطابم.

کبار قریشه شاشیقینلق کلدی. طاغلدیلر. ایشته اوکون

الحسنى « آيت كريمه سنى كورنجه حالى دوندى .
اختيارى الندى كيتدى . همان شهادت كيتردى . كيزلى
اولان حباب آنى ايشيدنجه تكبير آلهرق ميدانه چيقيوردى .
ديدى كه :

— مژده ياعمر، رسول الله « ياربي، بو دني ابو جهل ايله،
ياخود عمر ايله عزيز ايت « ديه دعا بيورمش ايدى . ايشته بو
نعمت سكا ميسر اولدى .

عمر همان « رسول الله زرده ؟ » ديه صوردى . او كون
نبى اكرم صفا جوارنده بر خانه ده اصحاب كراميله مصاحبت
ايمكده ايدى . حباب عمرى آلوب اورايه كوتوردى ، عمر
خانهك قپوسنى چالنجه قپوده كوزجى بولنان ذات عمرك مسلح
اولهرق كلديكنى خبر ويردى . عمر فى الحقيقه دهشتلى بر آدم
اولديغندن اصحاب كرام توحش ايتديلر ، حضرت حمزه
ديدى كه :

— عمر دن قورقهجق نه وار ؟ اگر ايسلك ايجون
كلديسه بك كوزل والا او قليجنى چكمه دن بن اونك باشنى يره
دوشوريرم .

عمر ايجرى كيردى . اصحاب كرامدن ايكي ذات احتياطاً
صاغندن صولندن طوتهرق حضور نبوى كه كيتريدلر . رسول الله
تبسم ايدى يوردى . « براقكر » بيوردى . براقديلر . كلدى ، حضور

صحیفه لری صاقلادیلر . حبابی ده بر طرفه کیزلایلر . قپو آچلدی .
 عمر ایچری کیردی . « او قودیفکیز نه ایدی ؟ » دیه صوردی .
 سعید مبهم بر جواب ویردی . عمر غضبنوب « ایشیتدیکمز
 صحیح ایش . سزده محمدک سحرینه آلدانمشکیز . » دیه رک
 سعیدک یاقه سندن طوتدینی کبی یره ییقدی . فاطمه اونی قوتاره یم
 دیرکن عمر اونک یوزینه ده بر طوقاد اوردی . یوزندن قان
 روان اولدی . عمر قانی کورنجه بر طور ندانمشکارانه آلدی .
 فاطمه ایسه « یاعمر ، نیجون اللهدن قورقاز و معجزات ایله
 کوندردیکی پیغمبره ایناثمازسک ؟ ایسته بن و زوجم شرف
 اسلام ایله مشرف اولدق . باشمزی کسهک بوندن دونمیز »
 دیه رک شهادت کتیردی . عمر شاشیرکبی اوله رق همان اوطوردی .
 « هله شو او قودیفکیز شیئ کتیرک » دیه صورت ملایمت کوستردی .
 فاطمه صحیفه لری کتیروب عمره ویردی . عمر سوره بی کوزدن
 کچیرمکه باشلادی . « له مافی السموات و مافی الارض و مابینهما
 و ماتحت النری » آیت کریمه سنه کلنجه « یا فاطمه ، بونجه مخلوقات
 هب سزک طاہدیفکیز الله کمیدر ؟ » دیه صوردی ، فاطمه « اوت ،
 اونکدر . شبه می وار » جوابی ویردی . عمر « بزم بیک بش یوز
 قدر مکلف و مزین بتمز وار . هیچ بریسنک یر یوزنده بر قیراط
 ملکی یوق » یوللی سویلنمکه باشلادی . تحیر و تردد حالنده
 ایدی . مطالعه ده دوام ایتدی . « لا اله الا هو له الاسماء

۳۰

عمر بن الخطاب

(ابو حفص) ، (فاروق) عنوان امتیاز یله معروف اوله رق حضرت ابوبکر دن صکره (۱۳) ده خلیفه رسول الله و امیر المؤمنین اولان ذات عالیدر که اون سنه بی تجاوز ایدن مدت خلافتده دین اسلامه معنی و ماده عظیم خدمت ایتشدر . عدالتی ضرب مثلد . ابتدا اظهار اسلام ایدنلرک قر قنجیسیدر . پیغمبر من ائدمز : « یا ربی ، بو دینی ابو جهل ایله ، یا خود عمر ایله عزیز ایت » دیه دعا بیورمش ایدی . بو نعمت جلیله حضرت فاروقه نصیب اولدی . بوجه آتی اظهار اسلام ایتشدر :

عمر برکون همشیره سنک خانه سنه کیتدی . مگر انشته سی سعید ایله همشیره سی فاطمه اصحاب کرامدن یا نلر فده بوانان (حباب بن ارث) دن اوائلالرده نازل اولان (طه) سورة شریفه سی تعلم ایدیورلر مش . عمر خانه یه یا قلاشنجه آواز خفیف تلاوتی ایشندی . شدتله قیوی چالیدی . سعید ایله فاطمه تلاش ایدرک سورده بی حاوی

شاعرانه سی نه قدر انبساط پیدا ایتسه وجوده کتیره جکی اثر لرکده
او فضیله تلردن او قدر بهره سی اولور .

ایسته بوندن ناشیدرکه یالکیز بر فنک اصول وقاعده لر بنک
تحصیلی فنه طالب اولانلرده کافی اوله ماز . او تعداد ایتدی کمز
مزایای جلیله یی ایدمکه مدار اوله جق تعلیم و تربیه یی دخی
کورملری لازمدر .



قالير-اونده هيچ بر معنی وصفت مخصوصه اولدینی کبی اسلوب ده اوله ماز . حاصلی اسلوب فن صاحبنک علامت فارقه سیدرکه یالکر امثالی ارم سنده تمیز ایدن ائارده کوريله بیلیر .

فن اربابندن هر برینه مخصوص بر اسلوب اولدینی کبی بر قومه ، بر دوره ، بر فن مسلکنه مخصوص اسلوب ده واردرکه او قومک ، او دورک ویا او مسلکک علامت فارقه سی کییدر و اوکا متعلق ائار فینه نک عمومته شامل اولان صفتلردن عبارتدر . مثلاً بر یونان اسلوبی ، بر مصر اسلوبی ، بر عرب اسلوبی اولدینی کبی رساملقده ونیدک اسلوبی ، فیورنجه اسلوبی ، روما اسلوبی واردرکه بونلرک هر بری او مملکته ، او مسلکک منسوب اولان اصحاب فنک عمومته عائد اولان اسلوبه اطلاق اولنور .

اسلوبک فنده نه درجه اهمیتی اولدینی شو تفصیلاتدن اشکار اولور . اسلوب دیمک بر باقیمه فن دیمکدر . مادام که اسلوب شخصیتک ، یعنی فن صاحبنک جوهر و روحنک کوردیکی ایشه عکس ایدن اثریدر ، دیمک اولیورکه فن صاحبی عقل و حسیاتجه نه قدر بیوک فضیلتلره مالک اولسه ، افکاری نه قدر یوکسلسه ، قوه خیالیه سی نه درجه گرمی حاصل ایتسه ، قوه حسیه سی نه رتبه اینجلمسه ، نزاکت کسب ایتسه و کرک فن ، کرک طبیعت ائارینک تاثیريله ، خواهش و نشاطی و افکار

برادا ، بر پا کیزه ملک حالی ویررکه فن ایله طبیعتک امتزاج تامی
عرض ایدر .

لیوناردو دی وینچی اولسه اوکا بر بشقه نظرله باقرق
شیرینک ولطافتدن یاپلمش بر ملک کبی تصویر ایلر . کذلک بر
اورمانلق ، باخود بر دکر قیسی رسم اولنه حق اولسه هر بر
فن صاحبی اونی کندی فکرینه موافق بر صورتده کوره رک
کیمی لطیف وشاعرانه بر هیئنده کوسترر ، کیمی ده قلبه ملال والم
یاخود سکونت ویریحی بر حالده تصویر ایدر . حاصلی هر
برینک روحی کندی اثرینه عکس ایتش کبی اونده صورت
بولور .

ایشته اسلوب دینیلن شی بر فن صاحبی دیگرلرندن تفریق
ایدن مزیت دیمک اولمسیله او موهبه بیوک ادملره مخصوصدر .
یوقسه فرانسزجه «مانیره» تعیر اولنان ایش کورمه طرزندن ،
یعنی قلم و بویایی بر طرز مخصوصده قوللانمقدن عبارت اولان
شیوه دکلدر . بونک پک زیاده فوقنده بر خاصیتدر . اونده هر فن
صاحبنک روحی منعکس اولدینی جهته ارباب فنوندن برینه
مخصوص اولان اسلوبی تقلید ایله احراز ایتکده ممکن دکلدر .
نته کیم بر قورشون پارچه سی کموش سسفی چیقارمق ، یاخود تونج
کبی طنین انداز اولمق احتمالی یوقدر . فن معماریده هیچ بر
فکره دلالت ایتین بر بناده اسلوب مخصوص یوقدر . بر رسم
ویا طاشدن یایمه بر صورت که ما کنه کبی طبیعتی تقلیددن عبارت

فریفته اولور . کیمی ده بر رونق بر علویت ، بر شمشه ابراز
ایدرکه یالکز اونک اشعارنده کوریلور . ایشته فن اربابندن
هر برینک اکلایش و طویشنک طرزندن نشأت ایدن شو طور
مخصوصه اسلوب (استیل) دینورکه کرک ادبیانده ، کرک فنون
نقیسه نك سائرلرنده ظاهر اولور .

بیوک رسام و معمارلردن و ارباب موسیقیدن هر برینک
کندینه مخصوص بر اسلوبی واردرکه سائرلردن بونکله ایریلیر .
زیرا عینی برشیئی هر کس بریولده کورمز و حس ایتمز . طبیعتک
تماشاسی هانکی نقطه نظرندن باقلیر ایسه اوکا کوره تاثیر ایدر .
هر فن صاحبنکده کندینه مخصوص بر کوریشی واردر . واقعا
بو کبی فرقلر فن حسنه پک از مالک اولانلرک نظرنده یوق
کیدر . لکن بیوک فن اربابنک انارینه باقه جق اولور ایسه ک
نه مرتبه اهمیت اولدینی درحال ا کلاشیلیر . مثلا عینی بر منظره
بر قاج فن صاحبی طرفندن رسم اولنسه او قدر بر برندن
فرقلی بر هیئت کسب ایدرکه اورنکک بر ایکی اونی ا کلا یوب
کوستر مکده کی فرقلرک ایچنده غائب اولور . بر قاج بیوک رسام
بر انسان رسمنی یا به جق اولسه اونی هر بری بشقه بشقه حیثیتلر
ایله توصیف ایدر . بالفرض او رسام میکل آنجلو اولسه او
رسمه بر اغراق ، انسانیتک فوقنده بر بیوکلک طوری
ویرر . اونی رافائل رسم ایدمک اولسه طبیعی بر حسن ،

۲۹

اسلوب

فك طبيعى ساده جه تقليد دن عبارت اولديغنى كوسترديكمز
 صرمده فن صاحبنك شخصيتندن بحث ايتمشيدك. شخصيت ايسه
 هر كسى سائرلرندن تفريق ايدن خاصه لرك مجموعى ديمكدر. فن
 صاحبي بر اثر وجوده كترديكي زمان عقلمك، قلبك بتون
 قوتى اوكا صرف ايدر. كمندى شخصيتى نه درلو خاصه لرى
 حائر ايسه طبيعى تقليد ايتديكي صرمده اونلر ظاهر اولور و طبيعتده
 كوردىكي نمونه نى ايستر ايسته مز كمنديسنده غلبه ايدن صفتلرله
 توصيف ايدر. بوفونك «اسلوب انسانك كمنديسيدر» سوزى
 بك طوغريدرد. بر قاج شاعرك اشعارىنى اوقويان اكر ادبيات
 حسنه اولدقجه مالك ايسه اونلردن هر برينى - ولو كه هپ بر
 ماده دن بحث ايتسونلر - همان تشخيص ايدر. هر برينك طرز افاده -
 سندن بشقه يولده متأثر اولور. زيرا هر برينك كمنديسنه مخصوص
 بر افاده سى، بر شيوه سى واردركه اونكله بشقه بر صفت كسب
 ايدر. مثلا بعضيسى بر حسن ادا و اهنگ و لطافتله سويلركه
 اشعارى اوقوندقجه انسانك كوكلى طاتلى طاتلى خيالره طالهرق

نوش ایتدی او بی چاره قادین رحلت ایدرکن
زمزم یرینه رحمت جوشان خدادن .

[بحر مزج : مفعول مفاعیل مفاعیل فاعولن]

تراویده — مترشح . قطیره — قطره جق . حزمه — غرقه
وزنده بر باغ و بردمت شیئه دینور ، اورته سندن باغلاندینی ایچون .
(قاموسدن عیباً) .



یاغموړ یاغیور: سطح سحر، چهره دریا
 انجم کې بیک قطره پر نور ایله منقوش ،
 بر موجه جکی اتمده بر حزمه در اغوش ،
 برندات الیر [۱] قویته بر روضه یی گویا ؛
 بر کوهه قونار قوش کې بر نور درر پوش ؛
 خندان تعبدر نگه تازه اشیا ،
 گریان صفا چهره پر شبنم دنیا .



اوت، لطیف ایدی عالم، لطیف وروح نواز،
 فقط محاسن دنیا ایچنده عمری سون
 بر اختیار قادین ابواه مریض و آواره ،
 که بر فقیره دوشن کلبه جکده بی چاره ،
 غریب ، تک باشنه ، حقه رحلت ایلر ایکن ،
 ایدردی ذکر نگاهیله بی مجال ، ابکم ،
 ایدردی رحمت حقدن لسان جانله نیاز
 صدای قدسی قرآنله قطره زمزم . . .

یاغموړ یاغیور شدت تأثیر هوادن
 سیلابه ایله پارچه لایان پجره سندن ،

[ندأت نونک قهقی وضمی ودالک سکونیله علام سماویه غلطی
 الکم صاغمه تمبیر اولنور دائره هواثیه دینور . (اصلدن)

۲۸

الواح طبعندن

ياغمور ياغيور تتره يهرك ، خائف و نازان ،
 دوشمكده تراويده قطيراتى زمينه ؛
 برشعر دمامد كتيرر سمع حزينه
 اهسته اصوليله كسيك شيوه الحان . . .
 باشلار سنى تقليد ايله بر غملى اينه :
 آكلار كييدر حسكى اى نغمه باران ،
 قلبمده كومولمش قالان اوازه هجران !

ياغمور ياغيور ، شمدى بر آهنگ طربزا
 سودالى خيالاتى اولمقده مهيج ؛
 گوياكه اولور زلف سروسنان متموج ،
 هر تار لطيفى اوقدر حائر معنا ؛
 بوكلوملرينه طويلانيور نور ايله گويا
 عصمت قوجاغندن اوچوشان شمه سودا .

اولندی . برخانہنک مطلوب صورتده اداره می، بر زوجہک
 استحصال رفاهیق ، اطفالک لایقیله تربیہ می آرمهم ایشلردن
 دکلدر . فضیلت رجاله لازم اولدینی قدر نسوانده لازمدر .
 ارککک تربیہ جه نقصانی اساساً والدہ سنک نقصان تربیہ سندن
 ایلری کلدیکنده شہمی واردور ؟



وظیفه‌لری و بو وظایفک حیات بشر اساسنه تعلق ایدن جهتلری واردر . اداره بیتیه متفرعانده التزام دقت و بصیرت و یا التزام تنپروری و بطاآت صورتیه بر خانه‌ک یا سعادتی تأمین و یا خرابی تعجیل ایتمک قانینلره عائد دکلیدر ؟ غایتله بسیط اولان شو مطالعه مزبات مدوحه ایله اخلاق مذمومه‌ک تأسس و تعممنده قانینلرک نه درجه‌ده دخل و تأثیری اولایغنی انباته کافیدر ؟ دقتی ، غیرتلی ، صاحبه ایمان ، پاک وجدان و پاک دامن بر قادین بر بیوک عائله‌ک روح سعادتیدر . خانه‌ک انتظام احوال و سلامت اداره‌سی اونک اقدام و اهتمامیه قابل اولور . ارککک نفوذ و اقتداری مسلم ایکنینه بر چوق احوالده قانینک مظاهرت و معاونتنه محتاج اولدینی کورلیورمی ؟

حاصلی اطفالک ایلک تربیه‌سی فی الحق قانینلر درعهده ایده بیلیرلر . زیرا ک کوچک شیلره و ارنجهیه قدر حاله نظر دقت و طفاله بحق اجرای نفوذ و قوت ایلمکده بر قانینسک بر ارککدن زیاده ابراز مهارت ایتدیکی محققدر .

انسانلر ایچون مدار اعظم سعادت اولان انتظام عائله قانینلرک وجودیه تأمین ایدلمسه حیاتک نه لذتی قالیردی ؟ انسانیتک امید استقبالی اولان اطفالک صباوت اولاده حسن تربیه‌لرینه اهتمام اولنسه انسانیته خادم آدملر یتیشدیرمک نصل ممکن اولوردی ؟

انسانک اهمیتدن عاری اولمیان وظیفه‌لری مختصراً بیان

درجه سنی تعیینده زحمت چکمز . حال بویله ایکن ه قیزلر ایچون
 زیاده معلومات عبثدر . بونلر علمادن اوله حق دکلردر ؛ بونلر
 اداره بیتیهده بیلمسی ضروری اولان معلوماتک تحصیلیه اکتفا
 ایدوب زوجلرینه بلا تردد اطاعت ایتلیدرلر . یولنده سویلتن
 سوزلر افواه ناسی طولدیر یور . حق بعض ذوات تحصیل فنون
 ایله اضاعه وقت ایتش قادیلرک بالآ خره کولنج اولدقلرینه ده
 تجربه لرینه بناء سرد ایده رک قیزلرینی جاهل مربیه لره تودیعدن
 چکنمیورلر .

فی الحقیقه قادیلرک کنیدیلرنجه لازم اولیان معلوماتک تحصیلیه
 اشتغاللری فائده سز و بالنتیجه مناسبتسزدر .

بونلرک قوه مدرکه لری ارککلره نظراً ضعیف و بالعکس
 اولردن زیاده متحسس و قابلیت فطریه ایجابجه رجاله مخصوص
 صنعتلره اوغراشمغه مقتدر اوله میه جقلری جهتله فلسفه ،
 سیاسیات کبی علوم ایله فنون ریاضیه نک اکثر اقسامنی تحصیلدن
 صرف نظر ایده بیلیرلر .

رجاله نسبتله جسماً و فکرآ دون برحالهده بولندقلرندن
 خانه لرنده سهولتله مشغولیتلرینی تأمین ایچون طبیعت اولنری
 برضاقم وظائف معتدله ایله مکلف قیلمشدرکه باشلیجه لری نظافت ،
 ال ایشلری ، و تدبیر منزله عائد اموردر .

نسوانک بوضف طبیعیلرینی مبدل قوت ایتک ایچون
 اولنری چالشغمغه الیشدیر مق اقتضا ایدر . زیرا انانک برطاقم

۲۷

تربیه بناتك اهمیتی

وظائف ابوبن ایچنده تربیه بنات مسئله سی قدر اهامل ای دیلن هیج بروظیفه یوقدر دینیله بیلیر. بویچنده اکثریا مرعی طوتیلان اصول والده لرك آرزو وهوسلرندن عبارت اولمسیله هر والده نك خصوصی برطرز تربیه یه اتباع ایلدیکی و تربیه بناتك تربیه ذکوره نسبتله اهمیت سز کی تلقی ایلدیکی کورلمکده در.

منفعت عمومی یه تعلیفه مبنی تربیه اطفال مسئله سی مسائل مهمه دن عد اولنه رق تطبیقاتی تربیه بنانه نسبتله دها آز خطالی اولما قله برابر بونده موفقیت پك چوق معلومات و تجاربه وابسته اولدیغنه اعتماد ایلمش و په داغوژی (علم تربیه اطفال) علماسی طرفندن بو بایده دستور العمل اوله بیله جك بعض قواعدده وضع اولمشدر. تعمیم معارف مقصیدیه مکتبلر کشاد و معلملر انتخاب واستخدام اولنیور. درس کتابلری تألیف و طبع ایتدیرمك، تتبعات علمییه اجرا ایتمك، لسان تحصیلی ایچون اکمل واسهل بر اصول بولمق ایچون هر درلو فدا کارلقدن کبرو طورلمدیغنه عطف نظر ایدن ارباب انصاف زمانزده تربیه اطفاله ویریلن اهمیتك

بولدی بو شوق ایله برگونه نشاط اندیشه
 که بو مقدار صفا و یرمک اولور محض خیال
 چهره دلبره فیض نظر عاشق پاک ،
 مشرب عاشقه کیفیت صهبای و صال .
 اولدی طبع او قدر خرم و آشفته که شوق
 فکر شعر ایتمه که بر لحظه قوماز فارغ بال
 فکر شعر اولسه ده یا المی دکر تحریر
 نه قدر ایلسه اندیشه م اگر استعجال ؟
 اختیار الله دکل اولسه م اگر دست افشان ؟
 بو نشاط ایله سماع ایتمه که وارمی مجال ؟

[بحر رمل : فملائن فملائن فملائن فملائن]



۲۶

بر قصیده‌دن

منت اللهه که بی منت بخت و اقبال
 اولدم انار سعادته ینه فر خفال ؛
 نه دیدمه سوزیمی طوتدی سپهر خودرای ؛
 نه نیاز ایتم ایسه ویردی خدای متعال .
 دوشدی ابروی نیازه گره استغنا ،
 کیردی دست هوسه کنج تمنای محال ؛
 گویا آه شرر ناک دل ناکامک
 ایلدی تربیت حکمت حق جل جلال
 دودین ابرچن آرای گلستان طرب ،
 بر قن آتش فکن خرمن اندوه و ملال .
 اسدی بر لطف ایله باد دم صح توفیق .
 که همان اولدی گذار ایتدیکی دمدہ فی الحال
 چن بختمک ازهارای سراسر بیدار ،
 طرہ طالعک هر نعی بر نصته دال .

رفاهيته تبديل ايدمەك حيوان دريلرى يرينه ايك ، پارلاق
 البسه كيير ، اكثيريا صرف اولندقلرى محلله درت بيك فرسخ
 اوزاق يرلرك محصولى اولمق اوزره بك نفيس ، بك متنوع بىكلر
 ير و بدايت حالسده قوندوزلرك كلبه لرتدن يوكسك اولميان
 اقامتگاهلرى پارتەنون، واتيقان، تويلرى جسامتى الير .



حاضر بر سفره ، ات یین جنسیدن ایسه اوتلایان حیوانلر
آره سنده همان ییه بیله جکی بر آو اولدینی حاله انسان
ما کولاتی یردن بتیره رک ، یاخود کندیسندن قوتلی و سرعتلی
اولان حیوانلرله غوغا ایدم رک تدارک ایتمه که مجبوردر . اونک
ییه بیله جکی شو قوشک ، شو قره جهنک قنادلری ، چهویک
آیاقلری وارددر . اقتضا ایدر که بر آغاج دالنی آلسین ، اونی
اکسین ، اوندن بر یای یاپسین ، اونک اوزرینه بر اوق
قویسونده اله کچیرمک ایچون او حیوانی اورسون ؛ اوندن
صکرده آتسه کوسترسین ، چونکه معده سی قان و تترات
کورمکدن نفرت ایدر . ایشته بر طاقم میوه لره آجیدر . لکن
اونلرک یاننده طاتیلیری وارددر : زراعت ایله دها طاتلی ، دها لذتلی
یایمق اوزره اونلری آیرمسی لازم کلیر . دانه لره ایچنده بوشلری
یاخود خفیفلری وارددر ؛ فقط به مضلری دها بسلییجیدر ، اونلری
انتخاب ایتمسی ، دها بسلییجی بر حاله کتیره جک منبت بر طور اغه
اکمسی ، زراعت سایه سنده بغدادی کبی حبوبات حاله کتیرمسی
ایجاب ایدر . ایشته انسان بو درلو مساعی سایه سنده یشامغه
موفق اولور . جناب حقک عنایتی ، انسانلرک فکرلرینی تعاطلی
و اختراعلرینی مبادله ایلمسی ، جرأتلی کیجیلرک بر قطعه دن
بر قطعه یه ، بحر سفیددن اوقیانوسه ، اوقیانوسدن هند دکزلرینه ،
اوروپادن آمریقایه کیتمسی ، بتون جهان محصولاتنک بر برینک
یانه قونلمسی سایه سنده بنی بشر اونقطه یه واصل اولورکه سفالقی

۲۵

چالشمق

جناب حق انسانك چالشمسني، همده هر مشقته قاتلانهرق
 بر طلوعدن بر طلوعه قدر چالشمسني، طوپراغي آنتنك تريله
 ايصالتمسني تقدير بيورمشدر. اسكي بر فيلسوفك ديديكی کبی
 انسان ير يوزينه اوصورتله آتلمشدرکه کندینی «چپلاق طوپراق
 اوزرنده چپلاق» بولمشدر. انسان محتاج اولدینی شيلرك جمله سنی
 چالشمق قوتيله اله کتيرر. وجودعريانی اورتمك ایچون قپلاک،
 آرسلانك پوستنی آلهرق کیمسی و صکره صنایعک ترقیسی جهتیله
 قیونلرینک یوکفی بوکسی و اونلری برلشدیره رک کندیسنه
 لباس اوله جق اوزون بر نسیجه یایمق ایچون طوقومسی لازم
 کلیر. بوده کفایت ایتمز: هوانك تخلفاتندن کندینی صاقلامق.
 سیلان امطاردن، شدائد انجماددن محفوظ قالمق ایچون بر مأوی
 یایمیدر. بو لوازمی تدارك ایتدکن صکره ده هر کون، حتی
 هر کون بر قاچ دفعه قرنی طویورمغه و کندیسنی محافظه
 ایچون تویه، یاخود کورکه مالک اولان حیوان اگر قوش ایسه
 آغاجلره اصیلی کلاه کلش میوه لر، اوت ير چاربا ایسه چنزارده

بو کیم بیلیر نه قدر بویله بردوام اوله جق،
 عیون شفقتنه اویقولر حرام اوله جق ؟
 چوجق آجلمیه جق بلکه اویقوسندن هیچ ...

— صاقین خانم، بو فنا حسی ایتیک ترویج ؛
 باقک هوا نه کوزل آجدی، انجلا بولدی ؛
 دمنکی ولوله، شدت سکون پذیر اولدی .
 بولور چوجق ده شفالر، اولورسکر مسرور ؛
 خدا بویوکدر، ایدر ماتمی مبدل سور !..

چوجق، او شیمدی قوی بر جوان؛ فقط مادر،
 زواللی، اوستنه حالا چوجق کی تتر .

[بحر مجتث: مفاعله مفاعله مفاعله]



زواللی والدہ، یم و امید ایچندہ تباہ ؛
 اوکنده کوزلرینک بر ییغین تراب سیاہ ؛
 کورر او طوپراغه افتاده نور دیدہ سنی ؛
 مزاردن کلیور ظن ایدر بوغوق سنی ،
 قیلار یتیمی ایچون خالقندن استمداد ،
 یتیمہلر کبی ایلر ایچین ایچین فریاد .
 بو طول قادین بر او محصول عمر ایچون یاشیور ،
 اونک کالنه عائد امیدلر طاشیور .
 — نینہم !..

— نہدر ملکم؟

— اغلایور چوجققر، باق...

براق، براق بنی عارسز چوجق !.. نینہم، طوپراق !
 — صایققلیور ینہ، یاربی سن اسیرکہ بزی ؛
 باغشلہ یاورومی، اونسز براقہ لانہ مزی !..

زواللی والدہ بر ہیگل مشقتدر ؛
 بو کون سکز کون، او مہجور خواب و راحتدر .
 یگنہ شوق فؤادی یاناقده بی درمان ،
 اونک امید خلاصیلہ روحی پر خلجان .
 طوتوب خیالی آغوش اکترابندہ ،
 کزر بوتون کیجہ اطراف جامہ خوابندہ .

— اوزليك سز اقدم، كلير چابوق يرينه ؛
چو چوقدر او... .

— كيجه پك چوق صاييقليرور.

— نه ضرر!

— علاج ويرر ميدسكز ؟

— ايسته مز .

قادين آغلار .

زواللي والده ، بر تك هديه عمرك
سعادتيله غريق سرور ايكن دها دون .
بو كون باشنده ننگهبان پر تاژدر .
مزار وش اوطه صمت وسكون ايله پردر .
نهدر ايكلتيسي خارجه باد سرمايك ،
بكاسي خسته يه عاظميدر شو بارانك ؟...
— نينه م ...

— نه وار كوزلم ؛

— قالديرك شو پرده لري ؛

كفنميدر نه در اونلر .. ؟

ينه صداع سري

ياتاقده خسته يي چيلديرتيور ، صاييقلاتيور ؛
قادين بو سوزلري طويديجه آغلایوب ياتيور .

۲۴

خسته چو جق

— بو کون بر آز دها راحتدی چوق شکر. .

— البت،

چکر، بو قور قوله جق شی دکل.

— فقط نوبت

زواللی یا ورو جفک حالی خراب ایدیور:

وجودی آتش ایچنده طالب طالب کیدیور.

علاجلرکده می تأثیری قالمش عجبا؟

سکز کون اولدی...

مراق ایتمک خانم، حما...

— خایر، خدایه امانت، نهدن مراق ایدهیم؟

فقط قوزوم، نه قدر اولسه بنده والدهیم!

سکز کون اولدی، حرارت دوام ایدوب طور یور.

باقک، نبضلری یچاره نکل فصل اوریور؛

صاراردی، قورقیور انسان باقنجه اللرینه.

بکزتمش ایکن خیاله خلقت
سندن نبعان ایدر حقیقت .

بلبل کی یوقدر اشتہارک،
مستور خزاندر بہارک .

روزی سکا قسمت ایتہ مش حق :
مظلم نام و نشان اسحق .

فردای مزار صبحگاهک،
واصلدر اوسمتہ آہ و واہک .

[بحر ہزج : مفعول مفاعیلن فعلن]



سن محرم رازی کاشانک ،
بر نغمه روحدر حیانتک ،

صوتک دره دن اولنجه ظاهر
دیکلر کورونور سنی مشاجر ؛

قرتال دیکلر سحابه لردن ،
بایقوش دیکلر خرابه لردن ؛

ارواح علی العموم دیکلر ،
امواج طوروب نجوم دیکلر .

بر مشجره نك ایچنده تنها
سندن نیجه سر اولور هویدا .

بیدار دکل اگرچه یخواب ،
— گاهی تابنده گاه بیتاب —

شبتابه نظیردر سرودك ،
تصویر عدم قیلار وجودك ؛

گویا که سنکله عشق سوزان
بر آهک ایچنده بولدی پایان !

خولیای سواد پرور مدن
مہتاب قرار ایدردی گویا !

بر بن قالدن او یرده ، برده
اسحق دینیلن بو مرغ شیدا .

روح اوکا سویلیوردی بر شی ،
بن طوینی ایسته مزدن اما

دیکاردی او طائر سکونت ؛
اکلاردی بونی او روح گویا ...

ای اسحق ... ای یتیمه شب !
سودا ایله حزن سنده در هپ .

و حدتلیر ایچنده ذا کر حق ،
لایق سکا دینسه طائر حق .

اسرار کبی ظلامه میلک ،
محرابکدر سکونی لیلک .

بر نفخه ظل مثالسک سن ،
قوش شکندده خیالسک سن .

هر منظره ، هر بدیعه ، هر سو
مستغرق نور ایدی سراپا .

اوچقده کتائب ملائک ...
واقعه ده عین خواب و خولیا !

شهبال منور قرله
رسم اولمش ایدی بولوحه کویا .

باش نظر تضرعمده
معبد کورونوردی زیر و بالا .

دکمه ایدی صماخ جانه
بر صوت غریب رقت افزا .

بیتاب و توان اوتردی بر قوش
اغلار کنی بر مزار هجری !

هر شی اوییوردی ، بنده لیکن
بیدار اولیوردی فکر سودا .

بردن بره ظلمت اولدی طاری ؛
سیسلرله بوروندی جمله اشیا .

۲۳

بنمله اسحق

صحرا ساکن ، جوار تنها ،
بر صمت و سکون ایچنده دریا ؛

غشی اولمش ایدی نسیم خوشبو ،
ازهار کورر کبیدی رؤبا !

ایتمش ایدی سطح آبی روشن
عکس قر حزین سیما ؛

دریا تنظیر ایدوب سمایی
اولمشدی سما نظیر دریا .

ایلردی تموج و تباعد
یر یر کورونن نجوم زهرا ؛

پرواز ایتک دیلردی روحم ،
جسمم اوکا بار اولوردی حیفای

اولدقلری اصوله رعایت ایتمش ، یعنی هیچ بر اورنکه اسیرکی
 باغلانمیهرق جسارتله و سربستهجه ایجاد و اغر اغر اجرا ایتک
 یولنه کتمش اولسدلر مدحه شایان اثرلر وجوده کتیره بیلیرلر
 ایدی . اقتدار و جرأتلری بوکی قاعدهلره غالب کلن بعض
 دها صاحبلری مستقلاً طوطلدینی حالده دینیه بیلیرکه فنون نفیسهده
 موفقیت اکثریا شو شرطه ؛ یعنی تصور اولنان فکری علمه
 موافق و قصورسز بر شکله دوکمک ایچون جداً اوغراشمغه
 متوقفدر .



صکره دن ایدینلمز . جاذیت قانون طبیعیسنی نصل کشف
ایندیکی نوتوندن صورلدقده « دوشنه دوشنه بولدم » دیمشدر .
ایتالیانک اک بیوک رساملرندن لیوناردی دی وینچی « ژه قوند »
دینلمکه مشهور اولان قادین تصویرینی درت سنهده تکمیل
ایتمش و اثار سائره سندن بعضارینه دهها زیاده امک ویرمشددر .
واقعا دهها صاحبیرینک جملهسی او درجه امک و وقت صرف
ایتمز . ایچلرنده پک چابوق ایش کورنلرده اولمشددر . لیکن
بونده اصل ارانیله حق شی وقت مسئلهسی دکل ، اثار فیهنک
اجراسنده اتخاذا اولنان اصولدر . بیوک فن اربابنک هر دورده
اعتبارینی صاقلامش اولان اثرلرینه دقتله باقیلیر ایسه بونلرک
نه قدر علم و قاعده اوزرینه پاپلمش اولدینی اکلایشیلیر و هر
بر جزئی فنه کمال و قوفلرینه شهادت ایدر . اصحاب دهانک
اکثری وجوده کتیردکلری اثری نه قدر گرمی ایله ایجاد
و ترتیب ایتمشدر ایسه اونک اجرا آتندهده او قدر همت ابراز
ایلمشلردر . ایشته بوده سزه بیوک بر مثال و عبرت اولسون .
فن قاعده لری لایقیله بیلنمدکجه ، مطالعه و تحصیل اولندقجه دقت
شایان بر اثر حاصل ایتمهک امکائی یوقدر . نیجه فن اربابی وار-
درکه یالکیز طبیعتدن از چوق مالک اولدقلری اقتداره کووه-
نهرک وقتسنر و حاضرلقسنر یوله جیقدقلرندن تقدیره شایان برشی
حصوله کتیره مه مشلردر . نیجه لری ده عادتدن خارج بر استعداد
مالک اولدقلری حالده اک بیوک فن صاحبیرینک بیله اعتبار ایتمش

تشبیه اولمشدرد. حسن طبیعت و هنر آثاری آنجق محظوظیت و تلذذی موجب اولور. دها آثاری ایسه چوق کره شمشک کبی بردن بره ذهنه چارپار و هیچ بکلمین صورتده بر تاثر و حیره دوشورر. عموماً فن اربانه مخصوص اولان او حساسلق دها اصحابنده غایت قوتلیدر و بونلر حسن طبیعت و هنر صاحبنه او جهتهده تفوق ایدرلر. حتی الک کوزل اثرلرنده بعضاً دقتسزک کبی کورینن قصورلرده کذلک بوجهندن نشأت ایلر.

هنر، البته طبیعی بر استعدادده متوقفدر. لیکن چالشمه و تحصیل ایله کوندن کونه اصلاح اولنور و ایلرلر، فنه ادنی درجهده استعدادی اولان بر آدم، اوصافنامق و جداً دوام و اقدام ایتمک فضیلتی حائز اولور و کندیسمنه بر یول کوسترن ده بونلور ایسه هنر صاحبی اوله بیلیر.

دها ایسه بو یولده کسب اولمق قابل اوله من و طوغشدن اولمدجه مطالعه و تحصیل ایله قزانلماز. ایستک، چالشمه، ثبات اولمینجه هنر اولماز. فقط صاحب دها بونلره او درجه محتاج دکلدرد. اونک آثارنده گویا زحمتمزجه آرامقله بولمیش دکل، کندیلیمکندن پیدا اولمش کبی بر سادهک، بر تناسب، بر بیوکلک وارددرکه اکثر دها انارنده مشاهده اولنور و تماشاسیله طویلماز. لیکن ظن اولمسونکه دها، مطالعه و تفکرندن مستغنیدر. دها صاحبی ده کندی اصولی، قاعده لری ایشلمه سنک طرزینی تبدیل و اصلاح ایدم بیلیر. شو قدر که اونده کی اقتدار

۲۲

هنر و دها

هنر صاحبي اولمه‌نك بر درجه‌سی واردركه اوكا دها
(ژهنی) تعبير اولنور . بو ايسه حسن طبيعتك فوقنده اوله‌رق
حق تعالانك ابنای جنسمزدن پك آزيرينه احسان بيورديني
بر مزيت جليله‌در .

عادی لسانده، هر نوع علم وفنده پك بيوك فطانت وفكر
درينلكي اثبات ايدنلره صاحب دها ديفيلير . فنده دها، بالخاصه
بداع قوتيدر و حسن طبيعت ايله هنر بو قوتله بربرندن
فريق اولنور. ذاتاً فن صاحبنك اك باشلي خاصه‌سی ، كوردیكي
رايشتيديكي شيدن چارچابوق و پك زياده و بر صورت
مخصوصه‌ده متأثر اولوق و بونلكه برابر آثار فنيه‌نك
حصوليچون لازم اولان شرطلری ده بيلمكدر. فنده دها ،
صاحبنك جهت تفوق ، حسيات و تأترائي اك زياده شدتله
طوغريجه قلبه ايشليه‌جك يولده اظهار ايلمك ايچون براستعداد
وق العاده ايله اويله‌جه تأثر ايدم‌جك شكل و صورتلر ايجاد
بتمك اقتداريدركه آكسزين ذهنته طوغمسييله بر نوع الهامه

اقر بامزد در که بزی مزار کنارینه قدر تشیع و بر ایکی دامله
 کوز یاشی فدا ایدهرک اوراجقندن افتراق ایدرله . اوچنجیسی
 دنیاده یاپه بیلدی کمز ایلاکدر که بزدن اول حضور رحمته شتابان
 اولور؛ مساوی می کوچلدوب محاسن می بیولده رک بزی مغفرت
 رحمانیه به مظهر ایدنجه به قدر چالیشیر .



فانی یالکزجه کیرمکده مضطر ایدی . چونکه او شهرده بر آدمک حاکم طرفندن واقع اولان دعوته اجابت ایتهمسی ممکن اوله مازدی . میت چهره سیه ، تتره یه رک او قورقنچ قیودن کیردی .

حضور حاکمه ، کنديسنه تودیع اولنش اولان ایشک - بر قریق آقچہ سی خار جده قالماق اوزره - حسابی رؤیت اولندی .

معاملاتی قصور دن ، خطادن سالم اولیان فانی دوچار جزا اوله جفقی تخمین ایدهرک مایوس بر حالده ایکن - کنديسنه - کوستر مکسزین بر طرفده طور مقده بولنان - او چنجی محبی حاکمک مواجهه سنه کلدی ؛ او نی مدافعه و حقنده جلب مرحمت ایچون او قدر بلیغ ، اوقدر مؤثر بر نطق ایراد ایتدی که نهایت حاکم فانیکنک هپ قصور لرینی ، هپ خطا لرینی عفو ایله برابر بر بیوک مکافات احسان بیوردی .



هپ انسانلر اوقانی یز . بزه تودیع اولنان ایش حیاتدر . حاکم ، رب ذو الجلالدر . مدھش محکمه قپوسی مزاردر . محکمه ، محکمه کبرای عدالت الہیہ در . برنجی دوستمز ثروتمزدر که صوک نفسمزک حلولیلہ برابر بشقہ لرینہ انتقال ایلر . ایکنجیسی

قدر نفوذ نظر صاحبی اولان حاکمن بر شی کیزله مک ،
کندیسنی هیچ بر شیده آلداتقی ممکن دکل ایدی . واقعا ایملر
مرحمتدن امید وار ایسه ده کوتولر عدالتدن تترردی .

فانی حاکمک حضورینه یالکیز کتمک ایستمدی . برنجی محبته
مراجعتله حساب رؤیتندمه معاونت و اقتضا ایدر ایسه بر ایکی
سوزله کندیسنی مدافعه ایتمک اوزره برلکده کلسنی رجا ایتدی .
او احبابی غایت بارد بر طور ایله دیدی که :

— بوشهر خلقنک جمله سی بکا برستش درجه سنده حرمت
ایتدیکی حالده حاکمک نظرندمه هیچ قدر و اعتبارم اولمدیغنی بیلمز .
میسکیز ؟ بونکله برابر شو آنده بر بشقه سی طرفدن اکلنجه یه
چاغیرلدم ؛ برابر کتمه مه امکان یوقدر ؛ سزکله وداعه
مجبورم .

فانی حیرتده قاله رق ایکنجی دوستنه مراجعت ایلدی .
برابر کتمک تکلیفی ایشیدنجه رنکته تغیر کلش اولان بو
دوستی برلکده یوله چیقدیسه ده محکمکنک قیوسنه کلیر کلز
توقفله :

— عزیزم ، دیدی ، بن سفی چوق سورم ، لکن بو قیو بکا
عجائب کورینیور ! بن بو قپودن عادتا قورقیورم ؛ بورادن ایچری
کیره م . یاپه بیله جکم بر شی وارسه اوده قپویی آچیورمکدر .
ایشته آچیورم ، سن کیر !

۲۱

ایسلاک

هندستانك جهان شهرنده فانی اسمنده بر آدم بولنیوردی .
 فاینك اوج احبابی وار ایدی . محبتی بیوک بر نعمت وقوت
 بیلدیکی برنجیسی يك سوردی : بر دقیقه خاطرندن چیقارمازدی ؛
 اونی خشنود اتمك ایچون هر شیئی فدا اتمکک حاضر ایدی .
 ایکنجیسی اولدجه سوردی : محبتله افتخار ایدردی ؛ بر مدت
 کورمیه جك اولسه آراردی . لیکن اوچنجیسی آز سوردی :
 تصادف ایتدیکی وقت بر آشنالق ایدر ، بعضاده بر ایکی کله
 تعاطی ایلردی . اوزون بر زمان هیچ کورمدیکی اولوردی ؛
 نه آرار ، نه صوراردی . اونك دوستلغنه هیچ اهمیت
 ویرمزدی .

بر کون فانی ، حکومت طرفندن ید اداره سنه تودیع اولنمش
 اولان بر ایشك حسابی ویرمك اوزره شهرک حاکی حضورینه
 دعوت اولندی .

قارشیدنده بولنانلرك قلبنده الك خفی حساری کشف ایده جك

اطلس گردونمی پیوسته نهال سدرمه ،
 یا فراز رایتنده شقه والامیدر ؟
 صبح روشنی شعاع مهر عالمتاب ایله ،
 یا سرای دولتنده پرده دیبامیدر ؟
 دست وطبی ابر ودریادر دین غافلرک
 دائماً مضمون فکری بویله بی مضامیدر ؟
 بحر ایدرمی کاشانی غرق امواج کرم ،
 ابر ایسه دائم جوامر پاش گوهر زامیدر ؟
 هم گهر ، هم سیم وزردر عالمه بذل ایتدیکی ؛
 کیمسه بیلمز کف دسقی کانمیدر ، دریامیدر ؟
 وسعت رائی منیرین ثبت ایدن فرق ایلمز
 کندی کف دستیمی ، یوقسه ید بیضامیدر ؟
 وصف بوی خلقیمی سطر خط شاعرده ، یا
 موج دریای سختنده عنبر سارامیدر ؟

[بحر رمل : فاعلاتن فاعلاتن فاعلن]

ادرنه — اشعار سلفده — بو قصیده ده اولدینی وجه ایله —
 دالک سکونی ، رانک تحریکله وارد اولدیغندن وقتله اوילה تلفظ او .
 اندینی اکلاشیلور . یاخود — یانک قصری تجویز اولغماز . فضا —
 اووه .

۲۰

جدا مجد حضرت خلافتپناهی جتتمکان سلطان احمد

خان اول حضرت تلمی وصفنده بر قصیده دن :

ادرنه شهریمی بو، یا گلشن مأوامیدر ؟
 آنده قصر پادشاهی جنت اعلامیدر ؟
 بیت معمور فلکمی اول فضا ده اول سرای ؟
 یازمینی جنت اولمش کعبه علیامیدر ؟
 جویلمی دور ایدن طرف چنزارین ، یا خود
 مائی پرواز ایله قطع اولمش یشیل خارامیدر ؟
 سبز و خرم بر فضایی هر کنار جویبار
 یامیان جوده عکس گنبد خضرامیدر ؟
 دائماً بویله مفرحی بو جای دلکشا ،
 هر زمان آب وهواسی بویله روح افزامیدر ؟
 یوقسه شمدی ایلین آب وهواسن تربیت
 آفتاب دولت شاه جهان آرامیدر ؟

§

ماه ملک آرای دولت کیم فروغندن فلک
 مهرینی فرق ایلمز پنهانمیدر، پیدامیدر ؟

اوپرده لری برر برر قالدیروب اوحکمتلری، اوشعرلری عالم
ظهوره چیقارمق! . . . ایشه ادبلك وظیفه سی بودر!

§

«قدر زر زر گر شناسد، قدر گوهر گوهری»

دینلمش . . . مرصاری معدن زر، هر پارلاق طاش جوهر اوله-
مدینی ایچون. زر وجوهره رغبت کوسـتروب قیمت ویرمک
ایچون ایسه زر گر ویا جوهر فروش اولمغه احتیاج یوقدر.
التونک خالصی مضوشـندن آیرمق محک ایله تجربه یه،
جوهرک حقیقیسی یالانجیسنندن تفریق ایتمک ملکه نظره متوقفدر.
خالص و مضوشی، کرچکجیسی یالانجیسی بولنق مناسبتیله
زر وجوهره مشابهتی انکار اولنه میان اثار ادبییه یی تمیز ایچون
مراجعت ایده بیله جکمز واسطه منفرده ایسه ذوق سلیمدرکه
اربابنه قدرتک بر بخشایش علویسیدر!



۱۹

ملاحظات متنوعه

احاسن اشیانك ، بدایع آثارك بر خاصه خفیه سی ده دو-
شوندیر یجیلکدر . بودوشوندیر یجیلک اشیاده بر درینلکدر که بعد
مجرد کی جهندن مبرادر . فکر بو درینلکدره سوزیلورکن
روحی ده برلکده چکر کوتورر . فکر ایچون بو بر حزن
استغراق ، روح ایچون بو بر طاتلی انجذابدر . اکثریا او زمان
یورک کیزلی کیزلی اهتزاز ایدر ، اکثریا او زمان کوز صیجاق
صیجاق قطره لر دوشورمکه استعداد کوسترر .

بدایع آثاردن طبیعی بر شعره ، ساده بر کلامه صرفنده
بو دوشوندیر یجیلکی (تعقید) ایله توجیه ایتک نه غریب بر اثر
غباوت ، نه غلیظ بر نشانه بلاهتدر !

§

مأثر طبیعت - که بدایع صنع قدرتدر - عادی نظر لر ایچون
اوتنه طرفه کچمک قابل اوله میان سرأر پرده لری آلتنده
کیزلنش بر نیجه نکته لری حاویدر که بونلر یورکده لطیف لطیف
حسلر ایقاز ایدن دلپذیر حکمتار ، جانربا شعرلردن عبارتدر .

۱۸

مایس

مایس بر کویلو قیزدر، صاف ودلبر، شوخ وسودا کار :
 چیچکلر، قوشار اطرافنده فوجا فوج ورنکا رنگ :
 چیچکلر خنده سندن سرپیان الوان رونقدار ،
 طیور آواز شوقندن اوچان ارواح پر آهنگ .
 منور نرکس چشمانی خندان طراوتدر ،
 معطر سنبل گیسوسی تالان شطارتدر ،
 مزهر سینۀ عربانی لرزان محبتدر ،
 مایس بر کویلو قیز، بر شوخ قتان طبیعتدر .
 مایس بر کویلو قیزدر صاف ودلبر، شوخ وبی آرام ؛
 طوغوب - گچین اولورکن ژاله لر صبح بهاریدن -
 سونر بیچاره، اک پارلاق دم شوقنده بر آقشام ،
 اکیملر اک مذهب رعشۀ عشقیله تترکن .

[بحر مزج : مفاعیلن مفاعیلن مفاعیلن مفاعیلن]

حافظه پیرای هوشمندان اوله حق شیردر - اونوتمه ، نظرگاه
پادشاهی به تقدیم ایتده دی که :

« بر قاریجه سائقه اخلاص ایله بارگاه سلیمانی به یاریم چکرکه
آیاغی اهدا ایلمشدر . ایشته بنمده المذن حضور خسروانه به بو
قدر جق برشی تقدیم ایتمک کله بیلدی . بر هدیه نك دگری صاحبك
قدرتیه متناسب اولق طبیعی دکلیدر ؟ »

بونیده سوویلدکن صکره طبع هایونه ملال کتیرمه مک
ایچون یالکز تکرار عرض تعظیم ایله اکتفا ایده رک ختم کلام ایله .



« بر زمانر دنیا آبا واجدادينك وجودلريله فخر ايلمشدر .
 شمدي ايسه جهانك يگانه مدار افتخارى سلسك . شمدي به
 قدر پيرايه سرير جلال اولان پادشاهان ايچنده سنك كبي
 كسب فضل وكمال ايتمش كيم واردر ؟ مشكلات حكمتي ، مجملات
 معرفتي سوزلرك حل وايضاح ايدر . راه مشائوني بيلير ،
 بيلديررسك . نور اشراقيني كورر ، كوستررسك ، بر قهرمان
 ايچون لازم اولديني قدر آتشرين طبيعتسك . طبعاً فهامة غوامض
 حكمتسك .

« قلبكه نور الهى اويله برتوبار اولمشدر كه اونده ظلمت
 ملاهي به ميل اثرى قالمامشدر . فكر نقادك رياضياته مائلدر .
 بوندن ناشيدر كه ممالكك رياض خلدو دونمشدر .

« شاهراه شريعت سالكيسك ، شريعت همت بلندكله قوت
 بولور . نيجه دار الاصنام مجاهداتكله معبدالاسلام اولمشدر .
 « مراسم اشفاقه محب ، ذمائم اخلاقدن مجتنبسك . خدا
 حكمتي ، عفتي ، شجاعتي ، سخاوتي - ارباب حسدك رغنمه - سنده
 جمع ايتمشدر .

« آسمان و خاكدان مداوم آيين دوران اولدجه روش اسمان
 رائيكه موافق اولسون ، شرف خاكدان خاك پايكه متزايد
 بوللسون ! »

اي نسيم ! اخلاص و دعامي حضور شاهانه به عرض ايلدكن
 صكره سكا ترفيق ايتديكم شو بر قاچ پارچه نظم غريبي - كه

۱۷

مولانا جامی طرفندن حضرت فاتحه مکتوب

ای نسیم خوشبو! کعبه الامال جهان اولان بر منزل مقدسه
طوغری شتاب ایتمه کی آرزو ایلرم .

اولا آرامگاه یاره اوغرا ، دهها زیاده مشکین نفس اول ،
اوندن صکره کمال اخلاص ایله یوله دوش .

بورادن (خراساندن) بر پادشاه جهانگیرک همت عالیه سی
سایه سنده مرکز ممالک عثمانیه اولان استانبوله کیده جکسک .

کیده کیده اورایه وارنجه بارگاه رفیع شهر یاری نره سیدر ،
صور ، اوکرن . کیت خاک راه دربانی بوس ایت . مساعده آلدقدن

صکره تعظیم تام ایله حضور جلیل پادشاهی به چیق . مجاهد
غالب ، فاتح معالی مناقب حضرت تهرینه بنده حقیقیسی [جامی]


طرفندن شو وجه ایله عرض اختصاص ایله :

های قهرمان غازی ! مسند شاهانه ک شرف افزای سرفرا-
زیدر . آبا واجداد عظامک ابو البشره قدر برر برر تعداد

اولنسه کوریلور که هر بری بر عالی مسند نشین ، هر بری بر
تاجدار عدالت قریندر .

«سورم بعض بن شب تاری،
 ویرم صبح نو بهاری آکا!
 دوش نازنده زلف زرتاری
 کورینور یاریمک خیالی بکا!
 یتیشوب حال اضطرابده
 یوزیمه نور حسنی سرپر؛
 صانیرم بر پری زرین بر
 طولاشیر کلبه خرابده!»

منظومه منتخبه سی اک لطیف بر حس ایله اک نازک بر خیالک
 حجله گاه وصالی عد اولنغه لایق اولدینی ایچون فکر حقیرانه مه
 کوره یوقاریکی سوزلرک جمله سندن دها دلبر، دها روح
 استیناسدر؛ و اوقوندقن صکره انسانی بر مدت تفکره
 دوشورمک ده بو یولده کی تفایس نادره یه مخصوص بر مزیتدر.



« کوه و دریا ایکی جانبدن دراغوش ایلمش ؛
 صانکه دریا دایه سی ، کهسار ایسه لاسیدر .
 کوه صاقتمقده رخسارین طوغار کوندن اونک ،
 بحر ایسه اینه دار طلعت زیباسیدر . »

بیتلری خیالاً کوزل اولان آناردندرکه بونی ده ذوق تقدیر
 ایدر .

« ذوق سودا طویمدک ، عاشق پرستار اولمدک ؛
 اول قدر سودمده عشقمدن خبردار اولمدک .
 بختیار اولمقدی سودادن مرامی طبعمک ؛
 نخنمه دشمن کسلدک ، طبعمه یار اولمدک . »

بیتلری سنوحت قلبیه دندرکه بونلرده حس ایله آکلاشیلیر .
 حال بوکه :

« ای یادی بکا انیس و غمخوار
 ای یادی بکا رقیبسن یار !
 یادک کی دل بولورمی دلدار ؟
 یادکده ویا سزم وفا وار ! »

قطعه سنده ظرافت فکر ایله رقت حس ایکی یار موافق کی
 ممزوج کوردیکندن قطعه حقیقه پک دلفشین ایکن :

۱۶

آثار ادبیه ده کوزللك

آثار ادبیه ده وبالخاصه شعرده اوج نوع کوزللك تقدیر اولنورکه برنجیسی محاسن فکریه یه ، ایکنجیسی بدایع خیالییه ، اوچنجیسی ده سنوحت قلبیه یه مخصوصه در. بو کوزللكردن روحه نافذ اولان سنوحت قلبیه یه مخصوص کوزللك اولدینی ایچون دیگرلرینه تقدم ایدر. بوندن صکره کلن بدایع خیالییه در. محاسن فکریه اوچنجی درجه ده کوزل عد اولنورلر.

محاسن فکریه لطافت حسیه ایله قاریشیرسه طبعیدرکه اثرک کوزللكی برقات دها آرتیجی کبی کندیلرنده لطائف حسیه ایله بدایع خیالییه تک اهنک امتزاجی بوانان آثار لطافتجه برمرتبه عال العاله واصل اولور. مثلاً :

« ضیای عقل ایله تفریق حسن وقبح اولنور،

که نور مهر در الوانی ایلین شهر . »

سوزی یالکر فکرأ کوزل اولان آثاردن معدوددرکه بونی فکر تقدیر ایدر. ندیمک بر ساحلخانه و صنفده کی نشیده سندن :

هله مشنویات شایان تقدیر در : خاقانینک حلیه سی ، فضولینک
 لیلینامه سی ، نابینک خیرییه سی ، شیخ غالبک حسن و عشقی ،
 یحیی بکک گلشن رازی ، ثابتک مشنویاتی کبی آنارده مقاصدی
 افاته اتمیه جک درجه ده انتخاب و تعدیل اجرا ایدلسه قدمانک
 قدرتلری بر قات دها ثابت اولور .



غمزه حقنده:

قصاب، خرسز، جلاد، قاطع طریق، حرامی، گرزگران؛

بوی حقنده:

سرو، عرعر، طول امل، یردن کوکه قدر اوزون بر شی؛

آغیز حقنده:

نقطه، جوهر فرد، موهوم، عدم، یاننده بر نقطه موش
اوه سی قدر بیوک کورینه جک بر شی کی سوزلر سویلمکدن
چکنمدیلز.

شعر هر درلو احوالی و بو جمله دن اولق اوزره احوال
وجدانیه یی قلبه تنشیط و تاثیر کوستره جک و طبعی میل ایتدیره جک
صورته اوصاف و تشبیهات مناسبه ایله تصویر ایدر موزون و مقفی
سوزدیمک ایکن قدما نك ذکر ایتدیکری اوصاف حسن ایله
موصوف بر شخص تصور اولنسه انسان اونى غول بیابانی
ظنیله متوحش اولور.

لکن دیوانلرندن او درلو سوزلر چیقاریلوبده یالکز
حکمیاتی، اوصاف و تشبیهات مناسبه یی جامع سوزلری ابقا اولنسه
خیال و تصویرجه کمال اقتدارلری اوقویانلری اعجاب ایدم جک
درجه ده عالی کورینور.

ندیم بر موقع وصفده :

«هی نه فیض جاوداندرکه اولور سروسهی
سورسهر برقطره آبن ناوکه پیکانه!»

کبی سوزلر سویلدیلر.

قدماک غزللرنده کی تشبیهاتک اکثری ده شعرای ایرانیه
تقلید ایله پک مناسبتمز برطرزده جریان ایلدی.
انیس المشاقلک جمع ایلدیکی تشبیهات بیک بش یوزدن زیاده
اولوب بونلرک اونده بری قبوله شایان کوريله میور. مثلاً:

زلف حقنده :

زنجیر، ریسمن، چنگال، اژدها، ییلان، عقرب؛

کوز حقنده :

قاتل، علیل، مریض؛

قاش حقنده :

طاق، کمان، کوپری، قوس قزح؛

کرپک حقنده :

ختجر، اوق، مزراق؛

بر کوشه نگاه ایله معمار همق
سوراخ موره وسعت کون و مکان ویرر.

(ندیم)

نسیم خلق چمن خیزی اولسه کونه وزان
اولوردی رسته تنور ایچره غنچه سیراب.

(نابی)

کبی وجدان سلیمک قبول ایده میه جکی مبالغه لی سوز لرله طولسنه
سبب اولدی .

شعرا من بویله حقیقه مغایر مبالغات غیر مقبوله یی یالکز
اکابر حقارنده نظم ایله اکتفا ایتدی لر . ذوی العقولدن اولیان
حیواناتک ، ذی روح اولیان جماداتک بیله توصیفی ایچون مناسبتر
سوز بولمقدہ اتعاب قریحه ایدرک نفی بر آت مدخنده :

«خرام دلکشی دنیایی مفتون ایتدیکی یتمز ،

فلکلرده ملکلرده ملازمدر تماشا به .

براق آسا زمیندن گر عزیمت ایتسه افلاک

ایدر سرعتده سبقت تیر آه عرش پیما به .

یدیسن ده گذر ایلردی نمناک اولمدهن پانی

یولی دوشسه اگر یل کبی گاهی هفت دریاه .»

۱۵.

اشعاریمز حقنیده بعض ملاحظات

لسان عثمانیده نظم یولی ایران شعراسنه تقلید ایله آچلمش
و شعرا من عمومأ او یولی طوتوب کیتمش اولدیغندن شعرده
لسانمزه مخصوص بر طریق یوقدر.

او تقلیدک نتیجه سی اولق اوزره قصیده لرده حقیقته مغایر
تعبیرات مبتدله و مبالغات مردوده و غزللرده پک چوق تشبیهات
بارده استعمالی التزام اولندیغندن اشعاریمزک اکثریسی سولیه جک
بر صورتده قالمشدر.

شاعرلریمز — ایران شاعرلری کبی — حکمیات و لطائف
و تشبیهاتجده شایان تحسین پک چوق اشعار انشاد ایتشلر ایسه ده
نه چاره که دیگر قسم غلبه ایلدیکندن آثار قدما ایچنده تمامیه
مقبول قلوب اوله جق بر قصیده مفقود اولوب اعتراضدن سالم
غزلده آزدر. قصائدجه قدما ی شعرانک تقلید صورتیه اتخاذه
ایلدیکی مسلك بر مصلح منصف و مدققک همته تصادف ایتدی.
مصلح قصائد دیه مشهر اولان نفی او مسلکی اصلاح ایتیموب
ترویج و توسیع ایتمشدر. اشته بو مسامحه قصیده لرك:

ای نوبهار شوقی ایله ایلوب ظهور
 آفاقی درلو نغمه ایله ایکله دن طیور!
 ای کهنه حائطك آره سندن چیقوب مدام
 انسانده وهم و وحشقی مزداد ایدن هوام!
 ای متصل یتشدیروب اطرافدن هوا
 امواج بی نهایتی جوشان ایدن فضا!
 ای خوشه لر یتشدیریجی خاك فیضناك!
 ای اینجیلر نثار ایدیجی بحر سیننه چاك!
 یاپراقلر! ای شکوفه لر آچمش غصون تر!
 دالار ایچنده قوش بیودن آشیانه لر!
 آرتق کسك کورلق بی، طالسین خیالنه،
 بر پارچه ترك ایدك چو جنی کندی حالنه.
 راحتسز اولمیسین، او یوسون طفل ناتوان
 مادرده اشك دیده سفی ایلسون روان.

[بحر مضارع: مفعول فاعلات مفاعیل فاعلن]

شبان — چوبان، حائط — دیواره، هوام — میم مشدده ایله
 هامه نك جمیدر. کار، ییلان، عقرب کبی مخوف اولان حشرات ارض.



۱۴

کتابه

— بر کوچك چوجفك قبری اوزرنده محرردر —

ای سالخورده صارماشیق! ای نوجوان چمن!
 ای درلو درلو تازه نباتات موجزن!
 ای معبد اله که اولدك خدا نما،
 فیضکله عقلی ایتدك الوهیت آشنا!
 ای ناله زن مکس که اولورسك صدارسان
 ازهار ایچنده اویقویه طالمش ایکن شبان؛
 بیچاره نك معارض اولورسك فراغنه
 سویلرسك اکلایمیه جق سوز قولاغنه!
 ای باد! ای قوافل امواج بیقرار!
 ای کائنات ایچنده کی الحان بیشمار!
 اورمان که هپ کلوب کچن ارباب اتباه
 بر فکر ایله ایدر سنی آرایش نگاه!
 ای میوه لکه ولوله روزگار ایله
 ایلرسکز سقوط یره انکسار ایله!

سرفرو ایتدیروب شهامتته
 شویله دیرلردی هپ بهم آهنگ:
 - گه بلندی ضداده، یسق گاه -
 وحده لا اله الا الله !

[بحر خفیف: فملاتن (فاعلاتن) مفاعان فعلن]



۱۳

وجد

بر مکوکب کیجه یدی، بن تنها
 بولنوردم کنار دریاده ..
 پاك ایدی ابردن فضای سما،
 بحر ایسه بادبانندن آزاده .
 طاله رق کوزلرم ایدردی خرام
 ماورای جهانہ حیرت ایله ..
 کوه واشجار و کائنات تمام
 صانکه بر لهجه غرابت ایله
 پرسش ایلردی سر معنایی
 طالغہ لردن .. نجوم زمرادن .
 اختران تاج پرتو افزایی
 اکدرک را کعانه بالادن ؛
 طالغہ لر که خروش وحدتنه
 ویره مز کیمسه انکسار و درنگ -

اولان خمره صفت اولق اعتباريله مؤثت قوالانيلير. اكرثيا موصوفك
حذفيله مستعملدر. ششپر — اتی باشلی الت ضاربیه. پیل دمان —
کوکره مش فیل.



طویولور قعر بیاننده صدای آهن:
 ضرب ششپره چیقان قعقه مفرلردن .
 عکس آوازۀ هیجا کی ایلر اظهار
 بر درین غلغله نظمنده خروش افکار .
 سانکه بر معرکه، بر معرکه جوشا جوش:
 صیت ولوال وغا، ولوله جنک جیوش .
 سر بر سر رعد های ولهزای صفوف،
 سو بسو برق چکا چاک شررناک سیوف .
 حمله صفشکن جانفکن پیل دمان؛
 صوات گرز گران، ضربت شمشیر و سنان .
 کوس و تقاره هم آهنک غریو هجمات،
 کوپورر هر کوشه دن دمدۀ دیو ممت .
 نعره لر مشته زن طبل صماخ گردون؛
 صدمه لر، زلزله لر خدشه رس قلب منون .
 آتیلیر هریانه بیک رخس صواعق پیرو،
 گرد خشیته طولار گنبد وارونه جو ...
 اوح! ای معجز ادا شاعر شایسته غرور،
 ایکلیور نای بیانکده نوای منصور.

[بحر رمل: فعلانن (فاملانن) فعلانن فعلانن فعلانن]

صها — آل، (اصه) ک مؤنثی، می صها. مؤنث سماعی

۱۲

نفعی

بر یاغیز چهره، چاتلمش ایکی خنجر قاشلر
 ینه خنجر کی کسکین ایکی معنالی نظر ...
 یاد علویسی خیالده بو سیای طاشیر ،
 بنجه نفعی یه بو سیای مهابت یاراشیر .
 طبعی صہبا کی جوش آور مینای مقال،
 فکری عنقا کی بالارو اطباق خیال؛
 آچیلیر غنجه الهامی لب حارنده ،
 برق اورر شعلہ اندیشه سی انظارنده .
 آتشین جربزه بر ناطقه آسا کوزلر
 جذبہ روح شفقدارینی تقریر ایلر .
 کورونور - صفحہ امواجه دوشن لمہ کی -
 آلتک چین بلندنده او روح عصی .
 باشقه در فیض هنر کلک فسونسازنده ؛
 جانلانیر، وجده کلیر سوزاب اعجازنده .

ویردم، سکا لطف واحسان ایتم، سن کندیك ایچون نه تدارك
ایتدك؟ اوکیمسه دخی صاغنه صولنه باقه جق، برشی کورمیه جك.
اوکنه باقه جق، جهنمدن بشقه برشی کورمیه جك، اویله ایسه
هرکیم که کندیسینی ولوکه بر یارم خرما ایله اولسون آتشدن
قورتاره بیله جك ایسه همان اول خیری ایشلسون. اونیده بوله ماز
ایسه باری کلمه طیبیه ایله کندیسینی قورتارسون. زیرا اونکله
بر خیره اون مثلندن یدی یوز مثلنه قدر ثواب ویریلیر.
«والسلام علی رسول الله ورحمة الله وبرکاته».

قبا — (نافک ضمه سیله) مدینه منوره یه قریب بر محل.



۱۱

خطبه پیغمبری

رسول اکرم بر جمعه کونی کندی دوه سنه بندی و یوز
نفر اهل اسلام ایله قبادن قالدی، و نقس مدینه یه عازم اولدی.
انهای راهده صول طرفه میل ایله بنی سالم بن عوف یوردنده
رانونا دینلان وادینک اوست طرفه ایندی و اوراده غایت
بلیفانه بر خطبه او قویوب جمعه نمازی قیلدی.

خاتم الانبیا حضرتلرینک اک ابتدا قیلدینی جمعه نمازی
بودر و ابتدا کی خطبه سی اودرکه خلاصه وجه ایله ترجمه سی
بوراده ایراد اولنور.

رسول اکرم قالقوب حق تعالی حضرتلرینه لایق اولدینی
وجه ایله حمد و ثنا ایتدکن صکره بویه بیورمشیدی:
«ای ناس، صاغلفکرده آخرتکز ایچون تدارک کوریکز.
محقق بیلیرسکزکه یوم قیامتده هر فردک باشنه اوریله حق و چوبانسز
براقدینی قیونندن سوریله حق. صکره جناب حق اوکا دیه جک،
اما فصل دیه جک؟ ترجمانی یوق، پرده داری یوق، بالذات
دیه جک: سکا بنم رسولم کلوبده تبلیغ ایتدیمی؟ بن سکا مال

اولا ذات بی رقیبک ایچون ،
 ثانیاً سودیکم حبیبک ایچون
 قولنه لطف ایله تجلا قیل ،
 عبد بی اعتلایم ، اعلا قیل .

[بحر خفیف : فعلان مفاعیلن فعلن]

اولوالالباب — عقول سلیمه صاحبیری ، غشی — انسانی کننددن
 کچیرمه ، بی خود ایتمه . سبوح — (سینک ضمه سی ، بانک ضمه سی وتشدید ایله)
 جناب حق . بی قیاس انوار — وصف ترکیبی ، انواری بی قیاس
 اولان ، زاهرات — پارلاق نجوم . مشکات — قندیل قونیله حق
 محل ، بوراده مجاز مرسل طریقله قندیل معناسنده استعمال اولغشدر .
 اجل — دها کوزل .



« کلدی بر جذبه قلب صادقانه
 مصطفی عاشق اولدی خالقنه . »
 فی الحقیقه او عشقزاد خلوق
 حقه هم عاشق اولدی ، هم معشوق .
 قرب معراج اونک نتیجه سیدر ،
 عشق و معشوق و عاشق اولش بر .
 بر جهان نهان سبحانی ،
 سربسر لب ذوق روحانی ،
 و حدت محضه ، عالم اعلا ،
 فوق مافوق عالم بالا .
 عجز دل مانع اولدی تقریره .
 هیچ او عالم کلیرمی تبصیره ؟
 ای شب خاص وصل ایدن بو شبی ،
 ای خدای محمد عربی ،
 عاشقان رسول ذی شانک
 هپ او یوزدن اومارلر احسانک !
 جمله عالمینه رحمتدر .
 دستگیر عصات امتدر .
 بنده سرمایۀ امید قبول
 محض حب رسول و آل رسول .

آشکار اولدی قدرت فیاض .
 فیضبار اولدی حضرت فیاض .
 فیض اسلام فیض کاملدر ،
 جمله کائناته شاملدر .
 فروبروبده نگاه دقته
 او کمالک باقان حقیقته
 بر ملاحات کوررکه اکملدر ،
 اوده حسن حیب اجملدر .
 وارسهده چوق ملیح او املحدر ،
 وارسهده چوق فصیح او افصحدر .
 املحیتده ، افصحیتده ،
 هر فضیلتده ، ارجحیتده
 اوکا مخصوص او امتیاز جلیل :
 ینه کندی بو مدطایه دلیل .
 کیمده واردر او با کمال جمال ؟
 کیمده واردر او بی هال کمال ؟
 جمله مخلوقدن او اعلادر ،
 اولسونمی ؟ حیب مولادر !
 انزوا گاهده بولندی دم
 دیدیلر والهانه اهل حرم :

مالک الملکسک سنک اشیا ،
 اک کوچک بر قاروک دنیسا .
 وارلفک قارشیدسنده ، معبودم ،
 دیه من کیمسه « بنده موجودم » !
 بز یوقز ، بزده کی وجود سنک ،
 بزى وار ایلمکده جود سنک .
 ویردک انسان ایله بوملکه شرف .
 ایلدک بز شهی خلیله خلف ،
 که حیدب شرف پناهکدر ،
 خاص خاصان بارگاهکدر .
 سفی بیلدیردی خلقه بالافصاح ،
 ایلدی حال عالمی اصلاح .
 دلاری شرکدن مصون ایتدی .
 فکته فهم « لیعبدون » ایتدی .
 باشقه بز عالم اولدی عالم خاک ،
 خاکه ایتدی معالی افلاک .
 نه معالی ! معانی قرآن ،
 حسن اخلاق اونکله بولمده آن .
 اولدی روشن جمال فیض کمال ،
 دهری طوتدی کمال فیض جمال .

فیض الوب « سبح اسم ربك » دن ،
 حق تنزیه ایدر مشارکدن .
 سجده مغنویه تاج سری ،
 وجد عالی اوسجده نك اثری .
 ایدر ك فكر قدرت مولی
 ډیركه : « سبحان ربی الاعلی »
 ای خداوند زاهرات افروز ،
 بونه حیرتفزا کمال بروز ؟
 انطفایاب اولورمی مشکاتك ؟
 نورسك ، نوريسك سماواتك .
 بونه حیرتفزا کمال خفا ؟
 او خفادن ظهوره کلدی صفا .
 حیرت آماده جانیننده .
 قالدی دل حیرتین بیننده .
 گرچه هپ کائنات برهاتك ،
 بیلنیر کن بیلنمه مك شانك .
 « اعتصام الوری بمغفرتك ،
 عجز الواصفون عن صفتك ؛
 تب علینا ، فاننا بشر ؛
 ما عر فناك حق معرفتك . »

شب ممتاز بی قیاس انوار ،
 دم جانبخش رؤیت دیدار ،
 کیم صفا سنج فیض رؤیت اولور .
 بوندن اعلیٰ نه مظهریت اولور ؟
 بوندن اعلاسی اولماز الطافک ،
 چوقی لال اولسه کلکی و صافک ؟
 شب معراج خاص بردمدر ،
 عالم خاص فخر عالمدر .
 اوکا اقصای محرمی دینیلیر ،
 اوئی حقیله حقله کندی بیلیر .
 میمنتله او خوشترین لیال
 ایلدکجه حلول سال بسال
 فیضه غرق ایلر اهل ایمانی ،
 دوندیرر بحر نوره وجدانی .
 نظر ایتدکجه کوز کوا کینه
 عقل ایدر انتقال صاحبه .
 روح بحر صفاده ساج اولور ،
 « یسبحون » خوان اولور ، مسیح اولور [۱] .

[۱] « جله سی فلکده سیرودور ایدرلر » مال حالیسندله اولان آیت
 کریمه یی تلاوت ایلر جناب حق تسبیح و تقدیس ایلر .

کیجه نك ماه پرتو افشانی،
 كوندوزك آفتاب رخشانی
 باشقه باشقه صفا ویرر روحه،
 سوق ایدر روحی ذکر سبوحه.
 مظهر فیض خاص بعض لیل،
 یو کسلیر فکر زهتیه خیال.
 باخصوص اشرف بنی آدم،
 نور اقدم [۱]، بنی معجزدم،
 فخر اعلائی اکرمین رسل،
 شرف آزای بهترین سبل،
 محرم اول حریم خدا،
 مرشد اکمل طریق هدا
 (احمد) ك ليله تلاقسی
 جذب ایدر اك عظیم تقدیسی .
 باشقه بر ليله ليله اسرا،
 شب مخصوص خواجه دوسرا .
 « شب معراج » نام اشهریدر،
 اك مقدس لیالك اکبریدر .

[۱] « اللهك هر شبیدن اول خلق ایلدیکی بنم نورمدر » مأل
 هایسنده کی حدیث شریفه مینیدر .

۱۵

لیلهٔ مهرج حضرت رسالتپناهی

« رب نطق آفرینه حمد صریح ،
 افصح المرسلین مدح فصیح ،
 جمله اصحاب و آل پاکه سلام ! »
 دیمه دن دل ایدرمی فتح کلام ؟
 خالق اختلاف لیل و نهار
 ایلمش کائناتی حکمنراز :
 لیل بر بیک کونشلی شهر آیین ،
 روز یکپاره برضیای مبین .
 لیل بر انبساطگاه سکون ،
 روز بر اختلاطگاه شئون .
 نیجه حکمترلایلر استجلاب ،
 ایکیسندن دخی اولو الالباب .
 کیجه نك غشی صفوت افزایی ،
 کوندوزك دلکشا تجلاسی ؛

اولدی هر اهل سخن ودانشك
 خامه سی طوطی وزبانی هزاره.
 آینه طبع وگل خلقكه
 هر بری و صاف معانی گذار.
 نکته و ران عجمك شعری
 ایتمه تضمین ایدرم گرچه عار؛
 فیضی معجز دمك اما بودم
 گلشن نظمندن اولوب وایه دار،
 صوندی اونك برگل نوخیزی
 دست ثنایه قلم فیضبار:
 «بزم تود لجویر از لاله زار ،
 عهد توشادابتر از نوبهار.»

[بحر سریع: مفتعلن مفتعلن فاعلن]

شه دلدل سوار — حضرت علی (کرمه وجهه)



لشکر بد عهد پراکنده به ،
 ایله بد اندیشلری تار مار .
 سنسک او اعجاز نمای ظفر ،
 کیم که سنی چکسه دم کارزار .
 دشمنک اول دم کورینورچشمه
 کندیزی حیدر ، قلیجی ذوالفقار .
 سنسک او کیم تحت ظلالکده در
 جنت آسایش اهل دیار .
 مملکتی صیغیان اثر در دنار
 ایلدی سوراخ عدمده قرار .
 دائره امن و امان اولدی ملک ،
 اویدی اصوله فلک پرده دار .
 وقف ید همت فتح آوری
 سیف جهاد شه دلدل سوار .
 سجده که غازی شمشیریدر
 کله شجعان خصومت شعار .
 اولدی دم معدلتکده سنک
 خنجر بیداد فلک ژنکدار .
 فیض بهار چمن دولتک
 ایتدی بونزه تگهی فردوسزار .

۹

بر قصیده دن

- کجدی قلیجدن فتن روزگار
 سیف ید الله اولوب آشکار .
 شاهد ملک اولدی شکفته جمال
 حسن عدالتدن اولوب بهره دار .
 اولدی ینسه چین کدردن بری
 جبهه بخت فلك کینه دار .
 گرد کدر اولماز ایدی برطرف
 دفعنه سعی ایتسه نسیم بهار .
 صرف ره دولت و دین ایلدی
 آب رخن تیغ ظفر اشتمار .
 « ینصرك اه ینصر عزیز »
 ای گهرین تیغ قضا اقتدار .
 رخنه گر ملک سر افکنده به ،
 ویرمه اشرایه امان زینهار .

چن چن زمین گذر ، زمان زمان سما گریز ،
 هوا پرست پر هوس نسیم بی قراوی کور !

§

دلنده عشق نشوه ریز ، لبندہ شوق خندہ ور ،
 یولندہ هر چن نمیم ، کوزندہ هر چیدک گهر ،
 شرابی آب خوشگوار ، غداسی شیر و شهد تر ،
 دکل ملالہ آشنا ، کلادلن ده بی خبر ،
 چوبان قیافتندہ کی غریب کامکاری کور !

[بحر رجز: مفاعلن مفاعلن مفاعلن]

راغ — طاغ اتکی ، چایراق ، چنلک . مشت — یومروق .
 حیاض — حوضلر . تب — صیتمہ ، حمی . یم — دکر . شهد — بال .



۸

نوبهار

مقیم راغ اول ، ای کوکل ، فیوض نوبهاری کور ؛
 شکوفه لرده موج اوران صفای حسن یاری کور ؛
 نه صنعت ایلر آشکار هزار نغمه کاری کور ؛
 کنار حوض پاکده درخت سایه داری کور ؛
 ویرر حیاته اهترار خروش جویباری کور !

§

دوئر بنفشه ، گل ، سمن مجوهراته ژاله دن ؛
 ویرر چنده لاله لر برر نشان پیاله دن ؛
 شراب نهرین آکدیرر صو عکس رنگ لاله دن ؛
 طولار درون مرغزار طربله جوش ناله دن ؛
 سحرده سیر باغه چیق ، صباح فیضباری کور !

§

سر درخته مشتن ، حیاض باغه بر کریز ،
 غصون ایچنده پرغریو ، شکوفه لاله پرستیز ،
 نهال گنده تب نما ، یم چنده موجخیز ،

یخودانه موافقت ایدیور
 «او بی» امرینه هنوز جبال
 دره آهنگمزه مالامال؛
 بر حلاوتلی نغمه در کیدیور.

§

او صفاسنر، صوسنر بو وادیدن
 گرچه چکمش ایدک مثال صبا؛
 چکمه تشنه اولسه ده رفقا
 چکه مم بن قولای بو وادیدن.

§

صیفیور جسمه جان صفاسندن
 بو نه اهنک روچروردرا
 بیاسه ذوقم نه ذوق خوشتردر
 رقص ایدردی جهان صفاسندن!

[بحر خفیف : فعلاتن (فاعلاتن) مفاعلتن فعان]

ایمن — حضرت موسایه نبی الهی واقع اولان وادی، وادی
 مقدس. طوی — (طانتک ضمی وکریله) وادی مقدس.



صانکه زنجیر نوردر پارلار؛
اولور اهل غرامه جذبه فزا.

§

ماء جاری طرف طرف چاغلار؛
باد خوشبو اسر خفیف خفیف؛
چاغلادجه صولر لطیف لطیف
ایکی یاندن صدا ویرر طاغلو.

§

وجده غرق ایتدی قلب حساسی
بو تماشالری بهارانک؛
حسی بیدار اولنجه انسانک
غلیان ایلمزمی سوداسی؟

§

کیدرم شعر خوان اولوب، ایدم رک
عکس نغمه مله طاغلری گویا؛
لحن داودی آ کدیرر بو صدا؛
بویله وادی به بر کلیم کرک!

§

فرش اولنمش کنار نهره چمن ؛
 یکی چیقمش شکوفه لر یر یر ؛
 کورینور هر برنده رنگ دگر ؛
 ایدیور خنده روی دهره چمن .

§

ایدیور مشق سایه اندازی
 تازه اوراق سبزی اشجارک ؛
 آرده اهتزازی انوارک
 ایلور عرض نقش پردازی .

§

جولانیله آب خوشجریان
 ایکی اوج جدول ایلمش پیدا ؛
 بولنور گاه، گاه اولور یکتا
 ایدرک نور شمس ایله لمعان .

§

صو لطافتله سیم صاف آسا
 قیادن متصل آقوب شارلار ؛

کلیور بانک آب جوشانی
گوش تحسینه دقت ابتدئجه .

§

آقیور نور کوردیکم دره دن ،
آب واشجاری برق اولمش ؛
زیر وبلاسی نوره غرق اولمش ؛
وادی ایمن اولسون کورینن ؟

§

بومیدر وادی شریف طوی ؟
او نمایش کیمک تجلاسی ؟
بو ایسه زرده شمیدی موساسی ؟
یا دکاسه نه در او نور هدی ؟

§

یووه لرده طورر ایکن خاموش
کله رک شوق تازه مرغانه
باشلامش عاشقانه الحانه ؛
ینه طوتمش جهانی جوش و خروش .

§

۷

نصیبین جوارنده بر وادی

ینه راهی بزم سوارانك
 طوتدی دامن کوهسارانی ؛
 هله منظورم اولدی پایانی
 بونجه کون کزدیکم شو صحرانك .

§

وسط آسمانده مهر بهار
 عظمتله ضیا نثار اولمش ؛
 کوه ودشته اشعه بار اولمش ؛
 ایلمش کائناتی شعشعه زار .

§

دامن کوهه طوغری کیتدجه
 بر گذرگه کورندی نورانی ؛

نهایت شو خانه ده دخی بر دوکون ایچون طوپلانمش اولان اون
اون ایکی عائله نسوانندن هیچ بری قورتیله مامش . . . حاصلی
پدرلر والده لر اولادسوز، چوجقار والده سوز، پدرسوز قالمش . . .
لکن بو فاجعه لر بزه یرلی آرقداشمز می سویلیوردی، یوقسه
او خرابه می ؟ سامعه مزدن زیاده باصره مز ایشیدیوردی . او
ییقلمش بنالر انسالره احسان بیورلماش اولان بر فصاحت
وبلاغت ایله، الفاظه مفتقر اولمیان معانی ایله تقریر ایدیورلردی.
او آشیانه بوم وغرابده خیلی طولاشمشر. آغلاتمق لطفنده
بولماز بر اضطراب درونی ایله چیقدیغمز زمان کونش غروب
ایتمک اوزره ایدی .



برر جسم ذی روح حکمنده در . بر مزارستان تصور ایدیکز که
بتون مدفنلرینی آچهرق طاغلامش ویاری چورومش یوزبیکلرجه
قدیدینی میدانه دوکش اولسون ، اونک کورونیشی بو زلزله
خرابه سنک ویردیکی قدر خوف و خشیت و دهشت ویره مر
صانیرم .

سوقاقلرک طارانلی ، بنالرک صیقیشقلنی جهته قلعه ایچنک
نفوسجه ضایعاتی شهرک ، آطنک هیچ بر یرینه نسبت قبول
ایتمه چک درجهیه وارمشدرد . یرلیدن اولان آرقداشمز برچوق
خانه لرک فلاکتی حکایه ایدیوردی : شو خاوده بر زوج ایله
زوجهدن ، ایکی قیزلرندن مرکب اولان برعائله دن کیمسه قالمامش ...
اوتیه طرفده کی خانه نک بدبخت زوجی بیوک صدمه لرده شهرک
خارجنده بولنه رق زوجه سنک ، اوچ چوجغنک اوچ کون صکره
طاشلر آلتدن جسدلرینی چیقارده بیلیمش ... هنوز ازدواج
ایتمش بر زوج وزوجه دن ، بر انتظار مدیددن صکره هنوز
برلشمش برعاشق و معشوقه دن بری شو دیوارک ثقلتیه ازیله رک
رفیق ویا رفیقه سعادتی اوله حق وجود دیگری تسلیت بولماز
بر کدر ، توکنمز بر ماتم ایچنده براقش ... شو خانه نک
حولیسنده کنیج بر والده ایلک محصول عمری اولان طوغار
کونشلر قدر کوزل بر قیزجغزینی یوروتمکه جالیشیرکن نه وقت ،
نره دن ، فصل کلدیکنی بیلمدیکی بر رجفه نک دوشوردیکی
طاشلرک اصابتیه چوجغنی آن واحده بی حیات بولمش ...

جهتله - باشلی باشنه بر بلده حکمنده اولان او محله لر - بسبتون متروک بولنیوردی .

بر جمعه کونی ایکنندی به قریب بری یرلی اولان بر قاچ رفیق ایله بو محلاتی زیارتہ کیتدک . قلعہ قوموسندن کیرنجہ جسم بر خرابه زار ایچمنده بولندق . بوراده کی اماکن وقتیلہ توفک ، طوب دانہ لرینه مقاومت مقصدی ده دوشونلدیکی حالدہ بویله بر شدتلی حرکت ارض هیچ خاطرہ کتیرلمکسزین غایت قالین و فقط پک رسانتسز کارکیراولہ رق انشا اولندیغندن دها ایلک صدمه ده - هیچ بری قلامق اوزره - خاک ایله یکسان اولمش . دمیره ، اخشابہ متعلق شیر ذاتاً آز اولمقلہ برابر مؤخرأ طویلانیلوب آلدیغندن یالکز نہایتسز بر طاش ، طوبراق ییغیتسی قالمش . کوچک ، بیوک ، دها بیوک ملیونلرجه احجار قارمه قاریشیق بر برینک اوزرینه دوشمش . بیکلرجه خانہ لرك خارجی و داخلی دیوارلری بر بریله ، ذاتاً طاسار اولان سوقاق و بانچہ لر ابنہ نک اشغال ایتدیکی اراضی ایله قاریشمش . صغوق ، قسوتلی ، فقط دوشوندیریجی بر منظره !

آرہ دن بر عمرک ربعی ، ثانی قدر زمان گذار ایتمش ایکن بر کون دخی کوزلریمی قاپانچہ او خرابه زاری حالیلہ کورمکده ایم . هر وقت کوردیکمز بنالر ، کویلر ، قصبہ لر ، بلده لر ، شهرلر حال معموریتلریله ، آچیق ، یاخود آچلمغه حاضر قبولریله ، نیم کشاده پنجرہ لریله ، دائماً حرکتده ، دائماً جولانده اولان انسانلریله

۶

بر خاطره

طقسان یدی تشرین اولی اواخرنده ساقیزه واصل اولمشیدم. شهری، جزیره نك اکثر قراسنی خراب ایدن زلزله عظیمه او سنه نك ابتداسنده وقوع بولمشدی. ساقیزه آياق باصلیر باصلماز او صدمه شیدنه نك، دها طوغریسی - حرکت ارضك بر برینی متعاقب تکرری جهته - او صدمات شیدنه نك آنارینه تصادف اولنقهده ایدی. اسکله طرفلرنده یا بر جای قرار خیلی ابنیه بولنیورسده بر چوق بیقیقتیلر، ابنیه منهدمه رینه صورت موقتهده قوندرلش بر چوق باراقه لرده کوریل یوردی. بلده نك یوقاری طرفلرینه چیقلاخه - اورالرده کی ابنیه نك رصانتنه او قدر اعتنا اولنماش اولدیغندن - ییقلمش بنابر چوغالوب ییقلمامشلر آزال یوردی. سوقاقلر واردی که بسیتون خراب اولمش... باراقه لردن محله لر تشکل ایتش. لکن اک زیاده «قلعه ایچی» محلاتنك مصاب اولدیغنی ایشید یوردم. بوراده هنوز هیچ بر بنا تجدید ایدلمدیکی کی ییقیقتیلر اوزرینه باراقهده قوریله مدینی

پروردهم اولان شو فیخر ازهار
 ایلر بکا طوغری جلب انظار.
 اولدجه زمان زمان مصادف،
 خیراتم اولور نگاه عارف.
 بر گل ایله ایلم قناعت،
 بر قاعه چوقمیدر بو رفعت؟

[بحر هزج: مفعول مفاعیلن فعوان.]

کلین — کل اغاجی . ساق — اینجیک ، بالدر ، اغاجک طرف
 اسفلی . ورد — (واوک فتحه سیله) کل . پرورد . کل ایله طولو . انموذج
 — نمونه دن معرب وضعیم — یوکسکک ضدی .



بن مملك انفراده كيتدم ،
 بر نك گل ايله تزين ايتدم .
 تشكملك ايله كيروب بو شكله
 چيقدم يازده بنده بر چيچكله .
 رنگين اثر مزيتدر ،
 انموذج قابليتدر .

صورته اكرچه يك وضعيم ،
 مضاده شو سرودن رفيعم .
 صورته اوكنمه بي نياز اول ؛
 معني جهتيله سرفراز اول .
 شاعر بيله صورتی براقدي ،
 اول بكا، صكره سروه باقدي .
 ايستغنه چكنم امتحانندن ،
 صورتجهده دلفريم اندن .

سروك بويي وارسه بويي يوقدر ، [۱]
 حسناً اره مزده فرق چوقدر .
 گلرده اولور بورنك دلجو ،
 حقل بزه بر عطاسيدر بو !

[۱] مقتضای وزن ايله صورت تلفظدن دخي اكلاشيله جني اوزره
 برنجي «بوي» قامت، ايكنجيسي «قووه» معناسنه در .

کندیسی بکا فوق العاده سودردی. ذهنمه بر طاقم ملاحظات القا
ایلدی، حق کندی لسانندن اوله رق شو منظومه یی سویلتدی:

ای باغی شکوفه آفرینک !
گلبن یاردر طورر زمینک ؛
هر گلبنه افتخاره شایان
یوزلرجه گل ایلمکده احسان .
تنظیره بنی نیچون اوزنمز ؟
خالق بکنیرده کیم بکنمز ؟
دائم کوزی بنده باغبانک ،
بر دانه سییم شو گستانک .
بردر چیچکیم، فقط کوزلدر،
بیگ گلبنه بر گم بدلدز .
کیم کورسه ایدر صفا کی تقدیس ،
دینسین سکا اقدس الفرادیس !
هر ینبه چیچکلی نونه لاک
آشنزن قلبی اهل حالک .
فیضک اورمدر بو دودمانی ،
چورهم گل اوجاغی، گل فدانی .
بر گللیسی وارمی؟ هپسی پرورد ،
انجق آرمده بنم قالان فرد .

۵

بر گلی گلبن

کچن گل موسمنده بر بانچهده کزینوردم . بانچه نك نظر
شاعرانه به عرض ایتدیکی لطافت ، بهارك اظهار ایلدیکی سائر
آثار تجدددن زیاده غنچه لرله ، کلرله سراپا طونامش اولان
بر چوق گلبنلردن نشأت ایدیوردی .

اك زیاده نظر تقدیریعی جلب ایدن بونلر اولدی . کوزم ،
کوکلم مطالعه صنع حق ایله مشغول بولندینی حالده گلبنلر آره -
سند طوشمه باشلادم .

هر بری سطح زمیندن بر بحق ، ایکی مترو مقداری مرتفع
اولان بو لطیف اغاجلری کوزدن کچیرمکده ایکن نظرم آنجق
اوتوز ، اوتوز بش سانیتمترو قدر ارتفاع پیدا ایتش بر فدانجغه
تصادف ایتدی که یالکز بر گل آچه بیلمش ایدی . اوزرنده اچیله حق
بشقه غنچه اولدینی کی بانچهده کندیسنه بکزر دیگر بر گل
فدانی ده یوق .

ساق واوراق پك طراوتلی ، اچش اولدینی گل پك لطافتلی
اولدینی حالده بو فدانجفك اويله محزون محزون طوریشی

اولمق ، همده اونى مطالعه و تحصيل ايله اكمال ايتمك شرطدر .
 زيرا هر نه قدر يراديلشندن حسن طبيعته مالك اولسه كورمه ،
 چالشمه واوكرنه ايله هر حالده طبيعتنى اصلاح ايدر . اوسايله
 هنر صاحبي اوله بيلير .

استه تيك — حكمت بدابع



معرفت یولنده اجرا آدن عبارت من ایتک کبی بیوک بر خطا
اوله ماز .

حسن طبیعتجه اولان قصورلر، فنون سائر مدن زیاده معمار-
لقده کوزه چارپار . زیرا معمارلق مادی و معین بر احتیاجه
خدمت ایتدیکندن فن صاحبی او احتیاجه دهها زیاده بند ایدر
ودائرة حرکتی کرکی کبی طارلش دیر ورق دهها قولای فرق
اوله حق صورتده تعیین ایلر .

بر بنا حسن طبیعته موافق اولمق ایچون یالکز بر قسمک
کوزل یاپلمش یاخود دیوار و طوانلرینه زینت ویرلمش اولمسی
کافی دکلدر . بنانک هیئت و بالجمله تفرعاتی نه فکره ، نه احتیاجه ،
نه لزومه مبنی یاپلمش ایسه اوکا تمامیه موافق اولمق لازمدر .
کذلک بر صره ستوندن هر برینک کوزل اولمسی ایله او
ستونلرک حسن طبیعته موافق اولمسی لازم کلز . بویله اولمق
ایچون مجموعنک بولندینی یره مناسب دوشورلمسی واوراده بر
سبب تحتنده اولمسی اقتضا ایدر .

سائر فنلرده بویله در . رسام رسم ایتدیکی شکلارده بونلرک
طورنده ، طوروشنده ، قوللانندینی رنکلرده ، اوشکللری طویلا-
یوب ترتیب ایتسند ، عمومیه وهر برینه بیان ایتک ایستدیکی
فکره مناسبت آلدیرمغه مجبوردر . کندی اثرینه بویوله بریاقیشیق
ویرمدکجه حسن طبیعت صاحبی دینیه مز . فقط فن صاحبی ده
او اقتداری حائز اولمق ایچون هم اوکا طوغشدن از چوق مالک

ومقایسه ایتمهکه حاصل اولور. فن حسی آثار فیه نك قيمتی تقدیر
ایچون کافی اوله ماز. فی لایقوله آکلامق، قصورلریله فضیلتلرینی
کشفه مقدر اولمق ایچون فن صاحب نك او اثری وجوده
کتیردیکی زمان نه کی مشکلاته تصادف ایدرک اونلره فصل
ونه درجه غلبه ایدر بیلیمش اولدیغنی بیلیمک لازم کلیرکه او فن
اثری حقیقده شبهه وخطادن سالم اوله رق طوغری بر رایی
بیان اولنه بیلیمش و دکرین اکلامغه اقتدار حاصل اولسون.
هر فنک کړک نظریته، کړک عملیانه بر طاقم قاعده لری واردرکه
اونلره واقف اولان طوغشدن حائر اولدیغنی فن حسنه بویوله کی
معلوماتی ده علاوه ایدرک حسن طبیعتجه بشقه لرینه البته فائق
اولور.

ایشته آثار فیه بی عادنا تشریح ایدرجه حسنه معاینه و تنقید
ایدرک اک اوافق قصورلری اراسنده بر مزیتی و مزیتلر ایچنده
اوافق بر خطا سنی میدانه چبقاره رق هر برینک درجه سنی
سبیلریله برابر کوسترمک و آثار فیه بی بو صورتله محاکمه ایدر.
بیلیمک فن فنقلد لرینه مخصوص بیوک بر حیثیتدر.

آثار فیه نك حسن طبیعتیه موافق اولمسی ایچون باشلیجه
بر شرطه احتیاج واردرکه اوده تصور ایله اثر بیننده کی طبیعی
مناسبتک تمایله حاصل اولمسی و او اثرک هر بر قطعه سی کړک
عمومنه، کړک دیگر قطعه لرینه ک زیاده یاقیشه جق صورتده ترتیب
اولنمیسدر؛ یوقسه حسن طبیعتی ساده جه تزینات، یا خود

ایلی یلمش اولدینی مملکتلر ده بیله وقت وقت مشاهده اولنشدور.
شویله که :

فنگ مکمایتی ، هر نه قدر شمدی به قدر ظهور ایتش
اولان اک نفیس آثارندر قیاس اولنور و بعض جهتده اوندن دها
اعلاسنک ظهوره کله یلمشی تصور اولنه ماز ایسه ده فنه بر حد
تعین ایتک و « نهایت درجه سی بودر ، بوندن اوتنه سی یوقدر »
دیمک ده جائز اوله ماز .

حسن طبیعت ایسه فنگ اک مکمل صورتلرینی فرق ایتمکدن
عبارت اولدیغندن دائماً باقیدر . صنایع نفیسه ده بعض اختلافاته
سببیت ویرن یکی اصولک فنجه حقیقه یاقلاشدینی حالده اسکی
اصوله غلبه ایتش اولمشی ده بوکا دلالت ایدر . زیرا حسن طبیعت
کرچکدن موافق اولان اولکی آثارک قدر و حیثیق یواش
یواش ذهنلرنده یر ایدرک عاقبت عامه نک مقبولیتنه مظهر
اولمشدور .

بوندن ماعدا حسن طبیعتده عقلک و تحصیلک ده زیاده سیله
مدخلی واردور . حسن طبیعتک ماهیتی آراشدیره جق اولسه ق
کورورز که ایکی مزیتدن ترکیب ایدر و بونلرک بر بره کلمسیله
تمام اولور . بو مزیتلردن بری فن حسنه مالک اولمق ، بری ده
او حسی تعلیم و تربیه ایله اصلاح ایتک ، یعنی فننده مکملیت
شرطلرینی لایقیله بیلیمکدرکه بواقتمدار مجرد فن تحصیلله ، یاخود
آثار فیه نک درلوسنی واک نفیسلرینی کوره رک دقتلیجه مطالعه

حالتك ، انسانك چوققلقندن ايچنده بيوديكي مادي ومعنوي احوالك ، كوچك ياشندن كوردیكي ايتديكي ، طوبديني شيلرك بك زياده تأثيري واردر . هر كس كوردیكي تربيه اقتضاسينجه نه درلو شيلردن متأثر اولمغه آيشير ايسه او شيلري سومك طبعيدر . بونلره حاصل اولان ميل ورغبته ، او يولده صرف ايتديكي امكدر ، او يوزدن نائل اولديني تلذذات ايله چكدیكي محنت ومشتكلر ، حاصلی بالجمله يادگارلري برقات دها قوت ويرمسيله اوتهدن بري قلبی حجاب ايتدی اولان شيلره پيدا ايتديكي آيشققلقندن قولايجه واز كچه مز اولور . ايشته بوسبيلره مبنيدركه هر مملكت اهاليسی وعلى الخصوص بربريله اختلاطی اولميان قوملر افرادي كوزللكی بشقه بشقه طرز لرده آكلایورلر ؛ حسن طبيعتك چينده ، هندده ، اسكي يونانده تشقه تشقه حكم ومعناسی اوليور .

احتمالدركه فن حسنه كركی كبی مالك اولميان بر آدم بشقه بر فن عالنه كيروب ده اووقته قدر كوزل عد ايتديكي شيلرك دها نفيستريني كورمك اولسه بونلر ايله الفت ايدهرك فنه طبيعتندن حائز اولديني استعدادی اويانوب فكري آچيلير ، فنيجه كوزللكك ماهيته ووقتيله خاطر وخیالنه بيله كتيره مدیكي اومكملت درجه .

سنه غفل ايرديرمكه باشلايوب اسكي افكاريني ترك ايدر .

بو حاله چوق آدم كندی تجربيه سيله ده آگاه اولمق كر كدر .

شو تعريف ايتديكمز حالرك برطرزی فنونك اك زياده

تعريف ايتديكمز فن كوزلاكي معناسز برسوزدن عبارت اولور
و «استه تيك» علمي ده بويلا ديكشكلكدن خالي اولميان براساس
اوزرينه بنا اولنه ميه رق حكمسنز قالمق لازم كليد ایدی .

قالدی که حسن طبیعت آثار فیه یی حس ایتک خاصه سمدن
عبارت دکدر . بونلرک کوزلنی چبرکیندن ، عادیسنی اعلاسندن
صحیح و طبیعی اولنلرینی طبیعتیه مطابق اولمیانلرندن تفریق و تمیز
ایتمک ، یاقیشقسنز مبالغه لری ، ساخته زینت وزائد تکلفلری ،
حاصلی الک کیزلی کوزلاکلر ایله الک خفیف قصورلری فرق ایتک
کبی نفیس و غایت دقیق بر خاصه اولمسایله هر انسانده ، هر وقت
و محله بر طرزده اولماسینه تعجب اولنه ماز و اوکی اختلافلر
اونک حقیقتنی انکار ایتمکه . دار اوله ماز .

بر آدم ، بشقه لری قدر عقل و هنره مالک اولمینی ایچون
بشقه سنک عقل و هنرینی و عقل و هنرک وجودینی انکار ایده .
میه جکی کبی حسن طبیعت حقنده انسانلر بیننده مابیت کورندیکی
ایچون حسن طبیعت یوقدر دیمک طوغری اولماز .

شبه بوقدرکه حسن طبیعت انسانک طوغشندن فن حسنه
مالک اولسنه توقف ایدر ؛ لیکن بوفضیلت نه هر کسده ، نه ده هر
مملکتده بر راده ده ظهور ایدیور . هر انسان بوکا مالک اولمق
ایچون مادی و معنوی یرادیلشنجه لازم اولان خاصه لری بر
درجه ده حائر اولبور .

برده حسن طبیعتیه تربیه نک ، آداب و عاداتک ، مدنیت

نفیسه نك هیچ برنوعندن اصلا طویماز بر آدم تصور اولنه ماز .
 کیمی شعری ، کیمی رسمی ، کیمی ده معمارانی زیاده سور . لکن
 هیچ برنقدن حظ ایتمین آدم یوق کیدر . بو حالده ، شومطالعه
 خاطره کلیرکه حسن طبیعت هر یرده و هر کس عنندنه برطرزده
 اولمق ، یعنی آثار فیه نك عرض ایتدیکی چیز کلیر ، شکلر ، صورتلر ،
 رنگلر ویا صدارلر ، بونلری کورن وایشیدنلرک جمله سنه بر یولده
 تاثیر ایتک و جمله سی اوندن بر درجه ده متلذذ اولمق لازم کلیر
 ایدی . حال بوکه دنیاده حسن طبیعت دیدیکمز خاصه او یله هر یرده
 عمومیت اوزره و برسیافده ظهور ایتمیور .

مثلا بر مملکت اهالیسنک طبیعتنه موافق کله رک اونلرجه آثار
 نفیسه دن عد اولنان اشعار ، شکلر ویا موسیقی مقاملری ، بشقه
 قوملرجه بکنلمیور . بلکه هیچ مقبول طوتلمیور . بر مملکتده
 بیله بر آرهلق پک زیاده تقدیر اولنان آثار بر زمان صکره اعتباردن
 دوشیور . حق بروقتده ظهور ایدن آثار فیه فنه واقف و حسن
 طبیعت صاحبی بیلمیش ذوات طرفندن بر درلو محاکمه اولنه رق
 بر برینه مغایر رأیلر بیان اولندیفنکده امثالی واردر . بعض کره
 بر آدمکده طبیعتی دکیشیور . مقدم حیرتله باقدینی آناری صکره
 بکنمز و حظ ایتمز اولیور . واقعا اگر فن آناری بعضیسی عنندنه
 مقبول ، بعضیسی ایچون نامقبول اوله رق هیچ بری حقنده
 « شوکوزلدر ، یاخود چرکیندر . » دینیله مه مک لازم کلسه وفک
 قدر و حیثیتی هر کسک مزاجنه و کیفنه باغلی برشی اولسه مقدم

۴

« حسن طبیعت »

فنون نفیسه [۱] و « استهتیک » بحثنده اك زیاده مطالعیه شایان ماده لرك بریده حسن طبیعت، یاخود ذوق سلیم مسئله سیدر. حسن طبیعت آثار فنیّه ده کی کوزللیکی، صحیح حلیکی، حسن تناسبی و سائر مزیتلری حقیقه حسن ایتمك اقتداری، یعنی فن طویغوسنك اك اینجه و مکمل صورتیدر و بوجهتله فنك وجدانی دینلمکه شایاندر .

دیمك اولورکه حسن طبیعتك اصلی فن طویغوسنك عبارتدر، و بوتقدیرجه طبیعی برخاصه اولدینی انکار اولنماز . زیرا اوילה اولسه فن سوزینك هیچ حکمی قالمازدی ؛ حتی دنیاده فنك وجودی بیله اولماق لازم کیر ایدی . حسن طبیعت خاصه سنی بویولده آکلایه حق اولور ایسهك انسانلرك جمله سنده ازچوق موجود اولمق ایجاب ایدر و حقیقت حالده بویلهدر . فنون

[۱] اشبو مقاله نك اخذ اولدینی « فنون نفیسه تاریخی مدخلی » اصطلاحجه صنایع نفیسه و صنایع بدیهه معناسنده استعمال اولنمشدر .
(مقتطف)

۳

ستایش حضرت پادشاهی

ویرمش بزه رازدان ادوار
 بر پادشه ستوده اطوار ؛
 هردرلو ستایشه سزاوار
 بر حامی بی بهانه مزوار .

بذل ایتدیک لطفه غایت اولماز ،
 بوندن ده بیوک سعادت اولماز .

ای عرش سریر سدره سایه ،
 سلسین بزی ایلین وقایه ؛
 گلکده در اهل النجایه
 سایه کده صفای بی نهاییه .

فرق ضعفاده ظل حقسین ،
 سلطانلغه حق بیلیر احقسین .

[بحر هزج : مفعول مفاعیل فعلن]



مشکین سواد شام امرا

منشور نبوتنده طغرا .

سنوز اولسهده منبع کرامت

قرآنه نظیره اولماز البت :

قرآن اورسولی قیلدی توصیف ،

اخلاق عظیمک ایتدی تعریف .

ای خامه زبانک ایله کوتاه

لوح اوزره قلمله یازمش الله .

[بحر هزج : مفعول مفاعیل فعلن]

چاروب — سیورکه . دروازه — بیوک قیو .



نعت حضرت نبوی

- ارواح - که تحفه خدادار -
- خاک ره شاه انبیادر .
- اول شاه - که تخی لامکاندر -
- چار وبکشی کر و بیاندر .
- « لولاک » ایله ذات پاکی موصوف ،
- قر آنه صفاتی ظرف ومظروف .
- دروازه طاقی « قاب قوسین » ،
- فرش قدمی علوم کونین .
- شاه ملکوت عرش پایه ،
- ماه جبروت فرش سایه .
- ایجاد و وجود گونه باعث ،
- امتری سر علمه وارث .
- آینه وحدت الهی
- مرآت وجودیدر کاهی .

سنک لطف والا کی کوزلر امیدم ؛
 سنک قرب اعلا کی اوزلر خیالم
 شو حالم اولور بلکه غفرانی جالب ؛
 اولور بلکه غفرانی جالب شو حالم .

[بحر متقارب: فعوان فعولن فعوان فعوان]


ارتنگ - مصور مشهور مانینگ معرض تصاویری .



مناجات

آلهی، جهان آفرین ذوالجلال،
 شهود ربوبیتکدر عوالم .
 حضور کده محصول قلب ولسانم
 خروشان سرشکم، پریشان مقام .
 نه حاجت وار اظهار عجز و نیازه ؟
 بتون افتقارم، بتون استهام .
 معمای دل بر غریب آفریده ؛
 نه باقل، نه عاقل ؛ نه جاهل، نه عالم .
 بیلن وارسه سنسک نصل نسخیم بن،
 بکا ویردی حیرت غموض مالم .
 نصل اعتماد ایلیم ماسوایه ؟
 که هر بر دمدر دم انتقام .
 بقا یوقسه دنیاده عقباده واردر ،
 بنم وارمی «یوقدر» دیمک احتمالم ؟
 ایدر روح ناجی شو اقراری تکرار :
 مصون الزوالم، مصون الزوالم .

اقتطاف



اوچنچی قسم

منظوم و منشور قرق قدر ائی حاویدر.

۱۳۶۰

تنقید	۲۰	۶۵
اجداد معالی نژاد حضرت پادشاهیدن سلطان عثمان	۲۱	۶۸
خان ثانی حضر تلمری وصفنده بر قصیده دن		
عمرک چو جقاغندن	۲۲	۷۱
بر قصر وصفنده	۲۳	۷۵
فقرات ادبیه	۲۴	۷۶
قرمزی مر قوبلر	۲۵	۸۰
رسم	۲۶	۸۴
بلال حبشی	۲۷	۸۷
مناجات	۲۸	۸۹
سلیمیه	۲۹	۹۲
فصاحت — بلاغت	۳۰	۹۳
امام علینک بر مناجاتی	۳۱	۹۵
قصیده تاریخیه	۳۲	۹۹
قوصوه محاربه سی	۳۳	۱۰۹
امریقاده بر کیجه	۳۴	۱۱۵
قمیص یوسف	۳۵	۱۱۹
نشئه معصومانه	۳۶	۱۲۱
قادسیه	۳۷	۱۲۳
دره دن تپه دن	۳۸	۱۳۰
« موسیقی »	۳۹	۱۳۵
توسیع اولنه جق موضوعلر		۱۴۰



تضرع	۱	۳
نعت شریف	۲	۵
ستایش حضرت پادشاهی	۳	۶
شعرک ماهیت و حقیقی	۴	۸
معارف	۵	۱۱
تصویر	۶	۱۳
اوصاف جمیلهٔ اجداد شهنشاهی	۷	۲۰
شام غریبان	۸	۲۲
کشف الظنون	۹	۲۶
«خیریه» دن	۱۰	۳۱
بلوطر	۱۱	۳۴
شعرک ظهوری	۱۲	۳۷
سخن	۱۳	۴۰
کاتب چلبی	۱۴	۴۲
اجداد معالی نژاد حضرت خلافت‌ن‌اهیدن	۱۵	۵۱
سلطان احمد خان ثالث حضرت‌تری و صفنده بر قصیده‌دن :		
غازی ارطغرل بك منظومه‌سندن	۱۶	۵۴
طیران هوام	۱۷	۵۷
اوصاف جمیلهٔ اجداد شهنشاهی	۱۸	۶۰
زراعت، تجارت	۱۹	۶۲

ايرتسى اقشام يىنه يتاق بوزوق .

تكرار تنبيه .

اوچىنچى كون خدمتچى به تشكر ايدىور ۵ كوزل يتاق آرامق

مجبوريتىندن قورتلدم ۵ ديور .

ايكنچى قىسمك صوكى



ازدواجك ايرتسي كوني ايضاح ايده جيكي بر شرطك شمديدن
قبولنه سوز ويريليرسه . دلي قانلي سوز ويريور . قيز هر كون
كنديسنه بر شيشه بيرا پاره سي ويرلسني ايستيور . - برابر
ايچه لم . - خير ، سن پاره سي ويره جكسك .

دلي قانلي بك طاشير مقسزين عشرته دوام ايدر .
آلق آي صكره ، بر يورطي كوني . هر كس مسيره لره
كيدور . دلي قانلي ديوركه : بر آراهه طوته جق پاره من اولسه!
زوجه بر آووج پاره كتيروب اوكنه قوييور . - نره ده بولدك
بو پاره لري ؟ - هر كون ايچديكم بيرالدر .
دلي قانلي عشرتدن واز كچر .



۲۲

بر حكيم حليم .

حكماندن بر ذات هيچ حدتلمزدي .
بر قاچ كشي بوني قيزدير مق ايسديلر . اك زياده يتاغلك اي
ياپلمسنة اعتنا ايدردى . خدمتجي بي اطماع ايله يتاغى بوزديرديلر .
حكيم تنبيه ايتدى .

۲۰

یازی او طه سی و کتبخانه

بر آرقداشکزک طبعه موافق تنظیم اولمش اولان یازی
خانه سیله یوز یوزاللی جلدلی بر کتبخانه سی دیگر بر آرقداشکزه
بر مکتوب ایله تصویر ایده جکسکز .

• •

۲۱

نه کوزل نصیحت!

انکتره نک بر فابریقه سنده عمله دن بر دلی قانلی ینه عمله دن
بر قیز ایله ازدواجه طالب اولور .
ارکک مستعد، چالشقان؛ بر قصوری وار: عشرت ایدیور .
دوشونیورکه عجبا قیز موافقت ایده جکمی؟ موافقت ایدیور، فقط

ندیمه صافیه نك كلیشندن ممنون اولدی . قیصقانیور . صافیه
 ندیمه نك جلب محبتنه چالیشیور . بیهوده! ندیمه ، صافیه بی والدہ سنك
 محبتندن بر قسمی سرقت ایتیش اولمقله متهم عد ایدیور . ندیمه
 آغیر بر خسته لفه طوتلدی . صافیه خسته نك یانندن آیرلیور .
 ندیمه حال نقاھتده . آرتق صافیه بی سویور . قونوشیور لر :
 ندیمه - بی چوق سویور ایشسك . صافیه - بن تیزه می سورم . -
 عجائب ! - هم سندن زیاده . - نیچون ؟ - چونكه سن اونك ایکی
 قیزی اولمسنه راضی اولمیوردك .
 دائمی بر محبت متقابله .

••

۱۹

تراموای

بر تراموای آرابه سی ایچنده بولنا نلرك تصویر اطواری .

••

۱۷

واشینقتون ایله پدری

واشینقتونك پدری اوغلنك تربیه سینه اعتنا ایدر، بالخاصه
افغانی کیزله مکدن تحذیر ایلردی .

برکون واشینقتون باغچه ده قازمه ایله اوینامقده ایکن پدرینك
پك سودیکی برکراز فدائی قیرمش ایدی . پدرك حدتی «بونی کیم
بو حاله کتیردی؟ .. الله کچسه! ..» واشینقتون — «بن یاپدم.»

پدر دوشونیور . اوغلنك بو حرکتی بیک کراز آغاچندن
دها قیمتی بولیور .

::

۱۸

ندیه — صافیه

صافیه پدر و والدہ سنك بر برینی متعاقب وفاتیلہ یتیم قالمشیدی .

تیزه سی خانه سینه آلدی .

اوطه سنده دوشونپور. ديانه جي چوجق برلير ايله چاليشه رق ثروت
صاحبي اولمش. ولي نعمتتک امدادينه يتشمک اوزره کليز. موجب
تأثر بر مکمله، چوجق تاجرہ بر مقدار کلي آچه ويرپور.



۱۶

زواللی کویک

بر تاجر يولده، چانطه سنده خيلي پاره وار. بر آقشام بر خان
اوطه سنده قالپور. ايرتسي کون حرکت ايتمک اوزره. چانطه يني
خنده اونو تمش. برابر بولنان کويک صاحبي ايقاظ ايتمک ايستيور،
غريب غريب حرکتلرده بولنيور. تاجر بوني قودور مش ظن
ايدنيور. کويک مقتول، تاجر کيدر. بر ساعت صکره چانطه
خاطرينه کليور. عودتله چانطه يني بوليور... کويک خانک اوکنده
ياتيور، تاجرك تأثری.



کندینه مال ایدینک سرقدر . صاحبی دوشونه لم ، بلکه
 بر فقیر پدردرکه اوشی بر قاج سمنه لک محصول ادخاریدر .
 اونه قدر مضطرب اوله جقدر . یاخود بر آدمه امانت ویرلمشدر .
 کندیسندن شبهه ایدیله جک . (امثالی احتمالات) بوشی ، بزم
 اولسه اعاده اولمامسینی ایسترمی یز ؟ مال مسروق خیر ایتمز .
 فرض ایده لم که کیسه بیلمیه جکدر ، کندی وجدانمز ، جناب حق
 بیلمزمی ؟

۰۰

۹۵

جوانمردلک ، شکران

بر قیش آقشامی . بر دیلنجی چوجنی کو پریده دیلنیور .
 بری بر آلتون ویریور ، چوجق قوشیور ؛ «اونلق یرینه آلتون
 ویرمشسکز... سنک اولسون!- سز کیمسکز؟» کیم اولدیغنی
 سویلمک ایستمز . چوجق اصرار ایدر . آصمه القی تجارندن
 بر افندی .

یکرمی سنه صکره تاجر مضایقه ده ، افلاسه مجبور اوله جق .

۱۳

لسان

(ازوپ) ك افنديسى احبابى اضياف ايده جكندن كوله سـنه
 اك كوزل شـيدن يمك يامـسـنى امر ايتـش ايدى . حكيم يالكـز
 ديل آلـهـرق مـتـوع اطـعمـه تـريـب ايتـدى . مدعوينـك تعـجـبى ،
 افنديسـنـك حدتـى . حكيم ايله افنديسـنـك آرـهـسـنـده مكـالمـه . — نـچـون
 بويله ياپـدـك ؟ — اك اي شى ديلدر . (ازوپ ديلك محاسـنـى
 تعداد ايدر .) — اويله ايسـه مدعوين يارين ينه بوراده در ،
 اك فنا شيدن يمك ياپ . ازوپ ينه ديلدن يمك ياپار وبو دفعـه
 ديلك مساويسنى صايار . بر مطالعة اخلاقـه ايله خاتمـه ويريله جـك .

..

۱۴

سوقاقده بولنان اشيا

سوقاقده بولديغـمـز اشيايى صاحبنـه ويرمـكـمـز لازم كلير .

وحشی ایله میزان الهوا

قنادانك هنوز نیم وحشی بولندی بی بر زمان اوراده سیاحت
 ایدن بر اوروپالی هورون قیله سندن بروحشی بی برابر آمشیدی .
 وحشی اوروپالینك میزان الهواسنی کوتورر، اوروپالینك بعضاً
 بوکا باقدیغنی کورردی . وحشی ظن ایدر ایدی که بوشی هوایی
 تبدیله مقتدردر . اوروپالی ترك حیات ایلدی . میزان الهوا
 وحشی به قالدی . آو ایچون اورمانه، کوله چیققدجقه اوکا باقوب
 اشارته کوره حرکت ایدردی . وحشی بر کون اوزاچقه بر محله
 کیده جك ایدی . میزان الهوا به باقدی، یالواردی، یاقاردی .
 میزان الهوا هیچ متاثر اولمدی . وحشی حدتlendی، میزان الهوا
 قیردی .

اولنه جقدر) دلی قائلینک مراجعتی اوزرینه آلا جقلیلر منفعتلرینی
وبابا ایله اوغلك ناموسکارلغنی ملاحظه ایله مناسب وعده
ویررلر .

ناموسکار دلی قائلی مقدمانه دوام ایدر . بش سنه صکره
بورج کاملاً اودندکن صکره عابهنده الک زیاده سوز سویلین
ادمه پاره اقراض ایدر .



۱۶

تسهیل نقلیات

نقلیات مشکل اولان یرلرده محصول هیچ پاره ایتمز . یاخود
بك آز ایدر . نقلیات قولای اولان محللرده هر محصوله طالب
بولنور ، فیثات آرتار . بر مملکتده شوسه لر ، تیمور یوللر ،
لیمانلر آچق ونهرلری سیر سفائنه صالح حاله کتیرمک اومملکتک
ثروتی آرتیرر .



اهالی بکلیورلر. غازیلرک ورودی، هرکسده سوبینج. والده لرك،
پدرلرک حالی. اقرباسی محاربیه کیتمش اولان دیگر کویلیلر
اونلری سؤال ایدیورلر. غازیلرک جوابلرندن بعضلرینک شهادتی
آکلاشیلیور. لکن شهید محروم حیات اولمش دکل، حیات ابدیه
نائل اولمشدر.

••

۹۰

ثمره مساعی

مصر چارشیشی اصنافندن ناموسلو بر آدم وفات ایدر،
اسباب فوق العادهیه مبنی صوک زمانلرده متضرر اولدیغندن
کوریلان حسابنده یکریمی بیك غروش بورجلو اولدینی
آکلاشیلیر.

قومشولر یکریمی یاشنده بولنان اوغلنه ترکیه وضع ید
ایتمدیکی حالده بورجندن مشول اولمیه جفنی سویلرلر. دلی قانلی
پدرینک تجارتنه دوام ایدوب بورجنی اودهیه جکفی بیان ایدر.
بر قاج کشی بد بینانه مطالعاتده بولنورلر. (بولرک افاداتی نقل



انسان مسعودیتنی بیلک ایچون مادوننه باقلیدر

بر فابریقه ده ایکی عمله وار. ایکسی ده بر درجه ده قزانیور لر.
بری دائما مضطرب : چونکه فابریقه صاحبی کوز اوکنه آیر.
(کندی کندینه ملاحظاتی) ایکنجیسی مسعود: چونکه کندیسی
قدر اجرت آله میانلری، خسته لق سببیه چالیشه میانلری، ایش
بوله میانلری دوشونیور.



ایکی غازینک کویلرینه عودتی

... قریه سندن عسکره کیتمش اولان ایکی دلی قانلی ...
محاربه سنده یاره لانوب خسته خانه یه کیردکری، اعاده عافیت
ایلدکلرندن ... کونی کویلرینه کله جکلری خبر آلمش ایدی. کویه
یاریم ساعت مسافه ده پیکار باشنده بونلرک اقرباسی، کویدن دیکر

بدبختلغنه اوغرامش ایدی . بو شخص بر کون نوتونی زیارته
 کلدیکی صرهدده ماصه اوزرنده بر سما خریطه سی کوره رک پک
 طوغری، پک کوزل یاپلمش اولدینی جهتله متحیر اولدی . بیان
 تقدیرات ایله نهایت صانعی سؤال ابتدی، نوتون اونک صانعی
 اولدینی بیان ایلدی . عالم کندی کندینه تفکرله کائناتکده بر
 صانعی اولمق لازم کله جکفی تصدیقه مجبور قالدی .



بر ضابط طرفندن والدہ سنه مکتوب

... کونی . . . موقعنده بولسان دشمنه هجوم اولنه جق
 ایدی . ملازم . . . افدینک بولندینی طابور ایلاک هجومه مأمور
 اولمشیدی . موقع ضبط اولندی، فقط او قولندن مجروح اولدی .
 شمدی خسته خانه ده . مخاطره یوق ، نهایت اون بش کونده اپی
 اوله جق . ضابط بو قدر مدت محاربه یه اشتراک ایدهمیه جکنه
 متأسف . بو احوالی والدہ سنه بر مکتوب ایله یازیور .



ایکی اوج ساعتک مساعی نتیجه سنده صو ایچنده قالان اهالی
کیسه قضا زده اولمق سزین تخلیص ایدلمش.



سوز کوش ایسه سکوت آلتوندر

بوسوزک حکمی تشریح اولنه جق ، طوغریلغه برمشال
کوستریله جک . استثناسی اولوب اولمدیغی تدقیق ایله اوده بولنوب
اوکا کوره دخی بر حکم ویریله جکدر .



{نوتون} ک بر جواب حکیمانه سی

ریاضیاینده ، حکمت طبعیه ده ، هیأتده ید طولاسی اولان
نوتونک احباسندن بری علمادن بولمق له برابر دهریونندن اولمق

۳

عائله ایلہ ملاقات

استانبول مکاتب لیلیہ سندن برافندی تعطیل زمانی مسقط
 راسنه عودت ایتمش . صورت استقبالی، ابونی ایلہ ملاقاتی
 برمکتوب ایلہ استانبولده بر آرقداشنه بیلدیریور .

* *

۴

صو باصممش برکوی

ایکی یوزخانه لی برکوی . کنارنده کی نهر فیضان ایتمش . بر
 جوق خانه لر صو ایچنده . اشیای بیتیه ، حیوانات یوزیور .
 ایکی ساعت اوزاقده کی مرکز قضادن مأمورین حکومت
 یتشمش لر . ایکی قایق وار . فداکارانه چالیشیور لر . ایکی ضبطیه
 نفری ایچنده جوجق اولان بر بشیکی قورتاریور لر .

ایکی شاگرد

شدتلی بر قیش کونی . بر قصبه ده ایکی شاگرد مکتب
 رشديه به کیدیور . بر خانه نك او کنده ایکی چوجق والده لرینک
 وفات ایتدیکنی سویلیه رك آغلایور لر . بو خانه کچن سنه دکزده
 غرق اولمش بر کیچینکدر . زوجه چوجق لرینی اعاشه ایدیوردی .
 مکتب شاگرد لری بوقادینی بیلور لر ، ایچری کیر لر . قادین
 اشیاسز براوطه ده بی حرکت یاتیور . طیبیه قوشا لر لر . طیب
 خسته یی معاینه ایدر . چوجق لر دن سؤالنده آکلار که ایکی کوندر
 یالکز اولر قوری اکمک ییه بیلمش . طیبیک تداوی سیله قادین
 کندینه کلیر . مکتبه شاگردان کونده لکلر ندن اوزر ، یکر میشر ،
 قرقر پاره طویلایوب اعانه ایدر لر .

(وقعه یی او ایکی شاگرد دن بری اقشام پدرینه نقل ایدر .
 یاخود بر مکتوب طرزنده همشیره سنه یازار .)

بوجزه مندرجاتندن نثره تحویلی الٰه مناسب اولان
منظومه لر :

شام غریبان، قرمزی مر قوبلر، مناجات، قمیص یوسف .

توسیع اولنه جق موضوعلر

۱

آفرین عسکر !

بر یاز کونی اقشام اوزری تیمور یول گذرگاهی برمسیره ده
ایچه خلق طوپلانمش . (شاگردانك معلومی اولان بر محل
انتخاب اولنور .) اوج یاشینده برچوجق تیمول یول اوزرنده
بولنیور . ترن سرعتله کلیور . چوجق بی خبر . هرکس تلاش
ایدر . کیمسه برشی یاپه ماز . برعسکر نفری همان کلیر، چوجقی
آلیر، ترن کچر . هرکس طرفندن ستایشلر . نفرک حرکت
انسانیتکارانه سی تقدیر اولنه جق .

شبهه یوقدر . موسیقینک تشجیع و تهییجده کی تاثیر وقوتی معلوم اولدیغندن اسکی زمانلردن بری محاربه میدانلرنده ومعبدلرده استعمال اولنه کلمشدر . اسکی یونانیار موسیقی به مقدس نظریله باقوب یوقاریده ذکر اولندیغنی کبی اک بیوک آلهاری اولان ژوپیتربک قیزلری عدایتدکاری موسالره نسبت ایدر ، علوم وفنون صرہ سنده صایار ، وموسالربک رئیس اولان — علوم وفنون وصنایع آلهی آپولونی النده بر رباب ایله تصویر ایدرلردی . برقومک کربک ترقیات علمیه ومدنیہ سفی ، کربک حسیات قلبیه لرینک درجه نزاکتفی ، کربک احوال واخلاق طبیعیه وملیه . لرینی کوسترمک ایچون موسیقیدن کوزل میزان یوقدر .

آلهه — همزه نک کسری ولامک مدبله در . آله افطنک — لسان عثمانیده تسوینغ ایداش — وؤنئیدر . همزه نک مدبله آلهه الہ افطنک جمئیدر .



برابر کولديريله بيلير . لکن بو آغلامق و بو کولمک صرف قلبي و داخلیدر . نه کوزلر یاش دوکر ، نه دوداقلر آچیلوب دیشلری کوستردر . الحاصل موسیقینک بو احوال و تاثیراتی حکمت خلقت و طبیعتک اک غریب اسرارندندر .

یوقاریده دیدبکمز کبی موسیقی نطقدن اول ظهور ایتمش اولوب صکره نطق موسیقینک تاثیرات ذاتیه سنه عشق ، فرقت ، حسرت ، جسارت ، مروت ، تفخر کبی هر بری بر گونه تأثیری موجب افاداتی دخی ضم و علاوه ایتدیکندن موسیقی ایله شعر او قومنه ک تاثیراتی اولمق طبیعی ایسه ده ینه موسیقینک حد ذاتنده کبی تأثیر خالصی بشقه در . بوراسنی انسان تا ابتدادن آکلامش اولدیفندن موسیقی بی سوزدن و شعردن تجرید ایله یالکز سس جهتی اصلاح وارقا اتمک اوزره بوغازینک بو باده ایتدیکی خدمتله اکتفا ایتیوب بر چوق آلتلر ایجاد ایتشدرد .

موسیقی آلاتی مختلف و متنوع اولوب هر کون یکیلری ودها مکمللری ایجاد اولنمقده ایسه ده بعض ساده آلتلرینک زمان ایجادینه تاریخ یتیشه مدیکی کبی هیچ بر یرده ، هیچ بر قوم و امتک هیچ وقت موسیقی آلتندن محروم اولدیفی ده ایشتمدک . دیمک اولیورکه آلات موسیقیه و خصوصیه بر قامشدن یاییله بیلن دودوک و قوال ، بردری پارچه سندن یاییله بیلن دونبلک کبی ساده و قولایلرینک تاریخک ضبط ایده بیلدیکی زماندن چوق مقدم و بلکه انسانلر مدنیته میل ایتزدن اول ایجاد ایدلمش اوله جفنده

فراخندیرمق ایچون سسلری کوزل اولسون چیرکین اولسون
اعلائی صوته مجبور اولورلر؛ کل دالنده بلبل اوتدیرن حالک عینی
حوضده قورباغه یی ده اوتدیرر، چایرده آتی ده کیشنتدیرر.

انسان سائر حیوانلر کی صانکه حسیات قلبیه سی بوشالتمق
ایچون ترنم و تغنی به مجبور اولدقدن بشنقه او ترنم و تغنیک
کوزلنی ایشتمکدن تاثیر ایتک خاصه سنه دخی مالکدر. بو حسک
حیوانلرده و خصوصیه قوشلرده وسائر بعض جنسلرده دخی
موجود اولدیغنی هیچ بر وقت ادعا ایدمه یز؛ علی الخصوص
کوزل سسه مالک اولان حیواناتک کوزل سسدن تلذذ ایتمه سی
نصل ممکن اوله بیلیر؛ بو حس ایسه اولکی حالدن، یعنی انسانک
برکوزل سی ایشتمکدن حاصل ایتدیکی تاثیر کندیسی اوسی
چیقارمغه مجبور ایدن حالدن ده ا غریبدر. صانکه سسک
کوزلنده الکتریک کی بر قوه طبعیه وار ایش کی اونی
ایشتمسیله برابر قلبنده، روحنده، جسمنده بر حال اولور، بر
اهتزاز، بر رعشه، بر تهیجدر انسانی ضبط ایدر. گاه قلبک
بر غنجه کی آچیلوب کولمه سی، گاه طاتلی طاتلی بر حزن ایله
آغلامه سی، گاه صیچرایوب اوینامه سی، گاه درین درین بر حیرته
طالمه سی موجب اولور. بو مختلف تاثیرانی ویرن سس دکلدرد،
«مقام» و «آهنک» دیدیکمز صورت ترتیب و تنظیمک دخی مدخل
کلیسی واردر. سس دکشدر لمکسزین یا لکز مقامک تبدیلیله
تاثیر دکشیر؛ بر مقامله آغلاتدیریلان آدم او مقامک دکشه سیله

اولور؟ بونی ایجاب ایدن حال نه در؟ بو حال یالکر انسانده ده
 دکدر؛ بلکه نوع بشر بو کره ارضک اوزرنده ظهور ایتزدن
 اول، بوکون طولاشوب کزدیکمز بایرلرده، اووه لرده، طاغلرده
 چنلر اوستنده، اغاجلرک طاللرند، قیالرک باشنده، نیجه قوشلر
 عصرلر و دورلرجه لطیف لطیف اوتمش، یانیق یانیق ناله و فغان
 ایتمش، و نیجه متنوع حیوانلر - هربری صوت مخصوصیه - تغنی
 ایدوب طور مشدر! شعر موسیقیدن چوق صکره ظهور ایتمش
 اوله جفنده شبهه بوقدر. چونکه انسان، طبیعتک موسیقی به اولان
 میلی اجرا ایچون شعر سویلیه بیلجک برحاله کلمنه منتظر اولمق
 سویله طورسون، سوز سویلمکی اوکرنمسی بیله بکله میوب بلکه
 نقطه مالک اولمازدن اول طبیعتک سوقیله برطاقم الحان و اصوات
 چیقارهرق کندیسنه مخصوص بر موسیقی ایله ترنم ایتمشدر.
 هنوز بربرلرینه مراملرینی اکلاده جق قدر بش اون کله ایله
 تکلمه مقتدر اوله میان انسانلرک الحان و نغماتی چییلاق و یاخود
 یپراقلره، دریلره صاریلی اولهرق کرمکده بولنش اولدقلری
 مغاره لردن دره لره، طاغلره عکس انداز اولمش اوله جفنده شبهه
 یوقدر! قوشلر بیت و شرقی سویلمکسزین اوتدکلری کبی
 انسانلر دخی بوکا مقتدر دکل ایکن ترنم و تغنی ایتشلردر.
 حکمت خلقتک محیر العقول آثاردن اولمق اوزره بعض مخلوقلر
 قلبلرینه طولان و آراتق صیغیه جق درجهیه کن عشق و شوق
 و یا حزن و الم حسیاتی دیشاریه دوکمک و بو وجهله ایچلرینی

۳۹

« موسیقی »

شرق و غربده و کافه اتم متمدنه عندنده معلوم و مستعمل
اولان بولکه بر لفظ یونانی اولوب یونان قدیم اساطیرنده «موسا»
نامیله معروف اولان علوم و صنایع الهلرینه منسوبیتی بیان
ایدر. بواسم مساسنک علوم و صنایعک اک برنجیسی، اک کوزلی،
اک نازکی اولدیغنی کوس-ترمه کافیدر. موسیقی صنایع نازکه دن
معدود اولوب رسم و نقر و فن معماری ایله برابر بر دائرة
مخصوصه تشکیل ایتدیکی کبی شعر ایله دخی پک چوق مناسباتی
واردر. موسیقی بر طرفدن بر فن، بر علم، بر صنعتدر و فنون
و علوم و صنایعک اک نازکلرندندر. بر طرفدن ده بر حال طبیعیدر،
غریب بر حالدر؛ انسانک و — دها طوغریسی — روحک،
طبیعتک، کائناتک بر خاصه سیدر؛ صانکه روحک عشق و شوق
ایله و یا حود حزن و الم ایله جوش و خروشه لکسنک بر صداسیدر؛
نیچون انسان، قلبنده بر سونج، بر ممنونیت، بر لذت، بر حیرت
بر حزن، بر الم، تهیجی موجب اوله جق بر حال حس ایتدیکی
وقت، بلا اختیار آغزینی آچوب بر طاقم صدالر چیقارمغه مجبور

الفاظہ سیفشمیور معانی ،

دریائی آیرمی هیچ اوانی ؟

[بحر ہزج : مفعول مفاعیل فعلن]

شہل الاسد — ارسلان یاوریمی . پیر — ہندستانہ مخصوص
بر پیرتیمی حیوان .



یوق گرچه کشایش ربیعی،
 سویلتمده جوشش طیبی!
 طبعم کبی عندلیب نادر،
 عندنده خزان، بهار بردرا
 کتدکجه غریب مشرب اولدم،
 عالم نظرنده اغرب اولدم.
 وسعتلیور تصوراتم،
 شدتلیور تأثراتم.
 طبعمده جهان جهان معانی،
 خامه مده نوای آسمانی!
 اینسه یدی بونغمه آسماندن
 اییک چیقاردی هر دهاندن.
 مادام که یتیمیور حیساتم،
 ظن ایتمه بتر ترنماتم.
 حسکده نه رتبه وارسه دقت
 اول رتبه ویرر سرور و رقت.
 بر یتیم ایدرسه حزنی دعوت
 بردیگری بخش ایدر مسرت.
 احوالی آ کلامقسه مطلوب
 کل، اول جذباته سن ده مغلوب.

پیرانه نصیحت ایتسه لرده
 بن زرده یم، اختیار زرده ؟
 کولکجه تبسم اولدی معتاد،
 چشممده جهان تبسم آباد .
 کولم کی کائنات یکسر
 قارشیمده حزین حزین کولسر!
 گل موسمی گلستانی سودم،
 کلدکجه خزان خزانی سودم .
 قوتلیدر التهاب طبعم .
 شدتلیدر انجذاب طبعم .
 مفتونلغمی نگاه سویلر،
 بن سویلمسه مده آه سویلر .
 طاقت کتیرش هجوم عشقه
 یک مشکل اولور کتوم عشقه .
 دل حاصلی قالدی شوقه مجلوب،
 شبل الاسد اولدی بیره مغلوب!
 بی چاره اسیر خلقت اولمش،
 سودا زده طبیعت اولمش .
 بیگانه سیدر فراغ حسنک،
 پروانه سیدر چراغ حسنک .

هر پارچه سی بر کوزل چیچکدر،
 شاعرده چیچک انک اتکدر.
 سیرایت، بوشکوفه سماوی
 بر معجزه بی دگلی حاوی ؟
 بلبل، نه چکلدک آشیانه ؟
 طبعکده توکنیدی ترانه ؟
 خواننده گلستان ایدک سن،
 وجدآور عاشقان ایدک سن.
 بن اولمده یم هزاره ثانی،
 دینسون بکا بلبل خزانی.
 ایلر بی طور میوب زیارت
 بیت الحزنمده بیک مسرت.
 دائم نظرمدده سوروماتم،
 همد بکا هم سرور، هم غم.
 یارب نه غم مسرت آمیز !
 یارب نه صفای محنت انکیز !
 ذوقم، کدرم دوامسزدر،
 هر عالم انتظامسزدر.
 افکارم اگرچه نظمه مائل،
 حالم دکل انتظامی قابل.

۳۸

دره دن تپه دن

اولمقدمه نگاه بی قرارم
 جوش آور طبع جذبه دارم .
 که چیقمه ده قارلی کوهساره ،
 گاه اینمه ده بوزلی جویباره .
 باقمده ایکن شو قارلی طاغه
 آهسته نگاهم ایندی باغه .
 منظورم اولان بهار کیمش ،
 ازهار نظر شکار بیتمش .
 ای عاشقی اولدیغ نهالان،
 اوراقیزی کیم ایتدی تالان؟
 ای یرلری قابلایان نباتات ،
 سزدن ده نشانه یوقی؟ هیات!
 قاردوشمه ده ارضه پاره پاره،
 دونمکده فلک شکوفه زاره ۛ

دردنجی مصر هجریده خراب اولمشدر . (قاموس الاعلامدن) مرصده
 الاطلاع، قادیسیه به درت میل مسافهده عذیب (مصفر صیغه سیله) نام محلهده
 ایرانیلرک قدیس (کذا) اسمنده برقصری اولوب قادیسیه بونک نسبتی
 اولدیغنی، حضرت سعدک قادیسیه محاربه سنده او قصرده بولندیغنی یازیور.
 آنیه زجاج - طبق، بارداق کبی شیر .



ایلدی . دون صباح بفتة ورودیله مسلمانلری منبسط ایتمش
اولان قعقاع نصف لیله قدر حرب ایتدکن صکره بر دقیقه
ارام ایتیه رک طلیعه سی اولدینی عسکر دن آیرلدینی یره قدر شد
رجل ایتمش، هاشم ایله برابر اولان اون بیك قدر عسکر كده .
کندی مصیتی کبی - طاقم طاقم سوق اولنسنی توصیه ایلمش ایدی .
بونار او صورتله ورود ایتدکجه اوازه بلند تکبیرات ایله وادی
حربی پرغیو ایلورلردی . اسلام ، شوق فتح و تأسیس ایله نه
قدر اقدام ایدیورسه کسرالیلرده الکالینی ، حکومت قدیمه لرینی
محافظه غیرتیه او قدر مقاومت کوستریورلردی ، او کون اقشام ،
او کیجه صباح اولدینی حالدده محاربه دوام ایدیوردی .

دردنچی کون ایدی که کسری اردوسی اسلامك شدتنه خلل
کلك شانندن اولیان صولتنه دهها زیاده مقاومتیه مقتدر اوله میوب
هزیمت فاحشه ایله پریشان اولدی . سردارلری مقتول اولدینی
کبی اهمیت تاریخیه سندن بشقه ترصیعانیله او زمانك برخزینه بی
حساب ثروتی اولان درفش گاوینی اسلام الله دوشدی .

اسلام ایچونده ، حکومت کسری ایچونده بوبر حیات و محات
محاربه سی ایدی . اراده ازلیه الهیه حکومت کسرانك اضمحلال
ومحو یله اسلامك فیض و اقبالنه تعلق ایتمش اولدیغندن شوکت
اسلامه اك زیاده خدمت ایدن مظفریانك اك بیوکلرندن بری
بو اولمشدر .
(خنسانك ترجمه حالندن)

قادیسه - کوفه نك اون پش فرسخ جنوب غریبسنده برقصه دورکه

ایاغنی سلاسله ربط ایلدی . ذاتاً سلمی ، او کونکی سربستیسفی
 او شرط ایله ویرمش ایدی . ابو محجن ده کندینی بکندیرمک
 ایچون، آفرینلر، آقشلر ایشتمک ایچون حرب ایتمش دکل ایدی .
 لکن سلمی ایرتسی صباح ، دوستی ده دشمنی ده حیرتار
 ایچنده براقش اولان او قهرمان بی محابانک کیم اولدیفنی سعد
 بن ابی وقاصه خبر ویرمش اولدیفندن حضرت امیر ابو محجنی
 همان حضورینه جلب ایله تقدیر و توقیر ایتمش و بوندن صکره شاعری
 یالکز سوز ایچون معاتب طوتمیه جفنی بیان ایتمشدر . ابو محجن
 ایسه آرتق شرابک مدحیه ده الوده دهان اولیه جفنی افاده
 ایله مقابله ایلیمشدر . [۱]

اردوی اسلامده - سلمی کی - خینی نسوان موجود ایدی .
 بو قادینلر ایچون اک بیوک مسرت قوجه لرینک ، برادرلرینک ،
 اوغللرینک، پدرلرینک مائر بسالتنی کورمک ایدی . مع هذا
 یالکز بوتماشای مردانه ایچون ده کلش دکل ایدیلر . یاره لیلره کیم
 باقه جق ؟ ارککلر حرب ایله اوغراشدقلری حالده اونلرده
 یاره لیلره خدمت وظیفه سفی ایفا ایدیورلردی .
 حرب اوچنچی کونی برقات دها کسب شدت ودهشت

[۱] بعض کتب ادبیه ده ابو محجنک :

رأيت الخمر صالحة وفيها مناقب تهلك الرجل الحليما ،
 فلا واه اشربها جاني ولا أسقى بها أبداً ندوما .

قطعه سیه عرض ندامت ایتدیکی کورلمکده در .

شاعر چکاچاك تيغ و سنانی ایشدجه کندیسى نشوہ یاب
 رزم اوله مدینی ایچون بر اضطراب جانخراش حس ایدیوردی.
 بو ایکنجی کون سعد بن ابی وقاصك برلکده بولان زوجہ سی
 سلمانك او جوارده کزندیکنى حس ایله اونك لطفه مراجعت
 ایتدی: او کونلك بر سربستی، برده اميرك بلقا نامنده کی
 قصر اغنی ایتیوردی. ابو محجن بو تمنیات مردانه یی بر شعر
 بلیغ صورتنده عرض ایدنجه سلمی، شاعرک آرزوسنی اسعاف
 ایتمکن کری طورہ مدی.

بر قیافت متکره ایله بلقایه سوار اولان ابو محجن آتشاره
 حماسه کسلمش ایدی. صفوف دشمنی پاره لار، آن واحده
 صفلك بر او طرفنده، بر بو طرفنده کورینور، هر کورندیکی
 یرده بر ایکی دشمنی محو ایلردی. هر کس «عجبا بو کیمدر؟»
 دیر ایدی. سعد بن ابی وقاص، بو برق خاطفك جولان نظر
 فروزینہ نگران اولور، اولورده «ابو محجن محبوس اولسه بو
 اودر، قصر اقدہ بلقادره دیر ایدی. ظن ایدرمیسکرکه او کون
 آقشامه واو کیجه نك یاریسنه قدر بر لحظه آرام ایتمکسزین
 اوغراشمش اولان ابو محجن ایکی اردونك ده ارتق بیتاب
 قاله رق حربہ فیصل ویردکری زمان بر طور مفتخرانه ایله
 حضور امیره کیده رك «قباحتم وارسه بو کونکی خدمته
 باغشلايیکز!» دیمشدر؟ خیر! او دلیر غالب کندیسنى کیمسه یه
 کوسترمیه رك محبسنه کیتدی، بر حال آئمانه ایله اولکی کبی

مسلمان سواریلرینک ایستدکلری کبی آت اوینامی موفقیتنی
استحصال ایتدی . برنجی کون ایکی طرف ایچونده نتیجه سمر بر
حرب ایله مرور ایلدی .

ایکنجی کونی صباحلین اردوی اسلام شام طرفدن برطاقم
عرب سواریسینک کلکده اولدیفنی کوردی . بو، اون بیك
کشیدن مرکب اوله رق اکابر مجاهدیندن هاشمک معیتده بولنان
برقوة امدادیه نک - اسمی بیله سامعه لره طنین انداز جزالت
اولان - قعقاع امری تحتنده کی طلیعه سی ایدی . بیك کشیدن
عبارت اولان بو طلیعه هراون سواری برطاقم اوله رق بررمقدار
فاصله ایله اردویه التحاق ایدیورلردی . قعقاع اسلامک بیوک
قهرمانلرندن ایدی . حضرت ابوبکر « قعقاعک ایچنده بولندی
عسکر مغلوب اولمازا » دیمش ایدی . اسلام قدوم قعقاعدن
حسن تقال ایدهرک کسر الیرک اولانجه قوتلریله هجومه مقابل
غیرت متزایده ایله حرب ایتدی .

هم بهادر ، هم شاعر اولان ابو محجن ثقفینک بر ادای
شاعرانه آلان مبارزه مشهوره سی قادسیه نک بو ایکنجی کونکی
حربینک وقایعندندر .

ابو محجن وقینه آرقداشلیق ایتش اولدیفنی صهبا حقنده
طغیان احساسات شاعرانه ایله مدیحه گولنه قالقشمش اولدیفندن
امیر الحیش ، شاعری زها محاربه یه باشلانمازدن اول کندی
اقامتگاهنده حبس ایتش ایدی .

نعمت عرض ایدیوردی . کسرالیلر دهسا دون کندیلرندن
 سدرمق ایتمک اوزره براز آرپه اونی، براز خرما ایستین عربک
 بولطف منعمانه سی تقدیر ایدمه دیلر . سعد بن ابی وقاصک یرتیق
 اوروبه لی ایلمچیلری کسری سردارینک زروزیوره مستغرق
 چادرلری ایچنده حقیقت اسلامی زینتی ساده لکدن عبارت
 ودشمن ایچون وضوحی درجه سنده مدھش برفصاحت ایله تقریر
 ایتدیکه ایرانیلر مزخرف سفسطه لرله مقابله ایتدیلر .

عسکر اسلام اوتوز بش بیک قدر ایدی . ایران اردوسی
 اونک اوج مثلندن زیاده ، یوز یکر می بیک کشی ایدی . کسرالیلر
 کثرتلرینه ، اسباب حربجه قوتلرینه کوکینورلردی .

طرفین برنهرک ایکی جانبنده ایدیلر . حضرت سعد، کندیبی
 وضع تدافعیده بولنوبده ایران قوت ، - مرمر طاشه تصادف
 ایتمش آنیه زجاج کبی - بیک پارچه ایتمک اوزره کسرالیلرک بری
 طرفه مرورینه مساعده ایتمش ایدی . بوتجاوز سرمستانه ایله
 کندیلرندنده بسبتون کچمش اولان کسرالیلر فیللری اویکلرینه
 قاهره رق مغرورانده هجوم ایتدیلر . عرب آتلی بوخلوق غریبی
 کورنجه اورکوب صفوف اسلام طاغیلر کبی اولدی . لکن
 یرنان قیلمدانهمیه جق قدر خسته ایکن بولندینی کوشکک بالای
 بامنده قرننه یاصتیق آله رق کوچ حال ایله طوغرولوب اردونک
 حرکات حربیه سی بر مهسارت کامله ایله اداره ایتمکده اولان
 اسلام امیرالحیثی برتدیر موجدانه ایله فیللری تارمار ایدهرک

۳۷

قادیسیه

حضرت فاروقك زمان عالیٰ خلافتی ، هجرت سنینهك اون
 دردنجی سنه سی ایدی . اسلام - گذر گهنده کی محصول سنز ، نامیه سنز
 وادیلری وایه دار فیض بی غایت ایدر برنهر خروشان کی - اطرافه
 استیلا ایدیوردی . حکومت کسری بونهزه سد اولمق ایستیوردی .
 اکا سره بردرلو آکلایه میورلردی : یقین وقتده اسمی شایان
 تذکار اولیان قوم عرب نه جرأت ایله بونجه عصرلق کسری
 حکومتك اوزرینه هجوم ایدهك ایدی ؟ لیکن حال دکشمش
 اولدیغندن عرب ، اسکی عرب قومی دکلدی . اسلام او قومه
 حیات تازه ویزمش ایدی .

بوتجدد ایتمش قوم جلیك سعد بن ابی وقاص امری آلتنده
 بولنان بر اردوسنی قادیسیه ده ایران عسکر یله ملاقی اولدی .
 اسلامك مقصدی قان دوكمك دکل ، بتون اقوامی خواب
 گران جهالتدن اویاندرمق ، مسعودیت مادیه و معنویه ایصال
 ایتك اولدینی جهتله حضرت سعد - عداوت مستحققرانه ایله
 قارشیسنه چیقمش اولان - کسری طاقنه « اسلام » کی بر بیوك

شمدي قولندن طوتوبده يا نچدهده كي قار سيعتيسنك ايچنه
براقويوسه م كنديني الك بيوك بر املنه نائل اولمش قدر بختيار
صايه جق ! ..

نه غريب شي ! .. شمدي بر قره بطاغك دگره دالديغي
كورر، سونجندن هايقرمغه باشلار. بيلمزكه او حيوانك بو حر كتي
اكلنجه ايچون دكل، كنديسندن دها ضررسز بر ديگر حيواني
اكل و بلع ايچوندر !

شمدي بر قاينك كچديكني كورر، بشوشانه چيرپنير ..
كنديسنكده او قايق ايچنده بولمسنه آرزو كوسترر. ادراك
ايدمزكه او بر بالقجيدر .. او مشقي حظ وتنزه ايچون دكل،
فقر و احتياج كي بر سائقه ارام سوز ايله اختيار ايتمش ..
كلبه سنده اكمكسز، كمورسز قدومنه منتظر اولان عائله سنه كفاف
نفس تداركنه چيقمش .. احتمال كه او كاده موفق اوله مديغندن
يائس و فتوري قوتني كسمش .. او حال ايله صفوق كيكلرينه قدر
ايشلمش ! ..



۳۶

نشئه معصومانه

هله شو معصومك نشئه سینه باقی شو تپی عالمی . . شو قار
 فورطنه سنی ده کنده سینه بازیچه خیال ایتمش . شو یاغان صوغوق
 شیر نظرنده گویا قار دکل ده یاسمن چیچکدر که ملائکه سما
 ائک ائک زمینه سرپیورلر! هواده اوچان قوشلری قاپه جق
 کبی کوپوکلر ایچنده قباران شوامواج خروشان سیر ایتدجه
 شوقدن اللری، قوللری اوینادیور . روح لطیفی عوالم علویه
 ایله ادامه مناسبت ایدرکن قوه فکر و نظری حالپیش نگاهنده کی
 جسم شفافک اوتیه طرفه کچمکدن عاجز! . . شو دقیقه ده کیم
 بیلیر نه قدر صبی بیکنه اهلک . . نه قدر یتیم بیکنسک اللری
 ایقلری طوگدیران - کیم بیلیر نه قدر علیل درمانده نک . .
 نه قدر پیر ناتوانک اضطراب و آلامی ترید و تشدید ایدن -
 کیم بیلیر نه قدر غریب خانه بردوشک . . نه قدر فقیر بی طهیرک
 حالنی پریشان ایلین شو صغوغک نه اولدیغندن بی خبر! . .
 شمدی شو پنجرملری آجیورسهم تاثیر برد ایله وجودنده بر
 اضطراب شدید حس ایدنجه به قدر اونندن ده ممنون اوله جق! . .

« و دیر سکر که : محقق ، عتہ کتیردی پدر !
 « فقط امین اولکیز ، ربمک عنایتی بو ،

« یقینده یوسفی کورمک بنم نصیبمدر
 او یانده قافلہٗ مژده آور اخوان
 فیص یوسفی حامل ، مبشر وشادان
 یورر شتاب ایله ؛ هر کون بر آز یقین کتیرر

او تازه تکلیت جان بخشی پیر مہجوره .
 کونک برنده — کہ بر توده ابر نامیہ بار
 ویروب حوالیٰ کنعانہ انجیلای بہار
 دو کردی رحمت و بہجت او خاک مقتوره .

ایرشدی قافلہٗ مژده آور اخوان ؛
 سورنجہ کوملکی یعقوب چشم بی فرینہ
 اوکنده کلدی بتون ارض و آسمان یرینہ ،
 بتون طبیعت او دم قیلدی سجدهٗ شکران .

اجقان — کوز قباقری . خونچکان — کندیسندن قان داملایان .
 نکلت — راجحہ لطیفہ . ابر نامیہ بار — قوہٗ نامیہ ، یعنی حیات
 ویرر یا غمور یا غدی ربجی بلوط .

۳۵

قیص یوسف

« وقتا که قافله مصر دن آیرلدی صانکه روزگار اول کوملکک
 « قوقوسی الدی ودر حال کنعان ایلنه کوتوردی که همان اولوقت
 « یعقوب علیه السلام یوسفک قوقوسی کلیور آه بکا عته کتوردی
 « دیمسیدیکز دیو بیوردی . « قصص انبیا : جلد ۱

قاوورمش آتش سیال گریه دیده سنی :
 دوکوب زمان زمان اجفان خونچکانندن
 اوزاق افقره بر اشتیاق پرخلجان ،
 اوکور نشیده درد هر مر سیده سنی ...

چولک صموت ومقسی لیال تارنده
 اسن ریاح اوکا انفاس قدسیان کیدر ،
 مشام روحنه بر نکمت صمیمه ویرر ؛
 صانیرکه یوسفی گلش ، کزر جوارنده .

« اونک شمیمی . . اونک ، یوسفک حرارتی بو ؛
 « شو حال ضعفی تعیب ایدرسکز سز لر ،

طوخریسی منفرداً حضور قدرت نشور آئینہ بولنور !

ستاره — کوکب (کسر سین ایلہ) . کف — کوپوک . حال —
 نظیر، اورنک . (هانک فتحہ سیلہ . برہاندہ ضمہ سیلہ دہ مقید درہ) نیل —
 ماوی . نیلکون، ماوی رنگلی . پنبہ منفوش — آتیش پاموق .



سطوحی اوزرنده اشعه‌سی تکرار ایستدیکي نجومك عكس انواريله
 یواش یواش ینه نمایان اولوردی. ماه عالم آرا نهرک اوتیه طرفنده
 کوز آله بیلدیکي قدر اتساع ایدن چنزاره پک زیاده ساکن بر
 حالتله بخش انوار ایلر و بوچنزارده شوراده بوراده دست صبا
 ایله تحریک اولسان بعضی آغاجلر ایسه ظل متحرکدن بوییم
 را کد نور اوزرنده یوزیجی برطاقم جزیره لر تشکیل ایدرلردی.
 آغاجلردن بعضی اوراقک یره سقوپی، روزگارک طوروب
 طوروبده بردن بره هبوی، مرغان شبستانک زمزمه‌سی
 اولمدینی زمان یقینده هرشی سکوت و سکون محضدن عبارت قالیر
 و اوزاقدهده وقت وقت (نیاغارا) نهرینک یاردن آشاغی دو کیلیشنندن
 پیدا و اورادن اووهیه اوزایوب نهایت وحشی اورمانلر ایچنده
 رهین زوال و فنا اولان شارلتیسی ایشیدیلیردی.

بورسم مجسم اعظمک علویت و روحانیت عجیبه‌سی تعریف
 و تصویر حوصله نطق بشرک خارچنده اولدینی کبی اوروپانک
 اک رونقلی کیجهلری دخی بوکا قیاس قبول ایتمه بزم قیرلریمزده
 خیال یوکسلمک و توسع ایتک ایستدیکجه نه طرفه کیتسه برطاقم
 سکنالره تصادف ایدر. اما بویله وحشی و واسع فضالرده انسان
 محیط اخضر چنزاره طاله‌زق بالادن زیره پرتاب ایدن انهارک
 تصنیع ایلدیکي یارلری، غارلری نظر دقتدن کچیر،
 لاق و ایرماقلرک کنارنده طوروب دوشونور و ده‌ها

مخالفده آغاچلرک اوزرندن طوغری عرض رخسار تابدار ایلدی .
 بولیله بی همالک که - لیلای لیلال دینسه سزادر - بهارستان شرقدن
 کتیردیکی نسیم خوشبو - انقاس طریقه سی کی - اورمانلر ایچنده
 کندیسینک اوکنتجه کیدر ایلدی . ماه غرا آهسته آهسته بالای
 آسمانه ارتقا ایدرک گاه طریق نیلگوننی اوزرنده بر صورت
 دلپذیر ایله سیر ایدر و گاه جبال شاهقه برف پوشک تپه لرینه
 مشابه اوله رق طوپ طوپ اولمش سحاب پارملرک اوزرنده وقفه کیر
 حضور اولوردی . گاه طاغیلوب گاه طوپ اولان بلوطلر بعضاً
 گویا روی ماهتاب علمتیه نقاب اولق ایچون حریر بیاضدن
 معمول غایت ایجه بریاشماق حالنه تحول ایدوب بمضاده یا سطح
 ماهه کی کوپوکلر کی هر جزئی دیگرندن افتراق ایلر و یا خود صحن
 سماده تماشایی نظره غایتله خوش کلیر پنبه منفوش صورتنده
 کورینور و بوصورتنده کورندیکی زمان جسمارده کی نرمی
 و نزاکت بیله حس اولنیور ظن اولنوردی .

زمینک کسب ایتدیکی منظره یه کلنجه انسانه موجب حیرت
 اولمقده بوده سمان آشاغی دکلدی : قمرک قطیفه رنگنی المش
 اولان پرتو مائیمی آغاچلرک آرملرندن نازل و سنبله سیمین تار
 انواری مشجره نك اك مخفی و مظلم کینگهارینه قدر داخل
 اولوردی . بولندیم قعله یه طوغری آقان نهر سریع الجریان
 کیده کیده مشجره نك ایچنده نهان و صکره مرآت هزار پاره

۳۴

آمریقاده برکیجه

بلنددر بکا تقریرک ای شب اول دم کیم
 سکون وحیرته موقوف اولوب تک و تنها
 باقار لباسکه زینت ویرن ستاره لره ،
 کزور صفا ایله فکر ایلمر نیجه معنا . [۱]

[فونتانس]

بر آقشام ایدی که (نیاغارا) نهرینک بالادن زیره کف افشان
 هجوم اولدینی موقعه بر آز اوزاجق اولان اورمانده تک و تنها
 قالمشیدم . اره دن بر آز مدت مرورایله شمع نورانی* نهارماورای
 دامن غریبه استتار ایلدی . آمریقا صحراالرنده بر لیل بی ویک
 تماشای منظره خوشناسندن کسب لذت و صفا ایلدم .
 غروب شمسدن بر ساعت صکره ایدی که ماه پر انوار افق

[۱] بحر محنت : مفاعلهن فاعلان مفاعلهن فاعلهن .

مردان پرستیز شود کلو خون ریز ایتدیلر که تیغ الماسگونلری
 یاقوت رمانی و سنان جانستانلری عقیق یمانی اولدی . سپاه جهاد
 این نیزه لری اوزره دیکیلن سرخونین دشمنان سفالت قرین
 ایله اول عرصه کارزار نمونه لاله زار و خصم خاکسار انجمنی
 پر ناله و زار اولدی . « دشمن اردوسنک قوماندانی تلف اوله رق
 بقایای سیوف گرفتار قید اسارت وره و سست فرار اولانلر دخی
 صولت معقبان ایله انداخته خاک مذلت اولدی .

(تاریخ دولت عثمانیه دن)

شارقه — پارلاییمی . کشته — (کاف مضمومه ایله) مقتول .
 پیدا — ایصسر صمرا . پشته — (کشته وزننده) ییقین ، تپه .



بر قاج حزب قرآن کریم دخی تلاوتندن صکره غلبه نوم
ایله براز طالیدی . کوزلرینی آچدقده صباح اولش ، اورتلق
آیدینلانش ، منبع رحمتدن نزول ایدن باران هم روزگار هائی
کسمش ، همده طوپراخی جامور ایتش ایدی که انشای کار زارده
مجار آتلینک آیقلری قایه رق سوارى حرکاتی سگته لشمدر .

همان ترتیب صفوفه مباشرت اولندی . اردونک صاغ جناح
قوماندانلی شهزاده ییلدیرم بایزیده وصول جناح قوماندانلی
شهزاده یعقوب جلبی به تودیع بیوریلوب یکیکچری صفری
اره سینه دخی طوپلر تعیمه ایلدی . لیکن طوپلرک اول وقتکی
پایلیشنه کوره استعمالدن بیوک فائده مأمول اولمادیغندن مقدمه
عسکره ایکی بیک قدر تیر انداز ترتیب اولندی .

وقتا که آتش گرودار اشتعال ایتدی ، دشمن قوه کلیه
ایله صول جناحهزه یوکنوب او طرفده انهزام و پریشانی اماراتی
بلیردیکنی ییلدیرم بایزید مشاهده ایلدکده صاعقه شارقه کی
یتیشه رک وتوسن جلادت عنانی تهلهکنک کوزینه طوغری
چویره رک ظن غلبه ایله حاصل اولان مسرت موقته اعدایی
یاش قطعی هزیمته تبدیل و منظریتی بزم طرفه تأمین و تحویل
ایلدی . هرچه چوق دولار غازی اول معركة سر بازیده شربت
شهادتی نوش و حیات فانی لذائذینی فراموش ایلدی ، اما دشمن
خاکسار برگشته روزگاردن دوشن کشتهلردن اول بیداده
پشتهلر پیدا اولدی و اول صحرای واسع سیل خون ایله طولدی .

اهل اسلامه اول معین و نصیر ،
 دست اعدایی بزدن ایله قصیر !
 باقیه یارب بزم کناهمزه ،
 نظر ایت جان و دلدن آهمزه !
 ایتمه یارب مجاهدینی تلف ،
 تیر اعدایه بیزی قیلمه هدف !
 چشممنز صاقله گرد معرکه دن ،
 جند اسلامی بکله مهلهکدن !
 بونجه ییل سعی واجتهادیمیزی ،
 غزوات ایچره یخشی [۱] آدیمیزی ،
 ایتمه یارب قهرک ایله تباه ،
 یوزیمی خلق ایچنده ایتمه سیاه !
 راه دین ایچره بن فدا اولهیم ،
 سپر عسکر هدی اولهیم !
 دین یولنده بنی شهید ایله ،
 آخرتده بنی سمید ایله !
 ملک اسلامی پائمال ایتمه ،
 منزل فرقه ضلال ایتمه !
 کرمک چوقدر اهل اسلامه ،
 دیلرم کیم ، ایریشه اتمامه . [۲]

[۱] ای .

[۲] بحر خفیف : فلانن (فاعلاتن) مغاضطن فلان .

شدتی بختلرینه کلنجه لطف حقه توکل و خطاب « انا فتحنا » ایله
 مبجل اولان صاحبمژك امداد روحانیتنه توسل کافی ایدوکنی
 براهین مقنعه و کمال بلاغت ایله اثبات ایدنجه مغموم کوکلرله
 نشوه و انتباه کلدی و متوکلاً علی الله عسکرک ایاغی
 توزیله ایرتسی کونی میدان جنکینه قرار ویریلهرک مجلس
 طاغدی .

اول شب خیر - که بر صباح فلاحك مفتاح ظفر کشاسیدر
 - ۷۹۱ سنه سی شعباننك اون بشنجی برات کیجه سی ایدی .
 شهریار غازی حضرتلری جین تضرع و افتقاری زمین تشفع
 واستنصاردن قالدیرمیوب و مبارک کوزلرندن اشك نیازی سیل
 کبی آقیدوب سوز و گذار ایله ساعتلرجه جناب حقه شو یولده
 مناجات ایلدی :

اب روی حیب اکرم ایچون ،
 کر بلاده روان اولان دم ایچون ،
 شب فرقنده آغلایان کوز ایچون ،
 ره عشقکده سورینن یوز ایچون ،
 اهل دردك دل حزینی ایچون ،
 جانه تائیر ایدن اینی ایچون ،
 ایله یارب لطفکی همراه !
 حفظکی ایله بیره پشت و پناه !

ويعقوب چاي نام شهزاده لر ، وزير اعظم علي پاشا ، روم ايلي
 بكار بكي تيمور طاش پاشا ، اناتولي بكار بكي صاريجه پاشا ، صو
 باشي اينه بك ، اورنوس زاده عيسى بك ، لالا شاهين پاشا
 زاده بخشي بك ، قره مقبل و بلبان بكار فرقه قوماندانلقلريني
 درعهده ايتمشل ايدى .

تشكل ايدن شوراي حربهده امرادن بعضلى روزگار
 سكونت بولوبده عسكر يورغونلق النجهيه قدر محاربه چند
 كون تاخير اولنق وبعض ضعيف الرائي اولانلري دخی صف
 حربك اوكنه بر قاچ صره دوه وضع و ترتيبيله دشمن آتلىرى
 اوركوتك وسواريلريني بو صورتله معطل ايتك رائلريني ايراد
 وجهلهسى اعدانك رحجائى جهت جهت تذكر وتمداد ايدهرك
 فضاي قلوبده سايج اولان سحاب حزننى قرارتمقدمه لر ايكن ييلديرم
 بايزيد ميدان سخنده برق اوروب محاربهك تاخيرى شايعات
 گوناگون ايله لرزان اولان امنيت وشجاعت عسكريه يي بسبتون
 ضعيفلاده جفنى و حربده يورغونلق ايله ضعف اعتقادك سوء
 نتايجى برى برينه مقيس اولمديغنى وعثمانلى عسكرى كى
 دوكشمكه ذوقياب اولان قهرمانلر ايچون بويله تهلكلى احتياطه
 لزوم كورلمديكى و دشمن آتلىرى اوركوتك ايچون وضع
 اولنه جق دوه لر بر كره طاغيلوبده معسكر هايونه طوغرى
 دونه جك اولورلرسه بونلرك يوزندن كوريله جك پريشانلق
 وخيم اولمغله بوتديرك سقيم اولديغنى و دشمنك كثرتى و روزگار

قوصوه محاربه سنی

اردوی هایونك ورودندن اول اعدا قوصوه صحرالرینه
 نزول ايله الك ائی مواقع حربیه بی طوتمش اولدیضدن چادرلرینك
 کثرت وانتظامی ده اوزاقدن کوریلرک چوقلق و غلبه لک لرینه
 دائر دوران ایدن شایعات بعض امرای عثمانیه موجب تلاش
 اولدی . (صرب اردوسنده یوز بیک و موکب هایونده قرق
 بیک عسکر وار ایدی .) موکب هایون دخی جهت مقابله ده
 یرلشوب همان شهریار غازی بر یوکسک موقعدن استعلام احوال
 دشمن بیوردقده مقدار لشکر متفقین جیوش عثمانیه نك بر قاج
 مثلی اولدیغنی تخمین وموقعلرینك اهمیتنی مشاهده و باخصوص
 عثمانلی به قارشى اسمکده اولان سرت بر روزگارک اویله توزلو
 بر صحراده مضرت حربیه سنی کشف وتقدير ايله او اقسام ایچون
 بر شورای حربیه اجتماعنی امر وفرمان بیوردیلر .

اردوی هایونده ارکان حربیه ریاستی خدمتی امر حربده کی
 وقوف و معلوماتنه مبنی اورنوس بك نام پیر جوان همت عهدده -
 سنه تودیع اولنشیدی . کبرای امرای عسکریه دن ییلدیرم بایزید

ایله تصویر ایتک امتیازی ینه کندنده قالمشدر . «تن» [۱] — بر
 مشر حک بر کیمیک پارچه سیله بر قدید چیقارمسندن پک کوچ
 اولوق اوزره — بر شهر ایله بر زمانک کافه احوالی کشف
 وتحقیق اولنه بیله جکی راینده دره . واقعا بزده دخی حمداه حمدی ،
 نفی ، نابی ، شیخ غالب ایله ندیمک هویتلرینی اک زیاده احساس
 ایدن اثرلری اوزرنده بو یولده تدقیقات و مطالعات قابلدیر .

سیمرغ — عناق دینیلن قوش که برهان قاطعک تمبیرینه کوره
 «حالا موجود الاسم مفقود الجسم» دره . ها — چین جزائرده بولنور
 بر قوش . آب رو — مدار شرف واقفخار . میزاب — اولوق . جدالانیا
 — حضرت ابراهیم علیه السلام . مسقط — بو قصیده تاریخیجیده کورلدیکی
 اوزره هر بیتق درده منقسم اولوب دردنجیده کی قافیة بیتیندن بشقه دیگر
 اوچ جزئنده ده قافیة مخصوصه بولنان نظم . توارد — بکدیگرندن خبرلری
 اولقسزین ایکی شاعرک بر سوزی عیناً نظم ایتلری .

[۱] اون طقوزنجی عصرک فرانسر حکما سندن .

قادر میدر انشادینه ، تنظیرینک ایجادینه ؟
 شاعر لرك استادینه ، لوح و قلم ایشته ، صلا !
 اولوب شهنشاه جهان خیره موفق هر زمان
 ایدم مؤبد کامران خلاق بیچون و چرا .
 سرتاج اولان تاریخ ایچون بو مصرع پاکیزه در :
 آج بسمیلله ایچ صوی خان احمد ایلله دعا !

۱۱۴۱

سامی کیفیت اکالی ایما ایدمه مشدر . سامی دخی بونارینخی
 یازمسنه کوره اکال مطلقا وهبی طرفندن وقوع بولمش اولمق
 لازم کلز . وهینک ایما ایتدیکی ده اکالدر ، اکال کندی طرفندن
 واقع اولدینی تصریح و اشارت ایدلمش دکلدر . [۱]
 معاصر اولان ندیم بوقصیده مسابقه سنه اشتراک ایتمه مش اولمیدر .
 ندیم طرز خاص نوبی ایلله بر موقع استناده در . فقط بو وادیده
 وهینک اوکا متفوق اولماسی لازم کلز . ندیم بوراسنی بیسله لرك
 سوزی وهبی به براقش فقط بولندینی عصری افکارنده و حتی
 افکارینک اسلوب افاده سنده و بلکه هر کله سنده کی شوق و شطارت

[۱] ذاتاً آغزندن آغزه انتقال ایدوب کان روایت مشهورده
 اکال سید وهبی به اسناد اولنماز .

سید و هبی

بوعینه ای صافی درون، دستیکی کوثر کی صون،
هر قطره صفوت نمون اولمقده (بر عین شفا)

وهینک بیتی دهما کوزل اولدینی محتساج ایضاح دکلدر .
وزنک، قافیه نک، موضوعک اتحادی جهتیه بو توارد طبعیدر .
بو توارده نظراً سید وهینک :

سندن مقدم اولدی هپ شاعرلره بردن صلا

مصراعندن « سندن مقدم هپ شاعرلره بویله بر قصیده تکلیف
اولندی ده یاهمدیلر » معناسی چیقارلما لیدر . وهبی ایله برابر دیگر
شاعرلره بردن تکلیف ایدلمش اوله جقدر . « مقدم » سوزی
کلیشی کوزل سویلنلمه مش ایسه بر تقدیم جزئی ایله تاویل
اولنور . سامی قصیده یی بویله ختم ایدر :

ایدوب شه فرخنده فال انشاد تارینخن خیال ؛
بومصرع شیرین مائل اولدی شرفبخش روا .
سامی ! بیات قدیم ، ایتیم دروغ ، الله علیم ؛
شاهد یتر طبع سلیم ، بودر مائل مدعا .

سید و هبی

شاهنشاه عالی نسب، سلطان ممدوح الحسب،
فرمانده روم و عرب، خان احمد کشورکشا.

آره لرنده نه قدر فرق وار! استاد فاتحه کلامه زیاده اعتنا
ایدلسی قاعده سندن حقیله استفاده ایتشدرد. شبه سزدر که
قصیده سنک شعرای سائره قصائدینه غلبه سنی تأمین ایدن
احوالک برنجیسی بودر. سامی ایله آره لرنده ایکی توارد وقوع
بولمشدر. بریسی:

عدل و کرامت منبئی، شمس ولایت مطلعی،
درکاهنک هر مصرعی شهبال سیمرخ وها.

یتنده درکه ایکی قصیده ده عیناً کوریلور. دیکری شو وجهه
ایله در:

سامی

بوعینه ای صافی درون، دستیکی کوثر کبی صون،
هر قطره صفوت نمون اولمقده (زیرا جانقزا)

« فاعلاتن فاعلاتن فاعلاتن فاعلاتن » وزندن « مستفعلن مستفعلن مستفعلن مستفعلن » وزنه انتقال ایدرك او وزنك اقتضای طبیعیله انشادجه دها زیاده سلاست کورنمش وقصیده مسقط تنظیم اولنوب پک لطیف دوشمشدر .

بوچشمه ایچون سامی ده برقصیده تنظیم ایتمشدرکه دیواننده مندرجدر . اوده کوزلسده بویه دکلدر . سامی :

« صد باریک الله ، باریک الله ، اول شه پر جوده کیم
دستی جهانی ایلدی مستغرق بحر عطا . »

دیه باشلار . مطلع ایله تاریخن ماعدا ابیات سائرده سی مسقطدر .
مطلعه دخی تسمیطه رعایت اولنماسی جائز ایسه ده وهینک
قصیده سنده اولدینی کبی رعایت اولنسه کوزل اولوردی . « صد
بارک الله » ایله ابتدایک خوش کورینیشی سامی به مصراع اولک
و کا کتی کو سترمه مشدر . ایکی مطلبی قارشیلانمیرم :

سامی

صد باریک الله ، باریک الله ، اول شه پر جوده کیم
دستی جهانی ایلدی مستغرق بحر عطا .

تاریخی سلطان احمدك جاری زبان لوله دن
مصراعيله کیفیت اکالی ظریفانه ایما ایلمشدر . دیمشدردر .

فی الحقیقه سلطان احمد خان حضرتلرینك تاریخی لوله نك
زبانندن جاری اولنجه تاریخ آنجق چشمه آچلدن صکره
ایشیدیله بیله جکی جهته « آج » لفظی لسان پادشاهیدن صادر اولان
مصراع تاریخده داخل اولیوب علاوه ایدلمش اولسی لازم کلیر .
فقط چشمه نك اوزرنده دخی کورلدیکی وجه ایله تاریخده کی
« بسمله یله » لفظی بزم یازدیغمز کی « بسمله یله » صورتنده در .
ذاتاً بویله اولق اقتضا ایدر .

۴	=	آج
۱۷۷	=	بسمله
۱۴	=	ایچ
۱۱۶	=	صوبی
۶۵۱	=	خان
۵۸	=	احمد
۴۶	=	ایله
۷۵	=	دما
۱۱۴۱		

« بسمله یله » صورتنده یازلسه ایدی بر زیاده کلیردی . بر
زیاده ایچون تعبیه یاپلمقدن ایسه های بسمله نك حذفیه « آج »
لفظنك علاوه سی مرجع کورنمشدر . بو علاوه ایله مصراع

تاریخی سلطان احمدك جاری زبان لوله دن ،
آج ، بسملیله ایچ صوبی خان احمده ایله دعا

۹۹۴۹

[بحر رجز : مستغفلن مستغفلن مستغفلن مستغفلن]

ملاحظه مقتطف

معلم ناجی افندی مرحوم «اسامی» ده سید وهینك ترجمه
حالی تحریر ایلدکلری صوره ده :

«روایت مشهوره کوره سلطان احمد ثالث باب هایون خارجنده کی
چشمه نفیس ایچون تاریخ اولقی اوزره :

بسملیله ایچ صوبی خان احمده ایله دعا

مصراعنی تنظیم بیورمش اولدینی حالده دوت اکسیك کلش ایدی .
وهی بونی :

آج بسملیله ایچ صوبی خان احمده ایله دعا

صورتنه افراغ ایله حسابی اکمال ایتدکن صکره بو وزن وقافیه ده
صاحب مصراعك اوصاف شاهانه سنی حاوی برده قصیده یازمشدر .
شامرك انفس قصائدی عد اولنان بو اثر تاریخ ایله برابر چشمه نك
اطرافنده منقوشدر .

اولدجه برجا مهر و ماه زیب سریر اولسون اوشاه ؛

صدر کزینن، یا الله، ایتمه رکابندن جدا !

ای خسرو عالی تبار، آتاریکه یوقدر شمار ؛

اما بو دلجو چشمه سار اولدی عجب حیرت فزا !

باق سیم وزردن طاسنه، آب حیات افزاسنه ،

بکزر کموش سقاسنه، بکزر قپوک صبح و مسا .

یابدک سرای میدانه ، قیلدک صلا عطشاننه ،

جنتده کوثر یاننه گویا که قصر ایتدک بنا .

آلتون صوبن ایدوب سیل قیلدک عیون سلسیل ؛

بیرینه بیک اجر جزیل ویرسون جناب کبریا .

مدخنده خامم اولدی لال، اظهار عجز ایتدی مقال ؛

اوصافک ایلرکن خیال هانقدن ایردی بو ندا :

وهی ! خموش اول بستیلب، حدک دکل ایله ادب ،

سندن مقدم اولدی هپ شاعر لره بردن صلا .

وصفنده ایدوب گفتگو، چوق کیمسه دوکدی آب رو ،

ایتدردی آخر سرفرو اول خسرو شوکتما .

تاریخ ایچون دانشوران حیرتده ایکن ناگهان

بولدی شهنشاه جهان بر مصرع عالم بها .

هر لفظی بحر موج زن، معناسیدر درعدن ،

کورمک دیلرسهک آنی سن ای تشنه حسن ادا .

هم حامی بیت الحرم ، هم خادم شاه ام ،
 روم و عرب ، ملك عجم محكوميدز سر تابيا .
 اولدر امام المسلمين ، ظل خداوند معين ،
 بانص قرآن مبین امرينه واجب اقتدا .
 شهر آکا کشور ويرر ، اول شهره افسر ويرر ،
 تیغینه دشمن سر ويرر اولدجه طوغی سر نما .
 اول منبع جوی مرام ، اول مقسم رزق انام ،
 اولسون الی يوم القيام شاهان دهره ملنجا .
 اسکندر ایدوب جستجو ، ظلمتده قلمش سوبسو ،
 باب هایوننده بو ایتدی روان آب بقا .
 بو طرح پاک خرمی سوق ایتدی صدر اعظمی ،
 داماد خاص ا کر می همنام جدالاییا .
 اولدی او دستور جلیل بو آب جاری به دلیل ،
 خلقه ایدوب زمزم سبیل ، جلب ایتدی اول شاهه دعا .
 اول شهریار زر نثار بذل ایتدی مال بیشمار ،
 یاپدی سبیل و چشمه سار ، ماجور اوله روز جزا !
 بو موقعی آباد ایدوب ، بر طرح نو ایجاد ایدوب ،
 روح حسینی شاد ایدوب ، ایتدی سبیل آب صفا !
 بو عینه ای صافی درون ، دستیکی کوثر کیبی صون ،
 هر قطره صفوت نمون اولمقده بر عین شفا .
 آبی زلاله ماصدق ؛ طاقی فلکله یکنسق ؛
 کوك قبه نك آلتنده باق وارمی بو رسمه بر بنا ؟

۳۲

قصیده تاریخیه

باب همایون خارجنده کی چشمه اطرافنده منقوشدر :

شاهنشاه عالی نسب ، سلطان ممدوح الحسب ،
فرمانده روم و عرب ، خان احمد کشور کشا ،
عدل و کرامت منبعی ، شمس ولایت مطلق ،
درگاهنک هر مصرعی شهبال سیمرغ و هما .
ذاتی ملوک آب رو ، شمشیری باغ فتحه جو ،
گلزار ملکه ویردی صو میزاب کلکی دائما .
هم پادشهر ، هم ولی ؛ ذاتنده اولمش منجلی :
عدل عمر ، جود علی ، خلق محمد مصطفی .
دستنده دولت خاتمی ، قیلمش مسخر عالمی ؛
حق رسم اسم اعظمی نقش جبین ایتش اوکا .
حیرت ویرر صد قیصره ، غالب هزار اسکندره ،
حکمی روان هر کشوره ، فرمانبری شاه و گدا .

اعتبار اولنور. حلقه — دائره شكندده اولان شی. (خا ایله غلطدر.)
 گروه — طاقم. (اکثریا موقع استخفاف واستصفا رده قولانیلیر.)
 نوال — عطیه، احسان. جاودان — باقی. هاشمی — آل هاشمه
 منسوب اولان (حضرت پیغمبرك جدیدك بدری هاشمدر.)



علی بی باب معالی مآب فضلکدن بشقّه بریره مراجعت
ایده میه جک برطبیعتده یاراندک ، حلقه زن در احسانکدر، هر نه
اومارسه آنجق سندن اومار .

اک بیوک قورقوم شودر: بی قپو کدن طرد واذلال ایده جک
اولورسه ک نه یاپارم ؟ . . .

ای عوالم آفرین! بیلورسک، کوریورسک که گروه غافلون
اویویورلر . محبتکده صوک درجهیه قدر ثبات ایده جکنه قسم
ایتمش اولان بنده خاصک ایسه ایشته شوقراکلق کیجدهده حضور
عزتکدن دور طوتیله میه جق قدر پاکدلانه ندالرله ، دعالرله
مشغول بولنیور .

هرکس طمعدار نوالکدر، هرکس جنت جاودانکه کیرمک
آرزوسنده در .

ای مرسل الرسل! رسول هاشمی حق ایچون، سنی دائما
تقدیس ایدن ابرار امت حرمتنه بنی محمدی اوله رق حشر ایله .
شفاعتخواه رسولم ، بنی اوندنده محروم ایلمه . . .

جود — جوانمردلک . خسران — خسار ، ضلالت . حرمان —
محروم اوله . نهان — کینلی . قطع رجا — امید کسمه . خاضع —
متواضع ، متذلّل . ناسوت — انسانلق ، انسانیت (انسانیت کبی ایلیک
معناسنده استعمال اولنماز) . جبل — ایپ . بنون — اوغلر . اتقیا —
تقیلر ، جناب حقندن صاقینانلر . خاشعانه — تواضع ایله . (تواضع اخلاق
ظاهره وباطنه ایله ، خشوع ال وایاق کبی اعضا ایله ، خضوع قلب ایله

حضور عظمتکده خاضع بر بی چاره یم ، بنی عذابکدن آزاد
ایتمز میسک ؟

عالم ناسوتدن متجرد اولدیغ زمان بن سوزمده ثابت
بولندر .

بکا عذاب ایتمک ایسترسهک ایت . بیک ییل معذبک اولسه ،
جهنم نشین بولنسه ینه سندن جبل امیدم منقطع اولماز .
مال و بنوندن فائده امید اولنمه یمه جنی کونده ذوق آشنای
عفوک اولمق ایسترم .

رهبرم سن اولورسهک هیچ بروتمده گمراه اولم . سن بکا
یول کوسترمرسهک الی الابد ضالالتدن قورتیله مم .
عفوک ارباب حسناته مخصوص اولمق لازم کلیرسه اصحاب
سیئاتک غفاری کیم اوله جقدر ؟

اتقیای امتدن اوله مدم ، مذنبم . آنک ایچوندرکه دامن
عفوکیکه جمله دن زیاده خاشعانه صاریلیورم .
تکرار ایدرم : گناهیم عظیمدر ، لکن سنک عفوک البته
آندن اعظمدر .

لطف شامدیکی یاد ایلدکجه سوزش قلم تسلییه تحول
ایدیور . ذنوب گذشته می در خاطر ایتدکجه کوزم سرشک
افشان پشیمانی اولیور .

شانکه یاقیشان ، بنم کبی بر مقرر خطیئاتی مظهر غفران ایلمک
دکلیدر ؟

۳۱

امام علينك بر مناجاتی

ای صاحب جود ! حامدکم . ای یکانه معبود ! ساجدکم .
 متعالیسک . عباد کردن ایستدیککی مظهر احسان بی پایان
 ایدرسک ، دیله دیککی دوچار خسران و حرمان ایلرسک ،
 خالقم ! التجا گاهم انجق سندسک . عسر حالنده ده ، یسر
 حالنده ده . سکا مراجعت ایدرم ، سکا یالوار یرم .
 آلهی ! اگر چه گناهیم بیوکدر ، فقط سـنـک عفو ک اوندن
 دها بیوک دکلیدر ؟
 بی دوچار زیان ایده جـک ویا درگاه کدن طرد ایله جـک
 اولسه ک آرق کیمدن امید وار اوله بیلیرم ! کیم شفیع اولور ؟
 یارب ! حقیقت حالمی کوریورسک ، درجه فقریمی
 بیلورسک ، مناجات نهانمی ایشید بیورسک ، بی سندن قطع
 رجا یدنلره الحاق ایلمه . رحمتکه طمع برکالدر . کوکلدن ذوق
 محبتکی اکسیک ایتمه .

وتردید کی قابل تحدید و تعداد اولیایان و نامنه [مجاز تبلیغی]
 تعبیرندن بشقه سی یافشدیربله میان اطوار افاده دن کندیسنه تمام
 موافقت ایدن طوره مالکدره اوزمان که بو تعداد اولنان مزیناتی
 حائر اولدقدن صکره تزینات لفظیه نکده اک کوزلاربله زینتیابدر .
 برشعره ، بر فقره ادبیه ، حاصلی برسوزنه بو قدر متنوع
 مزیات و اوصافی دفعه اکتساب ایتدیرمک اعجازه قریب بر قوه
 معنویه اثری اولدینی ایچونددر که ارباب بلاغت لسانمزدده « اعجاز
 پرور » لکله مظهر توصیف و ابجال اولورلر .

صیقل کمالی فصاحت اولدینی ایسه محتاج تذکیر اولیایان
 جوهر کراقیمت بلاغت — که افراد نوع بشردن بر طاقمنه خاص
 بر عطیه جلیله سبحانیهدر — اصحابیله برابر طوغار ، اصحابیله برابر
 بویور ، اصحابیله برابر فوت اولور . فقط براقدینی آثار جهان
 افکار قائم اولدقجه پایدار اولمق لازم کلیر !

باقل — زمان قدیمده « امی من باقل » ضرب مثلی تولید ایدن
 احق بر شخصک اسمیدر . انسجام — دوزکون ، ارتباطلی اولمق .
 شغف — شدت محبت .



۳۰

فصاحت - بلاغت

فصاحت - لسانك قواء-دینی او کرنوب احكامنه توفیق
كلام ایتك ملهك سندن عبارتدر كه تحصیلی باقل اولیان هر طالب
ایچون قابلدر .

انجق بلاغت - كه هر سوزی مقبولیتك اعلائی درجانه ،
باخصوص مؤثریتك اقصای مراتبیه یتشدیرمك ایچون اوکا ویرلمسی
اقتضا ایدن شكل و صورتی ، طور و حالتی در حال تعیین و تطبیق
ایتك کیفیت حسیه سیدر - سعی و طلبله قابل حصول دكلدر .

برشعر ، برفقره ادبیه ، حاصلی برسوز مقبولیت و مؤثریتك
منتهای كمانه واصل اولور: اوزمان كه كندیسنه اك چوق موافق
اولان الفاظنده کی شفافلق فكر و مقصدی برمنوریت فوق العاده
وضوح ایچنده تابان ونمسیان ایلر ؛ اوزمان كه انسجام تراکیب
و انتظام عبارتندن متحصل آهنك لطیف سلاستی ارواح مشتاقین
ادبی رقصان شوق و شغف اولمقده بی اختیار براقیر ؛ اوزمان كه
طبیعت موضوعنه زیاده سیله ملایم اولان تشبیهات واستعاراتك
ظرافتی ، شمعشعسی نظر متخیله بی رنگارنگ نورلره غرق ایدر ؛
اوزمان كه استفهام - ندا - التفات - تکریر - رجوع - قطع

۲۹

سلیمیه

شانلی بر میدان هیجا کلدی پیش چشمه ،
 اولمده هر فرقه دن نیران غیرت منجلی !
 خصمه قارشی هر صف سیار آتش پوسکورر ،
 ییلدیرم گویا اولور نوبت بنوبت منجلی !
 سیر ایدک عثمانیانک حمله شیرانه سن ،
 بردن اولمشدر هزاران سیف سطوت منجلی !
 برق خاطف صانمه ، اولمشدر سلیم اولک
 دست پر زورنده شمشیر جلادت منجلی !
 قهرمان بی محابانک کورک جولاتی ،
 جبهه پاکنده نور غالییت منجلی !
 بشقه بر قوت ویرر جنگاورانک قلبنه
 قلب لشکر گماهدده اولدقجه حضرت منجلی !
 آفتابک دهری تنویر ایتدیکی کوندن بری
 اولمامشدر بویله بر خورشید شوکت منجلی !
 [بحر رمل : فاعلاتن فاعلاتن فاعلاتن]

هیجا — (صحرا وزنده) حرب ، جدال ، غوظ . برق خاطف —
 کوز قاماشدبران شمشک . بی محابا — قورقوسز .

ای شناسی ایچی خوف الہی داغلار؛
 صورتم کرچه کولر، قلب کوزم قان آغلار .
 ایدر عصیانہ [۱] کوکلده ندامت غلبہ،
 نیلہیم [۲] یوز بولہمم یأس ایله عفوم طلبہ.
 نہ دیدم؟ توبہلر اولسون! بوده فعل شردر،
 بنم عذرم گنہمدن ایکی قات بدتردر.
 نور رحمت نہیہ کولدرمیہ روی سیہم؟
 تکرینک مغفرتسندن ده بیوکمی گنہم؟
 بی نہایہ کرمی عالمہ شاملمی دکل؟
 یوقسه عالمده قولی عالمہ داخلمی دکل؟
 قولنک ضعفنه نسبت چوغیسه نقصانی
 یا اولنک قهرینه ظالمی دکل احسانی؟
 سهوینه اولدی سبب عجز طبیعی قولنک،
 هم اودر عالم معنیده شفیعی قولنک،
 بنی عفو ایلمکه فضل الہیسی یترا،
 صانہ — حاشا — کرم نامتناہیسی بیترا!

[بحر رمل : فعلاتن (فاعلاتن) فعلاتن فعلاتن فعلاتن]

[۱] وصل مین .

[۲] مسجورددر .

امری وجه اوزره بر ایلر کیجه کوندز حرکت ؛
 دکشیر، تازه‌لیر موسم فیض و برکت .
 پرتو رحمتک لمعه‌سیدر آیله کونش،
 تاب خشمندن آلیر آلسه جهنم آتش .
 شرر هیبت علویه‌سیدر هپ اجرام
 آنلرک نوری سحائبدن ایدر رفع ظلام .
 کیمی ثابت، کیمی سیار بتقدیر قدیر،
 تکرینک وارلغنه هریری برهان منیر .
 وارلغن بیلمه نه حاجت کره عالم آیله،
 یئر اثباتنه خلق ایتدیکی بر ذره بیله .
 کورده من ذاتی مخلوقنک عادی [۱] نظری
 حس ایدر نورینی اما که بصیرت بصری .
 وحدت داننه عقلمجه شهادت لازم،
 جان و کوکله [۲] مناجات و عبادت لازم .
 نشئه شوق آیله آیانه طایمق دیلرم،
 آکله وار خالقمه غیری نه یایمق دیلرم!

- [۱] مقتضای وزن آیله «مخلوقنکادی» صورتنده تلفظ اولنه جفندن
 مین ساقط اولور. بوشیصه‌یه «وصل مین» تعبیر اولور .
 [۲] بری فارسی یا عربی، دیگری ترکی اولان ایکی کله آرمه‌سنده کی
 واطافه مفصول و مفتوح اولماید. بنا برین جا - نو - کوکله اوقومق
 جائز دکلدر. جان - و - کوکله اوقومق ممکن ایسه ده بوده شیوه‌یه
 مخالف دوشدیکندن بالضروره اولی صورتده اوقنور . جائله ،
 کوکله دینله بیللی ایدی .

۲۸

مناجات

حق تعالی [۱] عظمت عالمک پادشهی،
 لامکاندر [۲]، اوله ماز دولتک تختکهی،
 خا صدر ذات الهمیسنه ملک ازلی،
 بی حدود آنده اولان کوکبه لم یزلی.
 اثر حکمتیدر یرله کوکک بنیادی،
 طولو بوش جمله ید قدرتنک ایجادی.
 عزت و شانی تقدیس قیلار جمله ملک،
 اکیلیر سجده ایدر پیش جلالنده فلک.

[۱] ترکیب مشهور ادله رق اونه دن بری بویله جه قبول اولمیشدر.
 فاعده صریبه به عدم موافقی جای بحث اولاملیدر.
 [۲] شاعر «بی مکاندر» تعبیری مناسب کورمدیکی ایچون بویله
 دیمشدر. لکن «مکاندن منزدر» معناسنی افاده ایده بیلک ایچون
 بر «له» تقدیرینه محتاجدر. بونک امثالی مفقود اولیوب ازجمله «مالا
 کلام»، «مالا کلام فیه» دیگ ایهده بومثللو تقدیرلرک لسان صریبه
 دخی قیاسی اولاملیله برابر تکلفه حاجت برافلامسی اولادر.

او قودینک اذانی ایشتمک ایسترز « دیدیلر . بلال همان وقت
 سعادتمده اذان و یردیکی موقعه چیقدی . « اشهد ان لا اله الا الله »
 دیدکده هیجان تزايد ایتدی . « اشهد ان محمداً رسول الله » دیننجه
 آغلامدق کیمسه قالمدی . « رسول الله دیرلمش ! » دیه چوجقار
 صوقاقلره دوشدی . او زمانه قدر مدینه منورده اوله فوق
 العاده بر حال کورلمه مش ایدی . بلاله حیرت کلدی . اذانی تمام
 ایدممدی . اسلامده آندن حزین اذان او قونماشدر . بونک
 اوزرینه بلال شامه عودت ایتمشدر . (۱۷) ده اوراده ارتحال
 ایلدی . رضی الله عنه .




۲۷

بلال حبشی

پیغمبریمز اقدیمزك برنجی مؤذنی اولان واسلامده ابتدا
 اذان او قویان ذات شریفدر. کوله ایکن اظهاسار اسلام ایتمش
 ایدی. کوله صنفندن مسلمان اولانلرک برنجیسیدر. مشرکلرک
 اذالرینه تحمل ایله دین حقه ثبات کو سترمکده ایکن حضرت
 ابوبکر صدیق اونی صاحبندن صاتین آلهرق آزاد ایلمشدر. بلال
 بوصورتله خدمت نبویه مداوملرندن اولمش ایدی. ارتحال
 پیغمبریدن صکره دخی حضرت صدیقک مصرانه التماسی اوزرینه
 برمدت مدینه منورهده قالمش ایسهده نهایت «سید کائناتک
 افتراقنه تحمل ایده میورم» دهرک وخلیفهک رضاسنی استحصال
 ایدهرک شامه کیتمشدر. شامده ایکن برکیجه رسول الله رؤیاسنده
 کورینه رک «یا بلال، بزى زیارت ایده جک وقت کلدی می؟»
 بیوردیغندن بلال پک حزین بر حال ایله اویانهرق همان دوه سنه
 ینوب مدینه منورهیه عزیمت ایتمشدر. روضه مطهرهک اوزرینه
 قاپانهرق ویوزینی کوزینی اومبارک طوپراقلره سورهرک اغلامقده
 ایکن حسنین اقدیلریمز یاننه کلدی لر. بلال قالقوب آنلره صاریلهرق
 ینه بر چوق آغلادی. «یا بلال، مسجد شریفده رسول الله

بر لباس و مسکن دوشونمزدن اول رسم اولنی دوشونمش و تا او وقتلردن رسم ایله اوغراشمغه باشلامشدر . یازیلرک دخی ابتدای امرده حیوانات و اجسام سائر رسماری صورتنده ظهوری انسانلرک رسمنه اسکیدن بری اولان میل و الفتارینه بر دلیلدر . نوع بشرک ابتدای ظهورینک بر کوچک نمونه سی اولان طفولیت دخی بوکا بر مثال حکمنده دره بر طفل صغیرک النه بر قم کچنجه درحال دیوارک اوزرینه بر انسان ویا بر حیوان رسمی یانمغه چبالار، و بو ایشه طبیعت طرفندن سوق اولنور . رسمک ابتدای ظهورنده او یله بر طفلک چیزدیکی رسم حالنده بولنمش اوله جنی شبهه سز اولوب مرور زمانله انسانک درجه عقل و ذکاسی ترقی ایتدیکجه والی ده اای اوینامغه آلیشدیکجه هر شیهه برابر رسم دخی تدریجی تدریجی اصلاح اولنمشدر . فن نقر، رسمدن اول ترقی ایتمش اولدیغندن بوندن اسکی عد اولنیورسده طبیعت انسانی اک اول رسم یانمغه سوق ایدوب هیکل تراشلق بر ایکنجی ومؤخر فکر اولدیغندن ظن ایدرزکه رسم نقردن اول ظهور ایتمش و آنجق امر ترقیده صکره اوندن کری قالمشدر .

نقر — طاشه اونجا یاقله یازی یازمق (ترجمه قاموس) یازی هر درلو نقش مناسبله آلملیدر .



تمامیله تصویر ایدرک و عادتاً مجسم صورتده کوستره رک
صانکه رسمنه روح ویرر! ایشه رسمک قدرینی پک عالی بر
درجهیه ترفیع ایدن بو حالدر. رسم عالمده وجودی مکملیتله
مشروط اولان اوچ شیشک بریدر، دیگر ایکسینک دخی بری
شعر، بری موسیقیدر. حقیقه هر شیشک عادیسنه تحمل اولانه.
بیلدیکی حالده رسم ایله شعر و موسیقینک مکملی انسانی نه قدر
متلذذ و ممنون ایدرسه بونلرک عادی جنسی ده او قدر صیقتی
و ملاتی موجب اولور. بونک ایچون بونلرک وجودی مکملیتلریله
مشروطدر، سوزینی تکرار ایدرز.

رسمک نه وقت وزده ظهور ایتدیکی مجهولدر، چونکه
بوده شعر ایله برابر و بلکه شعردن ده اول و تاریخک ضبط
ایده بیلدیکی زمانلردن چوق اقدم ظهور ایتش و طبیعت بشریه نک
ایجاب ایتدیردیکی شیلردن اولمغله بلکه انسانلرک ابتدای
خلقلرنده ساکن بولنش اولدقلری محللرک هر طرفنده بردن
وجود بولشدر. «ماموت» دینیلن جسم فیالر و «رن» تعبیر
اولنان یککلر انواعی کبی جنسلری چوقدن منقرض حیوانلرله
معاصر اولوب ازمئه تاریخیه دن چوق اول یاشامش و وحشی
حیوانلرک عمرینه قریب بر عمر سورمش اولان یوزلجه
عصرلق اجدادیمزک بو کون ارباب فن طرفندن بولنان آثار
ماضیه سی ایچنده بر ماموت فیلنک رسمی حاوی یینه بو نوع
فیلک بر دیش پارچه سی بولنشدر. دیمک اولیورکه انسان کندینه

۲۶

رسم

رسم صنایع نازک‌دن اولوب قریعنی هیكلت‌راشلق وموسیقی
ایله اولان مناسبت ماده‌سی آشکار اولدینی کبی شعر ایله اولان
مشابهت معنویه‌سی دخی «شعر» بخشنده بیان ایتمشیدک [۱]. رسم
طبیعتک ذی روح ویاغیر ذی روح بر جزئی ویاخود بر منظره‌سی
تصویر ایتمکدن عبارت اولمغله رسمک اک کوزل واک مکملی
تصویر ایتدیکی شیئی شکل و هیئت و صورت حقیقیه‌سنه اک زیاده
بکزه‌دن رسمدر. آنجق بومشابهتک یالکز مادی اولمیوب معنوی
اولسی دخی اقتضا ایدر؛ بر انسانک رسمنی یامق ایستین رسام
یالکز اونک اعضاسنی حسن تصویر ایله قناعت ایتیوب چهره
ووضعیتنده احوال معنویه وحسیاتی دخی تصویر ایتک
مجبوریتنده در؛ او آدمک محزون ومکدرمی، یوقسه مخنون
ودلشادمی اولدینغی، نه طبیعتده بولندینغی، نه دوشوندیکفی، نه
حسن ایتدیکفی بیه تصویر ایتلیدر. انسانکی بواحوال معنویه
وحسیاتک لسانله تعریفی، قلمله تحریری ممکن دکدر، بر رسام
ماهرک فیرچه‌سی ایسه بیوک بر سهولتله او احوال وحسیاتی

[۱] اومقالهده اقتطافک بوقسمنده مندرجدر. صحیفه ۸

یا نارکن آتش بجران ایچنده روح وتی
 صاقلایوبده دیوردی - کسیک کسیک هیات ! - :
 « کلهیدی قرمزی مر قوبلرم ! » رواللی یتیم ! ..

[بحر مجتث : مفاعان فعلائن مفاعلن فعلن]

دل افکار — قلبی یارولی . سر برهنه — باتی آجیق . خلد بوین
 — جنت .



اوزاقدیه بر قیا کوردی .. کیدوب طیانندی اوکا
 سقوطی یرلره نفسنجیه ذل صایان آرسالان !
 وجود غرقه خون .. سر برهنه .. چهره غضوب
 طورردی . مقصدی کویا غلده ایتمک ایدی
 او یرده هیکل پر دهشت جلالت .

احاطه ایتمک ایله پای ذی صلابتی
 یاواش یاواش او مبارک دماء منجمدی
 تجسم ایتدی نگاهنده بر قزل مرقوب .
 بونی کورنجه تخطرله زینلی در آن
 اوقان صیزان یورکی یاندی .. یاندی .. یاندی .. اوکا !

بیتیردی طاقت و آرامی بو درد الیم ..
 ییقلدی بر یانه حسرتکش حلول محات .
 دوشوندی صکره بتون کائناتی خلق ایدنی .
 دلی امید ایله طولاشدی که یتشدی اجل ..
 شهیدی جنتنه آلدی حضرت متعال .

کوبنده خسته لنوب برچوجوق اوکون فی الحال
 - اوت ! او بیلدیکمز بش یاشنده کی زینل -

محمد اونباشی .. چوق شی ! . کورمندی او یکیت .
 اوت ! اونک چوجوغی .. بش یاشنده کی زینل
 براقیوردی صارلمش ده بویتنه محکم .

«اونوتمه قرمزی مرقوبلری .. - اونوتمه .. - هم
 بوکونده قالده یارین کیت .. - براق چوجوق واز کل !
 - اونوتمه قرمزی مرقوبلری .. - پکی .. - هادی کیت ..
 اوپوب متانت ایله اوغلنی یورکلی پدر
 مجاهدینه قاووشمقده ایتدی استمهجال .

محمد اونباشی بر قلعه جیل تمکین ..
 محمد اونباشی بر آتش قضا رفتار ..
 محمد اونباشی بر چوق غزاده شهرتگیر ..
 محمد اونباشی بر چوق ظفردنه شان آور ..
 محمد اونباشی لکن زبون دست قدر ! ..

اصابت ایلدی بر مرئی خطا پرور ..
 اورلدی قلبگهندن او قهرمان عسکر .
 فقط اجل نیچون ایلر ورودنی تائخیر ؟
 نهدن اوزر او دل افکاری موت شیرینکار ؟
 هنوز آچلمدی یوقسه باب خلد برین ؟ ..

۲۵

قرمزی مر قوبلر

حدوده سوق ایدیلن قهرمان یکتلردن
 کویک طقوز نفر اولمشدی ویردیکی عسکر .
 کوکلی کیتدی بو مجموعدن فلان وفلان .
 محمد اونباشی افرادک الڤ دایری ایکن
 ردیف ایدی . . حیقہ جق اذنی بکلدی ناچار .

« غزا . . غزا ! » دیر . . اولوردی ربوده صبر وقرار .
 باروت کوزنده توتن جنکجوی خصم افکن .
 صدور امر حکومت اولندن اعلان
 محمد اونباشی — آماده قیام وسفر —
 غزا مناقبی نقل ایدردی شاطر . . شن .

کلوب یتشدی هله امر منتظر . . درحال
 کنار قریه ده طویلانندی هپ مجاهدلر .

يېتتى عرض ايلدكده دعبل بعد المطالعه « ييتك روى حرفلىرى
يكدىكرد اويمور . باقسهك آ! مصراع اولده راء مهمله اولدينى
حالده مصراع ثانيده زاي معجمه بولنيور » يوللو بر اخطار
منقدانده بولمىش ايدى .

متشاعر ديدى كه : « اونك قولايى بيلمورميسك ؟ ايكنجى
مصراعك روى حرفنه نقطه وضع ايتمىسك ، توافق حاصل
اولور . »

بونك اوزرينه دعبل « آفرين آرقداش ! اهل نقطه ايله
بو هجنتك چاره رفعى بولك ، فقط مصراع اولك آخرى مرفوع
اولدينى حالده مصراع ثانيك آخرى مجروردر . بين المصراعين
اعراباً دخى توافق لازم كلمى ؟ بو تقيصه نك ازاله سى ايچون
نه چاره بوله جقسك ، باقم ! » ديدكده متشاعر حدتلتنرك دعبله
« ته احمق ادمسك ! بن سكا » اعجام ائمه » دييورم . سن ايسه
حالا اعراب قيدنده بولنيورسك » ديه چيقشدى .
دعبل بو دفعه ناچار سكوت ايله مقابله ايتمشدر .

حروف روى — قافيه نك صوك حرفى . « ايمان » ايله « برهان » ده
نون حرف روبدر . اعجام — يازى يه نقطه وضع ايتك : اعجام ، خطى
اعجام ايتمز . هجنت — (ضم ها ايله) عيب ، قصور .

کائِن [۱] ترى من صامت لك معجب ،
 زيادته او نقصه في التكم .
 لسان الفتى نصف ، ونصف فؤاده ؛
 فلم يبق الا صورة اللحم والدم [۲]

قطعه غراسنی او قومشدر که « پک چوق شخص خاموش مشاهده
 ابدرسک که تکلمه باشلاينجه سوزنده کی زوائد ، ياخود نواقص
 سنی اعجاب ايلر . انسان حقیقتده ایکی به تقسیم اولنور : نصفی
 اذعانی ، نصف دیگرى لسانیدر . بر آدمده بو ایکی شی منتفی
 اولنجه لحم ودمدن بشقه انسانه بکزر نرهمی قالیرا » مانندهدر .

§

سجانی ابکم ایلدی باقل غریبدر !

شعراى عربدن « دُعبل » بیلدکلرندن برمتشاعر برکون
 مشارالیهک نزدینه کلهرك آثار طبعندن اولمق اوزره :
 ان ذا الحب شديد ليس ينجيه الفرار ،
 ونجامن كان لا يعشق من ذل المحازى

[۱] کاین = کائى . « کم » خبریه کی ادات تکثیردر .
 [۲] بو ایکی بیت « زهیر ابن ابی سلمی » نك معلقات سببهندن
 اوچنچیسى اولان قصیده سندنذر . مصراع اول نهایتنه سکتیه وضع
 اولندیفنه کوره بیت « پک چوق خاموش کوردرسک که سنی متعجب ایدر .
 زیاده می ، نقصانی سوز سویلدیکی زمان بللی اولور . » مانندهدر .

«ومن بالعراق» یعنی «عراقده کی شاعر لرکده اک مقتدری سنسک.» دیمش و کندیسنک فرط ذکاسنه بر دلیل جدید اولان بو عطف عارفانه اوزرینه حضارک نظر دقتی برقات دها ادیب اعمایه منعطف اولمشدر.

§

زمان سعادته یتشمش اولدقلری حالدله رؤیت دیدار نبوی ایله مشرف اولمقسنزین قبول اسلام ایدن تابعیندن «صخر بن قیس» - که «احنف» لقبیله شهرت بولمشدر - سادات عربک فضائل پروراندن صاحب نوادر بر شاعر ایدی.

مشار الیهک مجالس مصاحبهته ملازمت ایدنلردن بر آدم دائماً الترام سکوت ایلیه رک سویلمنن. وزلری دیکله مکله اکتفا ایدمکلهش ایکن برکون هیچ مناسبتی اولمدیغی حالدله دهنکشای بلاهت اولوب احنفه «سجده کنار بامنده کزوب قوشه بیلیر میسکز؟» سؤالی ایراد ایله :

«هرزه گوید، لطیفه پندارد!»

مضموننه ماصدق اولدیغنی کوسترده که احنف متبسماً «باقسه کز آا اراق پیر ناتوان اولدم، طریق واسعهده بیله کوچ حال ایله یورویه بیلورم. او بیله تهلهکلی یرلرده کزوب قوشه میه جغم بدیمیدر.» جوانی ویردکن صکره :

۲۴

فقرات ادبیه

شامده مشهور شاعر نابینا « ابو العلاء » نک - که بلده معرة
 النعمانه منسوب اولدینگی جهتله « ادیب معری » عنوانی آلمشدر -
 مجلس ادبنده برکون شعرادن برقاج خوشمقال محصول طبیعتلری
 اولان بعض اشعارى انشاد ايله اشتغال ایتدکلى صروده
 بونلرک آره سنده بولغان « ابونصر المنازى » دخى کندى آثارندن
 بر شعر او قومغله ابو العلاء « انت اشعر من بالشام » یعنی « سن
 شامدهکی شاعر لرك اك مقتدر يسك . » ديه کندیسنک جودت
 طبعی بالخاصه تقدیر ایتمش ایدی .

برخیلی زمان صکره معری بغداده کیتدی . اورانک اهل
 ادبی دخی بزم ابو العلاءه بولندی . بر معتاد حضور استادده
 هرکس شعرینی انشاد ایتمکه باشلادی . منازی دخی بالتصادف
 داخل مجلس بولندیغندن نوبتی کلنجه اوده بر شعر او قودی .

معری یاننده کیملر بولندیغنی بیلمدیکی حالده شعر منازی بی
 دیکله نیجه بوشاعر حقننده شامده ایراد ایتمش اولدینی جمله
 استعسانیهده واقع « من بالشام » اوزرینه معطوف اوله رق

۲۳

بر قصر و صفنده

ای عالم مثالك سیاح هوشیاری ،
 هیچ قصر صورتند کوردکی نوبهاری ؟
 کل کورمدکسه سیر ایت ؛ اما صاقین غلطن ؛
 تابنده غره صافه اول جفت زرنکاری . [۱]
 ابرولرین زر اندود ایتش عروس فیضك
 مشاطه كالك كالك خجسته کاری .
 باق اول زمین خوب و دلجوی مشکویه ،
 سیر ایت او سقف ياك بر نقش و پرنگاری ؛
 گویا ایدوب طبیعت گوی زمینی تسطیح ،
 تبت آشاغی دوشمش چین و ختن یوقاری .

[بحر مضارع : مفعول فاعلان مفعول فاعلان .]

کوی زمین — ارض یو واردلاغی ، کره زمین .

[۱] « جفت » دن مقصد کردر .

دیدنی . والده آغلامغه باشلادی . بنده آغلایه رق آشاغی
ایندم .

زردالو — « زردالی » دیدیکمز میوه . کلمه فارسیه در . آلو،
اریکدر .



وجودنده بر طاقسزلك حس ایتمكده اولدیغنی بیان ایله یوقاری
صفیه چیقهرق مندرک اوزرینه اوزاندی . همی ایمش .
دوشکه یاتمه مجبور اولدی . طیبیلر کتیرلدی . باقدیرلدی .
مفید اولمدی . اون برکون صکره ارتحال ایلدی . ادرنه قپوسی
خارجنه دفن ایلدی .

کیفسزلكی اناسنده برکون بی دوشکنک یاننه چاغیردی ،
ایله یناغمی اوقشادی . صکره برقولی دبرسکمه قدر صیوادی .
دقتله باقدی . یانمزده بولنان والدیه خطاباً :

« نه قدر ضعیف ! »

دیدى . والدہ :

« چوجق . »

جوانی ویردی .

او یاقیش-قلی یوز صاپ صاری اولمش ایدی . کوزلرینک
بیاضنده صاریلق کوریلورودی . بردن بره باشی اوچنده آصبلی
بولنان قامای ایستدی . والدہ قالقدی . کتیردی . ویردی .
پدر صول ایله قینک آشاغی طرفندن طوته رق صاغ ایله
قامانی کوجلک ایله چکهرک صییردی . بز متحیرانه سیر
ایدیور ایدک . قامای هوایه طوغری قالدیره رق بر پارچه
اویناتدی ؛

« بن شهید اولوق ایستردم ! »

طاغری ، باغری غلطه بورنیه اچیفی سیر ایدش زیاده سیله
 خوشمه کیتمش اولمی که استانبوله عودتمزده وارنهك خیالمی اشغال
 ایتمکه اولان مواقع لطیفه سندن بریده عمر اغانك خانه سی
 ایدی . بندن بیوك اولان اوغلی سلیمان افندیدن پك چوق
 التفات کوردم . خاطر نشانمدر که برکون ینیه بو اوه دعوت
 ایدلمش ایدك . کیتدك . سلیمان افندی ده اوراده ایدی . باغچه ده
 سائر آغاچلر اولدینی کبی برده الما آغاچی وار ایدی که کاله گلش
 اولان میوه لری اولک اوکی آچیق صفه سندن دوشیریه بیلیدی .
 بو آغاچك آلتنده کزنمکه باشلادق . بر آرمق سلیمان افندی
 غائب اولدی ، مگر صفیه چیقمش . آغاچی صارصمه باشلادی ،
 برده باقدم که الما ایله قاریشیق زردالو دوکیلیور . بردن بره
 الما آغاچندن زردالو دوکلسنه بر معنی ویره مدیکمدن حاصل
 اولان ممنونیتیم حیرت آمیز اولدی . صکره دن آکلادم که سلیمان
 افندی آغاچی ساللادینی سیرمه ده بی زیاده تلطیف ایچون بر
 یاندن ده آووج آووج زردالو دوکمش . او منظره بکا پك اکلنجه لی
 کورندی . حقیقه بی باشقه بر صورتله بوندن زیاده ممنون ایتك
 ممکن دکل ایدی .

بدر برعید اضحانك ایلک کونی صباحلین نمازدن عودتنده
 کندیس سیله والده ایچون آماده بولسان ایکی قرباندن برینی ذبح
 ایتدی . دیکلنیر کبی براز طوردی . دیگرینی ذبح ایتمکسزین

۲۲

عمرک چوققلغندن

والده وارنہلی اولدیغندن بر آره لق صله آرزوسنده بولندی .
 دایمز احمد اغا ذاتاً دائماً تجارتله استانبوله کلیر کیدردی ، بزده
 مسافر اولوردی . پدرم والدهیی ، برادری ، بی کندیسنه تودیع
 ایدرک وارنہیه کوندردی . اوزمان بن یدی یاشنده ایمشم .
 قرق کون قدر وارنہیی ، باغلرینی کزدکدن صکره ینه دایمزله
 برابر استانبوله عودت ایلدک .

وارنده بر سراج عمر اغا وار ایدی که اهلینک شهادتیه
 ثابت اوله جفی اوزره پک ایی بر آدم ایدی . پدر اونکله غائبانه
 مخبره ایدردی . بر برلرینه هدیه کوندرلردی . وارنده
 بواندیغمنر ائشاده رفیقہ سی بزی بالدفعات خانه سنه دعوتله پک
 چوق اکراملر ایتدی .

بو او بر یوقوش اوزرنده بولندیغندن مملکتک (قوملق)
 جهتنه نظارت کامله سی وار ایدی . بن ذاتاً دگیر سیاحتی کبی
 دگیر تماشاسنی ده پک سورم . اورادن کورفر ایله قارشیکی

خطیب منبر جامع نه قبه کون — طقوز قبه لی جامعه مشابه اولان
 کاشاک خطیب منبری ، مشتریدن کنایه در . رواق — (راتک کسر
 وضمه سیله) او اوکنده کی سقف ، قبه ، کر ، کوی — طوپ ،
 یووارلاق . اغشته — قاریشمش . اذفر — کسکین کوزل فوقولو .



افتاب بحر و بر، صاحب قران شرق و غرب ،
 شمسوار نامور، رایت کشای صفدری ،
 آسمان دولتک خورشید قدسی پرتوی ،
 بزمگاه شوکتک جمشید خورشید افسری ،
 نقد وقت سلطنت، سرمایه امن و امان ،
 دستگیر دین و دولت . کام بخش سروری .
 صفدر کشور کشا کیم جنکه چیدقچه اولور
 جبرئیل « انا فتحنا » خوان تیغ و مغفوری .
 شهنشین نه رواق آسماندر مسندی ؛
 عیدگاه هفت اقلیم جهاندر کشوری .
 یازسه وصف نکمت خلقن ویرردی عالمه
 گرد خاک پای خامه بوی مشک اذ فری .
 قدر خاک گوی اخلاقن بیلیردی روزگار
 بر برینه ایلسه آغشته مشک و عنبری .
 کامکارا ، صفدرا ، صاحب قران شاهنشها ،
 ای سریر عدل و دادک داور دین پروری !
 سحر ایدردم مدحکه کلدکجه اما نیلیم
 ایلمش حق و صفیکی قید تصور دن بری !

[بحر رمل : فاعلاتن فاعلاتن فاعلاتن فاعلاتن]

سنگ فسان — بیلکی طاشی . دستبرد — قوت ، قدرت .

۲۱

اجداد معالی نژاد حضرت پادشاهیدن سلطان عثمان
خان ثانی حضرت تلی و صفنده برقصیده دن

آفرین ، ای روزگارک شمسوار صفدری ،
عرشه آص شمدنکیرو (۱) تیغ نریا جوهری!
پاره الماسدر ، سنک فسانی نیلر اول ؟
چرخه چکمه بردخی شمشیر والا گوهری!
سرفراز ایتدک لواء الحمد دین احمدی ،
دشمنه کوستردک الحق دستبرد حیدری .
تیغکه نوله (۲) یمین ایلرسه روح مراتضی؟
برغزا ایتدک که خشنود ایلدک پیغمبری!
بویله آغاز ایلسون شمدنکیرو القابکه
جامع نه قبه کونک خطیب منبری :

(۱) شمدیدن کیرو ، شمدیدن صکره . اسانک حال حاضرنده
مهجوردردر .

(۲) نه اوله . شمدی مهجوردردر ،

بومطالعه‌یه نظر آهرنه قدر تنقید ، آثار نفیسه‌نك نوعما
جستجوی معای قیلندن کبی تلقی اولنورسوده تحری حقایقده
سر مو خلوص نیت ، صفوت قلب ، اصالت رأیدن انحراف
کوسترلسه ایش تزییفه بینر. هله ذره قدر شائبه استخفاف
واستحقار استشمام اولنسه او تقدیرده جاده تنقیددن چیقیلهرق
وادی تندیده گیرلمش اولور. بوجهتله شرائط مسروده‌ینی جامع
اولان تنقیداتدن اصحاب آثار دلگیر اولمق شویله طورسون
اثرلری شایان تنقید کورلدیکیچون بیان ممنونیت ایتسه‌لر کرکدر.
چونکه یوقاریده دیدیکمز کبی تنقیددن مقصد اثرک منقذیت
ومنقذیتنی کوسترمک، قابل توجیه وتاویل اولان نواقصنه محمل
صحیح آرامقدن عبارتدر .

تزییف — قابله چیقارمق ، قلب اولمق اوزره کوسترمک . نقائص
— نقیصه‌لر ، عیوب . نوافص — ناقصلر ، اکسیکلر . ادق — پک
دقیق ، پک ایجه . تندید — معاینی سویلیهرک رسوای ایتک .



هر شيك مقبولی سچوب آلمقدن عبارت اولوب بنا برین كرك بدایع صنایعه اولسون، كرك دقایق حقایقه اولسون، هر نه ده اولورسه اولسون، منقذك اهلیت واقعداریله برابر امراض اغراضدن مبری اولسی اقتضا ایدر.

فی الحقیقه صناعت تنقید، اهلی عندنده او قدر دقیق، او قدر رقیق، او قدر محترمدرکه همان اشرف و ادق صنایع عد اولنسه بجاذر.

واقعا هر اهل صنعت الندن ایش حقیقه بیلیر، هر شاعر شعر سویلر، هر اهل رأی رای ویره بیلیر. فقط اصل هنر بونلری آ کلا یوب نواقصی کورمك، محسناتی ارائه ایده بیلیمکدرکه بو واسطه ایله درجه کماله ایریشمك ممکن اولسون.

یوقاریدن بری بیان اولنسان ملاحظاته برکزه ارجاع نظر ایتسهك تنقیدك معنای لغویسی آلتونی، کوشی، نقود سائرہی کمال دقتله یوقلا یوب چویره رك، محکمه اورہ رق خالصیت ومغشوشیتی، عیارنی تعیین، برده نقد اچہی تسلیم ایتمکدن عبارت اولدیغی آ کلا شیلیر.

ایشته بو مناسبته آثار نفیسه دخی نفاستجه نقود ثمنیه تشبیه اولنہ رق بو یولده ایدی لان تحریات نظریه یه تنقید نامی ویرلمشدر. دیمك که اصطلاح ادباده تنقید، استفادہ عمومیه نقطہ نظر نجه آثار نفیسه ادبیہ و صنایعہ یی محاکمه ایله کامل العیار وشایان اعتبار اولدیغی میدانہ قویمقدن عبارتدر.

۲۰

تنقید

جواهر نفیسه‌نك كامل العیار اولوب اولمدینی نه واسطه ایله
 بیله‌بیلیر؟ شبهه یوق که اولاهل خبریه ارائه اولنور، اوده
 هر بر جوهرك خواصنه کوره بر طاقم تجربه وتحریدن صکره
 محک اوره‌جق، اقتضا ایدرسه تحلیل واذابه کی معاملات
 کیمیاییه مراجعتله خالصی زیوفندن آیره‌جقدر. ایسته تنقیدك
 اصل معناسی بومنشادن آلنه‌رق صکره آثار ادبیه، آثار سیاسیه،
 آثار صنایعیه، تصورات فکریه، سنوحت خیالیه، خلاصه کافه
 مدرکات معقوله ومرتبه‌نك حسن وقبحی کوس‌ترمك، نقدینی
 مغشوش‌ندن آیرمق کی تدقیقات وتعمیقانه تعمیم ایدلمش وبو
 اسلوب اوزره اولان تنقید ایسه الیوم برفن دقیق صره‌سنه
 کچمشدرکه بونك ضدی تزییقدر.

واقعا اشیای نفیسه‌دن هر نه اولورسه اولسون اول امرده
 حسن وقبحی حاده تدقیقندن کچیرلمدکجه رفع نقائص، اکمال نواقص
 عديم الاحتمالدر، میدان ترقیده بر خطوه اوتیه کچمك محال
 انذر محالدر. ديمك اولورکه تنقیددن مقصد هر شئك کوزلنی،

مطالعه سی‌ده هر نظارده هم نفسنه ، عائله‌سنه فائده بخش اولور ،
هم ابنای جنسنه .

صفحه — برشیک مستوی اولان یوزی . فاساکندر . جمعی
اولان صفحانده علی القاعده تحریک اولنور . هائل — ایکی شی
آرمنده بوانان شی آخر . هائل — قورقچ ، مخوف . کتبه وکتف
— یازمچیلر ، کتابلر .



ثروت بر دفينه دركه اكثرثيت اوزره او باغچه نك آلتنه
ظهور ايدر .

بر چفتجي منسوب اولديني دولته بر عسكر نقرى ، بر علم
طالبى قدر خدمت ايتمه كافي بيلنمشدر .

ارباب زراعت ائاريني صفحات زمين اوزرينه يازمش ادباى
طبيعيه در . بر ساقسى چيچك زراعتدر . بر نباتات سر كيسى ينه
زراعتدر . باغچوان استاد قدرتك خامه ذى حياتيدر .

بر تاجر متعلق اولديني عائله يى ، تاجر منتسب بولنديني امتى
احيا ايدر .

كوچك بر دكان ويا بر او تجارتدر . بيوك بر فابريقه ويا بر
شهر ينه تجارتدر . بر زارع تراب اوستنده اولان محرراتنه
هر يرده قاره بولور .

بر تاجر دنيا نك هيچ بر طرفنده اجنبى قالماز .
زراعت و تجارت مكاتبندان چيقمش بر آدم ايچون موئدن
بشقه حائل وهائل يوقدر .

شعر فكر در . زراعت و تجارت فعلياتدر . فكر هر يرده
صائلماز . فعل هر يرده كچر . بر كتاب دائما آكلاشلماز . بر تارلا
دائما آكلاشيلير . ارباب تدقيق زراعتله تجارتله اوقدر اهميت
ويرمشدر كه بو كون زراعتله فن ، تجارتله علم اطلاق اولنيور .
بو فن ايله علمك كتبه وكتب و مكاتبى واردر . او كتابلرى
اوقويان ، او مكتبيلردن چيقان موجوداتى مطالعه ايدر .

۱۹

زراعت، تجارت

(بر کتابه تقریض)

زراعتله تجارت، موجودات مدنیه نك ظواهریدر. علمك، معرفتك عملیاتیدر. زراعت طوپراق قازوب الماس چیقارمقدر. تجارت تیمور صاتوب آلتون قزانمقدر.

طبیعتله صنعق بر برینه مزج ایتك زراعتله تجارتدر. تجارتگاه اولان بلاد، دنیانك الك بیوك شهرلریدر كه زراعتگاه اولان اراضی هپ اولرك جوارنده بولنور. اوبلادك، اواراضینك هر بری زراعت و تجارتدن استحصال اولنان منافعك براهین متنوعه سی احتوا ایدر.

زراعت تجارتك ابداسیدر. تجارت زراعتك مقتضاسیدر. ثروت وبركت ایه بو ایکی فعل خیرك نتیجه بی نهایتدر. زراعت اقدام، تجارت موفقیت، ثروت مكافاندر.

زراعت بر صحرا دركه تجارت سایه سنده بر باغچه خانه کیرر. تجارت بر باغچه دركه زراعت فیضیله محصولدار اولور.

عرصه مدح و ثنائك بوله ماز پايانك
بيك اندیشه اكر بيك ييل اولورسه پويان .

[بحر رمل : فملائن (فاعلائن) فملائن فعلن]

سبعة سياره — عطارد ، زهره ، مريخ (ميمك كسره سي ورائك
تشديديله) مشتري ، زحل ، قمر ، شمس . (سياراتك بو وجه ايله
تعدادي ظن قديميه كوره در .) لوحش الله . « لا اوحش الله » دن
مخففدر .



۱۸

اوصاف جمیلہ اجداد شہنشاہی

فردوس آشیان قانونی سلطان سلیمان حضرت تلی

وصفندہ بر قصیدہ دن

خاک راہی گھر تاج سلاطین جہان ،

آیاغی طور اغیدر سرمہ عین اعیان .

گھر تاجی ضیاسیلہ ممالک روشن ،

خنجر عدلی جلاسیلہ جہان پرلمعان .

حرم قدرینہ برگنبد زرکار فلک ،

اوکا برطاق مرصع کمر کاهکشان .

فلک سلطنتک سبعت سیارہ سیدر

کامگارا ، اویدی سر علم نور افشان !

بارک الله ! زہی پادشہ عالم کیم

شرقدن غریبہ دکین بولدی جہان امن وامان !

لوحش الله ! زہی سلطنت قاہرہ کیم

قافدن قافہ قدر جملہ مطیع فرمان !

وزنده مفرد.) پران — اوچنجی . عیش — یاشامه ، ییوب ایچوب
 ذوق و صفا ایتمه . (اسماعزده مستعمل اولیان « عیشة » کله سی عینک
 کسریله در، لیکن عیش عینک فتحله در .)



يارلاق دردر عدد قنادلری ، انفا س نسیمك اوتیه بری به میل
ایتدیردیکی غیر مطرد اوچوشی ایله کلبك بر شکوفه پرانی
آکدیرر .

کوچك مكسلرك یاغموردن صکره دائره تشکیل ایدوب
(بالت) انواعدن رقصلر اجرا ایتدیکنی کلا ذوق ونشاط ایله
بالدفعات سیر وتماشایه طورمش ایدم . بومکسلر قادریل اوپونی
اجرا ایتك ایچون طاقم طاقم آریلوب یوکس-لیرلر ، آچالیرلر ،
دوزلر ، طولاشیرلر ، ینه قارشى قارشى به کلیرلر .

بزم (اوپرا) لرك رقصلری اوقدر لطافتلی ، اوقدر
خرده لی دکلر . صانکه بو هوایی چوجقلر رقص ایچون
طوغملر...!

انسانى رقص وحرکتلرنده انواع نغمات ایله مترنم اولدقلری
دخی استماع اولنور . بونلرك سار طیور کبی صدالری بوغاز-
لرندن کلیوب بللرینه یقین برعضوندن چیقار وقنادلری آلات
موسیقیه مضرابی کبی هوایه چارپدقجه اونندن ده نغمات خفیفه
ولطیفه ظاهر اولور .

یردن چیقان بر بخار بونلره مرکز عیش ومسار اولور
ایسه ده اکثریا سنجابی بر قیرلانغیج قوشی اورته لینی یاروب
کچر ورقاصلردن برقاج طاقنی درحال بلع ایدر .

کشتی — کبی . سکان — دومن . (ساکنك جمی اولان سکان

۱۷

طیران هوام

اوجیجی حیوانات ایچنده استعجابیه اک زیاده لایق و بزم ادراك واحاطه مزه اک چوق موافق اولان هوامدر . بونلردن برطاقنك مكس مثال غایت اینجه بورومجكدن قنادلری واردركه اونكله اوجهنك هر نوعی اجرا و ایستدكلری زمان جو هواده اتخاذ موقف استغنا ایلرلر . برطاقنك دخی كلكك كبی غبار آسا غایت پارلاق الوان ایله ملون ومطلا وغایت نازك نقشلرله منقش قنادلری واردر . بونلك یكدیگرینه مشابه وایكیشمردانه دن عبارت اولان ، اجنحه طیوره اصلا بکزمین قنادلری اشكال غیر متناهیده متنوع ومختلف اولوب همده دردر دانه در. كلكك طیورك مالك اولدقلری دمباله دن محروم ایسه ده اكثریسنك بوینوزلری واردركه اونكله راه عزیمتلینی ایستدكلری طرفه اماله ایدرلر . بوتقدیرجه بونلر اوکشتی هوایلردركه سکان اداره لری باش طرفلرنده در. ناف ازهارده بولنان فلیزلره مشابه خرطومی ، اوجی تكمه لی بوینوزلری، چیچك پیراغنه بکزمین

براشد کدن صکره منصبینه قدر آلدینی اسم. طرب — سویج. اقیاد
 — اطاعت. هائله — قورقچ حال ووقمه. مزار ترک — ارطغرل
 فازیق پدری سلیمان شاهک تربة محترمه سی. صفوت — صافیلک، خالص
 اوله. دودمان — قبیله. خاندان (ایکنجی دالک سکونیه در.)



ذکره شایاندر فراتک هریری ،
 بن که بر ترکم اونوتمم جعبری [۱] .
 ترک اولان نعمتشناس اولمق کرک ،
 واریری کیتسه « مزار ترک » . دک .
 ای مزار ترک ، صفوتخانه سک !
 خوابگاه شاهسک ، شاهانه سک !
 افتخارایت ، ای فضای معنوی !
 شاه ترکان سنده اولمش منزوی .
 ای سلیمان شاه ، متتداریکز !
 شاکر اولاد فیض آناریکز !
 اولدی اخلاصکله فخر دو دمان ،
 اوغلك ارطغرل کبی بر قهرمان .
 آفرین ارطغرله ، یارانسه !
 آفرین ارطغرلک عثمانسه !
 شانمز عثمانسز اولماز ، شانلی یز ،
 بونجه میلیون خلق هپ عثمانلی یز .

[بحر رمل : فاعلاتن فاعلاتن فاعلان]

نیمه — نصف ، یاری . شط العرب — فرات ودجله نهرلرینک

[۱] « مرصدا الاطلاع » نامندکی عرب لغات جغرافیه سنده بیان اولندیغنه کوره بو قلعه نیک اسم قدیمی دوسر اولدینی حالدیه بر مدت جعبر بن مالک نام شخصک تحت اداره سنده بولمسیله اونک اسمی قلعه یه انتقال ایتمش وقلعه اورنه جوارنده فراته بر میل مسافه ده اولوب صفین دخی بو قلعه نیک یوقاریسنده اون میلدن زیاده بر مسافه ده واقع بولمشدر .

۱۶

غازی ارطغرل بك منظومه سندن

ای فرات ، ای نیمه شط العرب ،
 سنده موج اورمقدمه هم غم ، هم طرب !
 دیرکن ایتدك حزنه مستغرق بنی ؛
 قرب (صفین) [۱] دن کچر کوردم سنی .
 امر عشقه انقیاد ایتدم ینه ،
 حیدر کراری یاد ایتدم ینه .
 رهگذار کدر دیار کربلا ،
 یاد اولنسون شهریار کربلا .
 کربلا یادیله جان آگاه اولور ،
 هر نفس یا آه ، یا الله اولور .
 ایشته اك حیرتقزا برهائله ،
 بعد ازیں لازمی کیتمک بابله ؟
 باق نه استغراقه سوق ایتدك بنی ،
 کوز یاشی ظن ایلور چشمم سنی !

§

[۱] صادق کسره سی وفاتک تشدید و کسره سی ابله .

سایه لطفکده واردی خلق خواب راحتہ ،
 سرکشان دهر کچدی پالرین دامانہ .

[بحر رمل : فاعلان فاعلان فاعان]

سعد اباد — کاغذ خانه دیدیکمز مسیره . ختن — (خاتک ضمه سیله)
 چینک (هوت — تانغ) قطعه سی . جدول سیم — کاغذ خانه ده وقتیلہ بر جدولہ
 ویرلش بولنان اسم . جهان — صیغرا بیجی . کیوان — سیاراتدن زحل .



عرشه دك چيقمقدمه مانند دعای مستجاب
 اوغرایان آب مصفرا راه شادرواننه .
 «سزده بویله مشك اولورمی؟- دیو [۱] خاکندن برار
 آه کوندرسه م صبا ایله ختن خاقاننه !
 جدول سیم ایچره آدم بینسه بر زورچیه
 ایستسه ممکن وارلق جنتك تایاننه !

§

اولدی دورگده جهان آسوده. عالم شادکام ؛
 ویردك استحكام دین و دولتك ارکاننه .
 جمله تاریخ سلف مضبوط؛ نادر در هله
 بویله دوشمك تخت و افسر اهله، شایاننه .
 مدت عثمانیان ایچره زمان دولتك
 بکزه مشدر نوبهارك موسم نیدساننه .
 شهریارا، نعل اسبکدن چیقان برق جهان
 داغ یاقشدر سپهرك جبهه کیواننه .
 سلطنت حیرانیدر دائم جمال پاککک
 عاشق بی دل نیجه حیران ایسه جاناننه .
 خاندان سلطنت انجق سنکله فخر ایدر ،
 گوهر شهواردر رونق ویرن عماننه .

[۱] برنجی هجانه مدی شمعی تجویز اولماز .

اجداد معالی نژاد حضرت خلافتپناھیدن سلطان احمد
خان ثالث حضرت تلی و صفندہ برقصیدہ دن :


باق ستانبولك شو سعاد آباد نو بڼيانه !
آدمك جانلر قانار آب وهواسی جاننه !
ای فلك انصاف، ای مهر جهان آرا امان !
بر نظیری وار ایسه سویلك، [۱] قونلسون يانه .
بنده بيلم بویله روح افزالغك اصلن، مکر
خضر تخم عمر جاوید اګدی نخلستاننه . [۲]
شویله فیضا فیضدر جوش و خروش نوبهار
کیم ایریشمشدر تلاطم آسمان ایواننه .
طرفه رنگا رنگ آهنگ ایلش صحرائی پر
کوه سس ویردکجه شیدا بلبلك افغاننه .

[۱] سویلك . « سویلك » صیغه ی شمعی بزجه مېجورددر .

[۲] شمعیکی شیوه به کوره « مکر » صیغه نقلیه به داخل اولور .

مکر اویله ایلش .

نحیه — (تشدید یا ایله مرضیه وزننده) حمایه اولنش . محافظه ایدلش .
 سپاهی — قدیم بر نوع مستحفظ عسکر . فن — فتنه نك
 جمی . مساعی — (مساعاة كله سنك جمیدر . مفردی لسانزده مستعمل
 دكادر) چایشملر . نمادی — اوزامق . ملازمت — دوام . جلادت
 — شدت و متانتہ مقارن بهادرلق . مشق — قیشلاق . رحا —
 کوچه . علم — سنجاق . جهاد اصغر — دشمنله محاربه مشروعه .
 جهاد اكبر — انسانك تهذيب اخلاق ایچون نفسیه اوغراشمه سی .
 تعب — یورلق . توپان — آلاشدیرمق . زانو — دیز . كساد
 — رواجك عكسی ، طورغناق . كلال — یورله . ملال — اوصاعه .
 استقصا — دقتله اراشدیرمق . حواشی — حاشیه لر ، كتابك کنارینه
 یازیلان ایضاحات . اسائن — (كسر همزه ایله) کوتولك . وجیه —
 اویفون ، مناسب . کالا — قاش متاع . کینه ور — کینلی ، غرضكار .
 كزیده — بكنلش ، منتخب . موضوع — برفنده اساس اعتباريله
 كندیسندن بحث اولنان شی . مثلا : فن حسابك موضوعی اعداددر .
 قایت — برفنك تحصیلندن مقصود اولان شی . شروع — باشلامه .
 تلخیص — بر كتابك زوائدنی طرح ، نقایصنی اكمال ایتمه . تلفیق —
 بربرینه ضم ایتمه . تمور — كسب مهارت . طویت — نیت .



ایتمشدر . حتی بر درجه یه قدر لاتین لسانی او کرنش اولسیده
احتمالدن بعید دکلدر .

کاتب چلبی ۱۰۶۸ ذی الحجه سنده مرتحل دار آخرت
اولمشدر . مشارالیه شهراہ تحصیلده جهد وثبات ایله ابقای نام
ایدن و تاریخ علومده شرفلی بر موقع طوتان اعظمدن اولوب
ممالک شرقیهده ارباب شوق و هوسک آمال و رغباتی علوم
عربیه و شرعیه یه انحصار اتمکه باشلادیفی بر زمانده بلاد غربیهده
تجدیات اخیر سیله پیشوای عمران و مدنیت اولان فنون عقلیه یی
دخی بالتقدیر دائره مساعیسنه ادخال ایلیه رک معارف عثمانیهده
رسوخ و احاطه کلیات ایله معروف اولان علامه لره التحاق
وبلکه من جهة تقدم ایتمشدر . مزیت بشریه یی رفعت فکریهده
آریان و بناء علیه رتبه علمییه یی بالجمله رتب دنیویه یه ترجیح
ایلین عقلادن اولدیفی اجلدن محصول استطاعتی ، پک عالی
اولان همتی ، ماملکنی ، عمرینی علم و معرفت یولنه صرف
ایلیوب بوندن طولایی تحدیث نعمت معرضنده دائما اذکار
شکرانیه ابراز ایلمشدر . حسن خالق و کرم طبیی عصرنده
بتون کندیفی طانیانلری مجلوب ایلدیکی کبی غنای طبع ایله
پایه رفعتی اعلا ایتمش و دامن قناعتنه غبار طمع طوقندرمامشدر .
مرحوم مشارالیه دانشوران روم میاننده زمان اعتباریله
خاتمه متقدمین و رئیس متأخرین عد اولنه کلمشدر .

متوسطین — اورتهده بولنانلر، نه پک اسکی نه ده پک بیکی اولانلر .

جغرافیا کی فنونده نهر ایلیدرک علمای متورعین و حکمای
متبحرین امره سنه لاحق اولمشدر سی ذاتیسنه دیه جک یوغیسه ده
بعض وقایع و احوال و سائل اکتسابی تسهیل و وسعت احاطه
سنه خیلی یاردیم ایتمشدر. مثلا سیر و سفرلری مشاهداتی تکثیر
وایکی دفعه ده علی طریق الارث کلیتلی مال انتقالی امر معیشتی
توسیع ایلمشدر. حق میراث مالک بر چوغنی کتابه و یردک
دیه حمد و شکر ایلدیکی صیره ده « صدق عزیمت و خلوص
طوبت برکتیله فتح باب و سهولت اسباب میسر اولدی. تبسیر
الهی ایله تحصیل فنون سمق مسخر اولوب میل طبیعی یه
انتظام امر معاش امداد ایتمکین آز زمانده چوق مسافه و منزل
آلندی» دیمسی سوزیمزی تأیید ایدر. ۱۰۵۵ ده کرید سفری
ظهور ایتمکله دریا فنی مراق ایدینوب بو سایه ده جغرافیا
و هیأت و ریاضیات کی علومی تعلم و وقایع گذشته بحریه یی
تبع ایلدی. ینه او ائناده بحسب الطریق قلمنک میز لکنه
ادعای حقوق ایلدکده جواب رد آلمغه مایوس و منکسر اولدی
و کندی تعبیری اوزره « بو خصوص تحصیل موافق دوشوب
شغل جانب تأیید ایلدی. » بر آردلق مزاجنه انحراف طاری
اوله رق امرجه ادویه یی تحقیقه میل حاصل ایتمکله بویله جه
طبایه و علوم طبیعییه انقباض ایتدی. فرانسه راهلرندن ایکن
اهدا ایدن شیخ محمد اخلاص اول وقت لسان فنی اولان
لانیجده ده ماهر اولدیغندن اوندن پک چوق معلومات اخذ

عربی اوزره یازلمش اولان بو کتابه مؤلفی حلبده ایکن شروع ایلیه رک کندی اعترافی وجه ایله یکر می سنه امک ویرمشدرد . کاتب چلبی بی تقدیر ایتک ایچون صنعت طباعتک ممالک شرقیده هنوز انتشار ایتدیکی برعصرده بویله اون اون بش بیک کتابی الده ایتک و نظر تدقیقدن کچیرمک صعبوتنی دریش ملاحظه ایلمک کافیدر . مؤلفات سائر مشهوره سی محضرانده : « تحفة الاخبار فی الحکم والامثال والاشعار » ؛ جغرافیاده : « جهاننما » و « لوامع النور » ؛ تاریخده « فذلک » نامیله بری عربجه تاریخ عمومی کیر و دیگری ترجمه آلتش بش سنه لک (۱۰۰۰ - ۱۰۶۵) وقایعی جامع تاریخ عثمانی صغیر ایله « سلم الوصول الی طبقات الفحول » ، « تقویم التواریخ » ، « تحفة الکبار فی اسفار البحار » نام تاریخ محاربات بحریه و درونق السلطنه نام قسطنطنیه تاریخیدر . « رجم الرجم بالسمین والجیم » ، « الهام المقدس من الفیض الاقدس » ، « دستور العمل » ، « میزان الحق فی اختیار الاحق » عنوانلی رسائل مقبوله سندن ماعدا کتبخانه لرده مصادف انظار مطالعه سی اولان درت بیک قدر رساله دن مسائل مهمه و مباحث نافعه بی اکثریا مالا نقل و تلخیص و قید و تلفیق ایله منتخب مجموعه لر وجوده کتیرمشدرد . بعض کتابلره حواشی و تعلیقاتی واردرد .

کندی دیدیکی کبی « یک فنله قناعته علو همت رضا ویرمدیکندن » عربیات ، شرعیات ، ریاضیات ، طبیعیات ، تاریخ ،

و تاریخ سلفده کی اطلاعانیدن مستفید اولمغه کالای هنری
 رواجلا یران الحقی رغبت اولدینی حقیقتنی تأیید ابوالنفات مشوقانه
 کاتب چلبینک حیات علمیه سنه عظیم تأثیر اجرا ایتمشدر . زیرا
 سعایت کینه و ران ایله مبتلای کسل و فتور اولان سعی و اقدامی
 بردن بره تجلی ایله هرک نوع لرنده هر بری بی مثل برر یادکار
 قیمتمدار اولان آثار معتبره متنوعه سنی اوندن ضحکه تالیفه
 باشلامشدر . قلم ممیزلکی مقامی دکل ، بلکه صدر مراتب علمیه بی
 احرازه شایسته ایکن قناعت طبعی و قدر شناسنی حبیبله بوقدر جق
 عاطفتی بیله نهایت ایامنه قدر اونوده میهرق « او سایه ده هفته ده
 بر ایکی کره قلمه کیدوب بقیه اوقاتی مطالعه و تحریره صرف
 ایلمک نعمتی میسر اولدی » دیه کندی قلمیه یازدینی ترجمه
 حالنده بیان ممنونیت و ایفای شکر و محمّدت ایلمشدر .

گزیده تالیفاتی « کشف الظنون عن اسامی الکتب
 والفنون » در . بر مکمل بیدلیوغرافی لغتی اولان اشبو اثرنده
 کاتب چلبی اون درت بیکی متجاوز کتاب اسمیه مؤلف لرینک
 نام و شهرت و محل ولادت و تاریخ وفات لرینی و هر برینک شرح
 و شارح لرینی و ابواب و فصولنی و محل و تاریخ تالیفنی و هانکی
 فندن اولدینغنی و حتی اکثریسنک ابتداسندن بر قاج سطر
 عباره سنی ارائه و تحریر یلمکله برابر زمانه قدر اتم اسلامیه
 بیننده تصادف و تداول ایدن یوزدن زیاده علوم و فنونک
 تعریفات و موضوعات و غایات و تقسیماتی درج ایلمشدر . لسان

شمعه یانار ایدی، کلال و ملال گلز ایدی « دیور .
 کنجککنک اون سنه سنی غزا و جهاد یولانده تحصیل مشوباته
 ودیکر اون سنه سنی حلیه ادب و عرفان ایله تزیین ذاته حصر
 ایلان کاتب چلبی ایچون ترتب ایدن اوچنچی وظیفه افاده و افاضه
 ایدی . شیخ الاسلام یحیی افندینک توصیه سی اوزرینه اوکا دخی
 بدء ایلدی . نفسنده نیجه زحمت و کفتمله استقصا و استخراج ایلدیکی
 مسائل بدیعہ فنیہی بروجه اجمال و علی طریق السهوله ایضاح
 و افهامه مقتدر اولدیغندن طلبه سی کوندن کونه تکثر ایدر ایدی .
 مفتی مشارالیه که - اکابر فضلا ی رومدن معدوددر - صاحب
 ترجمه ایله غایت اخلاص اوزره اوله رق برکون درسده حواشی به
 مراجعت ایدوب ایتدیکی سؤل ایلدکده « حاشیه التزانی نادر
 اولور . زیرا آداب فقیر هر کثره جانب و حدتدن دخول و احاطه
 کلیات ایله ضبط اصولدر . جزئیاتله تقید و جربزه سفینه التفات
 تضییع اوقات اولمق اوزره قرار ویرلمشدر » دیه جواب ویردیکی
 کنیدی یاد ایلر .

۱۰۵۸ ده « تقویم التواریخ » نام اثرینی شیخ الاسلام
 عبدالرحیم افندی دالایله صدر وقت اولان صوفی محمد پاشایه
 تقدیم ایلدکده چوقدن بری آرزو ایتدیکی حلاله نائل اوله مدینی
 قلم قاله فی مکافاة عهده سنه توجیه اوله رق بوتوجیه وجهدن
 فوق الغایه دلشاد اولمشدر . حق صدر مشارالیه کنیدیسی بزم
 مصاحبته و دائرة خصوصیتنه ده قبول ایله وقوف و معلوماتندن

بویله چه اون ییل قدر سفر و حرکتده زمان کچیرمش و نیجه
 جنکالر و وقعه لر کوروب کند ی افاده سی وجه ایله « حج و غزا
 مصلحتنی تمام » ایتشیدی . « رجعتنا من الجهاد الاصغر الی الجهاد
 الاکبر فحواسی اوزره من بعد راه طلبده تعب نفس نفیسی توطین
 و علم شریف تحصیلنه بقیه عمر عزیز ی تمین » ایلمکه قرار ویردی .
 بناء علیه وظائفك قسم اولی اکمال ایتمش ، نوبت ایکنجی یه
 کلشیدی . انجق کزدیکی ، کوردیکی یرلرده مطالعه دن فارغ اولیوب
 یک چوق کتب و رسائل کوزدن کچیردیکی کبی سفر لر آره سنده
 اردو ایله برابر استانبوله عودت ایلدیجه همان قاضی زاده یک پیش
 رحله تدریس سنده زانو زن ادب اوله رق ذریما اضاعه وقت
 ایتمه مشیدی . اونار یخدن اعتباراً اون سنده کیجه یی کوندوزه
 قاهره قلی النما دی تقیبات علمیه ایله مشغول اولمشدر . اوئانده
 شعبات فنونک کافه سنده طالبلر و منتسبلر چوغالمش و متبحر معلملر
 یتشمش ایدی . مدارس دائمی بردار المسابقه حافی المش ایدی .
 صاحب ترجمه ایچون ساحه اهتمام و اکتساب واسع ایدی .
 باخصوص هوس و جدیتی و علمه کمال اشتیاقی و مکارم اخلاقی
 حسیه کبرای اساتذته ک جلب توجهاتنه موفق اولمش ایدی .
 کرک الفت و مصاحبت و کرک مذاکره و تعلم طریقله جمله سندن کلی
 استفاضه ایلمش و دیگر طرفدن ده عمومی و خصوصی کتبخانه لرده
 و محاف دکانلرنده او قومدق بر کتاب بر اقامشدر . همتنه باقلسون که
 « گاهی بر کتاب کورمکه شوق دوشوب غروب شمسندن طلوعه دک

پاشا معیتله تر جان سفرینه و ۱۰۳۵ ده حافظ احمد پاشا معیتله بغداد سفرینه کیتمش و مشاهد اولان مساعی ممدوحه سنه مبنی باش مقابله قلمنه نقل خدمتله طریقچه بر آز ترقی ایتمشدر. تمادی محاربات صاحب ترجمه یی تحصیلدن آلیقویمقده ایدی. چونکه اوتوز آلی، اوتوز یدی، سنه لرینی دخی دار الحریده امراره مجبور اولمشیدی. اوتوز سکزده اردو استانبوله عودت ایتمکه مومی الیه ده بش سنه دن بری مهجور اولدینی اکتسابات علمیه سنه قاوشمشدر.

او تاریخلر فاتح مدرس لرندن مشهور قاضی زاده افندی نیک کمال اشتاری زمانی ایدی. خواجه افندی نیک طلاق لسانه، حسن تقریر و بیانه کاتب چاپی دخی مفتون اوله رق شوق تام ایله درس لرینه ملازمه باشلادی. فقط عزم مردانه سنه راه غزا هنوز کشاده اولمغله اوتوز طقوزده صدر مشهور بوشناق خسرو پاشا ایله عراقین سفرنده اعلائی لوای جلادت و احراز شان غالبیت ایلوب قرق اوچده اردوی هایونک حلبده مشانشین اولسندن بالاس تفاده حج شریف یتیله ینه محلبند عزیمت و ادای زیارتدن صکره عسکرله برابر اوسنه حلبدن دیار بکره رحلت ایلدی. قرق درتده فاتح بغداد حضرت تلی جانب آذر بایحانه توجیه طوغ و علم ایلدکه مصطفی افندی دخی موکب هایونه داخل اوله رق روان فتحنده رکاب سلطنتده بولندی.

۱۴

کاتب چلبی

متوسطین معارفندان رومك آب رویی اولان کاتب چلبی
 بیک اون تاریخلرینه طوغری محیه قسطنطینیّه مهّد آرای
 وجود اولمشدر. اسمی مصطفادر. آتیا بیان اولنهجنی اوزره
 باش مقابله قلمنده میز اولغله حاجی مصطفی قالفه ویا سادهجه
 حاجی قالفه نامیله اشتھاری اوندندر. پدري ابنای سپاهیاندن
 اولدیغندن قانون زمان انجانبجه کندیسی دخی سلك عسکرییه
 داخل اولدیسده اکتساب علم و عرفانه اولان میل طبعیسی
 سوقیله تبدیل مسلك ایلیرك عصرک معروف خواجه لرندن تعلم
 وتدرسه باشلامش وفیوضات خدمت دولتندن بهره مند اولمق
 ایچون ۱۰۳۲ ده آناتولی محاسبه سی قلمنه شاگرد یازلمشدر.

او اثناده ارضروم بککر بکی آازه پاشانک عصیانندن وشاه
 عباسک خطه بغداده تجاوزندن طولایی حدود شرقیه جولانگاه
 فتن بی نه یاه اولوب طرف حکومت سنیه دن پی درپی عسکر
 کوندرلمکده اولدیغندن مصطفی افندی اردو معینه مأمور اولان
 هیئت کتابة ادخال ایدیلیرك ۱۰۳۳ ده صدراعظم چرکس محمد

سوزمیدر اول که چپ و راست دوشه مضمونی؛

نجه معنای درستن بوزه بر لفظ سقیم؟

دوشه بر سمت غریبه ره فکر نظمی،

نه طریق روش تازه، نه وادی قدیم!

چکه مضمونی فهم ایتمده بر نکته شناس

نه قدر دقت ایدرسه او قدر رنج الیم.

کندی فهم ایتمده بیک فکر ایله بر نکته سنی

نطقی عاجز قاله یارانہ ایدنجه تفهیم.

[بحر رمل : فعلاتن (فاعلاتن) فعلاتن فعلن .]

مسحاجا — حضرت عیسیٰ، کلیم — حضرت موسیٰ، نظامی — شاعر
شهر کنجوی (وفاتی اتی بوز تاریخلمرنده در). ایدنجه — شمدیکی لسانه
کوره « ایدنجه به قدر » دیمکدر .



۱۳

سخن

سخن اولدر که بلا واسطه طبع سلیم [۱]

اوله مقبول دل نادره سنجان فهم [۲]؛

عقد گوهر کی منظوم اوله طبعه وارد،

چکمییه ناظم اولان زحمت قید تنظیم.

سالمک تسبیح دل عارف بالله کی

اوله پر گوهر اسرار خداوند علیم.

کیم اوقورسه ایده فیض نفسی دنیایه

نشر آثار دم نطق مسیحا و کلیم.

آفرین اول سخن آرای نظامی طبعه،

که اوله فکری بو کونه دراعجازی نظم.

[۱] «بلا واسطه» بر ترکیب عربی اولدیفنی جهته بوکا قاعده فارسیه

اوزره کلمه اضافه سی جاژ اولدیفندن مصراع ضعف ترکیبدن خالی

دکدر. «بلا واسطه» یرینه «بی واسطه» دینلک ممکن اولسه یدی
بو نقیصه اولمازدی.


[۲] سوز اودرکه طبع سلیمک اغانه سنه احتیاج اولقمزین کندی

کندینه اکلاشاسونده بکنلسون.

مدخلی اولیوب شعر ابتدای ظهورنده نه حالده ایدیسه ینه
او حالده در . بر تحتہ پارچہ سندن عبارت بر صنمہ قصیدہ لر
سویلن بر چین شاعرلہ طبعی تجسم ایتدی رە رک اساطیر یونانیہ یی
تعریف ایدن (هومر) ک و معبود حقیقی بی تجیل ایدن اسکی
الہی شاعرلرک آثار شعر یہ سی بینندہ هیچ بر فرق اولدینی کبی
ہر علم وفندن بی خبر اولان (هومر) ک اوچ بیک سنہ اول آطلر
دکزی سواحلندہ سویلمش اولدینی شعر ایلہ و یقتور هوغو کبی
بر متفتنک پارس شہرندہ سویلدیکی شعر بینندہ دخی هیچ بر فرق
یوقدر . یا خود بر فرق وار ایسہ اودہ استاد ایلہ شاگرد آناری
آرہ سندہ کی فرقہ بکزر . قرون اولانک او قوجہ بدویسی براستاد
ومدیت حاضرہ نک بر رکن عظیمی اولان او فرانسر شاعر
مشہوری اونک یانندہ بر شاگرد در . اوکا شاگرد لکک اولان
بو نسبتی دہ کندیسنک انک بیوک مدار افتخاریدر . شعر دہ
مطلوب اولان شی حقیقت دکدر ، افادہ سی آرزو اولنان شیشک
جسم ومکمل صورتدہ تصویریدر [۱] . ہر شیشک اولدینی کبی
سوزک دخی اعلا و ادناسی ، فرق العادہ وعادیسی وارد در . شعر
سوزک اعلاسی وفوق العادہ سیدر .

مہمل صدا — متروک اولان ، بر مضایہ دال اتخاذ ایدلمش بولنان
سس . مرثیہ — بر متوفات محاسنی تعداد ایلہ تأسف بولندہ یازیلان
منظومہ (یا مشد دکلدر)

[۱] شعر حقیقی تصویر ایلہ اکتفا ایتوب دہا پارلاق ، دہا
بدیع ، دہا مؤثر کوستر . (مقتطف)



و كرك حيوانات وحشيه ايله اولان مجادله لرنده وسائر احوالده
كوسـتردكلري جـسـارتلري حاكي حرب شـرقـيلري سويلنمكه
باشلانمـشـدركه يازي وتاريخ ايجاد اولنمازدن اول اقوام وامك
تاريخي بو اوچنجهي نوع شـرقـيلردن عـبـارت ابدى . بو كونكي
كونده دخي لسانلريني يازميان بعض اقوام ايله آفريقا، آمريكا
وفلمنك جديد اقوام وحشيه سنك احوال تاريخيه لري بين الحلق
سويلنلنمكه اولان بودرلو شـرقـيلره محكي ومـصـوردر . هيچ بر
قوم يوقدركه افرادى شرقى سويلمكي بيلمسين ، وهيج بر لسان
يوقدركه آنده شعر بولنسون .

شعر عوام يفتنده سويلنيلن شـرقـيلردن تولد ايتمشدر . سوز
سويلنلر ايجنده كوزل ومؤثر سوزلر سويلمكه وياخود برچوق
سوزلري جمع وترتيب ايتمكه مقتدر آدملر بولنوب بو وجه ايله
خطيبلر ، مورخلر ظهور ايتمش اولديني كجي شـرقـيلر تنظيم
ايدنلرك ايجنده دخي غايت كوزل نظملر اويديره رق عاداتا سوزـ
لرينه روح ويرمكه مقتدر آدملر يتيشوب بو صورته شاعرلر
ظهور ايتمشدر . هر قوم وامت عندنده شـعـرك نثردن اول ظهور
ايتمش اولديني ويازينك ايجادنده انسانلرك نثراً يازمغه باشلامازدن
اول نظماً يازمش اولدقلري محققدر .

شعر تحصيل واكتساب اولنور شـيـلردن اوليوب طبعي
براستعداده مستند اولديغندن معلوماتك هر درجه سنده ، هر نوع
افكار ايله شعر سويلنيله بيلير . بناءً عليه فنون ومعارفك شعره

۱۴

شعر ك ظهوری

شعر یازیدن و معارفدن چوق اسکیدر . شعر ك ظهوری
 نطقك [۱] ظهوریله برابر واقع اولمشدر دیه بیلیرز . کیم بیلیر
 انسان هنوز نطقه مالک اولمیوب بر حال وحشیتمده قیالرده
 واورمانلرده طولاشمقده ایکن بیله بلکه قوشلره تقلیداً اوتتمکه
 چالیشمشدر . مؤخرأ بوکا دودوک و قوال واسطه سیه مقتدر
 اوله بیلیمش ایسه ده نطقه مالک اولدینی حالدیه مهمل صدالردن
 حظ ایدیه میوب قولاغنی لذتلندیرمکه برابر فکر و قلبنی دخی
 اولتدن حصه مند ایتک ایچون ممنونیتنی ، حزنی ویا دهشتنی
 ایجاب ایدن احواله دائر سوزلر اویدیروب اونلری برصدا و مقام
 مخصوص ایله سویلمکه طبیعت طرفندن اجبار اولنمشدر . ایشته
 بو وجه ایله عشق و علاقه شرقیلری ، اولاد و اقربانک ، سوکیلی
 شخصلرک غیبوبتمدن شاکی مرثیه لر ، انسانلرک کرک بربرلریله

[۱] نطق - « حیوان نطق » تعریفنده اولدینی اوزره - ادراک
 کلیات معناسنیده حاوی و بونطق بالطبع شعردن مقدم ایسه ده بوراده
 کلام ، سوز معناسیله ایراد اولنمشدر . (مقتطف)

ذروملرینه عکس ایلدی . او زمان که جوشش انوار جزیره‌نک
اطراف وجوانبنی زر خالصه فرق ایلر وخیوط اشعه‌سی آچیله
آچیله سماواته یاییلیدی ، فقط آطه‌نک هیئت مجموعه‌سی لون
سنبجاییده باقی قاله‌رق آفاقده مشهود اولان بلوطلردن ظهور
ایدن شمشک‌لرک اوزاقدن اوزاغه کورلتیسی ایشیدلمکه باشلادی .
بو منظره دلفریبک تقریباً بر یحقی میل مسافده کائن
برارض حقیقیه اولدیغنه یمین ایدم بیلیردم . حق احتمال که بورسم
— شکل و صورتی بلوطلره عکس ایدن — برجزیره بعیده‌نک
تمثال آسمانیسی ایدی . تجربه‌لی کمیجیلر بیله بو نوع منظره‌لرله
چوق دفعه آلدانیدلر .

حقیقتی نه اولورسه اولسون علویت ودهشتدن مرکب
اولان بونماشای غریب ، او خرما آغاجلریله محاط طاغیر ،
بونلرک بالارنده‌کی قووطنه‌لر ، اونهر ، او کوپری ایلمک حلولیه
برابر بربرینه قاریشه‌رق کوزدن نهان اولدی .

مینافام — مینه رنگلی . پهنا — واسع . ارض — بر . (مؤنث
سماعی اولدینی ایچون صفتی مؤنث ایراد ایدلمشدر . قاعده فارسیه
موجبیه بو مطابقتدن صرف نظر ایدیله بیلیر .) پرتاب — صیچرامه ،
پرتاو . خطه — مملکت ، دیار . تمثال — مجسم اولسون اولسون مصنوع
صورت . (تانک کسره سیله .)

دره لری، اهام واری قیالریله برابر - نظره بر ارض پهنه-
عرض ایدردی. بوارض خیالیه نك پشته لرنده و اطرافنده زمیندن
منفصل بر دومان کورنمکه باش-لادی که ارض حقیقیه دن پیدا
اولان دومانه مشابه ایدی.

بر نهر طولانی گویا که دره لردن جریان ایدمرك شوراده
بوراده پیدا اولمش یارلردن آشاغی پرتاب ایدر ونهرک اوزرنده
دخی کمرلری خرابه یوز طوتمش بر جسر جسم کورینوردی.
نخل جنسندن بر نوع آغاچلردن متشکل اولماق اوزره بر جزیره
هوائیه نك الك یوکسک مواقعهده قد کشیده اعتلا اولان اور-
مانجقارک وسطلرنده اماکن و مساکنه دائر شیلر کورینوردی.
آقشام اوزری بو حوالینک مغرب جهتنده علی العاده
اولدینی کی ینه شو آثار لعل، آلتون صاریسی، ترنجی، زمردی
رنکارله ملون یعنی بوپزار بویالی تابلو [۱] نوغندن دکل ایدی.
ساده قبارتمه بر رسم ایدی که ظل و ضیانک ال لطیف امتزاجلرینی
جامع ایدی.

ایشته بو رسم مجسم شمسک آرقه طرفندن عکس شعاع
ضعیفیله تنویر اولمش بر خطه یی کوستردی. فی الحقیقه کوکب
مشعشع کوکبه نهار ارض خیالیه نك ماوراسنده استتار ایدنجه
کندیسندن افتراق وتحلل ایتش بعض شعاع کوپرینک نیم شفاف
اولان کمرلرینی بررنک یاقوتیده تنویر ایله برابر دره لره و قیالرک

۱۱

بلوطلر

وقتا که انکین دکزک اورتہ سمنده ایدم . نظرم ماء وسمادن
 بشقه برشی کورہ مز ایدی . بعضاً دوش بردوش اولان برسلسلہ
 جبالی آکدیران وچرخ مینافام اوزرنده یکدیگری آردنجه کیدن
 بیاض وگل رنگلی بلوطلری خیالده ترسیم ایتکله اکلیردم .
 بو بلوطلر ، خصوصیلہ آقشامہ طوغری کونشک غروب ایتدیکی
 جهتده طویلانهرق لطافتلرینی تزئید ایدرلر ، یعنی اک پارلاق
 رنگلر ایله ملون کورینورلر ، اک علوی شکلر ایچنده بربرینه
 قاریشیرلر ایدی .

براقشام غروبدن یاریم ساعت اول جنوب شرقی روزگاری
 علی العاده کسب سکون ایلدی . روزگارک - کندی هبونی کی -
 مساوی فاصله لرله کوک یوزنده سوروب کوتوردیکی بلوطلر
 کسب ندرت ومغرب جهتده کیلر ایسه تعطیل سیر وحرکتله
 بر پیزاژ [۱] شکلی آلدیلر .

بولوط کوماری - یوکسک یوکسک طاغلری ، عمیق عمیق

کلین یوزینی تزیین ایدن قادین ، یوز یازمچی . بود ونبود — وجود
 وعدم ، وارلق یوقلق . مانده — سفره ، ضیافت . موهبه — بخشش .
 بر — خیر ، ایملک (بانک کسره سیله دره) حضرت — (بوعبارده
 حضرت پیغمبر تقدیرند دره) فی الاصل قرب معناسنده اولوب کلمه تعظیمه
 اوله رق قوللانیلیر . شرم وخجالت — اوتانمه . (برنجیسی فارسی ،
 ایکنجیسی عربی اولان بو کلمه لک ایکیسی بر معنایه دره . بودرلو کلمه لک
 بویه مترادفاً استعمالنده هیچ بر فائده یوقدره) ذل — (ذالک ضمه سیله)
 ذلیل ، خوار اوله . نکبت — مصیبت . محض — صافی ، خالص اولان .
 محض عدم ، محض حقیقت خالص عدم ، خالص حقیقت دیمک اولور .
 [ایده کور وامثالی تعبیرات مهجوردره . بو موقعه ده شمدی « اتمک » باقیه
 دینیلیر .]



علمدر رابطه عز و علا ،
 علمدر باعث تمکین و صفا ،
 علم بر لجۃ بی ساحلدر ،
 اونده عالم کچینن جاهلدر .
 جهله حق موت دیدی علمه حیات ،
 اوله همخال گروه اموات .
 اوله محروم حیات ابدی ،
 علم ایله فرق ایده کورنیک و بدی .
 حضرتک ناسه بودر تلقینی :
 « اطلبوا العلم ولو بالصدین . »
 ایتمه عار، اوکرن، اوقو اهلندن ،
 هر شیک علمی کوزل جهلندن .
 قنده در بی خبر وقنده خیر ؟
 متساوی دکل اعمی و بصیر .
 جهلدر مایه شرم و خجلت ،
 جهلدر مورث ذل و نکبت
 جهلدر محض عدم ، علم وجود .
 هیچ برابری اولور بود و نبود ؟

[بحر رمل : فعلن (فاعلان) فعلن فعلن]

نهال — داله — مود — بشیک — لحد — تابوت — ماشطه —

۱۰

« خیریه » دن

ای نهال چمن آرای ادب ،
 نور بخشای دل و دیده اب ،
 سخی قیل علم شریفه شب و روز ،
 قالمه حیوان صفت اول علم آموز .
 صفت حضرت مولادر علم ،
 جمله اوصافدن اعلاذر علم .
 مطلب علمه چالیش اول اعلم ،
 « فرضدر » دیدی رسول اکرم .
 بزه امر ایلدی اول صاحب علم ،
 مهددن لحده دک اول طالب علم .
 علم ایچون اولدی شه خطه نور
 « رب زدنی » طلیله مأمور .
 علمدر ماشطه روی وجود ،
 علمدر واسطه بود ونبود ،
 علمدر مائده ربانی ،
 علمدر موهبه یزدانی ،

شارحینک حروف هجا صرہ سبیلہ اسم لری فی و بو اسم لری درون
کتابدہ هانکی صحیفہ لردہ ذکر ایدلمش اولدیفنی مبین بر مکمل
فهرست علاوه اولمش بولمسیدر. نسخہ مذکورہ جهان مدینتک
دارالطباعہ سی حکمنده بولسان (لایزریق) شهرندہ مشاہیر
مستشرقیندن (کوستاو فلوژل) معرفتیلہ طبع ایتدیرلمشدر.

کشف الظنونک مندرجاتی و علی الخصوص بومندرجاتی جمع
ایده بیامک ایچون مؤلفنک مصروف اولان اقداماتی در پیش
نظر ایدیلنجه کرک کتابک اہمیتی، کرک مؤلفنک علوہمت و اہلیتی
کوز اوکنده بیودکجه بیور.

کاتب چلبی سبیلہ تاریخ علومده ابقای نام ایدن مشاہیردن
اولدیفنی کی بوسعینک اسلافی نظرندہ ثمرہ سی دە حاصل اولمشدر.
فی الحقیقہ بو کونکی کون مؤلفات عتیقہنک تدقیقیلہ مشغول
اولاندردن بر عثمانلی دکل، حق ہیج بر اوروپالی و یا آمریقالی یہ
تصادف اولنہ مازکہ حاجی قالفہ نامنی بیلمسون و بونامی کمال
حرمتلہ یاد ایتسون.

حروف معجمہ — نقطہ لی حرفلر دیمک اولدیفنی کی بالجملہ حروفہ دە
اطلاق اولنور. (بورادہ ایکنجی معنادہ در) شوقدرکہ ہرایی صورتدہ
حروف مقطعہ در، حروف موصولہ بہ دلالت ایتز. یعنی (ا. ب. الخ)
حروف معجمہ در، (ب . و .) دکلدر.



اسملری مسالرینه دلالت ایتیمه جک صورتده وضع ایدلمش بولندیغندن بونلرک یالکز اسملریخی ایشتمک ویا کورمکله نه دن باحث بولندقلری آ کلاشیله میه جفی طبعیدر .

بناء علیه لسان فارسی اوزره یازلمش بر « تحفه سلیمانی » نک فن هیأتہ ، عربجه تحریر ایدلمش « مروج الذهب » ک تاریخه ، « خریده الفکر و جریده الدرر » ک زیجه و ترجمه قلمه آلمش بر « تحفه محمودی » نک معادنه دائر بر کتاب اولدینی کشف الظنونه مراجعت ایدلمدکجه فصل بیلنه بیلیر ؟

ایشته بوسببه مبیدرکه تألیفات قدیمه نک تدقیقیله مشغول اولان اوروپا علماسی کشف الظنونه اهمیتنی اک اول تقدیر ایدرک بوندن آلمش سنه اول لاتینجهیه ترجمه ایتمشلر و بو ترجمه بی متن عربسیله برابر طبع ایدرک هم عالم مدینته بر بیوک خدمت ، هم ده کاتب چاپی مرحومک نامنی احیایه همت ایلمشلردر . ۱۸۳۵ سنه میلادیه سندن بدء ایله ۱۸۵۸ سنه میلادیه سنه قدر تمام یکریمی اوج سنه دوام ایدن بو ترجمه مطبوعه « لغات بیلوغرافی و قاموس علوم » نامی تحتنده یدی بیوک جلد اوزره ترتیب ایدلمش و یدنجی جلدینه مصرده کی جامع الازهر کتبخانه سیله شام و سائر بلاد اسلامیه ده بولنان کتبخانه لرک دفتر کتبی و نهایتنه حنیفی زاده نک « آثار نو » ی ذیل ایدلمشدر . بونسخه مطبوعه نک شایان دقت اولان صحتیله برابر بر محسناتی ده ها واردرکه اوده یدنجی جلدینه کشف الظنونه اسملری کچن مؤلفین ویا

كشفت الظنونده اكثر يا موجود كتبخانه لرك هيچ برنده بولميان
 نيجه آتاره وبالخاصه بر كتابك مختلف مختلف شرحلرينه تصادف
 اولنوركه مشاراليهك بومعلوماتي نره دن آلدیغی بالطبع بیلنه مديكي
 جهته بو خصوص اكثر بته حیرتی موجب اولور .

طوغریسی، كشف الظنون اوليه بر اثر دركه اسكيدكه قيمت
 واهمیتی ازدیاد بولور. بو كونیكى كون مدرسه نشین اولان طلبه
 علومدن بدء ایله تعلیم و تدریسه مأمور اولان علمای ذوی الاحترامه
 و یاخود مؤلفات قدیمه نك تدقیقه مشغول بولنان ذوات كرامه
 وارنجیه قدر هر صاحب فنك كشف الظنونه اولان احتیاجی
 تعریفدن مستغیدر. بر كتابك اسمنده و یا مؤلفنده و یاخود تاریخ
 تالیفنده شبهه ایدن و یاخود النسه كچن بر كتابك مؤلفی کیم
 اولدیغی [*] تحری ایلمن کیمسه عجبا كشف الظنوندن بشقه نره یه
 مراجعت ایده بیلیر ؟ کتب عتیقه دن برینك آخرلری طرفدن
 شرح ایدیلوب ایدلمدیكنی و ایدلمش ایسه بو شرحلری یاپان کیملر
 اولدیغی و شارحلرینك اسملری نه دن عبارت بولندیغی نره ده
 بوله بیلیر ؟

على الخصوص قدیمه عادت اولدیغی اوزره اكثر كتابلرك

[*] قدامی مؤلفین شمديكي كچي كتابك اوزرينه اسملرینی یازمازلردی.
 بعض كتابلرك مقدمه سنده مندرج بولنور سه ده اكثر یسنده مندرج
 دلدرد. بوندن طولاییدر كه بر چوق ائارك مؤلفلری مجهول ، یاخود
 مشکوك قالمشدر .
 (مقتطف)

وقنون ایله ۹۵۱۲ مؤلف ویا شارح اسمی ذکر و تعداد ایلمشدر.
کاتب چلبی مرحوم بو قدر معلومات وسیعیهی جمع ایتک
و بویله بر بیوک جلد کتاب وجوده کتیره بیلمک ایچون
در سعادتده و مائوریتله اناطولی، بغداد، حلب، عراقین، سوریه
قطعه لرنده بولندیفی و ایفای فریضة حج نیتله خطه حجازیه
کیتدیکی اناده اوغرا دیفی کتبخانه لرده و پای تحت سلطنت سنیده
صحاف اصنافی یدنده تصادف ایتدیکی نیجه بیک جلد کتابی بر
برر نظر تدقیقدن کچیرهش و بو تدقیقه ۱۰۳۲ تاریخندن بدء ایله
همان تاریخ وفاتی اولان ۱۰۶۸ سنه سنه پک یقین برمدته قدر
اوتوز سنه دوام ایلمشدر.

مولانای مرحوم بو قدر لده اکتفا ایتمه مشدر: دایه مدنیت
اولان صنعت طباعت هنوز جانب شرقده معلوم اولماسنه مبنی
تکثیر کتب ماده سی خطاطلرک قوت و همتلرینه قالمش برشی
اولسیله اکثر کتب فیه نیک نسخهلری پک محدود و عادتاً بعض
اصحاب عرفانک خصوصی کتبخانه لرینه منحصر بولنش ایدی.
ایشته هر بولندیفی محک اهل معارفیه کوریشه رک بولنرک صحبت
علمیه لرندن استفاده ایتکی معتاد ایدنمش اولان کاتب چلبی مرحوم
در سعادت و سائر بلاد اسلامیه ده آوازه صیت و شهرت لرینی ایشندیکی
مشاهیر علمانک نزدینه کیده رک مصاحب تلریله تلذیز دماغ ایلدیکی
صیره ده هر برینک جمع ایتمش اولدیفی کتب نادره یی کوزدن
کچیرمکی ده هیچ بروقت الدن بر آلمشدر. بوسببه مبلیدرکه

۹

کشف الظنون

«کشف الظنون عن اسامی الکتب والفنون» کاتب چلبی
مرحومک انفس آناری اولوب اون برنجی عصر هجری
اواسطنده لسان عربی اوزره تألیف اولنمشدر.

کشف الظنون، مؤلفنک زمانه کلنجیه قدر بین الاسلام
تعلیم وتعلم اولنان بالجمله علوم وفنونک حروف معجمه صرہ سیله
موضوعات وبعض مسائل غریبه سیله غایتی، اسمایله مؤلفلرینک
نام وشهرت ومحل ولادت وتاریخ وفاتلرینی، کتابک زرده تألیف
ایدلمش اولدیغنی وقاج باب ویا فصل اوزره مرتب بولنشدیغنی
وبرچوقلرینک کلمات افتتاحیه سی کوستر بر اثر نافعدر.

کتاب مباحوث عنه بر مقدمه ایله متن اصلیدن مرکبدر.
بش باب اوزره مرتب اولان مقدمه ده مؤلف علمک تعریفیه
احوال وماهیاتندن ومعتبر اقواله کوره تصلیف وتقسیمیه کیفیت
ظهورندن بحث ایدر.

متن اصلی یه کلنجه: بونده کاتب چلبی مرحوم اوچ یوزی
متجاوز علوم وفنوندن بحث ایتمش وجمعا ۱۴۵۰۱ اسامی کتب

ویردکجه دماغه حدت افکار ،
بن سویلرم ، اول کتابت ایلر .

فخر عجمانه دن مصوندر ؛
ابراز حقیقت ایتمک ایستر ؛
بیلیمکسه غرض نه ارغنوندر ،
الحانه دقت ایتمک ایستر .

[بحر هزج : مفعول مفاعیلن فاعولن .]

بید — سوکود اغاجی . نقاد — خالص اقیچه بی زیوفندن ؛ اینی
فکری ، اینی سوزی کوتوسندن تفریق ایدن . قریه — کوی (رانک
سکونی ویا ناک فتحه سیله در . رانک کسره سی ویا ناک تشدید ی ابله او قومق
غلط فاحشدر . اسم منسوبی ده قافک فتحه سیله « قروی » دره . قریه ناک
جمی مجرد حالنده یا ابله « قری » یازیلیر : مصطفی کبی .) زراندود
— التون یالیزی . تاراج — یغما . جاوید — باقی . محفوف —
اطراف قوشادلمش . دشت — صحرا . ترزبان — براسلوب نوین اوزره
افاده افکار ایدن .



تنها براقوب بنی نهایت ،
 مهر اولدی نهان ، صولر قاراردی ؛
 اطرافنی قاپلاینجہ ظلمت ،
 سیاح غریب فکرہ واردی .

محفوف غم اولدی شاد کوکلم ،
 ابر آلتہ کیردی آقباہم ؛
 یاراتی ایتدی یاد کوکلم ،
 اولدی متزاید اضطرابم .

چوقدن بری دل مثال صیاد
 آوارہ دشت ابتلادر ،
 وارمی عجبا بنی ایدن یاد ؟
 یاران دیدیکم ده بی وفادر .

تہامی سیاحتم ؟ دکلدور ،
 وار برده رفیق تر زبانم ،
 گفتاری گزیده ، طبعی نادر .
 کیمدر ؟ قلم دقیقه دانم !

قالسہم نہ زمان حزین و بی یار ،
 تنشیط دلہ عنایت ایلر ؛

بولزمی طبیعتنده انسان ؛
بر خواهش جلسه خفیفه ؟

بر طاغ اتکنده شویله طوردم :
چکمشدی کناره شمسى کهسار ؛
سودم او کوزل یری او طوردم ،
تشکیل ایدیوردی بر چمنزار .

دوشمشدی شواحق جبالک ،
تا نصف فضا به دک ظلالی ؛
جالا او جبالک ، اول ظلالک ،
پیش نظر مده در خیالی .

ایلردی گذرگهن زراندود ،
یر یر کورینن ضیای .واج ؛
آهسته روشله ظل ممدود ،
بر یاندن اونی ایدردی تاراج .

ایتدکجه لطافتن تماشا
« قالسون — دیر ایدم — اوحال جاوید ! »
چوق سورمدی اول نظاره حیف ،
کیتدکجه ازالدی نور خورشید .

۸

شام غریبان

گه بر او وده سفر گزینم ،
 بیگانه سی شاخ سایه پرور ؛
 گه بر لب جوده خوش نشینم ،
 پرورده سی بید سایه گستر .

جولر کبی سو بسو رواندر ،
 بیلیم نه زمان مقیم اولور دل ؟
 نقاد غرائب جهاندر ،
 حکمت کوره رک حکیم اولور دل .


گاهی چیقور بوفق دلخواه ،
 بر شهر جسیمه شاهراهم ؛
 آقشام اولیورده اولیور گاه ،
 بر قریه مصادف نگاهم ،

انای سفرده چشم امعان ،
 کوردکجه مواقع لطیفه ؛

بیاضی غرّة صبح سعادت،
 سوادى سرمه چشم جهانیین،
 سواد خط ایچنده نقطه لردن
 شب تاریك ایچنده شکل پروین .
 اگر چه نقطه در صورتده اونلر،
 ولی معنی یوزنده خال مشکین .
 اداسی سلسبیل باغ رضوان،
 حروفی روضه دن گلش ریاحین .
 نه دریادر بو شعرک بحری یارب!
 که اوندن کائنات اولمش کهرچین .

[بحر هزج : مفاعیلن مفاعیلن فعولن .]

عقد — کردانلق. حسان — شاعر پیغمبری. پیروزه — فیروزه
 (پیروزه دیدیکمز ماوی طـاش) . پروین — اولسکر . ریاحین —
 فسلکن مناسنه اولان (ریحان) ک جمعی .



۷

اوصاف جمیلہ اجداد شہنشاہی

قانونی سلطان سلیمان خان حضرتلرینک تنزلاً تنظیم و خط
ہایونلریلہ تحریر بیوردقلری برغزلک وصفندہ کی قطعہ دن :

جهان معدرات ، کان مرہوت ،
پناه ملك وملت ، نصرة الدين ؛
شه عادل ، سلیمان خان غازی ،
معز الدوله ، سلطان السلاطین ،
نه خوش قیلدی کورک [۱] آثار لطفی ،
جهان صورت ومعنای تزیین !
ویروب فضل وکمالی خسروانہ
معانی ملکنہ ترتیب و آیین
ینہ نظم ایلمش بر عقد کوہر ؛
ایدر بیک کرہ حسن کورسہ تحسین .
مثال خردہ پیروزہ خطی ،
مجلی صفحہ سی برلوح سیمین ؛

[۱] لسانک حال حاضرینہ کورہ « بافک » دیمکدر .

فرقتله دوشورمه اضطرابه ،
 آسایش بالن التزام ایت .
 امنیتک اولمسون کلابه ،
 حفظکده اونک سن اهتمام ایت .

[بحر هزج : مفعول مفاعیلن فعوان.]

لحن — قاعده موسیقیه به توفیقاً ترتیب اولغش صوت ، ازکی .
 رباب — (رناک فقه سبله) کانیچه . علام — زیاده بلغمی اولان جناب
 حق . معلومات واسعه صاحبی انسانلره علامه دینیلیر؛ علام صفی الله
 مخصوصدر . اکوان — عوالم وجود . منقاد — انقیاد ایدن ، مطیع .
 برج حمل — مدار ارضه منقسم اولدینی اون ایکی برجدن بریدر که
 اونده کی کواکبک شکل مجموعی همه ، یعنی قوزی به تشبیه اولغشدر .
 حمل حانک و ممیک فقه لر یله در . کهواره — بشیک . بالین — یاصتیق .
 نوحه — فریاد . مهر — (ممیک کسر سبله ، فارسی) محبت ، سوکی .



بیلمم که نه دن بو مهر ساری ؟
 بیلمم که نه دن بو شوق ملهم ؟
 ایتدیرمز ایدم این وزاری
 اولسه ایدم اگر سنکله همدم !
 مادر فقط ایسته مز آیرمق ،
 ایستر سفی کندیزی قایرمق .

§

ای مادر مهربان ، نه دیرسک ؟
 هیچ قالمیدی فراقه طاقت ؟
 فریاده نیچون قیام ایدرسک ؟
 حالکده امان نه در او خشیت ؟
 صبر ایت ، قوزیکی آلیر ، کیدرسک ،
 خوف و خلججان بولور نهایت .
 هپ عیش و صفاده عادت اوزره
 کچسون کونکر سعادت اوزره .

§

قاندر شو غیری شیر نابه ،
 کردیر دزه لرده ، شاد کام ایت .

نوحه کله درونم اولدی سوزان
 آتلیمیدر سنک سرودک؟
 کوکلمده ملال ایدر نمایان
 ساکن نظر کدر نمودک.
 بیزار میسک محبتمدن،
 رنجیده میسک حرارتمدن؟



آرتار خلجان قلب زارم
 طوتدقجه سنی جنانم اوزره.
 بوس ایتمده قالماز اختیارم
 سوردکجه یوزک دهانم اوزره.
 «مه! مه!» دیشک آلیز قارام.
 کلدکجه بو سوز لسانم اوزره.
 سینهم نه اولوردی سوتله طولسه،
 ارضاعکه اقتدارم اولسه!



ارضاعکه چاره یوقسه باری
 همشیرهک اولوب سنکله کز سه م!

یاخود که دوشوب زمینه بر نور
 قیز صورتنه تمثیل ایتمش .
 بر نازلی قوزی اولنجه منظور
 امیزشنه تمایل ایتمش .
 کوکسندنه طوتوب او نو حیاتی ؛
 ایلر شو زمینده التفاتی :



ای کورپه قوزی وفاگزین اول !
 قاجمه او قدر سنی سوندن .
 ترك ايله توحشی ، امین اول ،
 کلز سکا بر خسار بندن .
 چیق سینه مه ، چیق ده دلنشین اول ،
 کس رغبتنی بر آز چندن .
 گهواره سکا قوجاغم اولسون ،
 بالین سرک یناغم اولسون !



ای مولس جان نه در بو افغان ؟
 اینجیدی قوللرم وجودك ؟

فطرتده تمایل وتودد
فیض سریان رحمتکدر .
عالمده شو متصل تجدد
هپ صنع کمال قدرتکدر .
سبحانک ای مؤثر کل !
سبحانک ای مدبر کل !

§

مولود نه دن حریص مادر ؟
مادر نه ایچون اسیر نوزاد ؟
آیا نه صفا بولوبده دختر
اولمش قوزیسیله انسه معتاد ؟
فرمان محبتہ سراسر
فطرت نه دن اولدی بویله منقاد ؟
یارب سکا طوغری فکری اعلا
ایتمزی بو جنق تماشاً ؟

§

جستدن اوچوب سایه بر خور
برج حمله تقابل ایتمش .

هر شعر بلیغ حکمت آلود
 بر نکته سیدر کتاب حق !
 هر لحن لطیف رقت افزود
 بر نغمه سیدر رباب حق !
 هپ طبعه صفا ویرن بدایع
 یا ربی ! سکا دکلی راجع ؟

§

شانکله عظیمسک که اولمش
 هر ذره به منعطف جمالك .
 علام و حکیمسک که اولمش
 هر ذره ده منجلی ، ائلك .
 خلاق کریمسک که اولمش
 هر ذره ده منعطف جلالك .
 نورکله سن اولسه ک نمایان
 ظلمتده قالیردی هپ بو اکوان !

§

اشیاده تناسل و توالد
 حکم جریان حکمتکدر .

۶

تصویر [*]

سیر ایله شو لوح نازنینی :
 گویا بورینور بهشته صحرا !
 فکر ایت شو خیال نو زمینی،
 کوردکی بو یولده شعر غرا ؟
 گوش ایت شو ترانه حزینی :
 استاد نه صنعت ایتش اجرا !
 نسبت بونی دیگره خطادر ،
 منسوب الیه اوکا خدادر .

§

هر نقش بدیع حیرت اندود
 بر جلوه سیدر جناب حق !

[*] اون اوچ اون دوت یاشنده بر کویلی قیزك واحتمال که بر قیز
 چوبانك یکی طوغمش بر قوزوبی قوجاغنده ملوتوب سودیکنی وقوزینك
 آناسی ده مشتاقانه وخائفانه یاوروسنه حصرنظر ایده رك دهنگشای فریاد
 اولدیننی ارانه ایدر بر رسم ایچون سویلنمشدر .

معارف برخوردارشید نوار فیض آثار در. جستجوی حقایقه
 کندیسندن استناره ایدنلر معرفه الله قدر یول بولورلر .
 « عرفان اعلی » دیدیکمزده بودر .

اللهك قدرت وعظمتی ، دینك لزوم واهمیتی ، شریعتك
 حقیقت و حکمتی آنجق معارف سایه سنده تقدیر اولنه بیلیر .

مستکن — مضمهر ، صافلی . ثله — (غره وزننده) رخنه ،
 کدیک .



۵

معارف

انسان - که خلاق جهانك اشرف مخلوقات اوله رق احسن تقویم اوزره یار اتدینی بر موجود فانی-در - استکمال شرف انسانیت ایچون دائما چالشمق مجبوریتند-در . چونکه انسان خیر طینتند- مستکن اولان جوهر قابلیتی جلالندیر مق ایچون مطلقا سعیه محتاجدر .

ترجه چالشمق دیمك اولان بو سعیدند-در مقصد یالکز سد ثلمه جوع ایچون ناپاره تحری وتدارکندن عبارت دکلدر . اگر چالشمق مجبوری یالکز بونقطه یه انحصار ایتمش اولسه یدی اوحالده حیوان ایله انسان آره-سند-در پك-ده فرق اولماق لازم کلیردی . چونکه حیوان-ده اوجسته-جوده انسانه مشارکدر .

تکرمیم الهمینك مقتضاسی اوله رق مخلوقات سائر زبون پنجه تسخیری اولان بشر شان آدمیسنی زمین پست تنپوریده بولمقله دکل بالعکس یوکسله ، یوکسله آسمان عرفان اعلا یه ارنقا ایله ملکوتیلری حیران کمالی ایتمکه محافظه ایلرکه بونك ایچون-سلم اعتلا معارفدر .

صره سنده دخی ذکر اولنه بیلیر . شعرك صنایع نازکه دن
 فن معماری ایله ده مشابق ادعا اولنه بیلیر، شاعر سوزدن عبارت
 نر بنا تأسیس ایدرکه اوسوز بناسی بر قاچ حرفه، بر قاچ یابراق
 کاغده طیانهرق دنیا طور دجه باقی قالیر .



کاغذک ، برشمعک ، بر دیوارک اوزرینه بویالرله بر طاقم اجسام
تصویر ایتدیکی حالده شاعر جناب خالقک نوع بشره اک بیوک
موهبه سی اولان سوزله نیجه حسیات دقیقه، نیجه افکار عالیه،
نیجه احوال طبیعیه تصویر ایدر. رسامک الی فیرچه سی، شاعرک
الّی ایسه دلی ودها طوغریسی فکری وقلیدر. انسان طبیعتک
تقلیدینه میالدر، دائماً طبیعتک بر منظره سی ویا بر حالی تقلید ایتمه
چالیشیر و تقلیده موفق اولدیغنی کوردکده زیاده سیله ممنون
و محظوظ اولور. او ممنونیت، او حظ معنوی و عالی بر حظ
و ممنونیتدر. «حظ» تعیرینی حسیات جسمانیده و «ممنونیت»
تعیرینی منافع عادیّه مادیده استعمال ایتمه آلمش اولدیغمزدن
انسانک غایت کوزل بر رسم کوردیکی ویا غایت کوزل بر شعر
ایشتدیکی وقت حس ایتدیکی حالی «حظ و ممنونیت» تعیریه افاده
ایده میز. اوپک عالی و معنوی بر حالدر، بر وجد و هیجان حالدر؛
روح دیدیکمز بر بحر داخلینک یا بر غلیان فوق العاده ایله تموجه
کلسی و یا خود بر بهت و حیرت تاثیریه فوق العاده بر سکوت
لطافتی کسب ایتمسیدر. الحاصل رسمک ماده تصویری ایتدیکنی
شعر معنی تصویری ایتدیکندن و رسمک کوز طریقله انسانک قلبه
ویردیکی تاثیری شعر قولاق طریقله القا ایتدیکندن شعرک رسم ایله
مشابهق اولدیغنی کبی دیگر طرفدن دخی موسیقی ایله اولان مناسبتی
معلوم اولمغله شعر ادبیاته منسوب اولدیغنی حالده «صنایع نازکه» [۱]

۴

شعرک ماهیت و حقیقتی

شعری تمامیلہ توصیف و تعریف ایتک ظن اولندیقی قدر
قولای دکلدر. موزون و مقفی سوزہ شعر دیمک شعرک و شعرانک
قدرینی پک آشغی یه تنزیل ایتکدر؛ نیجه موزون و مقفی سوزلر
شعر عنوانه مستحق اولمقدن پک اوزاق و نیجه وزنسر، قافیه سر
سوزلر بحق شعر عنوانه لایقدر.

شعره طوغری بر تعریف آرادیمز حالده وزن و قافیه کبی
قیوددن صرف نظرله اوصاف حقیقیه و معنویه سنه رعایت
ایتمک کمز اقتضا ایدر. بو حالده دیه بیلیر زکده: رسام طبیعتک اجسام
و منظره لرینی ترسیم ایتدیکی کبی شاعر دخی افکار و حسیات
بشریه یی و احوال و وقایع متنوعه یی تصویر ایدر. رسام بر طاقم
خطا بر و بویا لرله مجسم بر منظره اراه ایتدیکی کبی شاعر دخی بر
طاقم سوزلرله انسانک فکر و قلبی عادتا تشریح ایده رک کافه نکات
و دقایقه ییله تصویر ایدر و یا خود اوزاق بر یرده و نیجه عصر لر اول
جریان ایتش و قوعات و احوالی انسانک کوزی اوکنه کتیره رک
مجسم صورتده کوستره. شاعر معنوی بر رسامدر. رسام بر.

اوله ده دولتک مهمسازی
 جد و اقدامی بی مدانیدر .
 ایلسون چوق زمان جناب خدا
 تحت عالیسنه شرفبخشا .

[بحر خفیف : فعلائن (فاعلائن) مفاعلن فعلن .]



۳

ستایش حضرت پادشاهی

ظل حق پادشاه ذیشانک ،
 ملکینه لطفیدر مفیض حیات .
 بونجه آثار ، بونجه تائیسات ،
 محض احسانیدر او سلطانک .
 یاراشیر دینسه عهد اجلالی ،
 ملتک دور فیض واقبالی .

متواضع ، کریم ، بنده نواز ،
 متورع ، رحیم ، داد آور .
 قدردان ، ملتفت ، ستوده اثر ،
 اهلپرور ، ذکی ، سخن پرداز ،
 نامور ، کامبین ، همایون بخت ،
 تاجدار وقور دارا تخت .

نامی عبد الحمید ثانیدر ،
 ذیل عنوان شوکتی غازی .

نعت شریف

ای شاهد بزم لیل اسرا
 نعلینکه فرش عرش اعلا !
 کورمشمی کا جهان ایچنده
 گردون هزار دیده همتا ؟
 سن بدر تمامی کیمسه کورمز ،
 کوزلرده اگرچه وار بو سودا .
 حسنکله مزین اهل صورت ،
 خلقکله مشرف اهل معنا .
 وصفکده عقول خلق عاجز ،
 علمکده جهول قلب دانا .
 آینه وجه رب عالم
 مجموعه فضل آل آدم .

[بحر هزج : مفعول مفاعیل فعلن .]

« اعلیٰ ، معنی » برادات الحاق اولند قجه یا ایله یازیلیر. آنجق — بو
 مثلاًو دیگر کله لر کبی — الف قافیه سنده استعمال اولند قجه یا ایله
 یازلاماق معتاد اولدیفندن بوراده او اعتیاده مبنی الف ایله تحریر
 اولمشدر .

روزن دیده‌یه ضیاسندن ،
 روضه سینه‌یه صفاسندن!
 شاهد صیفه زیب و فرسندن ،
 خسرو صبحه تاج زرسندن!
 قبله روح آستانه کدر ،
 دل مجروحز خزانه کدر!

[بحر خفیف : فعلاتن (فاعلاتن) مفاعان فعلن .]

خالق الخلق — مخلوقات یارادان . باعث الاموات — اولولری
 آخرتده دبرلدن . قیوم — ازلی، قدیم، قائم بذاته . ملکوت — عز
 وعظمت . (ملک عالم ظاهرده، ملکوت عالم باطنده اسقعمال اولنور .)
 جبروت — کبر، عظمت، بیوکک . روزن — پنجره . روضه —
 باغچه . شاهد — کوزل . خسرو — ایران ملوک قدیمه سندن بری،
 حکمدار . آستانه — اشیک . خزانه — خانک کسره سیله خزینه .



تضرع


ای کشاینده خزائن جود ،
 نقش پیوند کارگاه وجود !
 خالق الخلق ، باعث الاموات ،
 عالم الغیب ، سامع الاصوات !
 حیّ و قیوم و قادر و قاهر ،
 اول اول ، آخر آخر !
 علم افراز عالم ملکوت ،
 مشعل افروز طارم جهنم !
 « شهد الله » [۱] گواه معرفتک ،
 « وحده لا شریک له » صفتک .
 ابتدا که سنک بدایت یوق ،
 انتها که سنک نهایت یوق .
 نقش بند وجود یوق غیرک ،
 مستحق سجود یوق غیرک .

[۱] « اللهم انی بشقه بر معبود اولدیغنه ذات الوهیتی ، ملائکه کرام ،
 اصحاب علم قائم بالعدل اوله رق شاهد در لر . » مآل طالبسندده اولان آیت
 کریمه به اشارت در .
 (مقتطف)

اقتطاف



ایکینجی قسم




منظوم و منشور قرق قدر اثری حاویدر

۱۳۲۰



مزارستان	۲۰	۸۳
صلاح الدین ایوبی	۲۱	۸۵
بر شهید او غلثک لسانندن	۲۲	۸۸
پدرک و یردیکی جواب جمیل	۲۳	۹۰
چلبی سلطان محمد خان اول حضرتلری	۲۴	۹۴
ستایش حضرت پادشاهی	۲۵	۹۷
بر نطق	۲۶	۱۰۱
بر حکایه تاریخیه	۲۷	۱۰۴
چیچک	۲۸	۱۰۶
لزوم سعی و عمل	۲۹	۱۰۸
غازی ارطغرل بك منظومه سندن	۳۰	۱۱۴
قرآن کریم	۳۱	۱۱۶
سلطان احمد خان اول حضرتلری و صفنده	۳۲	۱۱۸
بر قصیده دن		
یاد صباوت	۳۳	۱۲۰
اناطولی حصارنده مزارلق	۳۴	۱۲۵
حضرت فاتح	۳۵	۱۲۸
اشیاده جست و جوی حقیقت	۳۶	۱۳۰
قبر لافسیج	۳۷	۱۳۳
بر قطعه دن	۳۸	۱۳۵
نظمك نثره تحویلی		۱۳۷
توسیع اولنه حق و موضوعار		۱۴۱




فهرس

صيفه		
۳	طبع اولك مقدمه سى	
۱۱	مطالعه آثار	
۱۵	توحيد	۱
۱۷	نعت شريف	۲
۱۸	ستایش حضرت پادشاهی	۳
۱۹	اوقومق یازمق	۴
۲۲	محاوره حکمیہ	۵
۲۵	ملاحظات متنوعه	۶
۲۸	قوزی	۷
۳۱	اداب مصاحبت حقنده فرانقلنك وصایایى	۸
۳۳	حسنك غزاسى	۹
۴۲	شفقت مادرانه	۱۰
۴۵	رسام رافائل	۱۱
۴۷	استمرا	۱۲
۵۰	قیثره محاصره سندن	۱۳
۵۵	خیریه دن	۱۴
۵۷	تدمر خرابه لرینى زیارت	۱۵
۶۱	استانبولك محاصره وفتحی	۱۶
۷۰	بر اثر مروت	۱۷
۷۴	ستایش حضرت پادشاهی	۱۸
۷۷	عمرک چوجقلغندن	۱۹

۶۴

شایان تحسین بر حرکت

بوغاز ایچی واپور لرندن بری اسکله دن آیرلق اوزره ایکن
 واپوره آتلامق ایستیان برلی قانلی دکیزه دوشدی . هر کسده
 حاصل اولان اندیشه تصویر اولنه جقدر . بر آدم همان صوینوب
 دکره آنیلهرق دلی قانلی پی قورتاردی . بو آدمک حرکتی تحسین
 اولنه جقدر .



الك زیاده کلمات فارسیه ده کی عربی و فارسی کافلر التباسی
 موجب اولدیفندن کاف فارسی گ صورتنده ترتیب اولنمشدر .

برنجی قسمک صوکی



۴۲

خيله کارلنك انجامی

برسونجینك سكرز اون قیونی واردی . بونلردن آلدینی
 سوده صو قاناردی . بر آدم بوحاله واقف اوله رق نصیحت
 ایشدی ، دیکلنديره مدی . (ایکیسی مکالمه ایتدیريله جکدر) بر
 کون برسیل کلدی ، قیونلری اوتلامقده اولدقلری صیرتدن
 آلوب نهره کوتوردی ، سونجی تلاش و فریاده باشلادی . ناصح
 سوده قاندینی صولرك بریکوب قیونلری کوتوردیکنی سوبلدی .
 (کذلك مکالمه ایتدیريله جکدر .)

::

۴۳

مکتوب

امتحان خصوصی به کیرمک اوزره اولان برافندی طرفندن
 نتیجه امتحانندن اندیشناک ايسه ده چالشمقده اولدیغنه ، هانکی
 درس لرده سهولت و هانکیلرنده صعوبت بولندیغنه ، اک زیاده
 هانکی بحثلرك سؤالندن قورقدیغنه دائر بر شهرده بولسان
 بر ادرینه جوابنامه .

::

۶۱

يالانچينك محبوبيتي

برچفتلك صاحبك اوغلنه اقرباسندن برى طرفندن بر قاچ
 اويونچاق هديه اولمشيدي. بونلرله اويناديغي، سوينجي تصوير.
 باباسى بر كون ذخيره صائق اوزره قصبه يه كيدهك ايدى.
 اويونچاقلر غائب اولدى. چوجق آرادی، بوله مدي؛ اغلامغه
 باشلادی. باباسى قصبه دن عودتنه قدر بغدادى كوركلمسنى امر
 ايتدی. چوجق آقشامه قدر قيرلرده اوپون ايله وقت كچيردی.
 پدرينك عودتنده امرينى ايفسا ايلديكنى افاده ايتدی. پدر
 اويونچاقلرى سؤال ايتدی. بوله مديغنى سويلدی. باباسى چوجق
 ايله برابر انباره كيدهرك بغدادى قاريشديرنجه اويونچاق ميدانه
 چيقدی.

چوجفك حالى تصوير اولنه جق، چوجق بر دهـا يالان
 سويلمه مكه عزم ايلدی.

مجبوبتی تصویر اولنه جقدر (ساعتک صاحبی یونی بخش ایتمش
بولندیغنی افاده ایتدی . سارق بو معامله دن فوق العاده متأثر
اوله رق تهذیب اخلاق ایلدی .

••

۶۰

عربلرک مکارم اخلاقندن بر نمونه

اندلس عربلرده ایکن بر اسپانیول دلی قانلیسی بر عرب
کمنجی اولدیروب دردست اولنماق ایچون فرار ایلدی . بر
باغچه یه کیروب صاحبی اولان عربیه عرض حال ایله دخالت
ایتدی . صاحب خانه قاتلی باغچه اورته سمنده بر کوشکه اخفا
ایلدی . بر قاچ ساعت صکره بر دانه جک اولان اوغلنک
بر اسپانیول جانبنده اعدام ایدلایکنی خبر آلدی ، حقیقی آکلادی .
بر اوطیه چکیلرک آغلادی . اسپانیولی قاجیرمق اوزره کیجه
یاریمی یانسه کیتدی . اسپانیوله مقتول اوغلی اولدیغنی افاده
ایدنجه قاتل قورقدی . صاحب خانه ویردیکی سوزدن نکول
ایتمه جکنی افاده وانتقامنی جناب حقه حواله ایدرک قاتله همان
فرار ایتسنی اخطار ایتدی و تسهیلات کوستردی .

••

۱۸

اشتغال بیهوده

کبرادن برینک حضورینه بر شخص کله رک فوق العاده بر
 هنر عرض ایده جکفی سویلر . مساعده اولنور . برچوالدیز
 چیقاروب دیگر . اوج بش آدیم اوتهدن یوز دانه ایکنه یی برر
 برر آتهرق چوالدیزک کوزندن کچیرر . اوزات بو هنری قاچ سنه ده
 تحصیل ایتدیکنی سؤال ایدر . شو قدر سنه چالشمش . یوز دکنک
 اوردر دقدن صکره یوز آلتون ویرر .

نتیجه: دیمک که فائده سی اوله بیله جک هنر لرله اشتغال ایتلی .

..

۱۹

بر اثر صروت

بیک تاریخلری اکابرندن بر ذاتک غایت قیمتدار بر ساعت
 وار ایدی . قوناغنه کلنلرک جمله سی حضورینه قبول ایتدیکندن
 بر شخص ساعتی چالمشیدی . چارشویه کتوروب صائمق ایسته دی .
 ساعتی بیلدیلر ، او ذاتک حضورینه کتیردیلر . (سارقل

۱۶

دکیز

دکړده اول فصل سياحت ايديليروي ؟ شمديکي سفانک
انواعي . (معلم افندي تفصيلات شفاهيه اعطا ايده جکدر .)

* *

۱۷

وظيفه سي اغورنده فداي نفس ايدين بر مأمور

۱۳۱۰ سنه سي موسم صيفنده آمريکا اورمانلرنده حريق
وقوع بولدي . هفته لرحه دوام ايديوب بر چوق کويلري ،
قصبه لري ، شهرلري ياقدي . بر قصبه نك اطرافني حريق احاطه
ايديوردي . اهالي سي ايچون يگانه چاره سلامت تلغرافله بر تيمور
يول قطاري ايسته مك ايدي . حال بوکه تلغرافخانه يانغه ياشلا .
مشيدي . تلغراف مأموري ايچري کيردي ، تلغرافخانه بسبتون
ياندی . يکرمي دقيقه صکره بر ترن کلدي .

* *

۱۴

آت ایستریدیه یر ایمش

برانکلیز سیاحی بر مسافر خانه یه کلیر. هوا صغوق سالونده
یر بوله ماز. مسافر خانه صاحبنه آتی ایچون بر دوزینه ایستریدیا
ایستر، هر کس تماشا ایتک اوزره آخوره اینر. مسافر خانه
صاحبی عودت ایدوب آنک ایستریدیه یمدیکفی بیان ایلر. بر کوزل
یر بولش اولان انکلیز کندیمی اکل ایدر.

(انکلیز ایستریدیه بی اصمارلدینی و مسافر خانه صاحبنک
عودت ایتدیکی زمان هر ایکیمی مکالمه ایتدیر یله جکدر.)

∴

۱۵

دکیز

دکیز نه در؟ جزر ومد. سواحلک احوالی. دکیز مخلوقات،
بونلردن انسانلرک استفاده سی. دکیز آوجیلری. دکیز اقوامی
ربط ایدر، قطعات مختلفه آره سنده تجارتیه واسطه اولور، اقوامه
بر بر یله کسب مناسبت ایتدیرر. (معلم افندی طرفندن تفصیلات
شفاهیه اعطا اولنه جقدر)

∴

تاخيرك مضرتي بيلور، دوشونيور، مطلقا يارين ايشه باشلا -
 يه حق . ايرتسي صباح تخطر ايدييوركه جوارده پناير وار . بر
 كوندن نه اولور؟ ايرتسي كوني يورغون . او بر كون هوا فناء،
 دها ايرتسي كوني قصبه ده دوكون وار ايمش . برايكي كون دها
 ... برايكي كون دها ... وقت كچر . يالكنز بر كون تاخير
 نتيجه سي اولق اوزره اوسنه ايكي دونم ترلا الدن چيقار .

..

۱۴۳

تجارت مكاتبه سي

قونيه تجارندن محمد افندي يكرمي سنده دن بري تجارت
 ايتديكندن و انتظام معاملات و اعتبارينه دائر اوج تاجردن
 آلايني شهادتنامه يي لف ايلديكندن بحث ايله صاتلديجه پاره سني
 كوندركم اوزره يكرمي بيك غروشلق اشيا ارسالي ايجون
 قره مرسل فابريقه سنه مكتوب يازيور . (تكليفك قبولي
 فابريقه جه نافع اوله جفنه دائر دلائل لازمه ايراد ايدم جقدر .)
 ربه ني پيشين كوندركسه تكليفي مع الممنونيه قبول اولنه جفنه دائر
 جواب . (بوصورتى محق كوستره جك اسباب ايراد اولنه جقدر .)

..

يکرمی دقیقه صکره خانه ده ، اشیهاده محترق اولدی . چوجق
نادم اولدی .

••

۱۱

ایسلک مکافاتی

اصنافدن چوجقی اولمیان فقیر بر آدم بش آلتی یاشنده
کیمسه سز بر چوجق بولور . خانه سنه کتیرر . زوجه ده ممنون
اولور . (زوجه سیله مکالمه ایتدیر یله جک .) چوجقی کندی
اولاد لری کبی تربیه ایدر لر . چوجق اون بش اون التی یاشنده
ایکن استحصال رخصت ایده رک بریکدیر مش اولدینی بر قاج
یوز غروش ایله اوزاقچه بر بلده یه کیدر . بر تاجره یازیمچیلقدن
باشلا یوب کسب ثروت ایده رک اون سنه صکره عودت ایله مضطر
بولنان او فقیر وفقیره یی ترفیه ایلر .

••

۱۲

تنبلک

... کوبندن ولی دایی قبل . ترلایی سورمه زمانی کلش .

۹

فيلك ذكاسى

فيل ذكى بر حيواندر ، همدليلر امور يتيهده استخدام ايدرلر . بركون بر فيلك صاحبي قزغانى تعمير ايتدرمك اوزره حيوانه تحمیل ايله قزغانجى يه كونددر . فيل قزغانى ياپديروب كرى كنيرر . صاحبي قزغانك آقمده اولديغنى كورر ، فيله كوسترر ، تكرار كونددر . فيل يولده قزغانى طولديروب قزغانجينك باشنه طوتار . قزغانجى بودفعه كوزل تعمير ايدر .

••

۱۰

سیفاره — يانغين

بر چوجق سيفاره يه آلشمش ایدی . اوطهده کيزليجه سيفاره سنى ياقش ، النده سيفاره پنجره دن باقوردی . ياننده کی کاغد ، کتابلر ، پوق مندر يانغه باشلادی . چوجق سوندرمکه چالیشیوردی . کوچ حال ايله اوطه دن چيقه بیلدی . اشاغیده مشغول اولان والده سی گلش ايسه ده ایش ايشدن کچمشییدی .

۷

مکتوب

بر چفتلك صاحبي بو سنه نك محصولندن نفيس اوله رق شو
 قدر بغدادی وشو قدر آرپه سی اولدیغندن طالب ایسه فیئات
 بیلدیرمسنه ونمونه لرینی کوندردیکنه دائر اوتهدن بری آلیش
 ویریش ایتدیکی بر تاجر مهکتوب یازه حق . تاجرده فیئات
 وشروط بیانیه جواب ویره جکدر .

::

۸

مکتوب

مکتب سلطانی شاگردانندن بر افندی کوچک برادرینک
 مکتب ایتدائیدن چیقوب مکتب رشديه داخل اولمسی اوزرینه
 درس لرینه دقت ، معلم لرینه حرمت ایتمسنه ، رفقا سیله کوزل
 چکمسنه ، ایلرینی تقلیده چالیشوب بدخوی اولانلری وارسه
 اولردن اجتناب ایلمسنه دائر مهکتوب یازه جکدر .

::

چالیشقان، تنبل

بر مکتب رشديه ده بری چالیشیر، دیکری چالیشماز ایکی
شاگرد. چالیشان هر کونکی درسفی استحضار ایدیور، چالیشمیان
« امتحان زمانه چوق وقت وار » دیور. امتحانده برنجیسی
ترفیص صنف ایدیور، نائل مکافات اولیور، ایکنجیسی صنفنده
قالیور. هر ایکسینک خانه لرینه عودت لرنده کی حالی.

••

۶

اکمک نصل یاپیلیر؟

بغدا ی کاله کلنجه ییجرلر، دمت یاپارلر، خرمنده دوکرلر.
انباره قورلر. کو یلو بغدای دکرمنه کوتوروب اوکودور.
زوجه سی خیر یاپار. بر طرفندن ده قرون ایصینیر. بر ساعت
صکره چیقاریلیر. اکمک یاپلمش بولنور.

(معلم اقدی شفاهاً اعطای تفصیلات ایده جکدر)

••

قدر اطفاسه، کلر اولمديغدن يالانچي خانه سزقالدى. — خانه نك
اطرافه اتراپي اولمديغدن بشقه لري منضرر اولمديلر.

• •

۴

حيوانات بيله انسانلري سعيه تشويق ايديور

چوجقار درسه چاليشه جقلى زمان كنديلريني اذيت
ايچنده كوررلر. اويوني مرجح بولورلر. حال بوكه حيوانات
بيله بزي سعيه تشويق ايديور. قرنجه نك حالي، آريلر، قوشك
يووه يامقوله اشتغالي. اوروجك ده متصل اوغراشيور. بو حالده
بتون مخلوقات انسانلره ديوركه ...

• •

۵

حساد، غبطه

برنجيسنك مذموم، ايكنجيسنك مقبول اولديغنه دائر
مطالعات.

• •

توسیع اولنه جق موضوعلر

۱

مکتوب

تعطیل زمانتی ابونی ایله برلکده امرار ایدمرك مکتب
سلطانییه عودت ایتمش اولان بر افندی طرفندن درسعادته
وصولنه ودرساره بدء اولندیغنه دائر پدرینه مکتوب .

::

۲

یالانچینک او ی یانمش کیمسه اینانماش

بر کویلو قریه اهاالیسنی « یانغین وار » دیه آلدادیر ،
کندیله استهزا ایدردی . بو صنیعه یی بر قاچ دفعه تکرار
ایتدی . بر کون حقیقه کندیسنک خانه سی طوتوشدی . باغیروب
چاغیردی . کیمسه اعتماد ایتدی . حریق کسب شدت ایدنجه یه

خروس ايله اينجی - جاهل ايله کتاب

برخروس چوپلکده اشینوب طورمقدمه ایکن غایت کوزل
بر اینجی بولمشدی . بر قیوججی به کوتوردی . قیوججی اینجینک
بیوکلیکنه ، مدورلیکنه ، دوزلیکنه عطف نظر حیرت ایتدکده
اولدینی صیرهده خروس اوتہ طرفدن « خیلی قیمتی بر شی
اولق کرکدر ، فقط بر قاچ داری دانه سی بوله بيلمش اولسه
دها زیاده ایشمه یارار » دیمکده ایدی .

قدرینی بيلمیلر الیمدهده الک کوزل کتاب خروس انه
دوشمش اینجی کیدر . خروس عقلنده اولان بر جاهل وقتيله
میراث پدر اوله رق قیمتی بر کتابه نائل اولمشییدی . قومشوسی
اولان بر صحافه کوتوروب ارئه ایلدی . صحاف کتابک نادر
بولنور بر اثر اولدیفنی آکلایوب « بونی شونک الندن آلق پک
کوج اوله جقدرا » ديه دوشنمکده ایکن میراثخوار « بو کتابک
خیلی فائده سی اولق کرکدر . فقط بن نه یابه جقم ؟ بر قاچ غروش
ویره جک اولسه لر البته او پاره لری آلق دها ایدر . » یولنده
اعلان حماقت ایلدی .

ناب — صافی ، خالص . نفیس — رغبت اولنور درجهده کوزل .



آکلاشیله جنی اوزره الفاظ عیناً آلمقدن بشقه «خانه» یرینه
 «او»، «سوز» یرینه «سخن»، «والده» یرینه «مادر»
 کبی کلماتک مقابلری یازلمقلده اکتفا اولنه جق دکلدر. حل
 صورتیه وجوده کله جک یازی نظمدن بسیتون بشقه اوله جقدره.
 نمونه اولق اوزره شونظمی او یولده نثره تحویل ایده جکزه:

خروس و اینجی

سرسری بر خروس خانه خراب
 اوغریلار هر نصلسه بر درناب
 کوستروب بر قویو بجی به گهری
 دیرکه: «ظنم زیاده در دگری؟
 بوله بیلسم بر آز داری اما
 کوریلوردی ایشم دها اعلا»
 بر کتاب نفیسه بر جاهل
 اولدی ارثاً - قضا بویا - نائل
 جاری صحافه عرض ایدوب اثری
 دیدی: «ظنم چوق اولمی هنری؟
 ویرن اولسه فقط بش اون مانغر
 بنجه اون کره بوندن اعلا در!»

[بحر خفیف: فعلاتن (فاعلاتن) مفاعلاتن فغان]

بیتی شو صورتجه بویه حل اولنور :

« بو کائنات هر ذره سنده بشقه لسان فصیح ایله وجود
خدایی اعلان ایدر . »

برده بو صورت حله :

« ای آفتاب خاور شوکت بو شان ایله
آفاقه صبح محشره دك اول ضیا نثار ، »

معلم ناجی - ستایش حضرت پادشاهی

بیتمده اولدینی وجه ایله « قدر » معناسنده استعمال اولنش اولان
« دك » لفظی کی نظمه مخصوص اولان کلمات تبدیل اولنور .
بو درلو تحویل ، بر عباره ده تقدیم و تأخیر اولنش کلماتی
یرلی یرینه وضعه و نظمه مختص کلماتی تعیین ایله تبدیله قدرت
اکتساب ایدلمش اولدینی کوستره بیلیر . یوقسه فکر ناظمك
تمامیله آکلاشلمش ، اونو یکیدن ترکیب وافاده به مقتدر بولنلمش
اولدینی اثبات ایده مز . بناءً علیه بونك فائده می ده پك محدوددر .
حلك دیگر بر صورتی مألأً نقلدر که نظمك افاده ایتدیکی
معانی بی اخذ ایله نثره ده مناسب اولان بر قالبه افراغ ایلمکدر .
ایشته بزم توصیه ایده جکمز دائماً بو یولده کی تحویلدر . بونك
اصولی : حل اولنه جق شیئی ایکی اوج دفعه کال دقتله اوقویوب
مألئ حفظ ایده رك بعده اونو بر آرقداشنه ، یاخود پدری
حضورنده ، معلم نزدنده نقل ایدر کی یازمقدر . بو افاده دن

نظمك نثره تحویلی

موزون ومقفی اوله رق سوبلینلن سوزه «نظم» ، وزنسنز قافیه سنز اوله رق سوبلینلن سوزه «نثر» دینیلیر .
 آثار منظومه نك نثره تحویلی هوسکاران انشایه پك فائده- لیدر. اوقونلمش ، حق ازرلنلمش اولان منظومه لرده احتمال که بر چوق کله وترکیبلك معنی وقوتلری تمامیه آکلاشلماشدر. برنظم نثره تحویل ایدلك ایستیلنجه اولجه آکلاشلماش اولان کله وترکیبلك کندیلرینی نظر دقتیه عرض ایدرلر . هر درلو افکارك صورت افاده سی ده اوکره نلمش اولور. فائده عظیمه سنه مبفی بعض اساتذه بیله آثار منظومه بلغانك نثره تحویلیله اشتغال ایلمشدر. نظمك نثره تحویله «حل» تعبیر اولندیغی واردر، نته کیم منشور برسوزك نظم ایدیلشنده «عقد» دینیلیر.
 نظمك نثره تحویلی ، تعبیر آخر ایله «حل» صور متعدده ایله واقع اولور.

بریسى عیناً نقلدرکه وزن وقافیه ضرورتندن طولایی تقدیم وتاخیر ایدلمش اولان کلماتی یرلی یرینه وضع ایدهرك لفظی لفظنه تحویل ایتمکدن عبارتدر .

« هر ذره سنده بشقه لسان فصیح ایله
 اعلان ایدر وخود خدایی بو کائنات »

ایله تقدیم و تأخیر ایله « شاهان شاه » اولمشدر . الفلرك جمله سی ، یاخود
 بهضیسی حذف اولنه ییلیر . بؤکله اگرچه لسان عربی یه برنجی هامك
 کمره سیله نقل اولتمش ایسه لسان هتمانیده فارسیده اولدینی کی حرف
 مذکورك فتحه سیله اوقونق مرجع کورینور . گرد — (کاف فارسینه
 فتحه سیله) توز . صیقل — جلا . بدرقه — (رامك فتحه سیله) فلاووز .
 صفحات — صفحه لر ، برشمیشك پوزلری .



۳۸

اوصاف جمیله اجداد شهنشاهی

ای شهنشاه کرم گستر ودانش پرور ،
 سایه لطف خدا، پرتو انوار ازل ،
 خاک پایکله اولور چشم جهانبین روشن ؛
 گرد راهکله بولور آینه جان صیقل .
 ایلدی کشف ایله اظهار کرامت کرمک ،
 ایتدی مشکلمریمز خواجه احسانک حل .
 کیمه کیم رهبر اوله بدرقه احسانک
 یولنه قارشى طوتار شمع هدایت مشعل .
 گرچه کاملله عالمده نهایت یوقدر ،
 منت اللهه ، سنی جمله دن ایتمش اکمل .
 درگه حقه نیاز ایلیمه لم ای (باقی)
 جمله دن دولت سلطانه دعادر افضل .
 اوله وصفکله مزین صفحات ایام ،
 طوله مدحکله کتبخانه ادیان وملل .
 حارس مملکت دولت واقبالک اوله
 مالک المملک خداوند جهان عز وجل .

[بحر رمل : فعلاتن ، (فاعلاتن) فعلاتن ، فعلاتن ، فعلان]

شهنشاه — فی الاصل « شاه شاهان » در . قاعده مخصوصه بی وجه

کوکلم ده سنک مائلکدر ،
 ظن ایتمه که ساده مائلکدر ؛
 پروازده اعتلاسی واردر ،
 یوق، یوق ! اوکائنات طاردر .
 یوکسکلری سیر ایدوب طوررکن ،
 بالای فلکده چرخ اوررکن .
 ناگاه اوله رق زمینه نازل ،
 برلکده اولور سنکله جائل .

[بحر هزج : مفعول مفاعیل مفعولن]

پرستو — (پ) نک کمره سیله (قیرلانغیج . مباحه — اوزاقلاشیجی .
 صاعد — صمود ایدیجی، یوقاری طوغری چیتیجی . پرواز — اوچه .
 جائل — جولان ایدیجی، طولاشیجی .



۳۷

قیرلا نفیج

کیفکجه اوچارسک ای پرستو
 هر یرده ، نه بختیارلق بو !
 بزدن اوله رق گهی مباعد
 اولمقده سک آسمانه صاعد ؛
 بردن بره گه نزول ایدرسک ،
 برخوش دره دن آقار کیدرسک ؛
 ایرماقلره مفتقر دکلسک ،
 بارانه ده منتظر دکلسک .
 بز کورمه ده یز اوزاق سحابی ،
 سن اونده کیدر ایچرسک آبی .
 پایانه ایرنجه گل زمانی
 تبدیل ایدیورسک آشیانی ؛
 تکرار بهار اولنجه پیدا
 مهجور اولور آشیان سرما ،
 ایلر سنی خواهش طبیعی
 آرایش لانه ربیعی .

تمامیله آ کلابوب آ کلاتمق قابلیت گران قیمتی بزه کیم احسان
 ایتدی؟ هله الک بیوک بر نعمت اولان فکر ونظری - که کافه
 اشیایی میزان دفته اورمغه، آره لرنده کی روابط ومناسباتی
 تحرییه، بوصورتله یکیدن یکی به برچوق معلومات وقواعد
 استحصالنه والحاصل بشریتیزی اثباته مداردر - زردن بولدق؟
 ای رب الارباب اولان ذات الهی! حقایقی ناقابل ادراک
 اولان بونجه مآثر خارقیهی تأمل ایدوبده بونلر بتون سنک اثر
 صنع قدرتک اولدیغی فصل فهم ایتیمیم؟ او اشیایا ایچنده سنک
 حکمتکی، عظمتکی، عدالتکی - که مخلوقاتک وخصوصاً نوع
 بشرک مسعودیتنه سبب وعلتدر - فصل مشاهده ایتیمیم؟ اوت
 اللهم! بو کائنات واونده مشهود اولان آثار حیات وحرکات
 وسکنات ازله رحمتیز صدور اولان فرمان قدرت بیان
 «کن فیکون» کله جلوه نمای وجود وشهود اولدی!

مشعشه - شمشهلی، پارلاق . فسجه - فسحتلی، کنیش .
 شواقی - شاهقهر، تهرلر . اروا - صولامه . مشام - قوم شامهک
 موقعی، برونک ایچی . خارقه - بیرنجی، بیرتان، خرق عادت ایدن دیمک
 اولان خارق لفظنک مؤثی . («اوبرخارقه ادبدر» کبی جله لرده اشارت
 انسانه ایسه آخرنده کی تا علامت تأنیث اولیبوب مبالغه افاده ایدر؛ بر
 کیفیته ایسه ناه تأنیقدر . لغت ناجیدن خلاصه) .



اورنکین و متنوع چیچکلرله تزین ایدن کیمدر؟ شواهقکزی قارلر، بوزلر آلتنده ستر ایدن، ارضی اروا و احیا ایدیجی او منبعلری، هر طرفه فیض و برکت و حیات بخش ایلدیجی اونهرلری سینه کزده نبعان و جریان ایتدیرن کیمدر؟

ای کوزل چیچکلر! بوزینقی، بو آرایش سزه کیم بخش ایلدی؟ سزک بولطافت دلفریبکزی حصوله کتیرن بر آوج طوپراق، بر قاق طمله صودنمی عبارتدر؟ تفریح مشام ایدن اورواج طیبیهی نره دن بولدیگز؟ تنوبر انظار ایدن او الوان کونا کونی سزه کیم احسان ایلدی؟

ای طوپراقلری، صولری شنلندیرن مخلوقات! خلقتکزه، حیاتکزه، طبیعتکزه موافق اولان وقوه ادراک بشری دوچار حیرت و استغراب ایدن او بیک درلو خواص عجیبه کز کیمک عطیه سیدر؟

عقل و ادراکی گم گشته حیرت ایدن بوغرائی دوشوند کدن صکره بر آراق کندیمی تخطرله سرافراز مخلوقات اولان نوع بشرک خلقت و ماهیتنی تأمله باشلارم. بو صیره ده دخی محیر عقول بر نیجه خوارق فوج فوج پدش نظر عبرتمه کلیر، و کولکی متأثر ایلر. سبحان الله! بر آوج طوپراق اودرجه منتظم و جوده نصل تحول ایتدی؟ نصل اولیورکه او وجوددن بر عضو کندیسفی محیط اولان اشایی کوریور؟ بر دیکری اطرافنده حصوله کلن اصواتی ایشیدییور؟ بر اوچنجیسی هوایی تعطیر ایدن رواج طیبه دن مستفید اولیور؟ افکاریمزی، آرزولریمزی هم نوعن آره سنده

۳۶

اشیاده جست وجوی حقیقت

اولانلر فیضیاب اعتلا آتار قدرتدن
آلیرلر حصه عبرت تماشای طبیعتدن! [۰]

بعضاً كوك يوزینه نظر ایدرم، اونك او الوان مشعشه
ومتوعه سفی، عالمه نشر انوار ایدن کواکبی، - پرتوی محاط اولدیغم
اشیایی بکا عیان ایدن - اوشمس تابانی تماشای ایتدکجه مفتون
ومتحیر اوله رق بوشیلر کیمک اثری اولدیغنی کندی کندیمه
شوصورتله سؤاله باشلارم :

بوقبه فسیحه سمایی کیم انشا ایلدی؟ عد واحصایه کلیان او
قنادیلی اورایه کیم تعلیق ایتدی؟ شمعشعلرینی اودرجه اوزاق
مسافهلردن بزه قدر ایصال ایدن کواکب هانکی صانعک اثریدر؟
اونلره او قدر انتظام تحتنده سیر و حرکتی تعلیم ایدن کیمدر؟
کونشی تنویر عالمه، افاضه ارضه مأمور ایدن کیمدر؟

ای یوجه طاغلر! سزه بویله طرح اساس استوار ایدن،
سزی بویله بلوطلره قدر یوکسلدن کیمدر؟ سزی اوسبز و خرم
اورمانلرله، اومیوه دار آغاجلرله، او بیک درلو نافع نباتات ایله،

انسانیتجه دخی بر بیوک فصل تعالی اولمشدر . شو جهتله که
استانبولک فتحی متباین ایکی فن حربک ترتیبات وادواتیله رمی
سلاح ایچون علومى بازویه، قهر خصم ایچون بارقه افکاری
وجوده معین ایده جک قدر عرفانی وقرده کمی یوریده جک
مرتبه غیرتی جمع ایتدکن بشقه بیکلرجه سنه لر حاکم عالم
اولمش بر قومه دیگر برجهانگیر قومی خلف و دنیا نیک بر
قطعه سنده جاری اولان بر مذهبک مرکزینی دیگر بر قطعه سنده
صرعی اولان دیگر بر دینه کرسی خلافت ایتدکله قرون وسطی
دینیلن دورلری ختم ایتمش واستانبول اسلام الله کچدکن صکره
غربه هجرت ایدن روملر اوروپالیرک - اندلسه اولان، مناسبتلری
سایه سنده - هنوز ذوق آلمغه باشلادقلری معارف وادیاتده
استادی اولمشدر . بوسبیدن طولاییدر که فاتح اعصار اخیر نک
صاحبی عد اولنور .

مقوس - قوسلش، یای کبی . شمائل - اشکال . دهان - (دالک)
قحه سیله در (آغیز . بارقه - شمشک پارلندی . اندلس - دالک
قحه سی ولامک قحه سیله در .



۳۵

حضرت فاتح

فاتح اور ته بويلو، قالين کيمکلي، اوموزلرينک آره سي واسع،
جسمنک جهت علياسي بجاقلرندن اوزون، يوکسک ومقوس
قاشلي، چهره سي بياض اوزرينه غايت آتشين بر رنک آل ايله
مزین، صاچي صقالی سیاه وطیعی قاریشیق، بیونی قیصرق
واوک طرفه مائل بر ذات ایدی. الحبق شمائلنک الک زیاده شایان
دقت اولان جهتلی جبهه سنک وسعت و صافیقی، شاهانه
کوزلرینک پارلاقلی ودائی صورتده حرکتیله غایت کوچک،
غایت قرمزی دهانی ایدی که بوعلائم ايله گویا مزاجنده اولان
فرط ذکا، حدت نظر، مرحمت جبلیه ايله ممتزج مکانت اخلاق،
استعداد حرب کی خصائل عظیمه نک دلائل باهره سی سیاسنه
نقش اولمشیدی.

§

دنیاده بلکه هیچ بر متمدن قوم یوقدرکه ادبیاتنده فاتحک
تاریخ ویا ترجمه حالنه دائر بر چوق کتابلر، رساله لر و اخلاق
ویا افعاله متعلق حکایه لر بولنسون. چونکه پادشاهک عهد
سلطنتی بزم دولتجه بر کوزل نوبهار کمال اولدینی کی دور

نه قدر نازلی نازلی کیتمه ده در ،
 هله بر عطف دقت ایت دره یه !
 اوده اعلان حیرت ایتمه ده در ،
 صانکه مفتون کبی بومقبره یه ؛
 کوکسو حسرت چکر بومشجره یه

• •
 ■

سرولر اهتزاز ایتدکجه
 نغمه دلفریب اولور پیدا ؛
 ابدیت ایچنده کیتدکجه
 غیب اولور موجزن اولوب او صدا ؛
 اونه قدسی هوا ، نه طائلی نوا !

[بحر خفیف: فعلائن (فاعلائن) مفاعلن، فعان]

یکسان — بر کبی. تماس — دکک، طوقونقی .



نه بلیغانه ایلمکده خطاب !
 صانکه بر نسخه فصاحتدر ؛
 متحجر مثال عبرتدر .

••

هر گیاه زمینی بشقه زبان ،
 هر آوج خاکی بر دگر عالم ،
 هر ورق بیک کتاب ایله یکسان !
 بوفیوضانی فکر ایدوب مردم
 متحیرمی قالماسین [۱] آدم ؟

••

اوغرا دقچه صبا بو فردوسه
 کچه من در عقب صفا سندن ؛
 باشا ایوب هر شکوفه بی لمسه
 بر طراوت آیر تماشندن ،
 حصه آلق دیلر هوا سندن .

••

[۱] بو مصراع منظومه تک ایلك ائترنده « فصل حیرته قالماسین
 آدم ؟ » صورتده ایدی . بو ترتیبه کوره « فصل » کله سنک « نهی » او قوغسی
 و یا خود « حیرت » لفظنده کی حا حرفنک اوندن اولکی لام حرفنه وصل
 ایداسی لازم کله جکی حقننده واقع اولان اعتراض اوزرینه ناظم
 مرحوم صورت حاضره بی اختیار ایتشدر . آنجق بوده معنای مقصودی
 افاده به کافل دکدر .

۳۴

اناطولی حصارنده مزارلق

بو سکوت بلیغ و حزن فصیح ،
 خطبه بی مقال روحانی ،
 صنعت قدرتی ایدر توضیح !
 بو نه علوی جهان نورانی ،
 ته نشاط و صفای وجدانی !



بو نه وحشت ایچنده انسیت ،
 بو نه ظلمت ایچنده نور بقا !
 بوفضای سیاده ، بیک حیرت ،
 نیجه بیک آفتاب فکر آرا
 یاغدی رر نور هیئتده صفا .



طاش دکل ، کوردیکک او سنک خراب
 شاعر معجز طبیعتدر .

سزى انسـانیتدن زیاده ملکیتہ قریب کوریرم ! . .

منسد — قیامتش . بادره — آب آ کمزین ظهوره کلن .
 اعوام — (عام) ک جمی ، سنه لر ، پیلار . کلینلر . نصاب — حد
 کفایه . مساوی — (سوء) ک جمی ، کوتولکار ، فناقلر .



ويا اولدججه كدر واضطر ابدن سالم اوله رق كچن زمان
حيانك يالكر صباوتدن عبارت اولديغنه كرچكدن قائل
اولورم . بوني بك چوق كشيدن بويله ايشتم . . بوني بك
چوق كتابده بويله او قودم . . ديمك كه بو ير حقيقتدر . . نچون
بويله در عجيا ؟

غالبا بو، شو حالدن نشأت ايدييور : چونكه حال صباوتده
دائرة ادراك غايته محدود اوليور . . ترايد سن ايله برابر
برطرفدن قواي ذهنيه نك نصابي بولسي . . برطرفدن معلومات
و مشهودات و تجاربك توسع و تكثير ايتسي انسانده بر طاقم
ملاحظات و محاكات و انفعالاته بادي اوليور . فكرك انبساطي . .
قلبك حضور و صفوتي مختل اوله رق انسان دغدغه دن قورتييله ميور .
يوقسه بر آدم براز ده آاز دوشونسه . . براز ده آاز بيلسه . .
بر آاز ده آاز كورسه شبهه يوق كه براز ده آاز زياده مصون الغوائل
اولوردي . بوني عالم بداوتده ياشايدانلرك حاللرندن ده استدلال
ايدييورم .

آه ! اي عالم انسانيتك بيوك بيوك سبيلري اولان
بختيار صحرا نشينلر ! سزك سعادت كزه غبطه ايدر . سز
او سعاده لايق سكر . . چونكه بلاد متمدنه اهالي سزك
انواع مساوي سييله الوده اولميان نزاهت اخلاق كزله بن

صندالك دستكنه چارپشم . . صندال او طرفه طوغری یاتدینی
 کبی بنی ایتەرك حوضك ایچنه دوشوریویردی . . در حال هایقیرمغه
 باشلادم . . کلدیلر . . بنی چیقاردیلر . . تکرار صویدیلر . .
 حمامه صوقدیلر . . آزارلدیلر . . اغلامغه باشلادم . . بو آراق
 قلمدانمی ده چیقارمشلر . . کتیردیلر . . بکا ویردیلر . . در حال
 تأثرم زائل اولدی . . سویندم . . هرشیئی اونوتدم . . ایرتسی
 صباح اویقودن اویاندیغمده اوقلمدانی باش یاصدیغمك اوزرنده
 بولمشیدم .

بویله بر عمر پر صفا ایچنده ایکن ده آره صره پك محزون
 اولیشم واردی که اوده اك چوق دادیمك بنی اویوتمق ایچون
 تترەك ونغمه لی بر سسله چركس ترکیلری سـ ویلدیکی زمانلرده
 واقع اولوردی . اما او زمان باشمه یورغانی چکر . . ساکت
 ساکت اغلاردم . روحم او تأثر یاشـ لرلیله عالم لطائف
 منامه سـوزیلور کیدردی . ایرتسی کون اویقودن کوزلریمی
 آچدیغم زمان کولکی انوار شوق ایله طوب ینـه طولو
 بولوردم !

بعضاً دوشونور ، محاسبهٔ عمر ایدرم . . سوابق حیاتمك
 نخطر ایتـدیكم قدرینی کوزمك اوکمدن امراره باشلارم . .
 هر دورهٔ عمری دیگرلرلیله موازنه یه قالقشـیرم . . نتیجه -
 سنده بر انسان ایچون اولدجه مسـعودیتـه مقارن اولان

ینه او یالیده ایکن برکون والدمله پاشا باغچه سنده اوزمانلر
 موجود اولان بلور فابریقه سنه دکزدن کیدیوردق . بر خیلی
 ایلرینلکدن صکره بردن بره هوا قاراردی . . متعاقباً دهشتلی
 بر یاغمور باشلادی . . بز قایق ایچنده ایدک . . صیغینه جق بر
 یر بوله مدق . . فنا حالده اصلاندق . . ذاتاً فابریقه یه ده آز بر
 مسافه قالمشیدی . . اورایه چیقلدی . . والدم ویاننده بولنانلر بو
 یاغموردن پک چوق متأسف اولدقلری حالده بالعکس بن پک نمون
 اولمشیدم . . چونکه اونلرک بر طرفده قورونمق قیدنده بولنلری
 فابریقه نك باغچه سنده اوتیه بری یه آتلمش رنك رنك بلور
 چبوق ییغنتیلرینك کونشه قارشى بیک درلو الوان ایچنده پارل پارل
 یاندیغنی طویه طویه سیر و تماشایله اکلنمکه بنم ایچون میدان
 ویرمشیدی !

ینه او یالیده ایکن برکون حمامه صوقشاردی . . حمامدن
 چیقدقن صکره بر آرهلق اسکله یه ایندم . . اسکله نك بر طرفنده
 بردکز حوضی واردی . . اورایه بویالی تنکه دن معمول قلمدانمی
 اولجه دوشورمش ایدم . . قلمدان نظریمه تصادف ایتدی . .
 حوض بر آرشون قدر درینلکده وبر جهق دها زیاده صیغ
 ایدی . . قلمدانی بردکنسکه ایته ایته حوضك صیغ اولان جهته
 کتیرمک ایچون اوغراشمغه باشلادم . . اسکله یه ایسه بویانمق
 اوزره برصندال چکلمش . . بن بری طرفده اوغراشوب طوررکن

۳۳

ياد صباوت

واني کوينده کي يالينک حمام دائرہ سی طوتوشوب يانديني کون
هرکس تلاش ايچنده . . مکرر بر حالده ايکن بن نه قدر سوينمش
ايدم ! چونکه بزم يانغينه ده ايجاديه دن طوپلر آتمش ایدی .

ينه اويالیده ايکن طوفانی آندیررجه سینه ياغان ياغوردرن
هر طرفی سيللر باصهرق عموم او خلقی عظیم خوف و خلعجان ايچنده
اولديني برکون بن نه درجه بختيار اولمش ايدم . . چونکه حرم
دائرہ سی حواليسی بر حوض وسیع حالته کتيرن صولر اوزرنده
قايق يوزدرمک بنم ايچون آسان اولمش ایدی .

ينه اويالیده ايکن بر قيش ايکی آرشونه يقين قار ياغديغندن
يوللرک منسد اولديني و خصوصيله فروئلرک اکمک چيقاره مديني
بادره سيله هرکس بهت و دهشت ايچنده بولنديني کون بن نه قدر
خوشلانمش ايدم . . چونکه اوده نه قدر آدم و ارايسه جمله سنک
باغچه دن سوراق قپوسنه قدر اولان اوزونجه بر يولی آحق ايچون
صباحدن آقشامه دكين اوغراشملي بنم ايچون شايان حيرت
برتماشا وجوده کتيرمشیدی .

ایلدی قدرینی اول جامع والا برتر،
حاصلی اولدی دعا خرمنی آت میدانی .

[بحر رمل : فـمـلـانـن (فـاعـلـانـن) فـمـلـانـن فـمـلـانـن فـمـانـن]

زهی — ادا ت تعجب؛ نه کوزل! حارس — محافظه ایدن. پیشه —
حادث. مکرم ت (میک فتحه سی، رانک ضمه سیله) عزت، شرف. جدا —
نه قدر کوزل، نه قدر سویلی .



۳۲

جد امجد حضرت شهنشاهی سلطان احمد خان

اول حضرت تری وصفنده برقصیده دن

بارك الله ، زهی عاطفت ربانی
 که شه عالمه اولمش ازلی ارزانی .
 معذات پیشه ، خداوند سریر اقبال
 افتخار کرم و همت و عالیشانی .
 حارس مملکت دین و مدار اسلام ،
 مظهر مکرم و موهبت سبحانی .
 او خداوند عمر عدل و علی سیرت کیم
 بولدی ذانیله شرف سلسله عثمانی .
 خیره در نیتی هر دمده ، عجیمی اولسه
 بویله برجامع خوش طرح و لطیفه بانی [*]
 حبذا معبد پر فیض مقدس که بولور
 آنده بر سجده قیلان مغفرت رحمانی .


[*] نظر آرای افتخار اولان بیوک جامع شریف . بدء : ۸ شوال

۱۰۱۸ ، ختام : ۴ جمادی الاولی ۱۰۲۶

مصراع اولده کی «عجیمی» تعبیری شمدی مسجود در .

اونك آلت طرفنده كى معلقاته هييج برديه جاك قالمديغندن
 اونلر دخی برر برر اينديرلدى .
 آرتق ميدان افتخار واشتهارده يالكز قرآن كريم قالدی
 وبلاغت قرآنيه نك تاثيراتيله بالجملة فصحا وبلغا مبهوت وملزم
 اولدی .

اوليحق --- اولنجه ديمكدر . بكونكي اسلوبه كوره اوليحق مسجوردور .
 معلقات سيمه --- ظهور اسلامدن اولي شاعرلرينك اك كوزل
 ارلری اولان يدي قصيده در . امرئ القيس — معلقات سيمه دن
 برنجيسنك ناظمی اولان شاعر .



۳۱

قرآن کریم

قرآن کریم نه کلام منظومدر ، نه ده کلام منشوردر ؛ ایکی قسمك خارچنده برکلام لطیفدر ، وسر ایا فصیح و بلیغدر و جماله آیات کریمه بلاغتجه بر درجه ده اولیوب بعضیسنك بعضیسنه نسبتله بلاغتجه درجه سی دها اعلا در ؛ فقط جمله سی معجزدر ، یعنی مثالی وجوده کتیر مکدن انسان عاجزدر .


ابتدای امرده بلغای عرب ایات قرآنییه بی بعض اشعار ایله موازنه و مقایسه ایلدیلر . نهایت هیج برینه و بلکه بشر سوزینه بکزه مدیکنی آکلادیلر . فقط تعلقات سببعه ینه کعبه دیوارنده اصیلی طوروب آره صره اوقونور و فصاحت و بلاغت بحثنده لسانه انور ابدی . طبقات بلاغتك اک اعلی درجه سننده بولنان آیات کریمه دن (یا ارض ابلعی مائک و یا سماء الخ . . .) آیت کریمه سی نازل اولیجق بلغایه پک زیاده تأثیر ایلدی ، شویله که ایلمک لرینه ایشلدی .

اول وقت امری القیسك قیزقرداشی صاغ ایدی . اول آیت کریمه بی ایشندکده « آرتق کیمسه نك بر دیه جکی قالمدی ، قرداشمك شعری دخی میدان اقتخارده طوره ماز « دیه رك واردی ، امری القیسك قصیده سی کعبه دیوارندن ایندیردی .

سیرینه طویماز او حالک دیده لر ،
 شوقی عذیله کورر غم دیده لر .
 «الجزیره» شانلی بر محبوبه در ،
 درلو تزیینات ایله مصحوبه در ،
 حق دیمش صورت ویرنجه خلایقه :
 «ای طبیعت آل نگاه دقنه ،
 عشقک اظهار ایت او غرا دلبره .
 گرچه یوقدر احتیاجی زیوره ،
 زینت مخصوصه ویر جنبینه ،
 آل ایکی بازوی سیمین یئنه !»

[بحر رمل: فاعلان فاعلان فاعلان]

رفتار — صالینه رق یورومه . جوشش — قاینایش . خرام —
 ادا ایله یورومه . دریاوش — دریا کبی . خروشان — جوشغون .
 عطشان — صوسز . عراق — بغداد طرفلری . ریان — صویه
 قاعش . الجزیره — دجله و فرات آرمسی . غرا — آق ، بیاض .
 بارلاق . جنبین — ایکی یان . سیمین — کوموش کبی .



۳۰

«غازی ارطغرل بك» منظومه‌سندن

باق شو نهرک [*] خوشنما رفتارینه ،
 آدمک جوشش ویرر افکارینه .
 بر بیوک نهرک خرام دلکشی
 غرق حس ایلر دل دریاوشی .
 هم مکدر، هم صفا انگیز اولور ،
 ذوقی بر حزن سرور آمیز اولور .
 آسیانک آب روی دائمی ،
 خاک عطشان عراقک خادمی .
 گاه فیاضانه بر طغیان ایدر ،
 کج‌دیگی صحرالری ریان ایدر .
 جابجا معموردر ساحل‌لری ،
 نیل ثانی عد اولنسه وار یری .
 دجله‌یی سومش قوشار دلدارینه ،
 دجله‌ده عاشق اونک دیدارینه .
 عاقبت یاریله هم آغوش اولور ،
 بوسش نهرین جوشا جوش اولور .

معظمت — معظمت امور، بیوک ایشلر. (معظم، ظانک فتحه سیله،
 تشدیدسز مکرم وزنده در: تدبیر معظمت امور جهان ایچون، یاقشیدی
 شمع فیکرتی برجیس نکته دان. باقی)



قیمت حقیقیه سی و راج وقتی بیلنمز ایسه بو ایشده ضررلی
 چیقلمق اغلب احتمالا ندر . ایشته بو قبیلدن اوله رق ایچنده
 بولندیغمز بازار عالمده دقیقه بدقیقه سرزده ظهور اولان افعال
 و معاملات که هپ دادوستدن عبارتدر — معلومات اوزرینه حل
 و عقد اولنه مازسه اصحابی متضرر اوله جفته اشتباه یوقدر .
 بو صورته ملحوظ اولان مضرتك منع وقوعی یالکز استعداد
 خدا داد ایله ممکن اوله میوب فطرت از — انیده مرکوز اولان
 قوای معنویه نك تربیه سیله — حمله کلیر بر حالت معنویه یه
 متوقفدر . اشبو حالت واسطه سیله هرکس دائرة وسع واقتداردن
 خارج کورینن معضمت امورده موفق اوله رق هم کندیلری
 نائل مرام اولورلر ، همده بو وسیله ایله بنی نوعلرینه خدمت
 ایدرلر .

منال — نائل اولنه جق اولان شی . صفر الید — الی بوش .
 (صفر کلمه سنده فاسا کندر) . حواج — حاجتله ، محتاج اولنه جق شیلر .
 بال — خاطر ، کوکل ، فراغ بال ، کوکلک کدردن خالی اولمی .
 (هرییدر فارسی اولان بال قناد معناسنده در) . کوشه — زاویه ، بوجاق .
 (فصیحی کاف فارسی ایله در . فقط لسانزده کاف عربی ایله استعمالی
 نعمم ایتمش کبیدر) . حی — دیری . (اسماء حسنادندر) . علی العمیا
 — کورکورینه . عمیاء داعمی دن مؤنشد . ترکیب «علی النافه العمیاء»
 تقدیرنده در . عرق — (عینک ورائک فتحه لرله) تر . کد — (کافک
 فتحه سیله) مشقت ، عرق جبین ، کدیین ، آن تری ، ال امکی . اعراض
 — یوز چوبرمه (افعال بابندن) . فنوت — مروت ، جوانمردلک .

ایندیکی اشیا دن طولایی بعض مرتبه امك صرف ایتمسه ده
سارقك شو منفعتی دیگرینك مضرتیه حصوله كلش اولمسیله
اولکیسی حلال وایکنجیسی حرامدر .

الحاصل انسانك عرق حیثی ایله کچمسی مقصد الهی
اقتضاسندن اولدیغندن هیچ بر شخصك بلا عذر شرعی همجنسنه
ال آچمسی وکندیسی بهوده اضاعه اوقات ایله سائرلرک کدیلمیله
قزانلمش شی ایله تعیش ایلمسی جائز اوله میه جنی مثللو حوایج
ضروریه سندن معدود اولیان موادك استحصالیچون لازم کلن
کلفت وزحمتدن اعراض وبو وجه ایله حظوظات مشروعه دن
نفسی محروم ایلمسی دخی آداب مدنیتجه روا کوریه مز .
زیرا انسان اعضاسندن بولندیفی قومك حائز اولدیفی
درجه مدنیتدن آز چوق متمتع اولوب بونك او درجه یه
وصولی ایسه همجنسنك و همشهریلرینك سعی و همتیه حصوله
کلدیکندن بوکا مقابل کرک کنیدیسه ، کرک معاصرلرینه کوره
توسیع اداره مدنیته خدمت ایلمك مترتب ذمت قنوت وبو
جهتیه حوایج غیر ضروریه تخصیلی امرنده دوجار اوله جنی
کلفت و مشقتك ترقی مدنیت و معموریتیه وسیله اوله جنی
بیله رك بوندن استنکاف ایلمه مسی مقتضای وظائف
انسانیتدر .

بیاندن مستغیدرکه بر شینك اشتراسی آرزو اولندقدم

صنعتلری یالکز قوۋۋ بدنیه ایله حصول پذیر اولوب ایکنجیلرک
صنعتلری ایسه قوای بدنیه وعقلیه نك بر برینه انضمامیه حاصل
اولدیغندن بونلرک بالطبع او برلرندن زیاده فائده مند اولملری
اقتضا ایدر .

رفاه حال استحصالی آرزوسنده بولسانلر سعی وعمللرینک
قدر و قیمتنی آرتیرمغه ، یعنی صنعتلرینک اصلاحیه زیاده استفاده
ایلمکه چالیشوب اوته سفی تقدیر حی قدیره حواله ایتلیدرلر .
یوقسه « بن بابامدن ، یا خود استادمدن بویله کوردم ، بویله یاپارم »
دیهرک علی العمیا چالیشوب اختراعات جدیدیه صرف افکار
ایتمز ایسه عمری اولدقجه کیجه کوندوز چالیشسه باباسندن ،
استادنن زیاده متمتع اوله میه جفی محققدر .

اخذ واعطا بر مملکت اهالیسفی یکدیگرینه ربط ایدر بر
مناسبت قویه تحدثی وبو وجه ایله مدنیت ومعموریتک توسع
وترقیسفی مستلزم اولدیغندن بونک مشروعاتی وارباب کار
وکسبک عندالله مقبولتی درکاردر .

فوائد طرفینی مؤدی اولان تجارت علی العموم مشروع
اولدینی مثللو بونک خلافتده وقوعه کلن هر نوع کار وکسب
نامشروعدر . چونکه بر حال بر یوک نقلیه آلدینی اجرتدن
استفاده ایدوب بو صروده یوک صاحبک دخی ایشی کوریله
جکندن طرفین متمتع ومستفید اولور . فقط بر سارق سرقت

اجتياجات جسمانيه و روحانيه مزی دافع اولمق اوزره بشقه لرك يد تصرفنده كورد يكمز شيلرك كافه سي سعي وعمل ايله وجوده كلش اولديغندن اخذ واستعمالی كذلك سعي وعمله موقوفدر كه ايسته اونقود معنويه بوندن عبارتندر .

بر مملكت اهالي سي بيننده جريان ايدن معاملات دادوستد صورتده آچه اطلاق اولان زر وسيم مسكوكات ايله اجرا اولنور ايسه ده حقيقتده اشبو نقود معنويه ايله تسويه قلعنور . بناء عليه كشينك كيسه اقتداري نقود معنويه دن تهی اولديغی حالده حوايجنك تحصيل وتداركنه موفق اوله ماز .

ايمدی حوايج ضروريه مذك استحصالي امرنده انسانره لازم اولان «سعي وعمل» اولوب بوقسه مسكوكات جاريه دكلدر . چونكه مسكوكات مجرد سعي وعمل مقابلنده قزانلمش بر سرمایه ديمك اولديغندن خرج اولنوب بتدكده بنمقسه سنك تحصيلي مطلقا سعي وعمله محتاج اولديغی و بنا برين افراد بشرك سعي وعمل مزم رفاه حال استحصالي ايتمی ممکن اوله ميه جفی قضايای مسلمه دندر . انسان مهديدن حده قدر انواع احتياجه مظهر اولوب بونلرك دفعی امرنده صرف ما حصل اقتدار ايتمی لازمه دن ايسه ده قواي جسمانيه و روحانيه سنه تقويت و برمدكجه بروجه مطلوب مقصدينه دسترس اوله ماز . نيچون بر حال بر ساعتجي قدر ، بر قايقجي بر قبودان قدر صنعتدن متمتع اوله ميود ؟ چونكه بر نجيلرك

۲۹

لزوم سعی و عمل

اشرف مخلوقات اولان انسان - نزه دن کلوب نزه یه کیتدیکنی
 ادرا کدن عاجز اولدینی حالده - هر در لوعلوم و معارفدن بی بهره
 و مدار تعیش و استراحتی اوله حق مال و منال دن تهی دست اوله رق
 قدم زن ساحه وجود اولور. نیک و بدی، بیاض و سواد ی فرق
 و تمیز ایدنجیه قدر آغوش پدر و مادرده نشو و نما بولدقن
 صکره سنی ایلر یلکجه فطرت ذاتیه سنده موجود اولان آمال
 و مطالب برر برر سر نغای ظهور اوله رق مایه تعیش و تلذذی
 اولان بر چوق شیلرک تدارک و استحصالنه مباشرت ایدر. آنجق
 بونلرک اکثر یسنه بالسهموله دسترس اوله میه جغندن مطلوبی اولان
 اشیانک هیچ برینه مالک و متصرف اولمیوب سفر الید اوله رق
 دنیاسیه کلمش اولدینغی اول وقت حس ایله دریای فکر و حیره
 طالار. فقط بر طرفدن تجربه و معلوماتنک نقصانندن، دیگر
 طرفدن ایچنده بولندینی انسانلرک صوری و معنوی تابع اولدینی
 قوانین طبیعیه نک احکام جاریه سی مجهولی اولمسندن طولای بازار
 عالمده تداول ایدن نقود معنویه اهمیت و یرمیه رک موجودینی
 ضربه آغاز ایدر.

طراوت — تازدلك . جبهه — آن . (جبین جبهه نك ایکی طرفنده کی
 محللاردرد . جبهه بر، جبین ایکی اولور . فقط جبین دخی آلن معناسنه
 استعمال اولمقده در .) اهتزاز — خفیف صاللاعه . جذبه —
 روحك هیجانہ، کلمی . برود — نسیم — کوزل و لطیف اسن
 روزکار . نفخه — رایحه طیبہ (خایله نفخه اوفورمه معناسنه در .)
 توقع — - اومه .



۲۸

چیچک

یکی آچش شکوفه رعنا
 نصل ایتمز زمانه استغنا ؟
 صانکه برلمه لطفاندر ،
 یا که برموجه طراوتدز !
 لمه اما که رنگ رنگ بها ،
 موجه اما که خند خند صفا .
 اوقنور جبهه سنده قدرت حق ،
 کورینور سینه سنده نور شفق .
 ناز ایله گاه اهنراز ایلر ،
 حسن ایله آفتابه ناز ایلر .
 جذبه حسننه اولوب حیران
 عاشقانه سرود ایدر مزغان .
 بوس ایدوب دستی نسیم سحر
 نفحه لطفی توقع ایدر .

[بحر خفیف : فعلاتن (فاعلاتن) مفاعان فعلن]

شکوفه — چیچک . لمه — سرعتله پارلامه . موجه — دالقه .

الفاروقه (ر.ع.) مراجعت ابتدی؛ قارشباق برمکتوب آلدی که
شومالی حاوی ایدی :

« بسم الله الرحمن الرحيم . عمر بن خطاب طرفندن نیل مبارکه :
اگر شمدی به قدر سنک جریایک کندی اختیارکه واقع ایسه
تعطیل جریان ایت؛ یوق اگر جناب خالق اعظمک اوامر منیفه سنه
تابع ایسه که حضرت الله اکبرک ذات کبریا پناهندن سنک فیضان
تامکی تضرع و نیاز ایدرز . »

عمرو بن عاص بونامه محترمی کمال توقیر و تحجیل ایله نیله القا
ابتدی . همان ایرتسی کون نهر قبارمغه باشلایه رق اون التی ذراع
قدر یوکسلدی که بوارتفاع کمال فیضان ایدی . بوکا قارشق قبطیلر
لال حیرت قالدیلر . بعدما القای باکر راسمه سی تعدیل اولندی .
صویه قادین شکلنده تخته دن یچامش برشی آتلمغه قرار ویرلدی .
بوقرار حالا بردوام جریاندر .



۲۷

برخکایه تاریخیه .

بوقطعه نفیسه ده شمس هدی اسلامیت اشراق ایده لی انجق
برسنه اولمش ایدی؛ اهالی قبطیه سردار حضرت عمرو بن العاصه
مراجعت ایتدیلر :

— یا سردار ، نیله قارشی بزجه اسکیدن قالمه برعادت
واردر ؛ بوکا رعایت ایدلمدکجه نهرک صوی یوکسلمز ، چول
صولانمز ، محصولات زراعیه ادراک اولماز .

جناب سردار بوعادتی استیضاح بیوردی؛ قبطیلر ایضاح
ایتدیلر :

— باعونه ماه قبطیسنک اون اوچنچی کونی کنج وکوزل
برباکری جبراً ابوینندن آیر ، برکلین قیاقئیله تزین ایدر، نیلک
برموقع معینه آتارز .
سردار جواباً :

— اسلامیتک دخولندن صکره بوعادت جریان ایده مز،
دیدى . فقط کونلر کچور، برجلوه قدرت اولق اوزره نهرک
طبقه مائییه یوکسلمیوردی . اوزمان سردار ، حضرت عمر

اصحاب معرفت ایسه بر چوق احوال فلکیه و ارضیه به کسب
 وقوف ایده رک قدرت بی پایان متعال قارشیدینده سر بزمین
 عجز و ابتهال اولور لر. فنون بو حال ترقیده دوام ایدرایسه بوکون
 نظر استغراب ایله باقمده اولدیغمن مخترعات ایلروده عادی قالدی ورق
 قوه دن فعله ایصالی محال عد اولنان نیجه تصورات فنیه نك ساحه
 اجرایه قونیه جفی آ کلاشلماقده در .

غلیان — قاینامق . سحاب — بولوت (فی الاصل جمع دره . لسان
 عثمانیده مفرد و جمع مقامنده استعمال اولنور .) مستحیل — ممکن
 اولیان . ثواب — مستقر مخصوصنده دوران ایدن و ضیائی بالذات
 اولان اجرام سماویه . سیارات — کونشك اطرافنده دونن اجرام .



جبری ده انلر وضع ایتمشلردر، کلدانیلردن انتقال ایدن علم هیأت
انلرک زماننده خیلی ترقی ایلیمشدر. حتی نصف النهار دائره سی
مساحه ایتک اوزره مأمون زماننده مخصوصاً علما تعین اولندی
روایات موثوقه دندر. عربلر حیوانات، نباتات، معادن واحجار
علملرینه متعلق پک چوق کتابلرده تألیف ایتمشلردر. موسیقیده
بیله ایلر ایلیمشلر ایدی. کاغذک اولا چینلرلدن آنه رق حریردن
وصکره پاموق زراعتک انتشاریله پاموقدن وکتاندن اعمالی،
باروتک ایلک استعمالی، تحری قبله شریفه مقصدیله پوصله نک
ایجادی بو قوم نجیبه نسبت اولتمقدردر.

صکره علوم وفنون اوروپا قطعه سنه ده کچوب هله بر یوز
سنه دن بری پک زیاده ایلر ایلیمشدر. شو ترقی سایه سنه درکه
زمانزده حیرت بخش عقول نیجه مخترعات عجیبه کورلمکده در.
عصریمیزی ابتدای خلقتدن بو آنه قدر مرور ایدن اعصاره
غبطه فرما ایدن واپور، تلغراف، الکتریق کبی بدایع هپ
حکمت طبیعییه نک ترقیسیله وجوده گلش آثار جلیله دندر.
معرفت حقایق اشیا ادراک بشردن مستور اولوب حقیقت
مکوناته کسب وقوف مستحیل ایسه ده فنون ترقی ایتدکجه
قدرت وعظمت الهیه نک نه قدر بیوک اولدینی برقات دهاتظام
ایتمکده در. ظلام جهل ایچنده قالان افراد بشر مشهوداتنه
نظر ایله اکتفا ایلدکلرندن عظمت خالق المکوناتی ادراک
ایده میوب مثلاً شو بولندیغمز کره ارضه نیجه میلیون سنه لر
بعدی اولان ثوابت و سیارات بی عددی پک قریب ظن ایدرلر.

۲۶

بر نطق

امت اسلامیه نك تحصیل علومه ترغیب وتشویق امرنده
قرآن کریمك حاوی اولدینی آیات بینات، اسان معجز بیان
پیغمبریدن شرفصادر اولان احادیث شریفه حکمت آیات جمله نك
معلومیدر. مصر قدیم اهالیسیله اسکی یونانیلر ادوار قدیمه سندن
صکره علمك قدرینی، مزیت وشرفنی تقدیر ایدن عربلردر.
خلفای عباسیه دن هارون الرشید و مأمون زمانلرنده علوم و فنونه
کوستریلن رغبت داخل حوزه حکومتلری اولان محللرده
الحاله هذه مؤلفات جلیله و آثار معتبره علمیه لرله مفتخر اولدیغمز
بر چوق ذوات مشهوره بی یقشدر مشدر. اسپانیا عربلری ایسه
بر طاقم اقوام وحشیه نك غلبانیله رومالیرك انحلال حکومتلرندن
صکره او حوالینك بر قاج یوز سنلر متواری سحاب نادانی
اولدینی و علم وفندن اثر قالدینی بر وقتده — بیاغی اونودلق
درجه سنه کلمش اولان — علم طبی احیا و فن جراحی بی یکیدن
اختراع ایتشلردر. ایکی یوز سنه کله نجه یه قدر حقیقت و کیفیتی
واجزای ترکیبیه سی اکلاشیله میان بر چوق شیلرک کشفی
موجب و بر چوق صنایعک ایجادینه باعث اولمش اولان فن
کیمیا ایله عملیات کیمیائییه مخترعات عربدن اولدینی کبی علم

ریاض مایکنه بر کشور لطیف دکل
بهشت نعمت عمران دیناسه احرادر

شو آمده اشته او سلطان معدلتکازک
دعای واصل سمع جهان بالادر

جناب حق آنی تختنده ایلسون داثم
که ذات اقدسی لطف جلیل مولادر

دوام دواقی امتجه تا دم محشر
اهم عاطفت واهب العطایادر



صیغار می عالم افلاکه جان سرورندن
دم جلوس شهنشاه داد فرمادر

او پادشاه معظم که نام ذیشانی
مهابت آور شکل کزین طغرادر

کمال رفعتی وسعت نمای عرش برین
شکوه وسطوتی هم پایه ثریادر

مال مجملی آمال ذی شواهدینک
جهانی لطف ایله، عدل و کرمه احیادر

امور عالمه راییه انتظام ویرر
ید کیاسق نظام حال دنیادر

تاید ایلدی عصرنده شوکت اسلام
فروغ دین خدا شمعی پرنجیلادر

قیلار عوالمی سیراب مرحمت هر دم
محیط لطفی که وسعتده رشک دریادر

کمال همی مشاطه رفاه انام
زمانی شاهد اقبال ناسه بجلادر

حریم جانده امل شمدي ذوقه ناز ایلر
اوصانکه بر مه کنعان، بو بر زلیخادر

نشاط و نشوه انیس محافل توقیر
ملال و غصه بتون کائناته رسوادر

بو آب و تاب فرحدر که اهل دنیادان
بهشتیانه قدر غایه تمنادر

فروغ زینته مستغرق اولدی هپ آفاق
شو هیئتیه زمین چرخ ایچنده یکتادر

نهدر بو جوشش نور تجلی اقبال
نهدر بو وجد و سعادت که جذبه افزادر

جهان بر آینه صد هزار عکس اولمش
که هر یبنده جمال صفا هویدادر

قالیرسه باصره حیرتله چوقی بی آرام
نه سمته باقسه مزین، نه کورسه زیبادر

صباحی، شامی کوکل نردن ایلسون تفریق
بو صبح و شام طرب بر برندن اعلادر

۲۵

ولی نعمت بی متمم پادشاهمز افندیمنز حضر تکرینک
 روز جلوس فیض افروز هایون ملوکانه لری سنه
 دوریه سنی تبجیلاً تنظیم اولنان قصیده در .

بو کون که مظهر فیض بلند مولادر
 علو پایه سی تصویردن مبرادر

بو کون او روز بهیندر که فیض توصیفی
 کوکله حائر تأثیر شوق رعنادر

بو کون او عید صفادر که لطف تأثیری
 صمیم قلب تمنایه کام بخشادر

عروس کام لب آرزوی طالعندر
 ظهور دعوت آغوش ایچون مهبیادر

محاربه سی وقوع بولدینی کی دول نصارا نزدینه دخی ایشمد
سفرای عثمانیه کوندرلمشدر.

مدور الوجه — طوپارلاق جهردلی. منخلی — زینتلش اولان.
تشت — طاغله. مرسی — لیان. مبرات — مبره لر ، (میك
قچه سیله) خیری ایشله ابنیه خیره .



غوائل حكومتی عزم مردانه ايله درعهده ايدهرك آخر عمرينه
قدر يكرمی درت محاربهده حاضر وقرقه قریب ياره ايله متأثر
اولمشدر. اساساً قوی اولان بنیه وجودی بویله عوارض شدید
ایله کلیاً خراب و دوچار ضعف اوله رق اکثر اوقاتی خسته لقله
كچمش ایکن هیچ بر زمان اوغراشمقدن فارغ اولمامشدر. واقعا
خدماتی یاوز سلطان سلیمك ویا همنامی اولان فاتح سلطان محمد
خان ثانیك اجراآت جهانگیرانه لری یاننده بك سونوك
کورینورسهده احوال عمومیه نظر اعتباره آندیغی تقدیرده
قدراً دها عالیدر. چونکه بحران وتشتت ایچنده بولدیغی دولتی
طاقگذار محنت ومشقتلرله مرسای سلامتیه ایصال ایلدیكندن
الحق بابی ثانی سلطنتدر. نجم اقبال واجلالی دها هنگام شباننده
فروزان اولمقله انقره وقعه سندن صكره اماسیه وطووقات حوالیسنده
افعال وحركاننده نمایان اولان مآثر صفدرانه یه تیموربیله مفتون
اوله رق قیزی ویرمکی تکلیف ایتمش فقط شهزاده موافقت
وامنیت ایتیموب بالآخره ذوالقدریه حاکمك کریمه سنی تزوج
بیورمشدر. مشاغل عظیمه لری آره سنده بك چوق خیرات
ومبرآنه دخی موفق اولمشدر. بروسهده کی جامع شریفلری فن
معماری عثمانینك بر یادگار قیمتداریدر. حریمیه صرّه ارسالی
عهد هایونلرنده اعتیاد ایدلمش وفرنك مورخلرینك روایتلرینه
نظراً زمان سلطنتلرنده ایلک دفعه اوله رق ونديکلیلر ايله دکر

۲۴

چای سلطان محمد خان اول حضرتلری

بو ذات ملکیمات خاندان سلطنت عثمانیه نك اك بيوك
 رجالندندر. اكر احيای دودمان عثمانی مقصود آهي اولمسه ایدی
 جناب قادر مطلق فضائل و کمالات بشریه بی بر زانده جمع ایدهرک
 او یله برهنگامه فترنده بو دولته بخش واحسان ایتزدی. حلم
 وسلامت و رفق و ملائمتله شجاعت و جلادت و وقار و مهابت کی
 اخلاق متقابله اول نادره وجودده مجتمع ایدی. مدورالوجه،
 چاتیق قاشلی، اوزون کبریکلی، غایت بیاض و بموشاق تنلی،
 اندامی نازک، حسن و ملاحظه یکتا بر نوجوان، اما بازوسی
 مثال شیر زیان بر قهرمان ایدی. نگاهنده لمعان غضنفرانه ایله
 آهو لطافتی و معامله سنده چلی نوازشیله پهلوان مهابتی بری
 برینه قاریشمش، حلیم و جسور، مکرم و وقور، عدالت و صلابتله
 متحلی، من کل الوجوه یگانه زمان ایدی. کرمینان زاده نك
 قیزی دولت شاه خاتوندن ساحه زیب عالم شهود اولمسنه نظراً
 انقره و قعه سنده نهایت یکریمی یاشنده بولنوب اوسن شبابده

غبطه ایلر شکوهمه هر آن
 ناز پروردگان خلد برین .
 ایدم بن سکا بو حالی بیان
 اوقو مصحفدن آیت (فرحین)

••

الصلا ای مجاهدین غزا ،
 سزده بو دولتی ایدک دردست !
 ایلسون تا که مست جام بقا
 سزیده ساقیان بزم الست !

••

شهدای جهاده شیونله
 اسف ایتمک دکل طریق صواب ؛
 آنلری فاتحه یله شاد ایله ؛
 دی که (طوبی لهم وحسن مأب) .

[بحر خفیف: فعلاتن (فاعلاتن) مفاعلاتن]

آزرد — اینجیدلمش . عرش طراز — (وصف ترکیبی) عرشه
 زینت ویرن . هرگر — اصلا . ستاره (سینک کسره سیله) کوکب . ایزد
 — خدا، تکرری . سراد قات — سرپرده معربی اولان سرادق جمعی .
 عالی اوتافلر . سباط — (سینک کسره سیله) سفره . میزبان — قوناق
 صاحبی . شیون — ماتم .



شمدی انجامی سعادانک
بولوب اولدم همان سعادتمند ،
وصفی ممکن دکل بو حالانک
شو قدر سویلرم که ای فرزند :

* *
*

منظرم گلشن بهشت برین ،
موقع قرب ایزد متعال .
جلوه گاهم ریاض علین ،
خوابگاهم سر ادقات جلال .

* *
*

بزم صحبتده نغمه پردازم
عندایمان گلشن ملکوت ،
ذکر و تسبیحده هم آوازم
سبز پوشان خطه لاهوت .

* *
*

همدم بارگاه عزتده
هپ شهیدان روز عاشورا ؛
میهمانم سباط جنتده ؛
میزبانمده سید الشهدا .

* *
*

فرقه فرقه فرشتگان کرام
جانب حقدن ایتدی استقبال ،
فوج فوج اصفیای قدس مقام
تمنیت رسمن ایتدیلر اکمال .

* *
*

زیب سینّه اولان جریحه لرم
هر بری بر ستاره رخشان ،
باع فردوسده خرام ایدرم ،
اولور اطرافه ضیا افشان .

* *
*

بکا قارشى ملائک رحمت
هر زمان بذل احترام ایلر ؛
« نقیمت اولدی مېذل نعمت »
دیه رک عرض ابتسام ایلر .

* *
*

لذت شهد عمر زهر آلود
الدایر می هیچ اهل انصافی ؟
لذت دائمی ایسه مقصود
ملکک بر تبسمی کافی .

* *
*

۲۳

پدرک ویردیکی جواب جمیل

یترا ای میوه جنان اوغلم ،
 بویله مغلوب آه و زار اولمه !
 قهرمان زاده قهرمان اوغلم ،
 بو قدر زار و اشکبار اولمه !

••

بن اورلدم فقط جگر پاره
 ابدآ اولدم دیسم جائز ؛
 یاره لندم ، آغیر ایدی یارم ،
 فقط آزرده اولدم هرگز .

••

قفس تن شکست اولنجه همان
 طوغریجه اولدم آسمان پرواز ؛
 قارشیمه چیقیدی خرم و خندان
 بر الای قدسیان عرش طرز .

••

بوانه یدم یانکده صح و مسا ،
 ایلیه یدم سکا بو جانی سپر ،
 قاو رایه یدم المله بی پروا
 کوکسکه قورشون ایلدجه گذر .



ایده رک صکره نعشکی بر دوش
 بویله صوک خدمتی ایده یدم ادا ؛
 اشک چشممده کوستریدی خروش ،
 قوپاره یدم آجیقلی واویلا ،

[نجر خفیف : فعلاتن (فاعلاتن) مفاعلاتن فعلاتن]

شاد کام — ممنون، سونمش (کام کاف عربی ایلددره کاف فارسی
 ایلد آدیم مناسبه در. بو معنی ایلد شمیدی اسلوبم زده مستعمل دکادر .)



۲۲

بر شهید اوغلنك لسانندن

بنی سندن آییردی جور فلک ،
 آه ، صد آه مهربان پدرم !
 آل و اطفالی دوشونمیه رک
 عرصه حربه جان آتان پدرم !



سن شهادتله کامران اما
 بزى هجرکله سینه چاک ایتدک ؛
 سن او دولتله شادمان اما
 بزى فرقتله دردناک ایتدک .



هپ شهید اولمغی قورتاردک سن ؛
 عاقبت نائل مرام اولدک ؛
 عار ایدردک یتاقدہ اولمکدن ،
 خواهشک اوزره شادکام اولدک .



وكموش كې زخارف دنيويېي كليسا ادواتسندن اولديغيچون
اشياى مقدسه حكمنه قويهرق اولاد معنويه سسندن عد ايتىسى
لازم كلن اون اوج بيك قدر هم مذهبك سربستيسندن عزيز
طوتديغى حالده صلاح الدينك برادري كنديلرينه ديناً و حالاً
دشمن ايكن ينه فلاكتلرينه مرحمت ايدهرك ايجلرندن برازينك
بدللازينك اعطا ايله اسارتدن تخليصنه قالقشدى. صلاح الدين بو
معامله كريمانه يي استماع ايدنجه بويله بر شفقت محسنه ده مسابقتنه
فوق العاده تحسّر كس اولمش و غنيمت غالييتنك زكاتى اولقى
اوزره فديه سنى اعطادن عاجز اولان اسرآنك جمله سنى بردن
آزاد ايدهرك او بولده دخی رجحان فضائلى اثبات ايلمشدر.

ايشار — بذل سخاوتكارانه. استيمان — امان ديله مك. زخارف
— «زخرف» ك جمعى ؛ زاد اخروى يه نسبتله شايان اعتبار اولميان
دنيا زينتلى .



ایسه ده جمله سنده مغلوبیت کامله ایله رجعتدن بشقه بر شی
 یاه مدیلر وعاقبت عجز لرینی ادراک ایدرک استیمانه باشلادیلر .
 فقط صلاح الدین مقدماتی تکلیف ایتمش ایکن رد
 ایتدک لرینه منفعل اولدیغندن بو دفعه مسئول لرینه مساعددن
 استنکاف ایله * سز قدسی ضبط ایتدی ککر زمان اهل اسلامه
 نه یاپدیکر سه بن ده سزه او معامله یی ایدم حکم جوابیله سفیر لری
 اعاده ایتشیدی .

مع مافیہ بالیان ، صلاح الدینک سحیة شفقت وعاطفی او یله
 عارضی بر غضبه زائل اوله حق مرتبه لر دن عالی اولدیغنی ییلدی کی
 جهتله محاصره نک اون اوچنچی کونی بالذات قلعه دن خروج
 ایله خصم کریمک احسانه التجا ایدرک محصور لر دن هر ارکک
 ایچون اون ، هر قادین ایچون بش ، هر چوچق ایچون ایکی
 آلتون ویرمک اوزره جمله سنک سالما ایستدک لری یره عزیمتی
 وفقط بو بدلی ویرمینلرک اسارتی شرطیله قلعه نک مفتاحی
 قبول ایتدردی .

صلاح لدین دشمن مغلوبنه مرحمتی اودرجه ایلری کوتور -
 مشدرکه شهرده موجود اولان میری اچه سنک بیله بدل ایچون
 صرفنه موافقت کوس - ترمش و بطریق قلعه دن چیقارکن بیوک
 کلیسانک خزینه دکر درجه ده قیمتدار اولان تزیناتی ده برابر
 کوتوردیکی مشاهده ایدوب ده الذدن آلمق ایستین عسکر لری
 شدتله منع ایلیمشدر .

طرفینک اخلاقی کوستره جک وقایعندرکه بطریق آلتون

صلاح الدین ایوبی

صلاح الدین ایوبی بو متعدد موفقیتلردن صکره دشمی
 تاقلبندن اورمق نیئیه عسکری جمع ایدرک قدس شریف اوزرینه
 عزیمتله اول امرده مرحمت فطریه سی حکمنجه اویله بر بلده
 مبارکینی آفات محاصره دن حفظ ایچون غایت مساعد بر چوق
 شرائط عرضیه مملکت خلقی استیانه تشویق ایتدیسه ده یکی
 فتح ایتدیکی یرلردن قدسه پک چوق مهاجر کملکله مملکتده
 الی سلاح طوتار آلمش بیک قدر آدم پیدا اولدیغندن بونلر
 یاسلرک تشویقیله قدسی محافظه اغورنده صوک طملمه سنه وارنجه یه
 قدر قانلرینی ایثار ایتمکه قرار ویردیلر و تکلیفات واقعه یه جواب
 رد ایله مقابله ایدرک اهل صلیک مشاهیر امراسندن بالیان
 نام ذانک ریاستنده محاربه یه عزم ایتدیلر.

بو حال اوزرینه صلاح الدین چارمسر محاصره یه ابدار ایله
 اول قلعنک جانب شرقیسی وبعده جانب شمالیسی مهاجمانه
 هدف ایدرک قارشیسندن اولان دیوارلر آلتنه لغم قازدرمغه
 باشلانجه محصورلردن کندیسه کووه نلر ادوات واعمالات
 محاصره یی تخریب ایچون خارجه بر قاچ دفعه هجوم کوستردیلر

صاچار فواره آسا ناله هر سر و مزارستان .
 سکوتی بر مزارك بر درین فریاد در مدھش !

[بحر هزج: مفاعیلن مفاعیلن مفاعیلن مفاعیلن]

صمت — صوصمه. (سکوت ایله فرق شو وجه ایله در : سکوت :
 ترك تکلم، صمت : بالاقتدار ترك تکلم، سکوت، صوصمه، صمت : مدت
 مدیده سکوت . بویله بر فرق معتبر اولمیان محله مترادفاً « صمت
 و سکوت » استعمال اولنورسه بری حشودر.) غریبو — فریاد . ناله
 -- ایگاتی — زار — یانیق یانیق اغلامه . فواره — فسقیه .



۲۰

مزارستان

هزاران یأس و حزنه غرق ایدر افکار و انظاری
 سکوت آمیز بر قبرك نهانی ناله وزاری .
 او بر منظومه در معجزه، که مفتون ایلر افکاری ؛
 ایشتمز دیکلین، سیر ایلین آکلار او اشعاری ؛
 سکوتی بر مزارك بر درین فریاد در مدھش !

* *


مزارستانی اسقیلا ایدن صمت و سکونتدر،
 سکونت پر غریو و ناله در ... بیلمم نه حالتدر،
 که هر بر ناله بر فکره مکمل درس حکمتدر .
 نه حکمتدر؟ او کیم ظلمتلی بر نور حقیقتدر .
 سکوتی بر مزارك بر درین فریاد در مدھش !

* *

کوروب بر سنك جامد بی لساندر صانمه ای انسان!
 اونك واردر آلهی بر لسانی، کیم اولور حیران
 دم وحدتده، استغراقده کوش ایلیمان وجدان .

یاننه یاته رق تکرار او قشامغه باشلادم. بو منظره معصومانه کوز
او کندن کیدر شیردندیدر؟ ... او شیرین حیوانجغز بکا نیجه
کونلر آرقداش اولدی .

مهیب السیما — چهره سی مهیبتلی . حسن الخلقه — یارادیلشی ،
فطرتی کوزل . مشحون — طولو اولان . سراسر — باشند باشه .
سبکروح — خفیف روحلو .



بن :

— کرچکمی اغا بك ؟

ديه اظهار تشوق ايتدم . نردباندن ده عجله ايله اينمكه
باشلادم . او آراق برادر قوجاغنده سياه تويلو بر اوغلاق
اولدينى حالده ظهور ايدرك :

— اينمه ! اينمه ! ايسته كتيريورم .

ديدى . بنده نه سوينج !

برادرله شوكله لرى تعاطى ايلك :

— بونى نروده بولك اغا بك ؟

— وارنهن دى دايم يوللامش . برطاووجقى دكانه كتيردى .

بابامده بكا « آل شونى اوه كوتوريور » ديدى .

— بكامى يوللامش ؟

— سكا يا ! بن اوغلاغى نه ياپيم ؟

— قوزم اغابكجكم ، بنم قوجاغمه وير !

— سن قالديره مازسك .

برادر صوك جمله يى سويلر سويلمز اوغلاغى آرپهنك ايچنه
طوغرى صاليويردى . بن همان قوشدم ، سومكه باشلادم .
ياوروجق بك جزئى اوتلادقندن صكره يشيللكك ايچنه يان
اوستنه ياتويوردى . بورولشمى ، يوقسه اوراسى ذوقنه مى كيتدى ،
اكلایه مدم . اوغلاق قدر سبكروح مخلوق بك آز بوانور .
طورشى ، باقى بر خوشمه كيتدى كه تعريف ايدهم . همان بنده

ایتمشدر. اوت، هیچ شبهه ایتم! نیچون کتم ایدیم؟ شوسطرلری یازارکن ینه آغلایورم. بلکهده او زمان بوقدر آغلایامشدر. ای موت و حیات خالق! حقیقه او حزین آغلایشاریمزدهی مرحمت ایتدکه بزی صکره دن دخی بوجیه انعاماتکه لایق کوردک؟ بزم مقبول بارگاه جلالک اوله حق نه مز واره؟...

ایسترسهک یاپارسک: مقتضای حکمتک اولمق اوزره پدرینی الندن آلدیفک بی چاره بر یتیمی اولنجیه قدر حق اولدکن صکرهده مسعود ایتمک ایچون فیض قبولکه لایق اوله حق صورتده آغلادرسک. سکا انتسابک الک بیوک مداری ینه سنک کمال قدرتکه قارشی اظهار اولنان کمال عجز ایمش!... اوتوز سنه در نظر اعتماد بو نقطه استناد اوزرنده در. دیورلرکه: بر طامله کوز یاشی موجب سعادت ابدیه اوله بیلیر.

§

پدرک قوچ، قویون بسله مک مراقی اولدیغندن دیوارلری سراسر لطیف آصمه لرله مزین اولدیغی حالده زمینده بر کراس آغاجیله ایکی یاخود اوچ وشنه فدانندن باشقه بر شی بولنیمان باغچهیه هوسمنده آرپه اکردی بر کون یالکیزجه باغچهیه چیقدیم. اکیلن آرپه بر قاریشدن زیادهجه بیومش، زمینه لطافت ویرمش ایدی. تماشا ایله مشغول ایکن آشاغیدن برادرک سسفی ایشتم. دیوردی که:

— عمر! باق بو کچی یاوروسنه! نه قدر کوزل!

بختیارلق اوله میه جفنه قانع اولدیغندن ایشلریله مشغول اولمخی
بك سور .

§

پدرک ارتحالنده برقاچ بیک غروش آله جنی بولمقله برابر
یالکز آلمش غروش قدر ویره جکی حیقدی .

وفات ایده لی برهفته قدر قدر اولمش ایدی . برصباح دولکر
قیافتمده برخرستیان اوک قیوسنی چالیوردی . «نه در؟» دینلدی .
متأثرانه برطور ایله اوقدر آله جنی اولدیغنی سویلدی . درحال
پارده سنی ویره رک «حقکی حلال ایت !» دیدیلر . آدجک رک
کوزلری طولدی . برقاچ آی مقدم اوک باغچه جهته بر اوطه
علاوه ایدلیکی صروده مرحومک بك چوق انسانیتنی کوردیکنی
اعتراف ایتدی . «حلال اولسون !» دیه رک کیتدی . ایی آدمه
هرکس آجیر . بختیار عد اولفسونمی اوانسان که غیبوتی ملتدانی
اولیانلری ده متأثر ایدر ؟

بردن بره والدنک کوزلرندن یاش بوشاندی . بنده ایسه
او وقتلر هر شیدن زیاده آغلامغه قابلیت وار ایدی . بناءً علیه
بزده او آنده والده ایله همحال اولدق . ماتم تجدد ایتدی .
برده والده «آه بنم یتیم قالان اولادم !» دیه بنی طوتوب
باغرینه باصمسونمی ؟ بتون بتون یتیم ! ایشته اوزمان برصورتده
آغلاشدق که جناب حق ایله بزدن غیری هرکسک نظرندن نهان
اولان بو منظره هیجان دریای مرحمت آلهی می البته خروشان

یلكك قسم عالیسنده کی دوکملرک برینه ایلیشدیر یویرر. دیزلرندن
بربارچه آشاغی اینمکده اولان چوقه شلوارک آلت طرفلرینی
بیاض اخسرخه توزلقاری ستر ایتمشدر. آیاقلری غلطکاری،
آز اوسنلو، ظریف قرمزی یمیلره آلیشیمدر.

اوزرنده اسکی دکل، رنگی تغیر ایتش برشی بولماز. پک
یاقیشیقلی، طولغون وجودلو بر عثمانلیدر. بونکله برابر شیشمان
دیزله جک برحاله دکلدر. استانبولده طوغمش، بیومش؛ فقط
کندیسی بیلمینلر استانبوللو ظن ایتزلر. سراجخانه خلغنندن
علی بکی طانیانلر هنوز آز دکلدر.

اخلاقده دائرده برقاچ سوز سویلیلم :

تربیه لی بر اسلام اهل بدق ایچنده یتشمش حسن الخلقه
بر آدمک قلبی، حسیاتی نصل اولور؟ پدرک قلبی، حسیاتی ده
ایشته اوپله در. کیمسه یه فنالق ایتمه مشدر، فقط پک چوق
کیمسه لره ایلیک ایتمشدر. طوغریلق، مردلک کندیسنه پدری
احمد اغادن موروثدر. بر آزدید کورینور، لیکن نایمحل حدت
ایتمز. غضبنی تحریک ایدن خصوصات مطلقا تربیه اسلامییه،
انسانیته یاقشمیه جق شیردر. یورکی عائله محبتیه مشحون اولمقله
برابر هیچ بر وقت شماردیجی معامله ده بولمیدیندن خانه خلقی
تأثیر هییتی تحتیده بولنور. بوتأثیر دوکوب سوکک کی بعض
اسباب ایله حاصل اولما مشدر، کندیسنک حالتدن طبیعی بر
صورتده وجوده کلشدر. دنیاده کیمسه یه محتاج اولماق قدر

۱۹

عمرک چو جتلفنندن

بدرك قرق آلتی یاشنده اولدینی حلدہ ارتحالندہ بن تخمیناً
سکڑ یاشنده ایدم . قیافتی حالا کوزیمک اوکنده در : اورته
بویلو، ککیش اوموزلو، قوی البنیہ، بیوجک باشلی، دیرمی
چهره لی، قالینجه قاره قاشلی، الا کوزلو، ایریجه قاره بیقلی،
بیاض تنلی، مہیب السیما .

باشنه کیدیکی بیوک تونس فسنگ اوزرینه بیوجک بریمی
صارار . ککیش کوکسی کوچجه قاپلایه بیان قایطان وصیرمه
ایشلمه لی چوقه یلکده کی دوکملرک قسم کلیسی همان یاز قیش
چوزوک بولنور . یلکک اوزرنده کی سادہ چوقہ صالطہنک
قوللری بر آز قیصہ در . ایری، طولخون بیلککک دائم کوزه
چارپار . بلنده اعلاسنندن زہنی بیاض چیچکلی بر عجم شالی
کوریلور . بونک صاری زمینلی بر اشی دہ اوموزنده، یاخود
قولنده بولنور . بون اکثراً مندیلم مقامندہ قوللانیر . بلنده کی
شالک ایچنده مسـتور اولان محفوظه لی، ایری جورجی پیریول
ساعتک صیرمه اورمه ایشلمه لی، اورته سی دوکملی کوستکفی

ایفای دعا ایله همان صدق ایله، وصفی !
 ممکن دکل احصای مزایای خلافت .
 آرایش گلزار جهان اولسون، الهی،
 تا حشره قدر گلبن رعناى خلافت .

[بحر هزج : مفعول مفاعیل مفاعیل فعولان]

طاق — کمرلی بنا . اکلیل — تاج . طور — حضرت موسایه
 تجلی الهی واقع اولان طاغ، طور سینا . ید بیضا — حضرت موساک
 اظهار بیوردقلری معجزه معلومه . شاباش — تحسین، آفرین . اطرا
 — مدحده مبالغه . احصا — تعداد، صایحه .



محسود نجوم اولسه سزا مهر فلهکدن
پارلاق کورینور زهره زهرای خلافت .

هر عصره مرجح طوتیلور عصر حمیدی ،
اول عصر گزیندر شرف افزای خلافت .
بر پادشک بنده فرمانبری یز کیم
آراسته ذاتیله سجایای خلافت .

اول پادشک مهر وجودیله جهان
رشد آور اولور طارم مینای خلافت .
اول پادشک مصحف روینده همیشه
برق اورمه در آیت کبرای خلافت .
اول پادشک روز جلوسیه برابر
ایتدی لمعان نور مسمای خلافت .

شاهان جهان ایچره نظیری بولنورمی ؟
بر دانه در اول کوکبه پیرای خلافت .
شاباش اوقور افکارینه قانون عدالت ،
حیران اولور اطوارینه معنای خلافت .
هپ همت شاهانه می آسایشه . صروف ،
فاروق کبی قیلمه ده اجرای خلافت .

عنوان ملوکانه سیدر محیی دولت ؛
بیکر یاشاسون ، ایلدی احیای خلافت .
وصفنده قلم هر نه قدر ایلسه اطرا
شایسته در اول معدت آرای خلافت .

۱۸

ستایش حضرت پادشاهی

قصیده

ذاتکله سنک، ای مه غرای خلافت،
 فخر ائمه‌ده در رتبه‌ علیای خلافت.
 نامکله سنک صبح و مساطاق ظفرده
 رخشان اولیور پرتو طغرای خلافت.
 همامه کده درخشنده در اکیل نجات،
 شایسته سکا تحت معلای خلافت.
 جبهه کده فروزان اولان انوار ایله دایم
 پر شمعده در طور تجلای خلافت.
 اولمقده عیان سایه دست کرمکده
 معنای منیر ید بیضای خلافت.
 اوصافکی تزیین ایدر انوار معالی،
 عالی هممک ایلدی اعلاای خلافت.
 عثمانیلرک ائمه‌ده در شانی تعالی
 سایه کله شرفیاب اوله‌لی جای خلافت.

طيرمالاييجي، كوكل پاره لاييجي. رماد آتش كولى. بهت — مدهوشاق،
متحير لك. (بانك فتحه سيله وهانك سكون وفتحه سيله) چالاك — سريع
الحركه، چه ويك. خسيس — التفاته شايان اوليان، (پرينه كوره جري
معناسنده كلير.)



ویره جکم! دیوردی. خلق آره سندن بردلی قانلی ایاری کلدی. برنجی طبقه نك پنجره سینه، اورادنده بر مه اوت و سرعت خارق العاده ایله دیوارلره طیرماه رق ایکنجی قاتک پنجره سینه چیقدی. بر آن غیر منقسمدن صکره والدنك - دلی قانلینك ایجه اوزون اولان قرمرزی قوشاغنه باغلامش اولدینی حالد - آغوش شفقتنده کی چوجق ایله برابر اشاغییه صارقیدلینی کورلدی. سنه لرجه ریاضت بدنیه تعلم ایتیش قدر چالاک اولان دلی قانلی حقیقیدینی کبی اینمکده ده کوچلک کورمدی. کویا بو ایکی مخلوق پنجه خسارندن قاجیرمش اولدینی ایچون تزید شدت ایدن آتش ایسه برثانیه صکره خانیهی کاملاً احاطه ایتمشیدی.

بودلی قانلی ابنای جنس سندن ایکی کشی بی بر موت هائلدن قورتارمق ایچون نفسی محاطره یه القا ایلمش ایدی. بوهر حالد بر حرکت ممدوحه در. فقط نیچون پاره وعد اولنقسزین میدان حیقمدی؟ بر اثر مروتك ظهوری پاره قدر خسیس برشیته می منوط اولمایدیر؟ حکمده عجول اولمیک . . . موقع حریق هنوز ککش وقائم مقامك سوزلرینی بلکه هیچ ایشتمه مش اولان دلی قانلی موعود اولان آچه او دقیقه کندیسنه ویرمک ایستیلنجه غایت طبیعی برطور ایله «بوقادین ایله چوجق پاره یه دها محتاجدر.» دیهرک چکیلوب کیتدی.

و نردبان طرفی یاغغه باشلامشیدی . ایکنجی طبقه سنک بر
 پنجره سنده - درت یاشنده بر چوجفی در آغوش ایتش -
 بر قادین کوریلوردی . بی چارەنک چهره سنده نمایان اولان
 آثار هیجان تصویره کلز . یا او زواللی چوجق ! بر لوحه
 آتشین ایچنده منظور اولان وجه نورانیسی نه قدر دلربا ، او
 چهره معصومیتک تمیجانی نه قدر روشنا ایدی ! والده اولانجه
 سسیله ، اوضاعیله متصل استمداد ایدیوردی . بر قادین ایله
 بر چوجنک آتشر ایچنده قاله جغفی کورمکدن کیم متأثر اولماز؟
 خصوصیه بر سنه مقدم طول قالمش و کندیسسیله چوجغفی بر
 قصبه ده ایشه یرایه بیله جک ال ایشلریله کچنیرمکده بولنش
 اولان بو قادین قصبه نکه نمونه عفت نسوانندن اولدیغندن
 هر کسک احترامنه مظهر اولمشیدی . یورکلری پارچه لایه حق
 بر فلاکت ایقاع ایده جکندن هیچده خیر اولیان آتش کیتدکجه
 توسع ایدیوردی . هرایکی دقیقه صکره والده دنده ، چوجق دنده
 رماددن بشقه برشی قالمیه حق ایدی . بو منظره بی کورمکده
 بولسانلر بهت و اضطرابدن مرکب بر حال ایچنده ایدیلر .
 بو زواللیلری قورنارملی ؟ فقط نصل ؟ خانه یه کیرمک ممکن
 دکل . بر کوچک قصبه ده نه درلو ادوات تخلیصیه بولنه ییلیر؟ بر
 نردبان آراملی ، اوئی آریوب بولغه وقت مساعدمی؟... اوصیره ده
 بر صوت بلند ایشیدلدی : حقیقه ارباب انسانیتمدن اولان
 قائم مقام افندی « بو ایکی کشتی قورتارانه بیسک غروش

۱۷

بر اثر صروت

چکن تشرین اول اواسطنده . . به سکر اون ساعت
مسافده واقع اولوب مرکز قضا اولان . . . قصبه سنده کیجه یاریسی
یانغین وقوع بولمشیدی . حریق ظهور ایدن خانه خلقنک
فریادلرینی ایشیدن، شدتله وزان اولان جنوب روز کارینک سوی
آسمانه اعلا ایتمکده اولدینی آلاولری کورن قومشولرک او
طرفلرجه معتاد اولدینی اوزره آندقلری بر قاج ال سلاح
مامورین حکومت ایله برابر اهلیدن برایکی یوز کشی بی امداده
شتابان ایتمشیدی .

آتش ظهور ایتدیکی خانه دن بشقه اتصالنده کی خانه بی ده
صاردی . بونلرک ایکسی ده کوچک شیلر اولدینی کبی هر ایکی
طرفدن دیگر خانه لره اتصاللری اولمديغندن اونلر یاندقدن صکره
سونه جک ایدی . فقط طویلاشمش اولان خلق بر منظره
دلخراش قارشیدسندده بولندیلر : حریق برنجی خانه نک زردبان
طرفندن ظهور ایتمش اولدینی ایچون دروننده کیلر تخلیص
جانه موفق اوله بیلشمش ایدیلر . ایکنجی خانه نک ایسه اولاقو

سایه‌سنده قلعه فتح اولندی . جنویزلر النده بولسان غلطه ایله
روملرده قالمش اولان سیلوری و بوغادوس ایسه شهرک ضیطقی
متعاقب استیمان ایلدی . حضرت پادشاه استانبوله برالای مظفریتله
دخول ایدهرک اسکی سرایه نزول ایتدی .

تیقن — شبهه‌سز آکلامق . منجیق — محاربات عتیقه‌ده آغیر
صرمیاتی اوزاق مسافله‌ده دوشورمک ایچون استعمال اولنان بر ماکنه
تفنگ — «توف!» ایدهرک شی دیمک اولمسنه کوره اشتقاقه نظرله
فیشک کبی بوده توفک یازماق لازم کلیر . ستره — اورنو . ترمیم —
تعمیر . جهان — صیجرا ییجی . کره ارض ، عالم معناسنه اولان جهان
بوکلهدن بشقه برشی دکلدر . فقط لسانمزده اومعناده جیمک کمره سیله
معنای اغویسنده جیمک فقه سیله ، استعمال اولنور . طوق — طاقت ،
قدرت . طرافه — چاتیردی .



فداکارانه سیله خندقك همان نسفی طولدیرلدی . فقط دیوارلرده گذاره قابل بر رخنه آچیله مدی . چونکه دیوارلرك رصانت فوق العاده سی جهتیله آتیلان کلهلرك تأثیری بیسمق دکل ، دلیکدن عبارت ایدی . نهایت پادشاه طوپ قیو ایله ادرنه قیوسی بیننده تنسیب ایتدیکی بر دیواری عادی طوپلردن برقاچ باطریه ایله بش اون کونلر برخط اوزرینه دوکه دوکه کوشتدکن صکره بیسوک طوپلره آتش ویرلمسنی امر ایتمکله ینار طاغ پاتلامش کی برطرافه قیامت نمون ایله طاغ پارچه سی بیوکلکنده آتیلان کلهلرك بربرینی متعاقب برر مجسم زلزله کی ورودی دیواری یرله یکسان ایتشدیر .

بونك اوزرینه فاتح ایمراطوره برکره ده قلعه نك تسلیمنی تکلیف ایتدکن وینه جواب رد آلدقن صکره مهاجمینی فرمان ایلدی . فقط او کون ینه فتح میسر اوله مدی . آچیلان رخنه نك خصم طرفندن ترمیمنه میدان قالماق ایچون حضرت پادشاه هر طرفدن مشعللر حتی مزراقلر اوجنه وارنجه نوملر یاقدیره رق محاربه دن ال چکمدی .

اردوی هایون کثرت ضیادن بر حاله کلمشدی که ایرتسی کون ظهورینه انتظار اولنان فتحك همان اوکیجهدن شهر آینه نه باشلانمش ظن اولنوردی . صباح اولنجه حضرت پادشاه بر معتاد عسکرینی استصحاب ایله مهاجمینی کشاد ایلدی . بو هنگامه قیامت آشوب بر قاچ ساعت دوام ایتدکن صکره عساكر عثمانیه نك قره دن ، خلیجدن کوستردیکی غیرت فوق العاده

نهایت زنجیرك داخلند و محافظه سی خدمتند موجود اولان
 یکر می بش قدر کیلر طرفندن سفائن عثمانیه ایله کوپری به بر
 ضرر ایراث ایتک تصورنده اولدقلری خبر آلمغله فاتح خلیجده
 اولان فیلونک امنیت چون روم کیلرینک احراقی عزم ایلدی .
 انجق شمدیکی بك اوغلنک بولندی موقعه اولان زغنوس
 پاشا اردوسندن بشقه بر یردن بونلری طویه طونق قابل
 دکلدی .

اورادن آتیه حق کله لر ایسه بالضروره غلطه نك استحكامات
 و ابنیه سنه طوقنه جفتدن و حال بوکه غلطه جنویزلرك النده
 بولنه رق انلرده عهد پادشاهیده اولدقلرندن فرقه بحریه مزى
 موجود اولان طویلرله دشمنك تسلطندن وقایه امکان
 بولنه مدی .

فاتح که هر مخاطره ده بر استاد و هر احتیاجده بر وسیله ایجاد
 بولمق خصایصندن ایدی ، بو محذورک دفعی چون بنه کنز لایقنای
 عرفانه مراجعتله ترتیب ایتدیکی حساب اوزرینه مقوس کله
 آثار بر طاقم طویلر یاپدیرمق تدبیری بولدی و بو طویلرک بریه
 بالذات نشان آله رق ایکنجی کله ده بر روم سفینه سی غرق ایلدی .
 ایسته حضرت پادشاهك خلیجده کی سفائن و کوپری یی
 محافظه ایچون فعله چیقاردینی بواختراع شمدی طویلیق فننک
 اك مهم ارکانه اساس اولمشدر .

بحراً بوتشبنات ایله اشتغال اولندی صیره ده قره طرفندن
 قلعه نك درت برجی تخریب ایلدی و عساكر عثمانیه نك غیرت

استحكامات موجوده نك مقاومت ايده بيلمسي كنديني ده بر آز
اندیشه يه دوشورمشدی .

بويله صعبوت هنگاملرنده عجزه نك كاری فتور و اعالينك
ایسه تحری اولدیغندن فاتح بر زمان خلیجك زنجیرینی قیرمه
چاره آرادقدن و اوندن دخی مایوس اولدقدن صکره یسه اك
بیوك معینی اولان قوه علم و عرفانك كرامتنه مراجعتله طوق
بشرك خارجنده كورینه جك بر تدبیرك اختیارینه قالدیشهرق
خریطه لرینی بالذات ترتیب ایتدیکی بر طریق اوزرندن طوله
باغچهدن قاسم پاشایه قدر بر قیزاق انشا ایتدیردی و انتخاب
ایتدیکی یتیش قدر سفینه نك یلکینلرینی کشاد ایتدیره رك و غلطه
طرفندن نه قدر انسان و حیوان وار ایسه نقل خدمتنه تعیین
ایلمیره رك بر کیجه نك ایچنده بیک درلو اقدامات ایله جمله سنی بردن
خلیجه ازال ایتدیردی .

محصولر بویله طاغلری طاشلری دریایه تحویل ایدر یولده
بر خارقه نك تماشاسیله بالطبع مبتلی اولدقلری حیرتدن قورتیلنجه
سفائن وارده بی یاقغه قالدشیدیلر ، بو یولده بر قاچ کره پك
فداکارانه هجوملرده ایتدیلر .

فاتح ایسه غلطه دن قارشیه شمیدیکی صاللر طرزنده بر برینه
مربوط واریللر اوزرندن عسکر کچه جك و طوپ قالدیره بيله .
جك برده کوپری انشا ایتدیرمکه باشلادی .

روملر کوپرینك ختامندن صکره یسه احراق تشبثی تکرار
ایتدیلر .

ایله آتشك تماشاى امتزاجمند عسکرجه حاصل اولان دهشت
سفائن عثمانیه یی کویا حیرتدن طوگمش کی بتون بتون حرکتدن
آلیقویدی . یالکز طالع لک سوقیله ایکی کمی یرلرندن اوینادی .
اونلرده بربرلرینه چارپه رق آتش آلدیلر .

حضرت فاتح نغسندنه کی معرفت وعسکرندنه کی مکارم اخلاقه
کوکنوبده انده اولان اوفاق بر دولته بتون اوروپایه میدان
اوقومشکن دونماسنك، یکریمده بری مقامنده بولن ان برقاج
سفینه ایله اوغراشه مدیغنی کورنجه غلیان حدتله سرپا بر آتشاره
غضب کسپله رك همان برق جهان کی سوار اولدیغی خیلان ایله
دکزه آتدی . بوتماشك تائیریه دونمایه فوق العاده بر غیرت
کلدیکندن دشمن کیلری اوزرینه برشدتلی هجوم ده ا اجرا
اولندی . فقط غلبه سفائن عثمانیه نك کترتی وفداکارانه غیرتیه
خصمك مهارتی بیننده متردد ایکن روملره مساعد و غایت قوتلی
برروز گارظهور ایتمکه ذکر اولنان بش سفینه دونماك آره سندن
کمال سرعتله گذار ایتدیلر .

بوصره ده محصور لر دخی سرکه جی ایله غلطه آره سنده
اولان زنجیری کوشه تدکلرندن بربرینی متعاقب خلیجه داخل
اولدیلر .

حضرت فاتح تشبثاننده ثبات ایلدی . اما بالاده تعریف
اولنان « کشور کشا » نك یامسی و دونماك دشمن کیلرینی منع
ایده مامسی و بونجه همتلرله اعمال ایتدیردیکیی بیوک طوپلره بیله

بر کيجه بوقلمه سياره طوب قپوسی اوزرينه سوق اولنه رق
اوراده بولنان برجی خراب ایتدی .

فقط ایمپراطورک کوستردیکی فوق العاده اقداملر سایه سنده
روملر خراب اولان یرلری صباحه براقسزین ترمیم ایتدکن
بشقه نفط شیشه لریله « کشورکشا » یی دخی احراق ایتدیلر .

محاصره بو حال اوزره ایکن استانبولک اعانه سنه مأمور
اولدینی حالده بر آیدن بری مخالفت هوا جهتیله مرمره دکزینه
کچه مین اون بش قدر سفینه نک کلکده اولدینی کوریلنجه دونمای
هایوندن بر یوز اللی قدر بیوک و کوچک کیلر بونلره سد راه
اولق ایتدیلر .

حضرت پادشاه بوهنگامه یی تماشا ایچون ساحل بحره
اینشیدی .

دشمن کیلری جسم و طویلری مکمل و طائفه لری صنعتلرنده
ماهر اولدقدن بشقه دولت علیه دخی اوزمانه قدر دونمایه هیچ
اهمیت ویرمه مش وحق موجود اولان کیلرک جمله سی استانبولک
فتحی تشبثاتی صرعه سنده فاتحک امریله یاپدیرلمش ایدی . اونلرکده
قپودانلق مقامنده اولان بالعه اوغلنک مهارتسزلکی مناسبیله
انشالری قاعده سز و صو کسملری آز اولدینی کبی ایچلرنده دخی
لزومی قدر طوب و طائفه سنده دکزه آلیشق آدم یوق ایدی .

بو حال ایله محاربه ابتدا ایدر ایتمز روی دریایی دشمنک
هر درلور میاتی قابلامش وباخصوص نفط شیشه لرینک دو کدیکی
آتش صو اوزرنده یوزمکه باشلامش اولدیغندن بوضعوبت و آب

بوحادثه ایسه فاتحك قوهٔ ایجادیه‌سنه بر فرصت ظهور دها اعطا ایتمکه ویردیکی امر اوزرینه دیگر ایکی بیوک طویلر هر آتدقجه زیتون یاغیله ییقامغه باشلامش وبوصورتله معین اولدقلری مقصده خطر سزجه استعماللری قابل اولمشدره. حضرت پادشاهك فطانت واحتیاطی استانبولك فتیحی کی بر امر عظیمی دها تجربه‌سی کورلمه‌مش بر واسطه‌نك تاثیرینه حصر ایده‌مدیکی جهتله محاصره‌یه برچوق منجیققلر دخی کتیرمش وایچنه اولقی وتفنگلی عسکر و دوشدیکی یرده آتش آله‌رق اطرافی احراق ایدر بر نوع اجزا ایله مملو شیشه‌لر وضعیله قلعه اوزرینه سوق اولنق اوزره تکرلکه یورر درت قله یادرمش ایدی.

بونلردن بشقه یونان لساننده «کشورکشا» معناسنه بر اسم ایله یاد اولنور بر آلت دها اعمال ایتدیرمشدی که بوده متعدد تکرلکر اوزرنده حرکت ایدردی واطرافی خارجاً وداخلاً دائماً یاش طوتیلور اوچ قات مشین ایله محفوظ اوله‌رق اوزرنده دخی ایچنده کی عسکری محافظه ایچون ستره سور شه‌کلنده شیلر موجود ایدی.

جهت سفلاسنده شهره قارشی آچیلور درت قیو اوله‌رق درونی ایسه خندق طولدیرمق ایچون اودون وسائر اشیا ایله مملو ایدی. برده حامل اولدینی عسکرک قلعه مستحفظلریله قارشی قارشی یه حرب ایده بیلملرینه خدمت ایچون برطاقم آتمه کوپریری دخی وار ایدی.

قاچار طاقدن اولدیغیچون بر ایکی حمله ایدر ایتمز خصم لرینک
ضرب دست قهرمانیسنه مقاومت ایدمه جک لرین تیقن ایدمه رک
رجعته مجبور اولدیلر .

هر نه قدر شهرک صویه متصل اولان جهتلری یالین قات بر
دیوار ایله محاط ایسه ده خلیجک گذرگاهی اوزمانلرجه کسری
محال بر زنجیر ایله مسدود اولدیغی کبی لافیه بوستانی و قدرغه بر
لیمان اوله رق اطراف دخی خندق و قلعه لرله مستحکم ایدی .

بناء علیه حرکات حربیه نک قره جهتمدن اداره سنده دها
زیاده سهولت کورلمکله اوج بیوک طویلر اولا اکر قیو
قارشیسینه وضع ایدلمش و فقط اوراسی ایمپراطور طرفدن مجدداً
تحکیم اولنق جهتیله ایدیلان آتشلرک ایستندیکي درجه تاثیر
کوریه مدیکندن مرکز مهاجمه طوپ قیو قارشیسینه نقل
اولنمشدی .

برشی که یکیدر ، نه قدر ماهر اللردن چیقمش اولسه یینه
اونده کمال ممکن اوله ماز . بوقیلدن اوله رق اسلحه ناریه دخی
واقعه فاتح کبی بر موجد مقتدرک ید مهارتنه دوشمش و خیلی
ایلرلمشدی ، انجق یینه بر طاقم بیوک نقایصدن خلاص اوله مدی .
حق اک بیوک طوپک بر دفعه طولدیریلوب آتلمسی ایکی ساعته
توقف ایتمدیکیچون کونده آنجق سکز کره استعمال اولنه بیلیدی .
بونکله برابر زیاده قیزمسی منعه دخی امکان بولنه مدیغندن بر کون
طولدیریلورکن پاره لندی .

۱۶

استانبولك محاصره وفتحی

بردرجهیه قدر آثار باقیه سندن دخی آ کلاشلدینی اوزره
 استانبولك دریا و خلیج ایله محاط اولان جهتلری یالکز بر دیوار
 و قره طرفی چفته دیوار و یوزر قدم عمقنده چفته خندق و متعدد
 قله لرله محفوظ ایدی . مملکت منلته یقین بر شی اوله رق اوج
 کوشه سنده استحکامات جسیمه وار ایدی . اردوی هایونك صاغ
 جناحی اولان یوز بیک پیاده یدی قله قارشیسنی وصول قولده
 اولان اللی بیک کشی بلاط قبوسی حذاسنی نقطه استناد ایتیش
 وزغنوس پاشا بر آزعسکرله غلطه اوزر لرینی اردوگاه ایلمشیدی .
 فاتح حضرتلری ایسه اوز بش بیک یکیکچری ایله بیوک اردونك
 مرکزنده برقرار ایدی . دکر طرفندن اون سکنز سفینه ایله درت
 یوز قدر قدرغه حصر حصار و نقل مهمانه مأمور اولمشدی .

وقتا که محاصره باشلادی ، بر طرفدن اسلام اردو سندن
 ایدیلن آتشک شدتی و بر طرفدن فاتحک ترتیب مخصوصیله پاییلان
 متریس و صیچان یوللرینک صنعتی عساکر اسلامییه پی دایما برسد
 محافظه آلتنده طوتدیغندن روملر دفع صائلدن بتون بتون
 مایوس اوله رق تجربه طالع صورتنده قلعه دن خارجه شدتلی
 هجوم ایتدیلر و فقط عساکر محمدیه اولومدن قورقار و یا هجومدن

باقدقجه وله وحيرت كتورمكده ومدينيت قديمه نك وقتيله سلم
 ترقيانك درجه بالا ترينه واصل اولديغنى تصديق ايتديرمكده بولنان
 بو آثار قديمه وجسيمه نك لايق اولديغى درجه ده تعريفى مطلقا
 مصور بربيوك سياحتنامه تحريرينه وابسته ولسانمзде بورانك
 احوالنه دائر برشى يازلامسى جدا تأسفه شايسته در .
 (برمكتوبدن تلخيص ايله صباح غزته سنه درج اولغش ايدى)

تدمر — تانك فتحه سى ، دالك سكونى ، ميك ضمه سيله در . عمود
 — ديرك . خشيت — (خا ويانك فتحه لرى ، شينك سكونيله در .) تعظيم ايله
 قاريشيق قورقو . دير — كليسا ، مناستر . اهرام — شكل معلوم هندسى يه
 اطلاق اولنور . هرمك جمعى ايسه ده مفرد مقامنده استعمال اولغنده در .
 سلم — (سينك ضمه سى ولامك تشديد وفتحه سيله) نردبان .



ذکر اولئان معبدك برکوشه سنی شمديکی اهالی جامع شريف
اتخاذ ايتش اولدقلرندن بودير خراب وقت وقت اذان محمدی
ایله شرفیاب اولمده در .

اوروپالیر شهرک و معرض و قلعہ نك رسملرینی بورادن
آلورلر .

خارج سـورده دائره نك غرب جنوبیسنده آلتیشر طبقه
اوزرینه مبنی مربعی « اهرام » لر یوزاللی مترو ارتفاعده در .
بونلر طبقه طبقه در . طبقه لر آلتییه بالغ اولوب طوانلری بیاض
مرمردندر . اوزرلرنده یاغلی بویا ایله نقوش گوناگون مصوردر .
اطرافده دخی مرمردن کذلک تصاویر بی حساب ایله منقوش
کمرلر و بوکمرلرک آره سنده طبقه طبقه قبرلر واردر .

اجنبی سیاحلری - درونلرنده کی مومیالری آلتی اوزره -
بو طبقه لری ییقدیروب خراب ایتشلردر . بومقوله آثار قدیمه یی
سیر و تماشا یه رغبت کوسترمکه بر دیه جک یوق ایسه ده بوصورتله
تخریبی شایان تقبیح اولسه کر کدر .

شهرک غرب جنوبنده وجبل صفا اتکنده بر مغاره واردر که
بوده سالف البیان اهرامک طرز معمار یسنده طبقه طبقه یاپلمش
ویک منتظم و اویمه لی طاشلرله مزین بولنمش اولدیفی آکلاشلمقدمه در .
روایات واقعه یه کوره او اهرام مدفن اکابر ، بومغاره مقبر عوام
اولمق لازم کلیور . مغاره دن دخی برچوق آثار نفیسه اخراج ایله
اوروپایه نقل اولندیفی مرویدر .

شو ویردیکم معلومات فهرس قیلندن برشی اولوب انسه انه

وبندرگاه قدیم اولدینی آکلاشیلان بر دائرة جسیمه نك آثار
باقیه فی جالب نظر دقت و عبرت در .

بودائرة وسیعه بش یوزی متجاوز مرمر عمودلر اوزرینه
مبتنیدر . شرق طرفنده دیگرلرندن دهـا بیوک اوله رق صماقی
طاشدن درت مربع عمودکورلمکده اولدیغندن بوراسی سرکینک
مدخلی اولمق لازم کلیور . دائرة نك اورتہ سنده یکپاره مرمردن
اون آلتی کوچک دائرة قپوسی منظور اولمقله بوندزده سرکینک
برچوق دوائر حوی اولدینی آکلاشیلیور .

دوائر مذکورہ نك حقیقه خیرت آور اولان تقسیمات
وتریبائی تعریف ایدہ بیلیمک پک اوزون تفصیلاته محتاج اولوب
هله اورتہ سنده برمتروعمقنده ووقتیله ایکی میلیون نفوسی بولنان
تدمر شہرنی اداره ایدہ جک صورتده وجوده کتیرلمش اولان
صو جدولی بدایع فوق العاده دن عد اولنور .

سورک اطراف اربعہ سنده بولنان درت بیوک قله دخی عجائب
عالم عدادینه داخل اوله جق آثار جسیمه دندر .

شہر دروننده یوز یکرمی مترو قدر مرتفع برمعبد وارددر .
بونک شرق طرفنده ینہ او ارتفاعده اون ایکی قطعه یکپاره مرمر
دیرک کورنمکده در . بونلرک اورایه فصل کتیریلوب فصل رکز
اولندقلری حقیقه وله رسان وکورمینلر بوکا اینانماش اولسه لر
شایاندر . اشبو دیرکلر — رکز اولندقلری زماندن بووقته قدر
نیجه عصر مرور ایتمش اولدینی حالده — الآن کمال متانتله رهین
استقرار وانظار نظاره جالب خوف و خشیت بی شماردر .

۱۵

تدمر خرابه لرینی زیارت

کچنلرده دیار بکر طرفلرنده بولندیغم حالده شام شریفه عزیمتم لازم کلمش اولدیغندن اوروپا لسانلرنده (پالمیر) دیه معروف اولان تدمر خرابه لرینک شهرت شایعه سنی و اوروپالی سیاحلرک بو خرابه لرده کی آثار عتیقه یی تماشا ایتک ایچون نه قدر اوزاق مسافه لردن اختیار مشاق سفر ایتدکلرینی تخطر ایدرک بن دخی اورالری کورمکی ارزو ایتدم و حلب طریقنی ترک ایله هر درلو متاعب و مشکلاتی کوزه آلدیروب تدمر یولنی اختیار ایلدم .


تدمر ، شام شریف ایله زور سنجاغنک مرکزى اولان دیر قصبه سی اره سنده کی مسافه نک و سطنده و جبل صفا و دروز دینیلن سلسله جبالک منتهای شرقیسنده کائن براسکی شهر و قلعه درکه عاصی جبلنک اتکنده مرتفع بر موقعه تصادف ایلیمشدر . جوانب اربه سی بر سور ایله محصور و فقط شمدی کرک شهر و قلعه نک، کرک سورک یالکر خرابه سی منظوردر .

اشبو سور مدینت قدیمه نک فن معماریده کی اقتدار کاملنی ارائه ایده جک بر اثر اولدیغی کبی قلعه ایله شهر اره سنده اورو . پانک شمدیکی عمومی سرکیلرینه مماثل بر معرض جسم و تاریخلرک روایتی وجهه ایله هندستان و اوروپا بیننده بر مرکز تجارت

سری وار هر برینک ، حکمتی وار ،
 حصره گلز نیجه خاصیتی وار .
 ایلمش حضرت وهاب کریم
 هر برین واسطه لطف عظیم .
 حق غنیدر سنک اعمالکدن ،
 ینه سندسک ینه جک مالکدن .

[بحر رمل : فعلان (فاعلاتن) فعلان فعلن]

سهی — طوغری . مادیاته مخصوصدر . خیابان — باغچه یولی .
 خرامنده — صالینجی . انجام — عاقبت ، نهایت ، صوکه . باغ نعیم —
 جنت . غوایت — (غینک ققحه سیله) طریق ضلالتیه صایمق . واجبات
 — یابللی لزومی — شرعاً فرض درجه سنده اولمیه رق — ثابت اولان شیلر .
 سنن — حضرت رسول اکرمک احیاناً ترک ایلر برابر مواظبت بیور .
 دقلری افعال . مندوبات — شرعاً ، ترکی جائز اولمقله برابر یابللی راجع
 اولانلر فعللر .



۱۴

«خیریه» دن

ای سہی سرو خیابان شہود ،
 نوخرامندہ بستان وجود ،
 عالمک مشغلہ سندن اقدم
 بودر انسانہ اہم والزم :
 ایدوب انجام امورین تدبیر ،
 ایلہ خانہ دینن تعمیر .
 ایتدی اندازہ حکمتلہ قیام
 پنج ارکان بنای اسلام .
 بو بنا ایجرہ اولان راحتدر ،
 طشردسی پازدہ آفتدر ؛
 بو بنا داخلیدر باغ نعیم ،
 خارجی ناحیہ دار ججیم ؛
 داخلی اہل ہدایتدر ہپ ،
 خارجی اہل غوایتدر ہپ ؛
 اولہ گردنکش فرمان غفی .
 ہر نہ امر ایتدی ایسہ ایلہ آنی .
 مؤمنہ خلعت دیندر قات قات
 واجبات وسنن و مندوبات .

قلعه ده بولنان سائر مجاهدلرله برابر بی اختیار کولشدک وغیرتی
تدبیرینه معادل وتک باشنه براردویه مقابل اولان اوילה بردستور
کاردانک رفاقتنه دوشدیکمز ایچون جناب حقّه بیوک تشکرلر
وپاشا مرحومه خلوص ایله دعالر ایلدک . »

کشاکش — چکشمه، منازعه، دزدار — قلعه محافظی . وهله —
ایشک ابتداسندن . سوزوگداز — یانوب یاقله . یمین — صول مقابلی
اولان صاغ . (یرینه کوره قسم معناسنه کلیر .) ماجری — جریان
ایتمش، وقوع بولش اولان حال ووقه .



کوندردم. ایمپراطوره کندیلرینک بابالری دینه عودت ایتدکلرینی، قلعهدده ذخیره وعسکر اولمדיغنی، حاصلی بکندیکی یالانی سویلیه جککر و مجارلرک رأی و قرارینی طرف عاجزانه مه بیان ایلیه جککدر . دشمنی اینساندیرملرینه امید وارم . همان ذات والای سردار اکر میلری وقت مرهونده بتشمکه مهیا بولنسکز! ایلروده خندان وکنعاندن نه خبر آلیر ایسه عرض ایدرم. باقی فرمان ...»

«مکتوبی یدیمین اجرآئی حکمنده اولان مجاهد مشهور قره پنجهی جاب ایله دشمن اردوسنک کوزه کورینه جک بریرینه براقهسنی امر ایلر .

«قلعه دن عمر آغانک قویوردیکی اسیرلر ماجرانی ایمپراطوره نقل ایتدکلری صیرهده قره پنجه دخی همان اوکیجه تبدیل قیافله اردویه کیره رک ماتیوسک چادری جوارینه براقدینی مکتوب معهود ایمپراطور حضورینه کتیرلمکله روایت واقعه ایله مال مکتوب بربرینی تائکید ایدنجه کوله رک جاسوس اولدقلرینه دشمن عنندنده هیچ شبهه قالماز . «قلعهده بر آدم باروت یایارمش صحیح میدر؟» دیه صورارلر . چوجقلر صحتنی اعتراف ایتمکله ایمپراطور «یا سنز قلعهدده باروت یوقدر دیمش ایدیکز ، نه ایچون کلدیکز آکلاشلدی» سوزیه ایکیسنی دخی اعدام ایتدیرر .

«برصباح موسمی فقیر عمر آغا ایله برابر حصاردن دشمنک حالی سیر ایدرکن متریسه طوغری بر قاج کشی کلدیلر ، منظره مزه ایکی باش دیکدیلر ، دشمنک بو غفلتنی کورنجه

ویرمش ایتمش . مومی الیه اسیرلری « بن اولدیریرم ، دیهرک
جلادك النذن آلیر ، مأمور اولدینی اوزره « بن ده سزدنم . بوندن اول
اله کیرن اسیرایی دخی بن قورتارمش ایدم . سزی ده جلاد النذن
قورتارمق ایچون آلام . پاشا کوله لری مخصوص قاجپردی .
مقصدی قلعەنك ذخیره سزلیکنه و عسکرک آزلغنه ایمراطوری
اقتاع ایدهرک اردوکنزی بوقیش بوراده آلیقومقدر . سردار
ایله خبرلشدیلر . هوالر بوزلدینی کبی اونلر سکتوار طرفندن
هجوم ایدهرک ، پاشا قلعەدن چیقه جق ، سزی ایکی آتش آره سنده
براقه جقلمر ، خبریکز اولسون ! بو قلعەده قوجه بر اردو ایله
بر ییلاق ذخیره و مهمات موجوددر . مجارلر دخی ترك عسکريله
متفقددر . هر کیجه نوبته قلعەنك امدادینه بیک کیشی کوندریورلر .
دیهرک و بر معتاد الارینه بر آز خاص اتمک ویرهرک کویا خفیاً
صالیورر .

« اسیرلر اردویه کیده طورسون ، پاشای مدبر سرداره
شو مألده بر عریضه یازار :

« بعد الالقاب بوندن اقدام کوندردیکم معروضانده
عسکر و ذخیره مزک کثرتی و بار و تمزیر آز آزالمش ایسه ده دشمندن
قالان کبریت و گهر چله ایله اونک دخی اعمالنه چاره بولدیغمزی
بیان ایتشیدم . مجارلرله اتفاق ایتدک . اونلرله خبرلشه رک تعیین
اولنه جق وقت مناسبده اردوی هایونک بو طرفه کلسنه قرار
ویرلدی . واسطه مخابره اولمق ایچون کوچکدن بری اولاد کبی
بو یوتدیکم خندان و کنعان بنده لینی فراری صورتنده ایچلرینه

روزگار ایدی . باروت غائبه سی هنوز بر طرف اولمش ایدی که پاشانك كیلارچیلک خدمتمده بولسان خندان و کنعان نامنده ایکی دلی قانلی بر کیجه قلعه دن فرار ایدرک دشمن اردوسنه دخالت ایلدیلر . بوخبر قلعه ده شایع اولنجه شمیدی به قدر ایدیلن تدابیرک کافه سی نمره سز قاله جفی و کوله لر قلعه نك حالی تمامیه دشمنه خبر ویره جکلرندن اعدانك قلعه یی محاصره ده ثبات و اصراری قات قات زیاده لشه جکی و هله خاطرلری تخدیش ایتمکله هرکسه بریأس تام مستولی اولمش ایدی . امرای عساکر بر رايکشر طوبالانه رق پاشای مجاهدك مجلسنه کیتدیلر ، کوکلرینه دوشن خوف و تلاشی کمال سوز و گداز ایله بیان ایتدیلر . پاشای غازی بر معتادینه هیچ فتور کتورمکسزین یالکر « بن اونك چاره سنی بولورم » وعد مختصری ایله دفع تلاش ایلدی .

« مگر بز عاقبت کاره منتظر اولوب طوررکن پاشا کچید طرفه معتمدلرندن برقاج کشی ارسال ایله ایکی اسیر طوتدیرمش . فقیر حاضر اولدیغ حالده اسیرلری جلب ایله « بزم طرفدن اردوکره ایکی آدم کوندرلمش ایدی . نه سویلدیلر ؟ نه حالده درلر ؟ طوغریسفی بیان ایدرسه کز سزه زوال یوقدر » یوللو استنطاقه باشلادی . اسیرلر کیدن دلی قانلیلرک ایمراطور حضورینه چیققلرندن و قلعه ده بر آزعسکر واریسه ده ذخیره پك آزالدیغندن و محاصره ده دوام اولندیغی حالده سهولته فتح میسر اوله جفی سویلدکلرندن بحث ایتدیلر . بونك اوزرینه پاشا ایله اعداملرینی اشارت ایتدی . مگر دهها اولجه قره عمر اغایه تعلیمات مخصوصه

۱۳

قنیزه محاصره‌سندن

خضمین آره‌سنده بو کشا کش دوام ایتمکده ایکن قلعه‌نک
 باروتی توکنمک درجه‌سنه کلکله غازی حسن پاشا مرحومی
 نهایت درجه‌ده تلاش آلمش و او قدر مکانیله برابر بو باده
 راست کلدیکی معتمد لرندن تدبیر ایستمکده باشلامش ایدی .
 قلعه دزداری کیفیتی خبر آنجه مرحومک حضورینه کیده‌رک
 جبخانه‌ده دشمن زمانندن قالمه برخیلی گهرچله و کبریت موجود
 اولدیغنی و بونلردن قلعه‌یه قیامته قدر کفایت ایده‌جک باروت
 یاییله‌بیله‌جکنی خبر ویرمکله عسکر آره‌سنده باروت یایمق بیلیر
 آدم تحریرسینه باشلانلدی . همان او کون بشنجی اغا بلوکنده
 بولنان ییکیچریلردن اوزون احمد میدانله چیقهرق عجمی اوغلانی
 ایکن باروت دستگاهنده خدمت ایتدیکی جهته او ایشده ملکه‌سی
 اولدیغنی خبر ویردی . همان غازی مرحومک امری اوزرینه
 اوزون احمدک معیتنه لزومی قدر آدم تعیین اولندی . هر کون
 قلعه‌یه لزومی اولان باروتی یتشدیرمکه باشلادیلر .

فائضی دیرکه : [۱]

د قنیزه محاصره‌سی صحیحاً مثلی کورلمه‌مش بر غریبه

[۱] قنیزه مؤلفی فائضینک افاده‌سی تلخیص ایشلدیر .

اولان انسانی موقع استهزایه قویعق صانعک صنعنه اعتراضدن بشقه
معنایه حمل قبول ایدر شی دکلدر .

افمی — انکرك ییلانی . هلاهل — سم قاتل . کابوس — آغیرلق
مزاح — (میك ضمه سیله) اکلنجه ، شاقه . معتاد — (بو صیغه ده کی
کله لر — یرینه کوره — اسم فاعل ، اسم مفعول ، و بر معتاد ترکیبنده اولدیفی
وجه ايله مصدر میمی اوله ییلیر . بوراده اسم فاعلدر .) آیشان ، آیشقین



قاره صوقوب آياقلىرىنى خار جده براقه رق آرتق اوجى كندىلىرىنى
كورمز قىاس ايدرلر . لىكن آوجىلر كلدكده قولاي قولاي
آياقلىرىنى طوتوب كوتوررلر . ايشته مستهزىلر دىخى بويله در .
اونلر ك استهزاسىنى هر كس پك قولاي آكلار .

مستهزىلر هر كىمه راست كلسه لر مزىت انسانيه سنه رعايت
ايتىوب ذوق چيقارمق اىچون استهزا ايتمكه كندى حقلىرى
قلب عاميه نفرت ويررلر .

استهزا هم عند الله ، همده عند الناس نه درجه مذموم
و مقدوح اولديغى بىلنلر بو حالى ارتكاب ايتزلر . استهزايه معتاد
اولان كىمسه مثلاً بر آدمك اعضاى وجودندن بريله استهزا
ايدرسه عاقبت كنديسى ده او حاله كرفتار اولديغى و بشقه سنك
فقر حالندن طولايى استهزا ايدن سقالات حال اىچنده جان ويردىكى
تجربه اولمشدر .

خلقت و صورتجه بزدن فرقى اولميان و صانع حقيقىنىك اثر
عالىسى اولان بر نسخه كبرانىك ذاتى ويا احوالى استهزا ايتمكه
اصلاً فلاح اوليوب استهزا ايدىلن آدمك خالقندن خوف ايدنلر
بو كا جسارت ايدمه جكلرنده شبهه يوقدر .

انسان و حيوان و كون و مكان بر صانع مطلقك اثر صنعى
اولوب بياغى بر شخصك بيله كوستره جكى بر اثره تحقير و تزييف
ايله باقلسه او شخصه نه قدر طوقونه جنى و نفسنه نه مرتبه آغير
كله جكى معلوم ايكن صنع ممتاز الهى واشرف مخلوقات كبريا پناهى

۱۲

استهزا

استهزا دینیلان شی افی هلا هل فشانه بکزر بر صفت
مضره در. خلق بیلاندن فصل احتراز ایدرسه مستهزیدن دخی
اویله احتراز ایدر .


مستهزی ایله اقرباسی بیله الفت ایتمکدن ممنون اولماز .
آداب انسانیه ره رعایتله مألوف اولان ذواتدن مرکب بر مجلسه
بر مستهزی کلسه او مجلسده بولنانلرک جمله سی « بزه هنگام
بیداریده کابوس الم باصدی » دهرک ثقلت ومضایقه قلبیه به مبتلی
اولوب مستهزی قالقوب کیتمدکجه شو حالدن قورتیله مازلر .

مستهزیلر بوصفتک اسمی مزاح ولطیفه قویوب کندیلرینی
لطیفه جی ظن ایدرلر. حال بوکه (لطیفه) و (مزاح) ، مقابلنده
بولنان کیمسه اونندن متأسف ومتأثر اولمدقدن بشقه منبسط بیله
اولوق لازم کلن معامله در ؛ (استهزا) ایسه بر آدمک استصغار
وتحقیرینه دلالت ایدر .

مستهزیلر کوزلرینه ایلیشن آدمله اکلنمک ایستیوب شو
معامله لرینی کیمسه آکلاماز ظننه ذاهب اولورلر . کککلر قار
یاغدیغی وقت کندیلرینی آوجیلره کوسترمه مک ایچون باشلرینی

رسمخانه بی حزین بر سکوت استیلا ایلدی . بو حال ایله بر
ایکی دقیقه کچدکن صکره رسامده حرکت کورلدی . چهره سینه
بردن بره بر دنك آتشین کلدی . کوزلرنده بر نور نوظهور
پارلامغه باشلادی . بر طور متجلدانه ایله « هنوز رسام !... »
دیه رک فیرچه سنی ایستیوب لوحه یه یاقلاشدی . شاگردانندن
بری فیرچه بی انه ویردی ، دیکری ده بویا کتیردی . مصور
معجز نما او حال رقت افزا ایله رسمک بر قاج یرینه طوقندی .
لوحه ده بشقه بر منظره نظر ربا پیدا اولدی .

وقتاکه رسمک ذوقنه موافق بر حال کماله کلدیکفی کوروب
شاد اولدی . کوزلری قاراردی . الاری تتره دی . فیرچه سی
دوشدی . کندیسفی یا تاغنه نقل ایستدیلر . صورتخانه دهره وداع
ایلدی .



۱۱

«رسام رافائل»

رسام مشهور «رافائل» خسته لنبوب قواسنه فوق العاده
بر ضعف کلنجبه صوک نفسنک یا قلاشمقده اولدیغنی کورمسيله
حیات صوریه بی ترک ایتزدن اول بر دها رسمخانه سنه کیره رک
اولجه باشلامش اولدیغنی کوزل بر رسمی دست رعشه داريله
اکمال ایلمک ایستمش ایدی.

اک زیاده سودیکی شاگردانندن برینک اوموزینه طایانه رق
کوچ حال ایله یرندن قالقوب رسمخانه یه طوغری آهسته آهسته
یوریمکه باشلادی. بر آرزو صکره کندینی رسمخانه سنک ایچنده
بولدی.

حزین حزین اطرافه باقیرکن بر طاقم یکی باشلانمش رسمار
آره سنده اکمال ایتک ایستدیکی لوحه نادره یی کورنجه اوزرینه
بر باغینلق کلوب آغلایه رق استنادگهی اولان شاگردینک
قوجاغنه ییغیلیو بردی.

کوزلر قاپالی، بکز اوچمش، وجودده هیچ حرکت یوق!
شو حالنه نظراً معشوقه فیکری اولان لوحه نک قارشیسینده
حسرت موفقیته جان ویرمش ظن اولنوردی.

محافظه ایچون نه درلو تهاکيه آتلمش ، نه حاله کلمش اولدیفنی
 بیلمین طفل نوساله ایسه ینه طاتلی اویقوسنه طالب کیتمشیدی .
 اودونجیلر والده ایله اولادینی کویده کلبه لرینه قدر کوتور .
 دیلر ، قادینه اعاده حیات ایتدیره بیلیمک ایچون عقلارینه کلان
 تدبیرلرک جمله سنی یاپدیلر . فائده سز امداد ! زواللی قادین عیذله
 میت کی طوکوب قالمش ایدی .

قادینجیزدن قطع امید اولدیفنی صیره ده چوجفک طراوت
 معصومانیه نمونه اولان گل یوزینی والده نک منجمد چهره سی
 اوزرینه قویغنی تفکر ایتدیلر . درحال وجودنده خفیف
 بر حرکت ، یوزنده بر رنگ حیات کوردلی . کوزلرینی آجدی ،
 والهانه اطرافنه نگران اولمغه باشلادی . چوجغنی طانیدی ،
 آغوش شفقتنه طوغری چکدی . چهره سنده ، کوزلرنده نمایان
 اولان علائم احساسات جانورک خیال مدهشی ایله مشغول
 اولدیفنی کوستریوردی . لیکن چوجغنی عافیتده بولنججه اوقورقنچ
 خاطره بی تبعید ایله قوای ذهنیه سنی طوپلایه رق خالقنه ایفای
 وظیفه تحمید ایلدی .

خوابگاه — اوبویه حق محل . توحش — اورکه . نوشین — طاتلی .
 خوابیده — اویومش . بهادر — بکیت ، شجیع بهلوان ، طنین —
 « طین ! » صدای . والهانه — شاشقین شاشقین . نگران —
 باقیبی ، باقان .



وجودینی سراپا بر اولوم صغوقلنی استیلا ایلدی . عجبا وحشی
جانور طفل خوابیده بی پنجه حرصنده پاره پاره ایتشمی ایدی؟...
برکت ویرسون که چوجغك طاتلی بر صداسی هنوز حیات
وسلامتده اولدیغنی افهام ایلدی .

فقط بو سسی ایشیدن قورت ایشته شمدی معصومك
اوزرینه هجوم ایده جك! قادین - اولادینك یرتیجی بر حیوان
پنجه لری، دیشلری آرمه سنه دوشمك اوزره اولدیغنی کورن - بر
والده نك ، کندنده بوله جنی قوت فوق العاده ایله دشمنیله
یاوریسنك آرمه سنه آتیه لهرق وجودینی بهادرانه اولادینه سپر
ایتدی . قورت همان دسترس اولق اوزره بولندیغنی شکارینه بویله
ناگهانی بر مدافع ظهور ایتدیکنی کورنجه بر مجسم وحشت
کسیله رك والده یه هجوم ایلدی . ایکسینك آرمه سنده بر مجادله در
باشلادی . قادین قوردرک وجودنده آچدیغنی یاره لردن قوئی
غائب ایتمکله دوشوب قاله جنی اناده ایدی که البسه سی آلتنده
بر ییچاق یولندیغنی تخطر ایله دمیرک سیوری اوجنی جانورک تا
قلبه صوقغه موفق اولدی . قورت آجی آجی باغیره رق ییقلدی .
فقط نه قدر غیرت وقوتی وارایسه صرف ایتمش اولان مادرده
اورایه ییغیلیویردی .

زواللی والده دوشدیکی دقیقه ده دامن اولادیمی قورتاریکز!
دیه برصدای استمداد ایله فریادیده بیلمشیدی . بو آوازاورمانده
بولنان اودونجیلرک سامعه دقتنده طنین انداز اولدیغندن قوشوب
کلدیله . بیچاره بی قانه مستغرق کوردیلر . والده سنك ، کندیسینی

۱۶

شفقت مادرانه

بر فقیر کو بگو اودونجی وفات ایتمش، بر زوجه سیله ایکی چوجنی قالمش ایدی. غیرتلی والد چوجقاریله کندیسنگ اسباب معیشتی تدارک ایتک ایچون قوجه سنگ کوردیکی ایشی درعهده ایلدی.

قادینجغز اواماده اودون کسمکله اوغراشدینی مدتیجه هنوز مدهه اولان بر چوجنی بر کنارده چالیردن ترتیب ایتدیکی خوابگاه استراحت یاتیرردی لکن نخبه عمری برابر اولمیان بر والد مدت غیوبتی نه قدر تمید ایدمیلیر؟ بر ساعت اوکا بر عصر کلیر. بلکه چوجق او یانوب تنهالقدن توحش ایتمشدر! بلکه ضعیف قوللرینی مده ویرمک ایچون حاضر لانش ظن ایتدیکی آنه سینه طوغری اوزادیور، فریاد معصومانه سیله مملرینی تحری ایدیور! والد بو ملاحظه لرله دوچار خلجان اولدجه چوجنگک یاننه شتاب و خواب نوشین ایچنده بولندیغنی کوره رک نوازش و بوسش لرله دفع اضطراب ایدردی.

ینه بویله برکون قوشوب کلدیکی صیره ده اولادینک خوابگاه صفاسنه قریب بر محله اغزینی اولانجه وسعتیله آچش، کوزلری فبریل فبریل دوزر قورقونج بر قورت کوردی. او دقیقه ده

بوشانلی عودتی کویا سلاملیور اوتهدن :
 دکرمنک آچیلان قولارنده بر شفقت ،
 آغاجلرک ایکیلن دالارنده بر حرمت . . !

— ۱۲ حزیران ۱۳۱۳ —

[بحر محنت : مفاعیلن مفاعیلن مفاعیلن]

همسایه — قومشو . نهار — کوندوز . آسیاب — دکرمن .
 حمامه دار — صاریقلی . غضنفر — ارسلان . کاروزار — غوظا .
 جنان (جیمک کره سیله) — جنتلر . (قمحه ایله) قلب . وقع — وقار ،
 تمکین . کتیبه — اردو . سیول — سیلار . خروش — جوشمه .
 صائل — هجوم ایدیمچی ، صالدیریمچی . سطوت — قوت شدید .
 رعشه ناک — تیغره ک . رایت — سنجاق . حسیض — بر سیاره ناک
 مدارنده او نقطه درکه سیاره مذکوره اوراده ایکن ارضه اک قریب
 بولنور . مقابلی : اوج . (Apogée, Périgée) . مهیب — (میمک قمحه سیله)
 هیبتلی ، قورقونج . غنوده — اویومش .



مسیر اولان تپه دن اردو گاهه اینمک ایچون .
 حزین نظر لری اطرافه شکوه ریز فتور ،
 فقط بوکونکی غزاسیله مفتخر، مغرور . . .

§

اوزاقدنه کوی اوچ آی اولکی وضع صافیه
 غنوده اورمانک آغوش لرزه دارنده ؛
 بر آز صولوق جالیمقلر یولک کنارنده ؛

هوا براز دها را کد ، سما براز دها بوش ؛
 دومانلر اورته ده کوچکله ایلور پرواز ؛
 خلاصه یاز، حسنک پک زیاده سودیکی یاز .

او شیمدی یاره سنک عکس تابدار ی کبی
 غروب قارش ی کنیش سینه سنده برق افشان
 مدالیه نک لمعانیله صانکه طالع لانان

نگاه شوق طفولانه سیله ، مستغرق ،
 کویک لقای خموشنده بر پیام آرایور ؛
 بر آشنایی دیرینه ، بر سلام آرایور .

و بر مدالیه لی غازی مهابتیه وقور ،
 آغیر آغیر یورویور . . . ناگهان توقفله
 قضایه فیرلانیور بر نگاه پرشعله .

فقط بزمك سوط مهاجمه سی
 براقیورکه آتسین او بر آدیم ایلری . . .
 طویودی بزده نهایت ظفر ترانه لری !

حسنی بایراغی رکز ایلین او کون تپیه ؛
 زواللی، طابیه به برلکده یاقلاشیرلرکن
 شهید اولان چاوشک دست رعشه نا کندن

اوشانلی رایتی قایمش، دوشورمه مشدی یره ؛
 فقط نه چاره که بر قورشونیه خضم زبون
 دوشوردی خاکه اوشیر غزایی، غرقه خون .

حسن بو حاله اینانمازدی : بر جیلز قورشون
 دیمیر وجودینی سرسین حسیض اهااله !
 باقوب باقوب یارم سندن آقان دم آله

کولومسیوردی صوغوق بر سکون وحشته .
 اوکنده شیمدی بتون هیبتیه بر اردو
 پارلدیور، بر اوغولتیه اورتهلق مملو .

زواللی یارم لی، حربك صفالی وقتنده
 تنزل ایلدی برسدیه نك اعانته
 دمین خشوع ومذلتله پای صولته

نهایت ایسته عدو، ایسته حرب . . . طاغلرده
سیول آتش و خون طاالغه چالقانیور ؛
باروت دومانلری آلتنده هر طرف موص مور.

» شوقارشى صیرتی ده طوتمق نصیب اولورسه بو کون
» یارین شهرده یز آرتق، دییوردی ضابطلر ؛
» فقط هجومه طایانماز، یورولدی پک عسکر . . . »

او کون حسن بولوکک تا اوکنده اون ساعت
بلا توقف آووجلرله قورشون آتمشدی ؛
نهدر غنا؟ . . . بونی کورمش، بوذوقی طاتمشدی .

صبح اولوب ده هجوم امری، مژده ظفری
بتون طابورلره اسماع ایدنجه، هر یاندن
خروشه باشلادی برنهر آتشین جریان .

یکیتلرک چوغی - شدتله دشمنک تپه دن
زمینه دوکدیکی نیران ایچنده - خنده کنان
شهید اولوب دوشیور ؛ جمله سندن شوق جنان

بر انهماک شهادتله آن بآن مشهود .
عدو بوصولتی کوردکجه صانکه ایمره نهرک
بتون قوای حیاتیله ایستیور یورومک ؛

یوزنده شیمدی برامید منبسط کولیور ؛
 اوموزده طور به جنی ، صاغ انده بردکنک ،
 حسن چاوش کیدیور جنکه ترکی سویلیه رک !

قیزل شریتلره مستغرق ، ایشته اون کوندر
 حسن تفک طاشیور ؛ هر آیدمه : بر .. ایکی .. اوج ...
 بو بر ترانه که دیلدن دوشورمک آرتق کوچ !

سلاح اویونلری ذاتاً کوینده بیلدیکی شی ؛
 نظامپرور ، اطاعتی ، تندرست ، چویک ...
 قاننده وار ییکیتک بللی ایشته عسکرلک .

حسن بواون کونی پک نشئه سز چکیرمشدی :
 او ایستیوردی که سرحدده واصل اولدینی کون
 امللی کوزلری بر جنک ، بر دومان کورسون .

سلاح اوموزده ، کزر طاغده گاه بر باشنه :
 بتون تیکلکی اوستنده ، خصم اوکنده کبی :
 — کورونسه چشمه دشمن آه یاربی ! ..

بو آرزو اونی مشغوف حسرت ایتدکجه
 کورردی توزلو ، مشوش ، عجیب رؤیالر ؛
 ایچنده رنگی بوزوق ، بی خطوط سپالر ...

کولومسیور ؛ او زمان بر صوغوق، خیالی ال
طوتوب چویرمک ایچون صانکه زورلیور باشی .
حسن، زواللی، سیلرکن یکله کوز یاشی

برر برر کچور پیش اشتیاقندن
کوزل نشانلیسی، قارداشلیله والدهسی ؛
دکرمک اوکا - دون... دون! .. دیور یاواشیجه سسی.

فقط او دونمه جک ؛ باق، شو قارشى طاغردن
اسن هوا نه قدر شانلی مژده لر ویریور! ...
خیالی پیشنه بر لوحه ظفر سیریور :

کوی آرقداشلی هپ الارنده مارتینیلر ،
آتمش اون کیشی یوزلرجه دشمنک پینه
سوررب، قیروب کیدیور... صانکه بر آوج ایکنه

حسنجفک ده لیور اینجه اینجه هر یاتی ؛
« نیچون؟ دیوردی، نیچون؟ .. بن چولا قی، خسته مییم... »
بو انفعال اونی قوشدیردی او یله بر قاج آدیم .

نمازگاهک اوکندن کچرکن ایرکیله رک
طوروب همان ایکی رکعت نماز ادا ایتدی ؛
قاپاندی سجده یه ، سوزشلی بر دعا ایتدی .

و بر کتیبه رقصان سور و نشئه کبی
 کوکلور یوله طوغر ولدی، خنده ساز امید ...
 آلنرنده فروزان اشعه خورشید .

§

حسن، او قاج کیجه در نارلا سنده قالمشدی؛
 بو کون کلوب ده خبردار اوانجه ایشلردن:
 «بتون کوکللو یازلمش بزمکیلر، بر بن

«کویک یابانجیسی، بر بن اوزاق او دولتن!

«نه صاندیلر بنی، بر طور به اوت قدر جانسز! ...
 «کویک چوجقلری هپ جنکه کیتسین اوینا شه رق،
 «قادیئمیدرکه حسن اوده بکلیوب یاته جق؟ ...»

دیش و کیمسه یه سز دیرمه دن طاغار جغنی
 اوموزلایوب یوله دوشمشدی، پر نشاط مرام ...

حسن کنیشلته رک متصل آدیملرینی،
 دونوب دونوب باقیور آرقه سنده بی حرکت
 اوزاقلان کویه؛ ناگاه بر لب حسرت

کشاده بر علمك آل تموجاتنده
 بر ابقسام ظفر، شانلی بر سحر کوره دك ،
 - کیمنده بر یتاغان، بعضیسنده بردکنك -

حدوده، حربیه، او میدان کار و زاره قدر
 یورولمەدن کیده جکار، یورولمەدن ... حق
 یورولمەدن ایدە جکار جناه استعلا.

«جناه، جنت و دیداره بی ملال و تغب
 «قاووشمق ... آه، بو هر کون نصیب اولور شیمی؟..
 «غزا، غزا، بزه حَقْ نه موطلو بر کرمی!

«اوت، یکیتلر، اوت .. سز فدای نفس ایدیکز ؛
 «خدا یولنده فدای حیات ایدن اولمز ...
 «قادینلر، آغلامایک ؛ جنکه هر کیدن اولمز!..»

دیوردی وقع و صلابتله محترم بر پیر ؛
 بو نطق صانکه بر آوازه سماویدی ،
 بتون یورکلری مستغرق سکون ایتدی .

سکون ایچنده وداع ایتدینر چوجقلرینه
 او سالدیده پدرلر، رحیم والدملر ؛
 دوکولدی بر ایکی سرشک حسرت اثر ؛

۹

حسنك غزاسی

اوزاقده شویله بش اون خانه دن، بش اون باجادن
 عبارت .. اسکی فقط شاعرانه، آسوده،
 یشیل بر اورمانه همسایه بر کوچک بلده ...

آغاچلرک آره سندن افق صارارمقده؛
 کشاده سینه بولوطلرله سوسله ن کوکدن
 لب وداعی نهارک زمینه بوسه فکن.

صاغنده بر قورو خندق، صولنده بر چالیلق؛
 شو اینجه یول - که آچلمش کنیش آدیملرله -
 بر آسیابه اولور منتهی صاینجه صوله ...

بو یول بو کون، دها بر ساعت اوکجه محشر دی:
 بیوک کوچک نه قدر خلقی وارسه کویجکیزک
 - باشنده بر ایکی پیر عمامه دار وکزین -


تحشد ایلدی تشییع ایچون کولکلورلی،
 او قهرمان، او غضنفر یورکلی افرادی ...
 بو محترم وطنک برکزیده اولادی

الفاظ و عبارات قاریشدرمه، بو یولده تفوهات علامه لئک دیمک
اولمغه آنجق سنی کولنج ایتک ایچون ایشه یارار .

حضاردن بریله صورت مخصوصهده مصاحبت ایتمه، زیرا
هر بری کندیلری حقنیده بر سوء نیتیه حمل ایله جمله سنک
نفرتنه سبب اولور .

حضاردن بری حقیقهٔ موجب خنده برتفوهده بولنسه بیله
کولوبده قائلنی تحجیل ایتمه . بلکه قائل بیلیمیه رک سویله مش
ویا خود سویله دکن صکره فرقه واروبده پشیمان اولمشدر .
آدم بوزمق ، آدم استهزا ایتک ، کندینی بوزدرمق ، استهزا
ایتدیرمک ایچون آخره یول کوسترمکدر ، چونکه سنده
انسان اولدینگ ایچون — نه قدر مکمل اولسهک — فوقکده
دها کاملی بولنق محتمل وسنکده شایان استهزا بر قصورده
بولتقلغک مقرردر .

مصاحبت — برلکده بولنه رق قونوشمه . ایما — قولاً ویا فعلاً
اشارت ایتمه . پست — اشاغی . رفق — ملایمت ، شدتمزلک .



۸

اداب مصاحبت حقنده فرانقلنك وصایایى

محبته صبر سزلق ایتمه! بشقه سی سویلرکن سوزینی کسمه!
 اخرك خطاسی میدانه قویمقدن ایه ظریفانه اعتراض ایله تصحیح
 ایله! امور ذاتیه و بیتیه که دائر بحث آچه! هر نه بحثده اولورسه
 اولسون حد اعتدالی تجاوزله حدت اظهار ایتمه! حضاردن
 ناقص الاعضا بولنا نلری، ولو ایما طریقله اولسون، وسیله
 خنده استهزا ایلمه! مخاطبکه باعث خجالت و سنک ایچون بالآخره
 موجب ندامت اوله حق سوزلرده تأنیی الدن براقه!

مکالمه یه هوادن بحث ایله بدء ایتمه! برشیئی تعریف ایلدیکک
 زمان بعض الفاظی تکرار ایتمکی اعتیاد ایدینه! حضارک معلومات
 ودرایجه اک پست درجده بولنا نلرینی پیش نظردن اییرمیه رق
 بحث ایلیه جکک موادی اونلرک ادراک واذعانلرینک احاطه
 ایلیه بیله جکی صورتده سویله! باخصوص، آکلایه میه حق اولانلره
 علوم و فنوندن بحث ایتمه! باغیره رق سویلمه، چونکه رفق ایله
 سویلنن سوزده بیوک بر قوت و تأثیر وارد.

انهای مکالمده متکلمک سوزلرینه قولاق ویرمیوبده
 بعده «نه بیوردیکزدی؟» یولار سؤاللرله اونی سویلدیکنی تکراره
 مجبور ایتمه! مکالمده خلاف ادب و تربیه کلمات مستهجنه استعمال
 ایلمه! لقردی آره سننه اجنبی لسانندن کلمات ویاخود مصطلح

ایلر ممه‌یی باشیله ته‌زیز ،
 دنباله ایسه همیشه جنبان ؛
 طویماز بونی سیره چشم انسان.
 یارب بو نه وضع حکمت آمیز !

* *
 *

سیر ایت شو تلاشی، باق شو شوقه،
 شادی* دم وصالدر بو !
 ای کوریه قوزی، نه حالدر بو !
 الغبطه شو حالته، شو ذوقه !

[بحر هزج: مفعول مفاعیل فاعولن]

هر ناله‌سی قلبه داغزنندر — هر ایکلتیسی قلبه قیزغین دمیر صوقیلیور
 کبی تأثیر ایتیمکده در . نواله — ییه جک ، ایجه جک . پهلو — بدنک
 ایکی یانندن هر بری . بالش — یاصتیق . نهال — دال . خوشکام —
 (کاف عربی ایلله) ممنون، شاد . رضاع — سوت اومه . پستان — ممه .
 ته‌زیز — تترتمک . دنباله — ذنب، قویروق . الغبطه ! — بوکارشک
 اولنور، بزده‌ده بولنمی آرزو اولنور .



سن اولسهك ای خیال امید
 قابلمیدر ازدیاد عمرم ؟
 سایه کده در امتداد عمرم ،
 بیکر یشا ای نهال امید !

* *
 *

کل ، کل ! قوجاغنده ایله آرام !
 اما سنی والده کده بکمر .
 بهوده می چکدیکي امکمر ؟
 قوش ، قوش ! آنی باری ایله خوشکام !

* *
 *

ظنم ممه بی دهانه آلدی ،
 زیرا ایشیدلنز اولدی افغان .
 شاد ایلدی دردمندی درمان ،
 فریاد ایده جك دهانه قالدی ؟

* *
 *

زانولرین ایلمش نهاده
 تسهیل رضاع ایچون زمینه .
 پستانده کی شیر شکریه
 فطرت آنی ایلمش قتاده .

* *
 *

۷

قوزی

بیاسه‌م شو قوزی نه‌دن غم آلمش ؟
 هر ناله‌سی قلبه داغزن‌در .
 فریاد اینده‌رك قوشار نه‌دندر ؟
 سودسز می ، رفیقسز می قالمش ؟



ای سود قوزیسی نه‌در بو نالش ؟
 کیم اولدی سبب بو انفعاله ؟
 مادر ویره‌رك سکا نواله
 پهلوسنی ایتیمور می بالش ؟



اتمید ایل‌در بکای اطفال ،
 سود ویرمه‌ده بی املی مادر ؟
 هر کس بر امیده خدمت ایلر ،
 اتمید ایل‌در جهانده هر حال !



ارباب احتیاجه ویریلن شیر جناب حقه امانت اولمش
حکمنده درکه ینه بر کون اصحابنه رجعت ایدر .

* *
■

سعی وعمل رفاهیتک مادر ولودیدر .

* *
*

لسان اعضای انساندن بر عضودرکه اکا نظر اطبا وجودک،
حکما دخی روحک امراضی کشف وتفرس ایدرلر .

وجود واجب — وجودی ضروری اولان ذات اجل واقدس، الله.
حقایق مشحون — حقیقتلرله طولو. رفاهیت — (یا مشدد دکادر)
اسباب معیشجه وسعت .



صحيحاً بيوك بر قلب ايچنده وجودى لابد اولان حس
شكراندر .



حقايق اشيايى ابي بيلمك ايچون تفصيلنى بيلمك لازمدر .
مادامكه تفصيل حقايق اشيا غير متناهيدير ، وقوف ومعلوماىز
دائماً سطحى وغير مكمل بولمق ضرورىدر .



انسان دائماً مافوقى دوشونمكله فقير ، مادونيله حالى
موازنده غنىدر .



جان صيقينتيسنه اكلنجهدن دها امين صورتده قارشى
كله جك شى مشغوليتدر .



طبيعت كتب حكيمه ايچنده وجود واجبي اك واضح
بيان ايدن بر كتاب حقايق مشحوندر .



كوزل سويلمك ايچون آز سويلمليدر .



دائماً چوق بيلن آز ، آز بيلن چوق سويلر .



۶

ملاحظات متنوعه

ملاحظات حکمت نصاب ساده و مختصر یازمیش برر
کتاب دیمکدر.



ملاحظه جلای اذهانی توفیر ایدر، ریاضت قوای ابدانی
تکثیر ابتدیکی کبی.



افعال اقوالدن دها صادقدر.



عبد قول ایله قلبه، معبود ایسه قلب ایله قوله حکم ایدر.



کندیکه حرمت ایت که کیمسه یاننده محجوب اولمیه سک.




شکران نعمت بروجدان پاکک برنجی درجده محتاج الهیدر.



انسانیت و مرحت ابدی و غیر محدود بر بورجدر.



- زراعت .
- مسافری نصل قبول ایتلیدر ؟
- اولاً تلطف، بعده خالصانه مصاحبت ایتلیدر .
- غنینه مکلف اولدینی وظیفه نهدر ؟
- محتاجینه اکر ام .
- ذکی کیمدر ؟
- اشیانک حقایق تخری ایدن .
- کنجدر ایچون هانکی حالده بولنق اولادر ؟
- تواضع وعفتده .
- بصر حقیقت نهدر ؟
- ذکانک رؤیت مغنویه سی .
- عفت نهدر ؟
- قانون ایله فضائل اخلاقک ایکسنه بردن موافق اولان
- شیلری قبول .



— مادی و معنوی محتاج امداد اولانلرك معاونتنه شتاب ايتمك .

— حرمته شايان اولميانلر كيمدر ؟

— سفها .

— بر فنا دوستدن توقيه چاره نهدر ؟

— كنديسنگ محتاج اولديني شيئي اوندن ايستمك .

اگر كتم ايدرسه دوستلني جعليدر .

— دوستلني تقويه ايدن نهدر ؟

— حاضر اولميان بر دوستدن ايديله جك استفاده .

— دوستلني ييقان نهدر ؟

— يكديكردن ايديلن استقراض . عاقل ديمشدر كه :

استقراضك دوستلغه نسبتى مقاصك ققاشه نسبتى كيدير .

— طعامدن نه زمان ال چكلميدير ؟

— اشتها موجود ايكن .

— صحى طعامدن زياده محافظه ايدن نهدر ؟

— اوچ شئ : لباس طاهر، استعمال عطريات، زيارت

احباب .

— عامه انامه مقبول اولان نهدر ؟

— صلاح و عفت .

— عفت ايله شكران نعمتدن هانكيسى ترجيح اولنور ؟

— عفت اولمايخه شكران نعمت اوله ماز .

— صنايعك الك موافق قانون طبيعت اولانى هانكيسيدير ؟



مخاوره حکمیہ

- نه ايله اشتغال ايتمليدر؟
- اکتساب دانشه ورزمله .
- دانشی نه مقصده اکتساب ايتمليدر؟
- فقر وخيم اولان فقرجهالتدن خلاص اولمق مقصديله .
- انسان کندی طاعتيرمق ايچون طريق اسلم نه در؟
- ضيای معرفتله اضائه ذات وصفات .
- انسان مقبول خدا اولديغی نصل ادراك ايدر؟
- هوسانی مغلوب ايتمکله .
- کيمک حقنده خشونت اوزره بولنق تجویز اولنور؟
- يالکز انسان کندی نفسی حقنده .
- نه در اول شی که بر محله اکمش اولدینی حالده محصولی
- محل آخرده ادراك ایدلمش اولسون؟
- دنياده ایدیلن حسنات و سیئاتدر که ثمراتی آخرتده
- اقتطاف اولنور .
- افعالك اك سيئي نه در؟
- تعلیمه مقتدر اولدینی حالده محتساج تعلم اولانلردن،
- احتیاجی وار ایکن معلمیندن کندی اوزاق طوتمق .
- احسن افعال نه در؟

بونك ايچون نوع بشردن هيچ بر فردك اوقويوب يازمق
 صنعتندن محروم براغلمسى جائز دكلدر . كورلر ايله صاغير
 وديلسزلركده اوقويوب يازمق صنعتندن محروم براغلمسى تجويز
 اولميه رق كورلر ايچون قبارتمه يازى ايله مخصوص كتابلر
 باصلايفي كبي صاغير وديلسزلره دخى حرفلر ال يارمقلىرىنك
 مختلف وضعيتلريله آكلاتديريله رق يازيلى اولان هر شيئك مالى
 اكلامق ويازى ايله مراملريني آكلاتمق قوتى كسب ايتديريلير .
 كرك كورلر وكرك صاغير وديلسزلرايچون هر مملكتده مخصوص
 مكتبلر واردور . قولسز آدملرده آياقله ويا ديشله يازى يازمغه
 آشدريلير . يابويله بر نقصان طبيعىسي اولميان بر آدمك اوقويوب
 يازمق صنعتنه رغبت ايتمه سى فصل تجويز اولمه بيلير ؟

نطق — ادراك كليات معناسنه اولديني كبي سوز سويلك معناسنده
 ده استعمال اولنور . انسانك تعريف منطقيسي اولان «حيوان ناطق»
 ده برنجى معنى اعتبار اولمشدر . آنجق بعض مدققين متأخرين انساني
 حيوانات سائر دن سوز سويلك ، يعنى الفاظه ووضوعه ايله افاده واستفاده
 سرام ايتك خاصه سييله تفريق ايدرلر . بو مقالهدده او فكره اعتبار
 ايله نطقك معنای ثانيسى منظور اولديني آكلاشلماقده در .

اوزاق بولنانلره دخی آکلامغه مقتدرزه سویلدیکمز شی یانمزده
بولنان برویا برقاچ کشی طرفندن ایشیدیلرک برئانیه ده اوجوب
محو اولور، وایشیدنلرله برابر سویلین دخی اوئی اونودور، کچر؛
یازدیغمز سوز ایسه کره ارضک تا او بر طرفنده بولنان و بوکون
وجودلری اولیوب بر قاچ یوز ویا برقاچ بیسک سنه صکره
کله جک اولان آدم لر طرفندن دخی اوقونیله بیلیر. اوقومق
بیلمین آدم بر بشقه آدمک عادی سوزلرینه محتاج اولور؛
اوقومق بیلن آدم ایسه قونوشمق ایچون آدم آرامغه محتاج
اولمیوب انه برقاچ یاپراق کاغددن عبارت بر کتاب آلدینی کی
دنیا نك اك بیوک حکما سیله، یوزلر و بیکلرجه سنه لر اول کلوب
کچمش مشهور آدم لرله قونوشور و سوز ایله افهامی محال نیجه
شیلر اوکره نیر، نیجه معلومات کسب ایدر.

بناءً علیه اوقویوب یازمق بیلمین آدم مجرد نطقه مالک
اولدیفیچون سائر حیوانلردن بالتمیز انسان دینلمکه مستحق
ایسه اوقویوب یازمق بیلن آدم ایچون «انسان» عنواننک
ما فوقنده بر عنوان بولنق اقتضا ایدر. علوم و فنون متنوعه
تعلم و اکتسابنه موفق اوله میوب یالکمز تحریر آ افاده مرام
ایتمکه و تحریر آ افاده اولنش بر مقصدی آکلامغه مقتدر اولان
آدم لک دخی بوندن محروم اولانلردن پک چوق فرق لری
واردر. اوقویوب یازمق صنعتی کافه علوم و فنونک تحصیلنه
الت و واسطه اولدینی کی حد ذاتنده دخی زیاده سیله لازم
ونافع بر صنعت و بلکه انسانک قوای طبیعیه سفی تضعیف ایدر
بر سحر در.

۴

اوقومق یازمق

اوقویوب یازمق علمنی، ودها طوغریسی صنعتنی اوکرنمک
 بیوک برشی دکلدر؛ لکن بوندن حاصل اولان فائده پک بیوکدر.
 دیلسز و صاغیر بر آدم ایله قوه سامعه و ناطقه سی یرنده اولان بر
 آدم بیننده نه قدر فرق وار ایسه اوقویوب یازمق بیلمین آدمله
 بونی بیلن آره سنده دخی او قدر فرق واردر؛ و بلکه بونلرک
 بیننده کی فرق دها بیوکدر. چونکه دیلسز بر طاقم اشارت لرله
 لسانک ایفا ایدم جکی وظیفه یی ایفا ایدم بیلیر، و او اشارت لر صاغیره ده
 مرام آکلاده بیلیر؛ حال بوکه اوقویوب یازمق بیلمین آدم بونی
 بیانلرک بونسلکه کوردکلری ایشلری هیچ بر وجه ایله ایفا
 ایدم مز.

انسان قوه ناطقه سیله، یعنی ایستدیکنی سوزله افاده ایدم.
 بیلیمک فوتیه سیله سائر حیوانلردن فرق وتمیز اولنور؛ مرامنی
 آکلاده بیلیمک ایچون ایسه انسانک انده ایکی واسطه واردر:
 بری بر نعمت طبیعییه و موهبه الهیه اولان نطق و دیگیری بر آلت
 صنعیه اولان یازیدر. یازی نطقک تصویرندن بشقه بر شی دکل
 ایسه ده نطقک کندیسندن دها زیاده ایش کورر و دها زیاده
 ایشه یارار؛ نطق ایله یالکز قارشیمزده بولسانلر مراممزی
 آکلاده بیلدیکمز حالده یازی ایله مقصدیمزی بزدن مکاناً و زماناً

۳

ستایش حضرت پادشاهی

ای آفتاب خاور شوکت، بوشان ایله
 آفاقه صبح محشره دك اول ضیا نثار .
 سنسك او نور اعظم حق کیم نظیر یکی
 عمرنده کورمه مش ، کوره من چشم روزگار .
 بر شهسوار سك که ملوک جهان ایدر
 بوس رکاب شمشعه بارکله افتخار .
 بالله عین عالمی سنسك ایدن قریر ،
 قیلسون فروغ عدلیکی الله بر قرار .

[بحر مضارع: مفعول فاعلات مفاعیل فاعلن]

خاور - مشرق. دك - دکن، قدر. كرك «دك»، كرك «دکن»
 نظمه مخصوصه. بوس - اوومه. رکاب - اوزنکی. قریر - روشن
 پارلاق (کوز حقنده).



۲

نعت شریف

برق آوردی جلالندن اوامی یتیمک
 اک شمشه لی فیضی خداوند حکیمک .
 بر درس ادب و پردی که اصحاب ذکایه
 حیرت و پرر آثاری فحول حکمایه .
 بر نور میندرکه بو تا بشکه انوار
 بر مثلنی اولسون ایدمز تا ابد اظهار .
 هم صورتی، هم سیرتی اولمغله مکمل
 شایسته کورلمشدر آکا پایه اول .
 فخر ایتلیسک ای شرف نامتناهی،
 زیرا سکا مظهر در او محبوب النهی .

[بحر هزج : مفعول مفاعیل مفاعیل فعولن]

فحول حکما — حکمانک الک مقتدر اولانلری . تابشکه انوار — دنیادن
 کنایه . سیرت — مسلك، کیدیش .



سنك لطفكله جاريدير اوامر،
 سنك خوفكله مرعيدر نواهی .
 نه حكمتدر كه بر عقل سليمي
 طوتوب ييللرجه انكار اوزره گاهی
 كمال مسكنتله ايتدير رسك
 اولوركن رفع دست عذر خواهی !
 عناياتك — كه خلقه نوبنودر —
 قبول ايتمز بري حد و تناهی .
 خرد تحقيق آثار كده واله ؛
 نظر تفتيش اسرار كده ساهی .
 خرد برلمه در سندن بشرده ؛
 نصل كنك محيط اولسون كاهی ؟
 دكلدر حاصلی آثار صنعك
 اوشيلردن كه ممكن اكنتهاهی !

[بحر هزج : مفاعيلن مفاعيلن فعولن]

ايقاد — ياقق . جو — سما بوشلنی . لاهی — لهو ايديجی ،
 معناسز شيلر ياييجی . گواهی — شاهدك . ارغنون — بريوك چالنی ،
 اورغ . بانك الهی — تقدیس و تعجيد خدايه متعلق مكتهيلرده اوقونور
 منظومه سسی . الهی ، توسيعاً موضوعی ديكر شيلردن عبارت بعض
 منظومه لرده اطلاق اولنور . دير — مناستر . خاقاه — تكيه . ساج
 — صوده يوزن . ماهی — بالی . اوامر — يابلسی لازم كان شيلر . نواهی
 — يابلسندن اجتناب ايدلسی لازم كان شيلر . خرد — عقل . واله — حيران .
 ساهی — سهو ايديجی . اكنناه — برشيئك كننی ، حقيقتی آراشد پرمه

۱

توحید

الهی، پادشهر پادشاهی،
 نه حیرتبخشدر صنعك، الهی!
 نه قدرتدر ایدن ایجاد وایقادر
 سماوات وزمین، مهر و ماهی!
 نه قدرتدر ایدن جوت هوایی
 نیجه یوز بیک جهانك جلوه گاهی!
 جهانی لحظه ده بیک کره یوق وار
 ایدردك حکمتك اولسه یدی لاهی.
 الهی، وارلفکده جمله اشیا
 ایدرکن یکزبان عرض گواهی
 قبول ایتمز بونی عقم که اولسون
 وجودکده ایدنلر اشتباهی.
 سنی تهلیل ایچون، تقدیس ایچوندر،
 نوای ارغنون، بانک الهی.
 سرود ونوحه شوقکدر آنجق
 ایدن لبریز دیر و خانقاهی.
 سنك اذنکله طائر کوکده مرغان،
 سنك اذنکله ساح یمده ماهی،

ادب‌دان بری منظور نظر امعانی اولان آثار بلیغیه‌یی تعریف
ایلدیکمز وجه ایله مطالعه ایتمکله ده قناعت ایتیبوب خلاصه‌لرینی
بر مجموعه‌یه قید ایله بونلرک تکرارنده نهایتمنز بر ذوق معرفت
حسن ایتدیکنی افاده ایتمشدر. انسان ایشته بودرلو مساعی ایله ادیب
اوله بیلیر .



کلدیکی کبی غدای معنویسی ده صحت فکریه سنه موافق اولمیدر.
بر طفل نوساله یالکمز سوت ویرلدیکی کبی هوسکاران ادب ده
ایلك مطالعه لرینی تکمل معنوی امرنده سوت قدر فائده لی
شیلره حصر ایتلیدر لر .

مظهر انتخاب اوله حق کتاب آز اولسه ده بائس یوقدر .
فائده سی مشکوک برچوق کتاب او قومقدن ایسه رهبر فکر
و وجدان اوله حق بر اثری برچوق کره لر او قومق البته اولادر .
نائیاً مطالعه بر کتابک صحیفه لرینی - قوه مفکره بسبتون
بشقه بر شمله مشغول اولدینی حالده - چو یروب طور مق دکلدر .
حق موضوعنه مبهم اوله رق کسب وقوف ایتک اوزره بر درجه
دقله او قومق ده دکلدر . او صورتده او قوملی که هیچ برکله معناسی
آ کلاشمق سزین کچله ملی . اون بش یکر می گله نک ایچنده معناسی
بیلنمین برکله یه قرینه ایله بر معنی ویر یایر . باقلم بو طوضریمیدر ؟
بویله معناسی تخمین ایله بولسان برکله یی صکره یا ککش استعمال
ایتمک مخاطره سی ده واردر . بر لغته ایلك تصادف اولدیمی ،
مطلقاً معناسی تحقیق ایتک لازمدر . مع هذا کلماتک معانیسی
تحقیق و تعیین ایتک ده کافی اولماز . جمله نک ، کلامک ، فقره نک ،
مطالعه اولنان شی نه ایسه اونک هیئت مجموعه سی آ کلاملی ،
بر منظره یی بر لوحه یه نقش ایدر کبی خاطره یه آلمیدر . او حالده که
« شو او قودینک ز شی نه ایدی ؟ » دینیلنجه مانی سراپا تقریر
ایده بیلیمیدر . بر صحیفه یی بو یولده مطالعه ایتک یوز صحیفه یی
کوزدن کچیرمکن ده فائده لیدر .

کوزل یازلمش اثرلری مطالعه ایتدکجه فکرلری سانحات علویه ایله
مالامال اولور و افاده افکاره اقتدارلری تزیاید ایلر .

ادبادن بر ذات مطالعه نك تقدیر و تفهیم فوائدی ایچون
یازدینی بر مقاله ده « نبات طوپراقدن حیات بولور ؛ صو ایله
طراوت و قوت کسب ایدر ؛ چبچکلرینی آچان ، میوه لرینی حال
کاله ایصال ایدن ده کونشدر . بر نورسته عرفان ایچون طوپراق ،
صو ، کونش هپ مطالعه در . » زمینده بیان افکار ایلیمشدر .
برفدانه اللطیف میوه لر یتشدر مکجه نه درجه استعداد اولورسه
اولسون طوپراق سز ، صوسز ، کونش سز نه محصول ویره بیلیر ؟

ادبلك همان جمله می اثر قلم بلاغت لری اوله رق لساندن لسانه
انتقال ایدن بدایع ادبی مطالعه سایه سنده وجوده کتیره شلردر .
او بدایع نظره اماندن کچیرلدکجه نفسده برانجذاب حاصل اولماق
ممکن دکلدر . انسان اوانجذاب ایله کندیسیده او یله برشی وجوده
کتیرمک آرزو سنده بولنور . نهایت تنظیره قالدیشیر . بویولده
موفق اولانلر نادر بولنور سنده هر حالده شوراسی محققدر که او
انجذاب ایله ، او هوس ایله دائرة اقتدار توسع ایتمش اولور .

آنجق مطالعه ده نظر دقتسه آله حق بعض احوال وادر :
حسن انتخاب شرط اولدر . مطالعه اولنسان اثرلر ، خصوصاً
زمان شبا بده ایلک او قونه حق اولانلر انسانك فکرنده منطبع
اولور . فکرده کوزل شیلر منطبع اولملی که کوزل شیلر وجوده
کلسون . « مطالعه انسانك غذای معنوی سیدر . » انسان غذای
مادیسنی صحت بدنیه سنه موافق صورتده انتخاب ایتمک لازم

مطالعه آثار

کوزل یازمق هرشیدن اول استعداد طبیعی به منوطدر .
 لیکن استعداد سعیه مقارن اولورسه رونق بولور، عکسی حالنده
 سوز، محو اولور . بردمیر پارچه سی طوپراق آلتنده قالدقجه
 نه اوله بیلیر ؟ برهنرور ایسه اونی سیف صارم یاپار . کوزل
 یازمه میانلرک ایچنده اک بیوک ادیبلر قدر مالک استعداد ایکن
 بواسطه انبساط ویرمدکری ایچون او درکده قلمش اولانلر
 یک چوقدر .

استعداد بیانه انبساط ویرمدک شیلرک برنجیسی مطالعهدر .
 فنون ادبیه تدرسنده کی لزوم درکار ایسه ده یالکیز بوتدرس ایله
 ادیب اولمق ممکن دکدر . ایی معمار اولمق ایستین قرق سنه
 تحصیل فن ایله اشتغال ایتمش اولسون ، بیوک معمارلرک اثر
 مهارتلی اولان ابنیه عالییه کی کورمدکجه مقصدینه واصل
 اوله ماز . بیوک ادیبلرک ، بیوک شاعرلرک آثار بدیهه سی ده
 هوسکاران ادب ایچون او ابنیه عالییه حکمندهدر . برفن معماری
 شاگردی آیاصوفیه ، سلیمانیه ، نورعثمانیه جامع شریفلری کی
 ذکاتک اک عالی طبقاتندن نمونه نمای معالی اولان بنالری کوردکجه
 معرفتمده وسعت بولور . کوزل یازمق ارزوسنده بولنانلرده

اقتطاف



برنجی قسم

منظوم و منشور الی قدر اثری حاویدر .

۱۳۲۰



طبع ثانی به درج ایدلمشیدی :

مکتب سلطانی همچون ترتیب و اوج قسمی نشر اولنش اولان
اشبو «اقتطاف» مجموعه منتخباتی اخیراً مکاتب اعدادیه همچون دخی
قبول بیورلدیغندن اولجه تصمیم اولنش اولدینی وجه ایله درت
قسم اولق اوزره دفعه ثانیه اوله رق طبعنه ابتدار اولنمشدر.
مندرجاتنده ممکن اولدینی قدر تدریجه ده از یاده رعایت مقصدیه
بودفعه بعض آثار قدیم و تأخیر و بعضاری دهها مناسب
کوریلنلرله تبدیل ایدلمش و ایضاح معنی یولنده لغت و نحوه عائد
فوائد و نهایتده کی مال نمونه لری تکثیر اولنمشدر.

فی ۱۵ جمادی الاخری ۱۳۱۸

دارالفنون شاهانه و مکتب سلطانی

ادبیات عثمانیه معلی

محمد عطا



ایچوندرکه « اقتطاف » اسمیله توسیم قانئمشدرد . لسانجه تزبید معلومات و افاده افکارجه توسیع اقتدار ایچون بومثللو انتخاب مجموعهرلینک نه قدر فائده آور اولدینی محتاج بیان دکلدر .

کتابده آثار عاجزانهدن برقاج مقالهیه تصادف اولنور . بونلرک برنجیسی « مطالعه آثار » عنوانلی مقالهدرکه فوائد مطالعهیی اراهه ایتک ایچون درجی مقتضی کورنمشدرد . دیگرلرندن صرف نظر اولنسه بلکه اولی اولوردی . لیکن - برقاج ورقپاره اوزرنده اولسون - ابقای نامه چالشحق بر آرزوی طبعیدرد . بوکا بشقه درلو موفق اولهمیان مقتطفک شووجه ایله ، یعنی پک قیمتسز اولان بر ایکی اثرینی آثار برکزیده آرمسنه قارشیدیرمق طریقله استحصال مقصده چالشحق معفو کورملک مأمولدر .

اقتطاف - خدمت ترتیبیه سی اعتباریله نه قدر ناچیز اولورسه اولسون - صاحبنه کوره شایان مفخرت اولمغله اقسام سائرمنکده اکمالی ایچون جناب رب مستعاندن استدعای موفقیت ایدر وهرزمان غایت خالصانه برصورتده تذکاریله تزین لسان ایلدیکمز دعای دوام عمر واجلال حضرت خلافتیناهی پی تکرار ایله ختم کلام ایلرم .

فی شهره جمادی الاولی ۱۳۱۳

مکتب سلطانی ادبیات عثمانیه معلی

محمد عطا

متعلمينك لغات كتابنه مراجعت ايتمى نىچاب ايده جي
ملاحظه اولسان كلمات هر اترك زيرنده استعمال اولندقلرى
موقع اعتباريله ايضاح و بعض فوائد لغويه و نحويه علاوه اولندينى
كبي منظومانك وزن و بحرلى كذلك زيرلرينه اشارت ايدلمشدر.
آنچق مثلاً بحر خفيفدن اولان بر منظومه ايچون :

« فعلاتن (فاعلاتن) مفاعلهن فعلن »

وزنى كوسترلمش اولوب بونك « برنجى جزء هم فعلاتن ، همده
فاعلاتن اوله بيلير » ديمك اولدينى اثنائ تعليمده ايضاح اولنه جنى
طبيعيدر .

اشبو قسم اولده نظمك اثره صورت تحويللى حقهنده بعض
تعريفات قيد و ذيل كتابه شاگردان طرفندن توسيع اولنق
اوزره يكرمى بش قدر مال نمونه لرى علاوه اولندينى كبي اقسام
آتيده دخى او يولده نمونه لر بولنديرلىق مصممدر .

اقتطاف ، منتسبين ادب طرفلرندن بر نمونه ادبيات اولمق
اوزره مطالعه اولنه بيلير . آنچق بر نمونه ايله اقتطاف آره سنده
شو فرق وارد كه بو ، نمونه ادبيات عثمانيه اولسه يدى
سائر لسانلرك ادبياتندن ترجمه صورتيله وجوده كمش اولان
اثرلردن انتخاب اولنماق لازم كليردى . آرزو ايدنلر اصللاريله
تطبيق ايدرك صورت ترجمه دن دخى مستفيد اولمق ايچون
اقتطافده آثار مترجمه نكده بولنديرلمسى تجويز اولندى .

مندرجاتى آثار اسلاف و معاصريندن اقتطاف اولندينى

طبع اولك مقدمه سی

عنوان معالی نشان حضرت ولی نعمت اعظمی به منسوبیتله
وایه دار افتخار بی غایت اولان مکتب سلطانیك اوچنجیدن
التنجی به قدر اولان صنفلرنده قرائت اولنق اوزره بر مجموعه
انتخاب ترتیبی جانب عالی مدیریتدن طرف عاجزانه مه حواله
بیورلمسینه بناء اوچنجی صنف ایچون بوقسم وجوده کیتیرلدیکی
کی دردنجی صنفه عائد اولان قسمك اکثر مندرجاتی انتخاب
واستحضار اولندیغی جهتله بلطفه الکریم هان اولنک ده طبعنه
ابتدار اولنه حق واقسام سائر پی در پی نشر ایدیله جکدر.


متعلمینك درجات تحصیلی ایله متناسب اولنق اوزره انتخابده
فکر واسلوبجه اك ساده اثرلردن باشلاسیله رق تدریجه رعایت
اولنق ایستندلشدور . بومقصدده تمامیله رعایت ایدیله مامش ایسه
لسانمزك شمدیکی حالنه موافق اولنق اوزره هرایکی معناسیله
ادیانندن عد اولنه حق آثارك خصوصاً غایت ساده یازلمش
اولانلری نه قدر آز اولدیغی دوشونلدیکی حالده بوبابده معذور
کوریلورم . مع هذا حسن انتخاب بر بیوک اقتداره موقوف اولدیغی
حالده مقتطف بو اقتداره مالك اولمدیغی اعتراف ایدر . ارباب
اقتدارك همیتله بودرلو انتخاب مجموعه لری تکثر ایتدیکی زمان البته
مقصدده دهها زیاده تقرب ایدلمش اولور .

PL
231
A75
1902




098496

اِقْطِافٌ




مکتب سلطانی ایدہ مطاب اعرابیدہ تدریسی اولئمقدمہ در


محمد عطا



سلاف و معاصرینک اک کوزل آثار منظومه و منشوره سندن ایکی یوز
قدربنی حاوی اوله رق درت قسم اوزرینه مرتب بمجوعه انتخابدر.
هر اترك زیرینه ایضاح معنی یولنده لغت و نحوه عائد فوائد
ملاوه و منظوماتک و زنلری اراشه اولنمش و هر قسمک
نهایتنه توسیع اولنه حق مألر درج ایدلمشدر.



(طبع ثالث)



معارف نظارت جلیله سنک و مطبوعات داخلیه مدیریت علیه سنک
رخصتیه طبع اولنمشدر.



استانبول

234.6684

PL
231
A75
1902

'Atā, Mehmed
İktitāf Tab. 3

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

